ऋग्वेद संहिता

। अथ प्रथमं मण्डलम् ।

। अथ प्रथमोऽष्टकः ।

(प्रथमोऽध्यायः ॥ वर्गाः 1-37)

(9)	1	(म.1, अनु.1)
ऋषिः ग	नधुच्छन्दाः वैश्वामित्रः छन्दः गायत्री	देवता अग्निः
άε	अग्निमीळे पुरोहितं युज्ञस्ये देवमृत्विजेम् । होतारं रत्नुधार्तमम्	1
	अग्निः पूर्वेभिर्ऋषिभिरीड्यो नूतर्नैरुत । स देवाँ एह वेक्षति	2
	अग्निनौ र्यिमेश्रवृत्पोषेमेव द्विवेदिवे । युशसं वीरवेत्तमम्	3
	अग्ने यं युज्ञमेध्वरं विश्वतः परिभूरसि । स इद्देवेषु गच्छति	4
	अग्निर्होतो कविक्रेतुः सृत्यश्चित्रश्रीवस्तमः । देवो देवेभिरा गेमत्	5
	यदुङ्ग दाशुषे त्वमग्ने भुद्रं केरिष्यसि । तवेत्तत्सृत्यमिङ्गरः	6
	उपं त्वाग्ने दिवेदिवे दोषावस्तर्धिया वयम् । नमो भरन्त एमसि	7
	राजेन्तमध्वराणां गोपामृतस्य दीदिविम् । वर्धमानुं स्वे दमे	8
	स नीः पितेवे सूनवेऽग्ने सूपायनो भेव । सर्चस्वा नाः स्वस्तये	9
(9)	2	(म.1, अनु.1)
ऋषिः ग	नधुच्छन्दाः वैश्वामित्रः छन्दः गायत्री देवता वायुः 1-3, इन्द्रवायू 4	-6, मित्रावरुणौ 7-9
	ायवा योहि दर्शतेमे सोमा अरंकृताः । तेषां पाहि श्रुधी हर्वम्	1
	ार्य उक्थेभिर्जरन्ते त्वामच्छी जरितारः । सुतसोमा अहुर्विदः	2
	ायो तर्व प्रपृञ्चती धेर्ना जिगाति दाशुषे । उरूची सोर्मपीतये	3
इ	न्द्रेवायू इमे सुता उप प्रयोभिरा गेतम् । इन्देवो वामुशन्ति हि	4
	ायुविन्द्रेश्च चेतथः सुतानां वाजिनीवसू । तावा योत्मुपं द्रवत्	5
ব	ायुविन्द्रेश्च सुन्वृत आ योत्मुपं निष्कृतम्। मुक्ष्वि १ त्था धिया नेरा	6
मि	नुत्रं हुवे पूतर्दक्षुं वर्रणं च रिशार्दसम् । धियं घृतार्ची सार्धन्ता	7

ऋग्वेद संहिता	(म.1, अनु.2, सू.4)
ऋतेन मित्रावरुणावृतावृधावृतस्पृशा । क्रतुं बृहन्तंमाशाथे	8
कुवी नो मित्रावर्रुणा तुविजाता उरुक्षयो । दक्षं दधाते अपसम्	9
(12)	(म.1, अनु.1)
ऋषिः मधुच्छन्दाः वैश्वामित्रः छन्दः गायत्री देवता अर्थि	धनौ 1-3, इन्द्रः 4-6,
विश्वे देवाः 7-9, सरस्वती 10-12	
अश्विना यज्वेरीरिषो द्रवत्पाणी शुर्भस्पती । पुरुभुजा चन्स्यतम्	1
अश्विना पुरुदंससा नरा शवीरया धिया । धिष्ण्या वर्नतं गिरः	2
दस्री युवाकेवः सुता नासेत्या वृक्तबेहिषः । आ यतिं रुद्रवर्तनी	3
इन्द्रा याहि चित्रभानो सुता इमे त्वायर्वः । अण्वीभिस्तना पूतासीः	4
इन्द्रा याहि धियेषितो विप्रेजूतः सुतावेतः । उप ब्रह्मणि वाघतः	5
इन्द्रा याहि तूर्तुजान् उप ब्रह्माणि हरिवः । सुते देधिष्व नुश्चनेः	6
ओमसिश्चर्षणीधृतो विश्वे देवास् आर्गत । द्राश्वांसो दुाशुर्षः सुतम्	7
विश्वे देवासो अप्तुरः सुतमा गेन्त् तूर्णयः । उस्रा ईव् स्वसराणि	8
विश्वे देवासो अस्त्रिध् एहिमायासो अद्रुहेः । मेधं जुषन्त् वह्नेयः	9
पावका नः सरस्वती वाजेभिर्वाजिनीवती । युज्ञं वेष्टु धियावसुः	10
चोद्रियत्री सूनृतानां चेतन्ती सुमतीनाम् । यज्ञं देधे सरस्वती	11
मुहो अर्णुः सरस्वती प्र चेतयित केतुना । धियो विश्वा वि राजिति	12
(10) 4	(म.1,अनु.2)
ऋषिः मधुच्छन्दाः वैश्वामित्रः छन्दः गायत्री	देवता इन्द्रः
सुरूपुकृतुमूतये सुदुर्घामिव गोदुहे । जुहूमिस द्यविद्यवि	1
उपे नुः सर्वेना गिहु सोमस्य सोमपाः पिब। गोदा इद्वेवतो मर्दः	2
अर्था ते अन्तेमानां विद्यामे सुमतीनाम् । मा नो अति ख्य आ र्गा	
परेहि विग्रमस्तृतुमिन्द्रं पृच्छा विपृश्चितम् । यस्ते सर्खिभ्य आ वरम्	4
उत ब्रुवन्तु नो निदो निर्न्यतिश्चिदारत । दर्धाना इन्द्र इद्ववः	5
उत नेः सुभगाँ अरिर्वोचेयुर्दस्म कृष्टयः । स्यामेदिन्द्रस्य शर्मणि	6

ऋग्वे	द संहिता		(म.1, अनु.2, सू.6)
	एमाशुमाशवे भर यज्ञिश्रयं नृमादेनम्	। पुत्यन्मन्दुयत्संखम्	7
	अस्य पीत्वा शतक्रतो घनो वृत्राणीमभवः	। प्रावो वाजेषु वाजिने	म् ॥ ॥
	तं त्वा वाजेषु वाजिनं वाजयोमः शतक्रतो	। धर्नानामिन्द्र सातये	9
	यो रायोर्वेवनिर्म्हान्त्सुपारः सुन्वतः सखी	। तस्मा इन्द्रीय गायत	10
(10)	5		(म.1, अनु.2)
ऋषि	ाः मधुच्छन्दाः वैश्वामित्रः छन्दः गाय	मत्री	देवता इन्द्रः
	आ त्वेता निषींदुतेन्द्रम्भि प्र गयित	। सर्खायः स्तोमेवाहस	1 1
	पुरूतमं पुरूणामीशनिं वार्याणाम्	। इन्द्रं सोमे सर्चा सुते	2
	स घी नो योग अ भुवत्स राये स पुरंध्याम्	। गम्द्वाजेभिरा स नीः	3
	यस्य संस्थे न वृण्वते हरी समत्सु शत्रेवः	। तस्मा इन्द्रीय गायत	4
	सुतपान्ने सुता इमे शुचेयो यन्ति वीतये	। सोमस्मि दध्यशिरः	5
	त्वं सुतस्यं पीतयं सुद्यो वृद्धो अंजायथाः	। इन्द्र ज्यैष्ठ्याय सुक्रत	1 6
	आ त्वौ विशन्त्वाशवः सोमीस इन्द्र गिर्वणः		7
	त्वां स्तोमा अवीवृध्नन्त्वामुक्था शतक्रतो	। त्वां वर्धन्तु नो गिरीः	8
	अक्षितोतिः सनेदिमं वाजुमिन्द्रीः सहस्रिणेम्	। यस्मिन्वश्वीनि पौंस्य	1 9
	मा नो मर्ता अभिद्रुहन्तुनूनीमिन्द्र गिर्वणः	। ईशानो यवया वृधम्	10
(10)	6		(म.1, अनु.2)
ऋषि	ाः मधुच्छन्दाः वैश्वामित्रः छन्दः गायत्री देवता इन्द्रः	: 1-3,10, मरुतः 4,6,8-	9, मरुतः इन्द्रः च 5,7
	युञ्जन्ति ब्रधमरुषं चरन्तं परितस्थुषः	। रोचेन्ते रोचना दिवि	1
	युञ्जन्त्येस्य काम्या हर्रो विपेक्षसा रथे	। शोणां धृष्णू नृवाहंस	T 2
	केतुं कृण्वन्नकेतवे पेशो मर्या अपेशसे	। समुषद्भिरजायथाः	3
	आदर्ह स्वधामनु पुनेर्गर्भत्वमेरिरे	। दधाना नाम यज्ञियम्	[4
	वीळु चिदारुज्लुभिर्गुहा चिदिन्द्र विह्निभिः	। अविन्द उस्रिया अनु	5
	देवयन्तो यथा मृतिमच्छा विदर्क्षसुं गिराः	। मृहामनूषत श्रुतम्	6

इन्द्रेण सं हि दक्षेसे संजग्मानो अबिभ्युषा । मुन्दू संमानवर्चसा ॥ ७ ॥ अन्वद्यैर्भिद्युभिर्मुखः सहंस्वदर्चति । गुणैरिन्द्रेस्य काम्यैः ॥ ८ ॥ ८ अतः परिज्मन्ना गिह दिवो वा रोचनादिधे । समस्मिन्नृञ्जते गिरः ॥ ७ ॥ इतो वा सातिमीमहे दिवो वा पार्थिवादिधे । इन्द्रं महो वा रजसः ॥ 10 ॥ (10) ७ ७ (म.1, अनु.2) ऋषिः मधुच्छन्दाः वैश्वामित्रः छन्दः गायत्री देवता इन्द्रः इद्धर्योः सचा संमिश्च आ वचोयुजां । इन्द्रं वाणीरनूषत ॥ 1 ॥ इन्द्रं इद्धर्योः सचा संमिश्च आ वचोयुजां । इन्द्रों वज्री हिर्ण्ययः ॥ 2 ॥ इन्द्रों दीर्घाय् चक्षेस् आ सूर्यं रोहयद्विव । वि गोभि्रद्रिमैरयत् ॥ 3 ॥
अन्वद्यौर्भिर्मुभिर्मुखः सहस्वदर्चति । गुणैरिन्द्रेस्य काम्यौः ॥ ८ ॥ अतः परिज्मुन्ना गीह दिवो वा रोचनादिधे । समिस्मिन्नृञ्जते गिरेः ॥ ९ ॥ इतो वा सातिमीमहे दिवो वा पार्थिवादिधे । इन्द्रं महो वा रजसः ॥ 10 ॥ (10) 7 (म.1, अनु.2) ऋषः मधुच्छन्दाः वैश्वामित्रः छन्दः गायत्री देवता इन्द्रः इद्धर्योः सचा संमिश्ह आ वेचोयुजा । इन्द्रं वाणीरनूषत ॥ 1 ॥ इन्द्र इद्धर्योः सचा संमिश्ह आ वेचोयुजा । इन्द्रो वज्री हिर्ण्यर्यः ॥ 2 ॥
अतः परिज्मुन्ना गिह दिवो वा रोचनादिधं । समिस्मिन्नृञ्जते गिरः ॥ १ ॥ इतो वा साितमीमहे दिवो वा पार्थिवादिधं । इन्द्रं महो वा रजसः ॥ 10 ॥ (10) 7 (म.1, अनु.2) ऋषः मधुच्छन्दाः वैश्वामित्रः छन्दः गायत्री देवता इन्द्रः इन्द्रमिद्गाथिनो बृहदिन्द्रम्केभिर्राकणः । इन्द्रं वाणीरनूषत ॥ 1 ॥ इन्द्र इद्धर्योः सचा संमिश्ह आ वेचोयुजां । इन्द्रो वज्री हिर्ण्ययः ॥ 2 ॥
 इतो वा साितमीमहे दिवा वा पार्थिवादिध । इन्द्रं महो वा रजसः ॥ 10 ॥ (10) 7 (म.1, अनु.2) ऋषिः मधुच्छन्दाः वैश्वामित्रः छन्दः गायत्री देवता इन्द्रः इन्द्रमिद्गाथिनो बृहदिन्द्रमर्केभिर्र्य्वणः । इन्द्रं वाणीरनूषत ॥ 1 ॥ इन्द्र इद्धर्योः सचा संमिश्ह आ वेचोयुजा । इन्द्रो वज्री हिर्ण्ययः ॥ 2 ॥
(10) 7 (म.1, अनु.2) ऋषिः मधुच्छन्दाः वैश्वामित्रः छन्दः गायत्री देवता इन्द्रः इन्द्रमिद्वाथिनो बृहदिन्द्रम्केभिर्र्यकणः । इन्द्रं वाणीरनूषत ॥ 1 ॥ इन्द्र इद्धर्योः सचा संमिश्लु आ वेचोयुजा । इन्द्रो वज्री हिर्ण्ययः ॥ 2 ॥
ऋषिः मधुच्छन्दाः वैश्वामित्रः छन्दः गायत्री देवता इन्द्रः इन्द्रमिद्गाथिनो बृहदिन्द्रम्केभिर्र्यकणाः । इन्द्रं वाणीरनूषत ॥ 1 ॥ इन्द्र इद्धर्योः सचा संमिश्ह आ वेचोयुजा । इन्द्रो वज्री हिर्ण्ययः ॥ 2 ॥
इन्द्रिमद्गाथिनों बृहिदन्द्रम्केभिर्राकणाः । इन्द्रं वाणीरनूषत ॥ 1 ॥ इन्द्र इद्धर्योः सचा संमिश्ह आ वेचोयुजां । इन्द्रों वज्री हिर्ण्ययः ॥ 2 ॥
इन्द्र इद्धर्योः सचा संमिश्छ आ वेचोयुजी । इन्द्रौ वुज्री हिर्ण्ययः ॥ 2 ॥
· · · · · · · · · · · · · · · · · · ·
इन्द्रो दीर्घाय चक्षस् आ सूर्यं रोहयद्दिवि । वि गोभि्रद्रिमैरयत् ॥ 3 ॥
इन्द्र वाजेषु नोऽव स्हस्रप्रधनेषु च । उग्र उग्राभिरूतिभिः ॥ 4 ॥
इन्द्रं व्यं मेहाध्न इन्द्रमभें हवामहे । युजं वृत्रेषु वृज्रिणम् ॥ 5 ॥
स नो' वृषन्नुमुं चुरुं सत्रादावृत्रपावृधि । अस्मभ्यमप्रीतष्कुतः ॥ ७ ॥
तुञ्जेतुञ्जे य उत्तरे स्तोमा इन्द्रस्य वृज्जिणीः । न विन्धे अस्य सुष्टुतिम् ॥ ७ ॥
वृषा यूथेव वंसीगः कृष्टीरियर्त्योजीसा । ईशानाे अप्रतिष्कुतः ॥ ८ ॥
य एकेश्चर्षणीनां वसूनामिर्ज्यति । इन्द्रः पञ्च क्षितीनाम् ॥ १ ॥
इन्द्रं वो विश्वतस्परि हर्वामहे जनेभ्यः । अस्मार्कमस्तु केवेलः ॥ 10 ॥
(10) 8 (म.1, अनु.3)
ऋषिः मधुच्छन्दाः वैश्वामित्रः छन्दः गायत्री देवता इन्द्रः
एन्द्रे सानुसिं रुयिं सुजित्वनिं सदासहम् । वर्षिष्ठमूतये भर ॥ 1 ॥
नि येने मुष्टिहृत्यया नि वृत्रा रुणधीमहै । त्वोतासो न्यर्वीता ॥ 2 ॥
इन्द्र त्वोतास आ वयं वर्जं घुना देदीमहि । जयेम् सं युधि स्पृधः ॥ 3 ॥
वयं शूरेभिरस्तृभिरिन्द्र त्वयां युजा वयम् । सासुह्यामं पृतन्यतः ॥ ४ ॥
मुहाँ इन्द्रीः पुरश्च नु मिहित्वमेस्तु वुज्रिणे । द्यौर्न प्रिथिना शर्वः ॥ 5 ॥
सुमोहे वा य आशेत् नरस्तोकस्य सनितौ । विप्रसो वा धियायवः ॥ ६ ॥

ऋग्वेद संहिता	(म.1	, अनु.3, सू.10)
यः कुक्षिः सो'मुपातमः समुद्रईव पिन्वते	। उुर्वीरापो न काकुदः	7
पुवा ह्यस्य सूनृता विरुष्शो गोर्मती मुही	° । पुका शाखा न दाशुषे	8
एवा हि ते विभूतय ऊतय इन्द्र मार्वते	। स <u>ु</u> द्यश्चित्सन्ति दाशुषे	9
एवा ह्यस्य काम्या स्तोमे उक्थं च शंस्यी	। इन्द्रीय सोमीपीतये	10
(10) 9		(म.1, अनु.3)
ऋषिः मधुच्छन्दाः वैश्वामित्रः छन्दः गा	यत्री	देवता इन्द्रः
इन्द्रेहि मत्स्यन्थंसो विश्वेभिः सोम्पर्वंभिः	। मृहाँ अभिृष्टिरोजसा	1
एमेनं सृजता सुते मुन्दिमिन्द्रीय मुन्दिने	। चक्रिं विश्वानि चक्रये	2
मत्स्वा सुशिप्र मन्दिभिः स्तोमेभिर्विश्वचर्षण	ो । सचैषु सर्वनेष्वा	3
असृ॑ग्रमिन्द्र ते गिर्ः प्रति त्वामुद॑हासत	। अजोषा वृष्भं पतिम्	4
सं चौदय चित्रमुर्वाग्राधं इन्द्र वरेण्यम्	। अस्दित्ते विभु प्रभु	5
अस्मान्त्सु तत्रं चोदुयेन्द्रं राये रभस्वतः	। तुर्विद्युम्न यशस्वतः	6
सं गोर्मदिन्द्र वार्जवदुस्मे पृथु श्रवो बृहत्	। विश्वायुर्धेह्यक्षितम्	7
अस्मे धेहि श्रवो बृहद्द्युम्नं सेहस्रुसार्तमम्	। इन्द्र ता रिथनीरिषः	8
वस्रोरिन्द्रं वसुपितं गीर्भिर्गृणन्तं ऋग्मियेम्	। होम् गन्तरिमूतये	9
सुतेसुते न्योकसे बृहद्वृहत एदरिः	। इन्द्रीय शूषमेर्चिति	10
(12) 10		(म.1, अनु.3)
ऋषिः मधुच्छन्दाः वैश्वामित्रः छन्दः अ	नुष्टुप्	देवता इन्द्रः
गायन्ति त्वा गायुत्रिणोऽचीन्त्युर्कमुर्किणः । ब्रुह्मा	ाणस्त्वा शतक्र <u>त</u> उद्वंशमिव	येमिरे ॥ 1 ॥
	न्द्रो अर्थं चेतति यूथेने वृष्णि	
-	[†] न इन्द्र सोमपा ग <u>ि</u> रामुपेश्रुवि	
-	च यो वसो सचेन्ये सर्च च	नर्धम ॥ 4 ॥

एहि स्तोमाँ अभिस्वराभि गृणीह्या रुव उक्थिमन्द्रीय शंस्यं वर्धनं पुरुनिष्विधे तमित्सिखित्व ईमहे तं राये तं सुवीर्ये

। ब्रह्म च नो वसो सचेन्द्र युज्ञं च वर्धय || 4 || । शुक्रो यथा सुतेषु णो रारणेत्सुख्येषु च | 5 | । स शुक्र उत नीः शकुदिन्द्रो वसु दर्यमानः | 6 |

सुविवृतं सुनिरज्मिन्द्र त्वादित्मिद्यशः । गवामपे व्रजं वृधि कृणुष्व राधौ अद्रिवः | 7 | नृहि त्वा रोदेसी उभे ऋघायमाण्मिन्वतः । जेषुः स्वर्वतीरुपः सं गा अस्मभ्यं धूनुहि | 8 | आश्रुत्कर्ण श्रुधी हवं नूचिद्दधिष्व मे गिर्रः । इन्द्र स्तोमीम्मं मर्म कृष्वा युजश्चिदन्तरम् || 9 || विद्या हि त्वा वृषेन्तम्ं वाजेषु हवनुश्रुतम् । वृषेन्तमस्य हूमह ऊतिं सहस्रुसातेमाम् **| 10 |**| आ तू ने इन्द्र कौशिक मन्दसानः सुतं पिब। नव्यमायुः प्र सू तिर कृधी संहस्रसामृषिम् ॥ 11 ॥ परि त्वा गिर्वणो गिरे इमा भेवन्तु विश्वतः। वृद्धायुमनु वृद्धयो जुष्टौ भवन्तु जुष्टयः | 12 | 11 (8)(म.1, अनु. 3) ऋषिः जेता माधुच्छन्दसः देवता इन्द्रः छन्दः अनुष्टुप्

इन्द्रं विश्वां अवीवृधन्त्समुद्रव्यंचस्ं गिरीः सुख्ये ते इन्द्र वाजिनो मा भेम शवसस्पते । त्वामुभि प्रणौनुमो जेतारुमपराजितम् पूर्वीरिन्द्रेस्य रातयो न वि देस्यन्त्यूतयीः पुरां भिन्दुर्युवी कविरमितौजा अजायत त्वं वलस्य गोमतोऽपविरद्रिवो बिलम् तवाहं शूर रातिभिः प्रत्ययं सिन्धुमावदेन् । उपतिष्ठन्त गिर्वणो विदुष्टे तस्ये कारवेः मायाभिरिन्द्र मायिनं त्वं शृष्णमवीतिरः इन्द्रमीशनिमोर्जसाभि स्तोमो अनुषत

। रुथीतमं रुथीनां वाजीनां सत्पतिं पतिम् \parallel 1 \parallel || 2 ||

|यदी वार्जस्य गोर्मतः स्तोतृभ्यो मंहते मुघम् ॥ 3 ॥

। इन्द्रो विश्वस्य कर्मणो धर्ता वुज्री पुरुष्टुतः || 4 ||

। त्वां देवा अबिभ्युषस्तुज्यमीनास आविषुः | 5 |

| 6 |

। विदुष्टे तस्य मेधिरास्तेषां श्रवांस्यतिर | 7 |

। सहस्रं यस्ये रातये उत वा सन्ति भूयेसीः

12 (12)(म.1, अनु.4) छन्दः गायत्री ऋषिः मेधातिथिः काण्वः देवता अग्निः

अग्निं दूतं वृणीमहे होतारं विश्ववेदसम् । अस्य यज्ञस्यं सुक्रतुम् $\parallel \mathbf{1} \parallel$ अग्निमिग्निं हवीमिभः सदौ हवन्त विश्पितम् । ह्व्यवाहं पुरुप्रियम् | 2 | अग्ने देवाँ इहावेह जज्ञानो वृक्तबेर्हिषे । असि होता न ईड्यः | 3 | ताँ उशातो वि बोधय यदेग्रे यासि दूत्यम् । देवैरासत्सि बर्हिषि || 4 || घृताहवन दीदिवुः प्रति ष्म रिषेतो दह । अग्ने त्वं रेक्षस्विनीः | 5 | अग्निनाग्निः समिध्यते क्विगृहपति्युवी । हुव्यवाड् जुह्नस्यः || 6 ||

अवं सजा वनस्पते देवं देवेभ्यों हुविः । प्र दातुरस्तु चेतेनम्

स्वाहां युज्ञं कृणोत्नेन्द्राय यज्वेनो गृहे । तत्रं देवाँ उप ह्वये

। अस्माकंमस्तु केवेलः

| 10 ||

| 11 |

| 12 |

इह त्वष्टरिमग्रियं विश्वरूप्मुपं ह्वये

(म.1, अनु. 4)

|| 8 || || 9 ||

<u>` '</u>			· / 3 /
ऋषिः मेधातिथिः काण्वः	छन्दः गा	यत्री	देवता विश्वे देवाः
े ऐभिरग्ने दुवो गिरो विः	 श्वेभिः सोमपीतये	। देवेभियांहि यक्षि च	1
		ार्यः। <u>दे</u> वेभिरग्न आ गीह	2
इन्द्रवायू बृहस्पतिं मित्र	गाग्निं पूषण <u>ं</u> भर्गम्	। आदित्यान्मार्रुतं गुणम्	3
प्र वो भ्रियन्त इन्देवो		। द्रप्सा मध्वेश्चमूषदेः	4
ईळेते त्वामेवस्यवः क	ज्यासो वृक्तबीर्हषः	। <u>ह</u> विष्मन्तो अ <u>र</u> ंकृतः	5
घृतपृष्ठा मन्रोयुज्रो ये त	चा वहन्ति वह्नयः	। आ देवान्त्सोमपीतये	6
तान्यजेत्राँ ऋतावृधोऽः	ग्रे पत्नीवतस्कृधि	। मध्वः सुजिह्न पायय	7
ये यजेत्रा य ईड्यास्ते	•	। मधौरग्ने वर्षद्भृति	8
आकीं सूर्यस्य रोचुना	द्विश्वन्दिवाँ उष्वर्बुधः	। विप्रो होतेह वेक्षति	9
विश्वेभिः सोम्यं मध्वर	•	। पिबा मि्त्रस्य धामभिः	10
त्वं होता मर्नुर्हितोऽग्ने [।] युज्ञेषु सीदसि		। सेमं नौ अध्वरं येज	11
युक्ष्वा ह्यर्रुषो रथे हुरि	तो देव <u>रो</u> हितः	। ताभिर्देवाँ इहा वह	12
(12)	15		(म.1, अनु. 4,)
ऋषिः मेधातिथिः काण्वः	छन्दः गायत्री दे	रेवता इन्द्रः 1,5, मरुतः 2, त्वष्ट	प्र 3, अग्निः 4,12,
ि	मेत्रावरुणौ 6, द्रविणोदाः	7-10, अश्विनौ 11	
इन्द्र सोमं पिब ऋतुना	ा त्वो विश <u>्</u> चन्त्वन्देवः	। मृत्सरास्सतदौकसः	1
मरुतः पिबेत ऋतुनी		। यूयं हि ष्ठा सुंदानवः	2
अभि युज्ञं गृणीहि नो	ग्रावो नेष्टुः पिबं ऋत्	_	3
अग्ने देवा इहा वेह सा		। परि भूष पिब ऋतुना	4
	दया योनिषु त्रिषु	। परि भूष पिबे ऋतुनी	
ब्राह्मणादिन्द्र रार्धसुः वि	दया योनिषु त्रिषु पेबा सोमीमृतूँरनी	। परि भूष पिबं ऋतुनी । तवेद्धि सुख्यमस्तृतम्	4
	दया योनिषु त्रिषु पेबा सोमेमृतूँरन् विरुण दूळभेम्	। परि भूष पिबे ऋतुनी	4 5

द्रविणोदा देदातु नो वसूनि यानि शृण्विरे द्रविणोदाः पिपीषति जुहोत् प्र चे तिष्ठत

। देवेषु ता वनामहे । नेष्ट्रादृतुभिरिष्यत

ऋग्वे	द संहिता	(म.1	, अनु.5, सू.17)
	यत्त्वा तुरीयमृतुभिद्रविणोदो यजामहे	। अर्ध स्मा नो दुदिर्भव	10
	अश्विना पिबतं मधु दीद्यग्री शुचिव्रता	। ऋतुना यज्ञवाहसा	11
	गार्हपत्येन सन्त्य ऋतुनी यज्ञनीरीस	। देवान्देवयते येज	12
(9)	•	6	(म.1, अनु. 4)
ऋषि	ाः मेधातिथिः काण्वः छन्दः	गायत्री	देवता इन्द्रः
	आ त्वां वहन्तु हरयो वृषंणं सोमंपीतये	। इन्द्रे त्वा सूरचक्षसः	1
	<u>इ</u> मा धाना घृत्रसुवो हरी <u>इ</u> होपेवक्षतः	। इन्द्रं सुखर्तमे रथे	2
	इन्द्रं प्रातहीवामह् इन्द्रं प्रयुत्यध्वरे	। इन्द्रं सोमस्य पीतये	3
	उप नः सुतमा गिहु हरिभिरिन्द्र केशिभिः	। सुते हि त्वा हर्वामहे	4
	सेमं नुः स्तोमुमा गृह्युपेदं सर्वनं सुतम्	। गौरो न तृषितः पिब	5
	इमे सोमास इन्देवः सुतास्रो अधि बुर्हिषि	। ताँ ईन्द्र सहसे पिब	6
	अयं ते स्तोमो अग्रियो हिद्स्पृगेस्तु शंती	नः । अथा सोमं [।] सुतं पिब	7
	विश्वमित्सर्वनं सुतमिन्द्रो मदीय गच्छति	। वृत्रुहा सोमेपीतये	8
	सेमं नः काममा पृण गोभिरश्वैः शतक्रते	ो । स्तर्वाम त्वा स्वाध्यः	9
(9)	1	7	(म.1, अनु. 4)
ऋषि	ाः मेधातिथिः काण्वः छन्दः गायत्री 1-3,6	5-9, पादनिचृत् 4 -5	देवता इन्द्रावरुणौ
	इन्द्रावर्रुणयोर्हं समाजोरव् आ वृणे	। ता नो मृळात ई्रहशे	1
	गन्तारा हि स्थोऽवसे हवं विप्रस्य मार्वतः	ः । धुर्तारा चर्षणीनाम्	2
	अनुकामं तेर्पयेथामिन्द्रविरुण राय आ	। ता वां नेदिष्ठमीमहे	3
	युवाकु हि शचीनां युवाकुं सुमतीनाम्	। भूयामे वाजुदाव्रीम्	4
	इन्द्रीः सहस्रदाव्यां वर्रुणाः शंस्यीनाम्	। क्रतुर्भवत्युक्थ्यः	5
	तयोरिदवंसा वयं सुनेमु नि चं धीमहि	। स्यादुत प्ररेचेनम्	6
		_	
	इन्द्रीवरुण वाम्हं हुवे चित्राय राधसे	। अस्मान्त्सु जि्ग्युषेस्कृतम्	[7
	इन्द्रीवरुण वाम्हं हुवे चित्राय राधेसे इन्द्रीवरुण नू नु वां सिषासन्तीषु धीष्वा	। अस्मान्त्सु जि्ग्युषेस्कृतम् । अस्मभ्यं शर्मं यच्छतम्	7 8

(9)		18		(म.1, अनु. 5)
	ः मेधातिथिः काण्वः	छन्दः गायर्त्र		स्पितिः 1-3 ब्रह्मणस्पितिः
इन्द्र	ः सोमः च 4, ब्रह्मणस्पतिः दक्षिणा इन्द्र	: सोमः च 5 ,	सदसस्पतिः 6-8, सद	सस्पतिः नराशंसः वा 9
	सोमानं स्वरंणं कृणुहि ब्रह्मणस्पत		कक्षीवन्तं य औशि	
	यो रेवान्यो अमीवृहा वसुवित्पृष्टि	वर्धनः ।	स नी सिषकु यस्तु	रः ॥ 2 ॥
	मा नः शंसो अरेरुषो धूर्तिः प्रण्ड	श्चर्त्यस्य ।	रक्षां णो ब्रह्मणस्पते	3
	स घा वीरो न रिष्यति यमिन्द्रो इ	ग्रह्मण <u>ु</u> स्पतिः ।	सोमों हिनोति मर्त्य	म् ॥ ४ ॥
	त्वं तं ब्रह्मणस्पते सोम् इन्द्रेश्च म	र्त्यम् ।	दक्षिणा पात्वंहसः	5
	सदेसस्पित्मद्भृतं प्रियमिन्द्रस्य क	ाम्येम् ।	सुनिं मेधामयासिषम	Į 6
	यस्मीट्रते न सिध्यीत युज्ञो विपृश्चि	ध्रतेश्चन ।	स धीनां योगीमन्वि	ते ॥ ७ ॥
	आर्रध्नोति ह्विष्कृतिं प्राञ्चं कृणोत	यध्वरम् ।	होत्रा देवेषु गच्छति	8
	नराशंसं सुधृष्टेम्मपेश्यं स्प्रथस्तर	नम् ।	दिवो न सद्ममखसग	T 9
(9)		19		(म.1, अनु. 5)
	ः मेधातिथिः काण्वः	19 छन्दः गायर्त्र	ì	(म.1, अनु. 5) देवता अग्निः मरुतः च
	ः मेधातिथिः काण्वः प्रति त्यं चार्रमध्वरं गोपीथाय प्र	छन्दः गायत्रं	ो मुरुद्धिरग्रु आ गीह	
		छन्दः गायर्त्र हूयसे ।		देवता अग्निः मरुतः च
	प्रति त्यं चार्रमध्वरं गोपीथाय प्र	छन्दः गायत्रं हूयसे । पुरः ।	मुरुद्धिरग्नु आ गीह	देवता अग्निः मरुतः च
	प्रति त्यं चारुमध्वरं गोपीथाय प्र निहि देवो न मत्यों महस्तव क्रतुं	छन्दः गायत्रं हूयसे । पुरः । अद्भुहीः ।	मुरुद्धिरग्न आ गीह मुरुद्धिरग्न आ गीह	देवता अग्निः मरुतः च 1 2
	प्रति त्यं चारुमध्वरं गोपीथाय प्र निहि देवो न मत्यों महस्तव क्रतुं ये महो रजसो विदुर्विश्वे देवासो	छन्दः गायत्रं हूयसे । पुरः । अद्भुहीः । जीसा ।	मुरुद्धिरग्न आ गिह मुरुद्धिरग्न आ गिहि मुरुद्धिरग्न आ गिहि	देवता अग्निः मरुतः च 1 2 3
	प्रति त्यं चारुमध्वरं गोपीथाय प्र निह देवो न मत्यों महस्तव क्रतुं ये महो रजसो विदुर्विश्वे देवासो य उग्रा अर्कमीनृचुरनीधृष्टास ओ	छन्दः गायत्रं हूंयसे । पुरः । अद्भुहेः । जेसा । शादेसः ।	म्रुह्मिरग्न आ गिहि म्रुह्मिरग्न आ गिहि म्रुह्मिरग्न आ गिहि म्रुह्मिरग्न आ गिहि	देवता अग्निः मरुतः च 1 2 3 4
	प्रति त्यं चारुमध्वरं गोपीथाय प्र निह देवो न मत्यों महस्तव क्रतुं ये महो रजसो विदुर्विश्वे देवासो य उग्रा अर्कमीनृचुरनीधृष्टास ओ ये शुभ्रा घोरवेर्पसः सुक्षत्रासो रिश	छन्दः गायत्रं हूयसे । पुरः । अद्भुहेः । जेसा । शादेसः । 1 आसेते ।	म्रुद्धिरग्न आ गीह म्रुद्धिरग्न आ गीह म्रुद्धिरग्न आ गीह म्रुद्धिरग्न आ गीह म्रुद्धिरग्न आ गीह म्रुद्धिरग्न आ गीह म्रुद्धिरग्न आ गीह	देवता अग्निः मरुतः च 1 2 3 4 5
	प्रति त्यं चारुमध्वरं गोपीथाय प्र निह देवो न मत्यों महस्तव क्रतुं ये महो रजसो विदुर्विश्वे देवासो य उग्रा अर्कमानृचुरनाधृष्टास ओ ये शुभ्रा घोरवेर्पसः सुक्षत्रासो रिष् ये नाकुस्याधि रोचने दिवि देवास्	छन्दः गायत्रं हूयसे । पुरः । अद्भुह्यः । जसा । रादिसः । ! आसति । !र्ण्वम् ।	म्रुद्धिरग्न आ गीह म्रुद्धिरग्न आ गीह म्रुद्धिरग्न आ गीह म्रुद्धिरग्न आ गीह म्रुद्धिरग्न आ गीह म्रुद्धिरग्न आ गीह म्रुद्धिरग्न आ गीह	देवता अग्निः मरुतः च 1 2 3 4 5 6
	प्रति त्यं चारुमध्वरं गोपीथाय प्र निह देवो न मत्यों महस्तव क्रतुं ये महो रजसो विदुर्विश्वें देवासों य उग्रा अर्कमानृचुरनाधृष्टास ओ ये शुभ्रा घोरवर्षसः सुक्षत्रासों रिष् ये नाक्स्याधि रोचने दिवि देवास् य ईङ्खयन्ति पर्वतान् तिरः संमुद्रम	छन्दः गायत्रं हूयसे । पुरः । अद्भुहेः । जसा । रादिसः । पु आसते । पुंवम् । मुद्रमोजसा ।	म्रुद्धिरग्न आ गहि म्रुद्धिरग्न आ गहि	देवता अग्निः मरुतः च 1 2 3 4 5 6 7

(द्वितीयोऽध्यायः ॥ वर्गाः 1-38)

(8)	20	(म.1, अनु .5)
ऋषिः मेधातिथिः काण्वः	छन्दः गायत्री	देवता ऋभवः
अयं देवाय जन्मेने स्तोमो विप्रेभिरासया य इन्द्रीय वचोयुजी तत्क्षुर्मनेसा हरी	। अकोरि रत्नुधार्तमः । शमीभिर्युज्ञमोशत	1 2
तक्षुन्नासेत्याभ्यां परिज्मानं सुखं रथेम्	। तक्षेन्धेनुं संबर्दुघाम्	3
युवीना पितरा पुनेः सत्यमेन्त्रा ऋजूयवेः	। ऋभवो विष्टयेक्रत	4
सं वो मदस्तो अग्मतेन्द्रेण च म्रुरुत्वेता	। आदित्येभिश्च राजीभः	5
उत त्यं चमुसं नवं त्वष्टुर्देवस्य निष्कृतम्	`	6
ते नो रत्नीनि धत्तन् त्रिरा साप्तानि सुन्वते		7
अधारयन्त् वह्नयोऽभजन्त सुकृत्यया	। भागं देवेषु यज्ञियम्	8
(6)	21	(म.1, अनु.5)
ऋषिः मेधातिथिः काण्वः	छन्दः गायत्री	देवता इन्द्राग्नी
इहेन्द्राग्नी उप ह्रये तयोरित्स्तोमीमुश्मसि	। ता सोमं सोमुपार्तमा	1
ता युज्ञेषु प्र शंसतेन्द्राग्नी शुम्भता नरः	। ता गयित्रेषु गायत	2
ता मित्रस्य प्रशस्तय इन्द्राग्नी ता हैवामहे	। सोमुपा सोमपीतये	3
उग्रा सन्तो हवामह् उपेदं सर्वनं सुतम् ता मुहान्ता सदस्पती इन्द्रीग्नी रक्षे उब्जत	। <u>इ</u> न्द्राग्नी एह गच्छताम् म् । अप्रजाः सन्त्वृत्रिणीः	4
ता मुहान्ता सदस्यता इन्द्राग्ना रक्ष उज्जत तेन सुत्येन जागृतुमधि प्रचेतुने पुदे	। इन्द्रांग्री शर्म यच्छतम्	5 6
(21)	22	(म. 1 , अनु. 5)
ऋषिः मेधातिथिः काण्व छन्दः गायः		
देवसंबन्धिन्यः देव्यः 11, इन्द्राणी वरुणान्यर		
प्रात्युंजा विबोधयाश्विनावेह गेच्छ		1
या सुरथा र्थीतमोभा देवा दिविस्	- -	2
या वां कशा मधुमत्यिश्वना सूनृता		3
नुहि वामस्ति दूर्के यत्रा रथेन् गच	छेथः । अश्विना सोमिनो गृहम्	4
हिर्रण्यपाणिमूतये सवितार्मुपं ह्वये	। स चेत्ती देवती पुदम्	5
अपां नपतिमर्वसे सवितारुमुपे स्तुि	हे । तस्ये व्रतान्युश्मिस	6
विभक्तारं हवामहे वसोश्चित्रस्य रार्धसः	। स <u>ुवि</u> तारं नृचक्षसम्	7
सर्खाय आ निषीदत सविता स्तोम्यो नु	नेः । दाता राधांसि शुम्भति	8
अ <u>ग्</u> रे पत्नी <u>रि</u> हार्वह देवानामु <u>श</u> तीरुप	। त्वष्ट <u>ारं</u> सोमपीतये	9
आ ग्ना अंग्न <u>इ</u> हार् <u>वसे</u> होत्रां यविष्टु भारती	म् । वर्रूत्रीं धिषणां वह	10
अभि नो देवीरवंसा महः शर्मणा नृपत्नीः		11

इ्हेन्द्राणीमुपे ह्वये वरुणानीं स्वस्तये	। अग्नार्यीं सोमेपीतये	12
मुही द्यौः पृथिवी च न इमं युज्ञं मिमिक्षताम्	। पिपृतां नो भरीमभिः	13
तयोरिद्धृतवृत्पयो विप्रा रिहन्ति धीतिभिः	। गुन्धुर्वस्य ध्रुवे पुदे	14
स्योना पृथिवि भवानृक्ष्ररा निवेशनी	। यच्छो नुः शर्मी सुप्रर्थः	15
अतो देवा अवन्तु नो यतो विष्णुर्विचक्रमे	। पृथि्वयाः सप्त धामीभः	16
इ्दं विष्णुर्वि चेक्रमे त्रेधा निदेधे पुदम्	_ । समूळहमस्य पांसुरे	17
त्रीणि पुदा वि चेक्रमे विष्णुर्गोपा अदीभ्यः	। अतो धर्माणि धारयेन्	18
विष्णोः कर्माणि पश्यत् यतो व्रतानि पस्पशे	। इन्द्रेस्य युज्यः सखी	19
तद्विष्णोः पर्मं पुदं सदौ पश्यन्ति सूरयः	। द्विवीव चक्षुराततम्	20
तद्विप्रांसो विपुन्यवों जागृवांसुः सिर्मन्धते	। विष्णोर्यत्पर्मं पुदम्	21
(24)	23	(म.1, अनु.5)
ऋषिः मेधातिथिः काण्वः छन्दः ग	ायत्री 1-18, पुरउष्णिक् 19, अनुष्ट्	टुप् 20,22-24,
प्रतिष्ठा (गायत्री) 21 देवता वायुः 1, इन्द्रव	ायू 2-3, मित्रावरुणौ 4-6, इन्द्रः मरुत्वा	न् 7-9,
विश्वे देवाः 10-12, पूषा 1	3-15, आपः 16-23, अग्निः 24	
- तीव्राः सोमस् आ गृह्याशीर्वन्तः सुता <u>इ</u> मे	। वायो तान्प्रस्थितान्पिब	1
<u>-</u> - <u>-</u> - <u>-</u> <u>-</u> <u>-</u> <u>-</u> <u>-</u> <u>-</u>	। अस्य सोर्मस्य पीतये [।]	2

तीव्राः सोमस् आ गृह्याशीर्वन्तः सुता इमे	। वायो तान्प्रस्थितान्पिब	1	
उभा देवा दिविस्पृशेन्द्रवायू हेवामहे	। अस्य सोर्मस्य पीतये [।]	2	
इन्द्रवायू मेनोजुवा विप्रा हवन्त ऊतये	। स <u>ह</u> स्राक्षा धियस्पती	3	
मित्रं वयं ह्वामहे वर्रुणं सोमपीतये	। ज <u>ुज्ञा</u> ना पूतदेक्षसा	4	
ऋतेन् यावृतावृधीवृतस्य ज्योतिषस्पती	। ता मि्त्रावर्रुणा हुवे	5	
वर्रुणः प्राविता भुवन्मित्रो विश्वाभिरूतिभिः	। करेतां नः सुरार्धसः	6	
मुरुत्वेन्तं हवामहु इन्द्रमा सोमेपीतये	। स्जूर्गणेने तृम्पतु	7	
इन्द्रेज्येष्टा मरुद्गणा देवासः पूर्वरातयः	। विश्वे मर्म श्रुता हर्वम्	∥ 8	
हृत वृत्रं सुदानव् इन्द्रेण सहसा युजा	। मा नो दुःशंस ईशत	∥ 9	
विश्वन्द्रिवान्ह्रीवामहे मुरुतुः सोमेपीतये	। उुग्रा हि पृश्निमातरः	10	
जयेतामिव तन्यतुर्म्रुतामेति धृष्णुया	। यच्छुभं याथनां नरः	11	
हुस्काराद्विद्युतस्पर्यतो जाता अवन्तु नः	। मुरुता मृळयन्तु नः	12	
आ पूषञ्चित्रबर्हिष्माघृणे धुरुणं दिवः	। आजो नृष्टं यथो पुशुम्	13	
पूषा राजीनमाघृणिरपेगूळ्हं गुही हितम्	। अविन्दञ्चित्रबर्हिषम्	14	
उतो स मह्यमिन्दुंभिः षड्युक्ताँ अनुसेषिधत्	। गोभि्र्यवं न चेर्कृषत्	15	
अम्बयो यन्त्यध्वीभर्जामयो अध्वरीयताम्	। पृञ्चतीर्मधुना पर्यः	16	
अमूर्या उप सूर्ये याभिर्वा सूर्यः सुह	- । ता नो [।] हिन्वन्त्वध्वरम्	17	
अपो देवीरुपं ह्वये यत्र गावः पिबन्ति नः	। सिन्धुभ्यः कर्त्वं ह्विः	18	
अप्स्व १्न्तर्मृतमप्सु भेषुजम्पामुत प्रशस्तये	। देवा भवेत वाजिनीः	19	
अप्सु मे सोमो अब्रवीदन्तर्विश्वानि भेषुजा	।अग्निं चे विश्वशम्भुवमापेश्च विश्वभेषजीः	20	

ऋषिः शुनःशेपः आजीर्गातः छन्दः त्रिष्टुप् 1-2,6-15, गायत्री 3-5 देवता प्रजापितः 1, अग्निः 2, सिवता 3-4, सिवता भगः वा 5, वरुणः 6-15

कस्य नूनं केत्मस्यामृतानां मनीमहे चार्र देवस्य नाम को नो मुह्या अदितये पुनर्दात्पितरं च दृशेयं मातरं च | 1 | अ्ग्नेर्व्यं प्रथमस्यामृतीनां मनीमहे चार्र देवस्य नामे स नो मुद्या अदितये पुनर्दात्पितरं च दृशेयं मातरं च || 2 || अभि त्वा देव सवितरीशानं वार्याणाम् । सदीवन्भागमीमहे | 3 | यश्चिद्धि ते इत्था भर्गः शशमानः पुरा निदः । अद्वेषो हस्तेयोर्द्धे | 4 | भर्गभक्तस्य ते व्यमुदेशेम् तवावसा । मूर्धानं राय आरभे | 5 | नृहि ते क्षुत्रं न सहो न मुन्यं वर्यश्चनामी पुतर्यन्त आपुः नेमा आपो अनिमिषं चरेन्तीर्न ये वातस्य प्रमिनन्त्यभ्वेम् | 6 | अबुध्ने राजा वर्रुणो वर्नस्योर्ध्वं स्तूपं ददते पूतदेक्षः नीचीनाः स्थुरुपरि बुध्न एषाम्स्मे अन्तर्निहिताः केतवेः स्युः $\parallel 7 \parallel$ उुरुं हि राजा वर्रुणश्चकार सूर्यीय पन्थामन्वेतिवा उ अपदे पादा प्रतिधातवेऽकरुतापेवक्ता हिदयाविधिश्चत् $\parallel \mathbf{8} \parallel$ श्तं ते राजन्भिषजः सहस्रमुर्वी गेभीरा सुमृतिष्टे अस्तु बार्धस्व दूरे निर्ऋतिं पराचैः कृतं चिदेनः प्र मुमुग्ध्यस्मत् || 9 || अमी य ऋक्षा निहितास उच्चा नक्तं दर्दश्रे कुहे चिद्दिवेयुः अदेब्धानि वर्रुणस्य व्रतानि विचार्कशञ्चन्द्रमा नक्तमेति **|| 10 ||** तत्त्वी याम् ब्रह्मणा वन्देमानुस्तदा शस्ति यजमानो हुविभिः अहेळमानो वरुणेह बोध्युरुशंस मा न आयुः प्र मोषीः | 11 | तदित्रक्तं तदिवा मह्यमाहुस्तद्यं केतो हृद आ वि चष्टे शुनुःशेपो यमह्र्दृभीतः सो अस्मान्राजा वर्रणो मुमोक्त | 12 || शुनुःशेपो ह्यह्नद्गभीतस्त्रिष्वदित्यं द्रुपदेषु बुद्धः अवैनं राजा वर्रणः ससृज्याद्विद्वाँ अदेब्धो वि मुमोक्त पाशान् | 13 | अर्व ते हेळो' वरुण नमोभिरवं युज्ञेभिरीमहे हुविभिः क्षयंत्रस्मभ्यमस्र प्रचेता राज्नन्नेनांसि शिश्रथः कृतानि | 14 | उर्दुत्तमं वरुण पाशेमुरमदविधमं वि मेध्यमं श्रेथाय

(21)	25		(म.1, अनु.6)
ऋषिः शुनःशेपः आजीगर्तिः	छन्दः गार	यत्री	देवता वरुणः
यच्चिद्धि ते विशो यथा प्र	देव वरुण व्रृतम्	। मि <u>नी</u> मसि द्यविद्यवि	1
मा नो वृधाय हुलवे जिही	ळानस्य रीरधः	। मा ह्रणानस्य मन्यवे	2
वि मृ॑ळीकार्य ते मनौ रथी	रश्वं न संदितम्	। गोर्भिर्वरुण सीमहि	3
परा हि मे विमन्यवः पर्तनि	त् वस्यइष्टये	। वयो न वस्तीरुप	4
कुदा क्षेत्रश्रियं नरुमा वर्रुण	ां करामहे	। मृळीकायोरुचक्षसम्	5
तदित्समानमोशाते वेनेन्ता	न प्र युच्छतः	- । धृतव्रताय <u>दा</u> शुषे	6
वेदा यो वीनां पुदमुन्तरिक्षे	ण॒ पत॑ताम्	_ । वेदे नावः संमुद्रियः	7
वेद मासो धृतव्रतो द्वादेश	<u>प्र</u> जार्वतः	। वेदा य उपजायते	8
वेद वातस्य वर्त्तनिमुरोर्ऋष	त्रस्ये बृ <u>ह</u> तः	। वेदा ये अध्यासते	9
नि षेसाद धृतव्रेतो वर्रुणः	पुस्त्यार्थस्वा	। साम्रज्याय सुक्रतुः	10
अतो विश्वान्यद्भृता चिकित	चाँ अभि पेश्यति	। कृतानि या च कत्वी	11
स नो' विश्वाहां सुक्रतुंरादि	त्यः सुपर्था करत्	। प्र ण् आयूंषि तारिषत्	12
बिभ्रेद्द्रापिं हिर्ण्ययं वर्रण	ो वस्त निर्णिजेम्	। परि स्पशो निषेदिरे	13
न यं दिप्सन्ति दिप्सवो न	द्रुह्वीणो जनीनाम्	। न देवम्भिमतियः	14
उत यो मानुषेष्वा यशश्चिक्र	असाम्या	। अस्माकंमुदरेष्वा	15
परा मे यन्ति धीतयो गावो	न गर्व्यूतीरनु	। <u>इ</u> च्छन्तीरुरुचक्षसम्	16
सं नु वौचावहै पुनुर्यतौ मे	मध्वाभृतम्	। होतेव क्षदेसे प्रियम्	17
दर्शुं नु विश्वदर्शतं दर्शुं रथ	मधि क्षमि	। एता जुंषत में गिर्रः	18
इमं में वरुण श्रुधी हर्वमुद्य	ा चे मृळय	। त्वामेवस्युरा चेके	19
त्वं विश्वस्य मेधिर दिवश्च	ग्मश्च राजसि	। स यामीन् प्रति श्रुधि	20
उर्दुत्तमं मुमुग्धि नो वि पाश	गं मध्यमं चृत	। अवधिमानि जीवसे	21
(10)	26		(म.1, अनु.6)
ऋषिः शुनःशेपः आजीगर्तिः	छन्दः गा	पत्री	देवता अग्निः
वसिष्वा हि मियेध्य वर	त्रीण्यूर्जा पते	। सेमं नो अध्वरं येज	1
नि नो होता वरेण्युः स	दो यविष्ठ मन्मीभः	। अग्ने दिवित्मता वर्चः	2
आ हि ष्मो सूनवे प <u>ि</u> ता	पिर्यजेत् <u>या</u> पये [।]	। सखा सख्ये वरेण्यः	3
आ नो बहीं रिशादेसो	वर्रुणो मित्रो अर्युमा	। सीदेन्तु मनुषो यथा	4
पूर्व्यं होतर्स्य नो मन्देर	ख सुख्यस्य च	। इमा उ षु श्रुधी गिरीः	5

```
यिद्युद्धि शश्वेता तनी देवंदेवं यजीमहे । त्वे इद्भूयते हुविः
                                                                                | 6 |
      प्रियो नो अस्तु विश्पतिर्होता मन्द्रो वरेण्यः । प्रियाः स्वग्नयो वयम्
                                                                                | 7 |
                                                । स्वुग्नयो मनामहे
      स्वग्नयो हि वार्यं देवासो दिधरे च नः
                                                                                | 8 |
      अथा न उभयेषाममृत मर्त्यानाम्
                                         । मिथः सन्तु प्रशस्तयः
                                                                                || 9 ||
      विश्वेभिरग्ने अग्निभिरिमं यज्ञमिदं वर्चः
                                            । चनो धाः सहस्रो यहो
                                                                               | 10 ||
                                            27
(13)
                                                                               (म.1, अनु.6)
                                छन्दः गायत्री 1-12 त्रिष्टुप् 13 देवता अग्निः 1-12 देवाः 13
 ऋषिः शुनःशेपः आजीगर्तिः
      अश्वं न त्वा वारवन्तं वृन्दध्या अग्निं नमोभिः। सुम्राजन्तमध्वराणाम्
                                                                                \parallel \mathbf{1} \parallel
      स घो नः सूनुः शर्वसा पृथुप्रेगामा सुशेवेः
                                                  । मीड्वाँ अस्माकं बभूयात्
                                                                                || 2 ||
      स नो दूराञ्चासाञ्च नि मर्त्यादघायोः
                                                  । पाहि सदिमद्विश्वायुः
                                                                                | 3 |
      इममू षु त्वमुस्माकं सुनिं गायुत्रं नव्यांसम् । अग्ने देवेषु प्र वोचः
                                                                                | 4 |
      आ नो भज परमेष्वा वाजेषु मध्यमेषे
                                                  । शिक्षा वस्वो अन्तमस्य
                                                                                | 5 |
      विभक्तासि चित्रभानो सिन्धीरूर्मा उपाक आ । सुद्यो दाशुषे क्षरसि
                                                                                | 6 |
      यमेग्ने पृत्सु मर्त्यमवा वाजेषु यं जुनाः
                                                 । स यन्ता शश्वतीरिषः
                                                                                | 7 |
      निकरस्य सहन्त्य पर्येता कर्यस्य चित्
                                                  । वाजो अस्ति श्रवाय्यः
                                                                                | 8 |
      स वाजं विश्वचर्षणिरवंद्भिरस्तु तरुता । विप्रेभिरस्तु सनिता
                                                                                || 9 ||
      जराबोधु तद्विविड्डि विशेविशे युज्ञियाय । स्तोमं रुद्राय दशीकम्
                                                                               || 10 ||
      स नो महाँ अनिमानो धूमकेतुः पुरुश्चन्द्रः । धिये वाजीय हिन्वतु
                                                                               | 11 |
      स रेवाँईव विश्पित्देव्यः केतुः शृणोतु नः । उक्थैरुग्निर्बृहद्भीनुः
                                                                               | 12 ||
      नमों महन्द्यो नमों अर्भकेभ्यो नमो युवेभ्यो नमे आशिनेभ्यः
      यजीम देवान्यदि शुक्रवीम् मा ज्यायेसुः शंसुमा वृक्षि देवाः
                                                                               | 13 |
                                            28
                                                                               (म.1, अनु.6)
ऋषिः शनःशेपः आजीगर्तिः
                          छन्दः अनुष्टुप् 1-6, गायत्री 7-9 देवता इन्द्रः 1-4, उलूखलः 5-6,
                 उल्रुखलमुसले 7-8, प्रजापितः हरिश्चन्द्रः अधिषवणचर्म सोमः वा 9
यत्र ग्रावा पृथुबुंध्न ऊर्ध्वा भविति सोतवे
                                              । उल्रुखेलसुतानामवेद्विन्द्र जल्गुलः
                                                                                      \parallel \mathbf{1} \parallel
यत्र द्वाविव ज्घनधिषवण्या कृता
                                              । उल्रुखलसुतानामवेद्विन्द्र जलाुलः
                                                                                      | 2 |
यत्र नार्यपच्यवमुपच्यवं च शिक्षेते
                                              । उलूखलसुतानामवेद्विन्द्र जल्गुलः
                                                                                      | 3 |
यत्र मन्थां विब्धते रुश्मीन्यमित्वाईव
                                              । उलूखलसुतानामवेद्विन्द्र जल्गुलः
                                                                                      || 4 ||
यच्चिद्धि त्वं गृहेगृह उलूखलक युज्यसे
                                              । इह द्युमत्तमं वदु जयेतामिव दुन्दुभिः
                                                                                      | 5 |
उत स्मे ते वनस्पते वातो विवात्यग्रमित्
                                              । अथो इन्द्रीय पातेवे सुनु सोमीमुलूखल
                                                                                      | 6 |
आयुजी वोजुसातेमा ता ह्यु १ च्चा विजर्भृतः
                                              । हरीड्वान्धांसि बप्सता
                                                                                      | 7 |
```

```
ता नो अद्य वनस्पती ऋष्वावृष्वेभिः सोतृभिः । इन्द्रीय मधुमत्सुतम्
                                                                                       \parallel \mathbf{8} \parallel
उच्छिष्टं चम्वोभिर सोमं पवित्र आ स्रज
                                            । नि धेहि गोरधि त्वचि
                                                                                       || 9 ||
                                             29
(7)
                                                                                (म.1, अनु.6)
 ऋषिः शुनःशेपः आजीगर्तिः
                                         छन्दः पङ्किः
                                                                                  देवता इन्द्रः
      यञ्चिद्धि सेत्य सोमपा अनाशस्ताईव स्मिसे
      आ तू ने इन्द्र शंसय गोष्वश्वेषु शुभिषु सहस्रेषु तुवीमघ
                                                                                 \parallel \mathbf{1} \parallel
      शिप्रिन्वाजानां पते शचीवस्तवं दंसनी
                                                    । आ . . . . तुवीमघ
                                                                                 | 2 |
      नि ष्वापया मिथूदशा स्रस्तामबुध्यमाने । आ . . . . तुवीमघ
                                                                                 | 3 |
      सुसन्तु त्या अरातयो बोधन्तु शूर रातयः । आ . . . . तुवीमघ
                                                                                 | 4 |
      समिन्द्र गर्द्भं मृण नुवन्तं पापयामुया । आ . . . . तुवीमघ
                                                                                 | 5 |
      पताति कुण्डृणाच्या दूरं वाताे वनादधि । आ . . . . तुवीमघ
                                                                                 | 6 |
      सर्वं परिक्रोशं जीह जम्भयां कृकदाश्वम् । आ . . . . त्वीमघ
                                                                                 | 7 |
                                            30
(22)
                                                                                (म.1, अनु.6)
 ऋषिः शुनःशेपः आजीगर्तिः
                               छन्दः गायत्री 1-10,12-15,17-22, पादनिचृत् गायत्री 11, त्रिष्टुप् 16
                        देवता इन्द्रः 1-16, अश्विनौ 17-19, उषाः 20-22
   आ व इन्द्रं क्रिविं यथा वाज्यन्तः श्तक्रतुम्। मंहिष्ठं सिञ्च इन्दुंभिः
                                                                               | 1 |
   श्रतं वा यः शुचीनां सहस्रं वा समिशिराम् । एदुं निम्नं न रीयते
                                                                               | 2 |
   सं यन्मदीय शुष्मिण एना ह्यस्योदरे
                                              । समुद्रो न व्यचो दधे
                                                                               | 3 |
   अयम् ते समेतिस कपोर्तइव गर्भिधम्
                                              । वचस्तिच्चित्र ओहसे
                                                                               | 4 |
   स्तोत्रं राधानां पते गिर्वाहो वीर् यस्यं ते । विभूतिरस्तु सूनृतां
                                                                               | 5 |
   कुर्ध्वस्तिष्ठा न कुतयेऽस्मिन्वाजे शतक्रतो । सम्नयेषु ब्रवावहै
                                                                               | 6 |
   योगेयोगे तवस्तरं वाजेवाजे हवामहे
                                              । सर्खाय इन्द्रेमूतये
                                                                               \parallel 7 \parallel
   आ घो गमद्यदि श्रवेत्सहस्रिणीभिरूतिभिः । वाजेभिरुपे नो हर्वम्
                                                                               \parallel \mathbf{8} \parallel
                                              । यं ते पूर्वं पिता हुवे
   अनु प्रव्याकसो हुवे तुविप्रतिं नरम्
                                                                               || 9 ||
   तं त्वा वयं विश्ववारा शास्मिहे पुरुहृत
                                              । सखें वसो जरितृभ्यः
                                                                              || 10 ||
   अस्माकं शिप्रिणीनां सोमेपाः सोमपाव्रीम् । सखे वज्रिन्त्सखीनाम्
                                                                              | 11 |
   तथा तर्दस्तु सोमपाः सखे विज्ञन्तथी कृण् । यथा त उश्मसीष्टये
                                                                              | 12 |
   रेवतीर्नः सध्माद् इन्द्रे सन्तु तुविवाजाः
                                              । क्षुमन्तो याभिमंदेम
                                                                              | 13 |
   आ घ त्वावान्त्मनाप्तः स्तोतृभ्यो धृष्णवियानः। ऋणोरक्षं न चक्रचौः
                                                                              | 14 |
   आ यद्ववः शतक्रत्वा कामं जरितृणाम्
                                              । ऋणोरक्षं न शचीभिः
                                                                              | 15 |
   शश्वदिन्द्रः पोप्रथिद्धिर्जिगाय नानदिद्धः शाश्वेसिद्धिर्धनीनि
```

स नों हिरण्यर्थं दुंसनीवान्त्स नीः सिन्ता सुनये स नोंऽदात्	16
आश्विनावश्ववित्येषा यतिं शवीरया । गोर्मदस्रा हिरण्यवत्	17
समानयोजनो हि वाँ रथो दस्रावर्मर्त्यः । समुद्रे अश्विनेयेते	18
न्य १ झ्यस्य मूर्धिन चुक्रं रथस्य येमथुः । परि द्यामुन्यदीयते	19
कस्ते उषः कधप्रिये भुजे मर्तो अमर्त्ये । कं नेक्षसे विभावरि	20
वयं हि ते अमेन्म्ह्यान्तादा पेराकात् । अश्वे न चित्रे अरुषि	21
त्वं त्येभिरा गेहि वाजेभिर्दुहितर्दिवः । अस्मे र्यिं नि धौरय	22
(18) 31	(म.1, अनु.7)
ऋषिः हिरण्यस्तूपः आङ्गिरसः छन्दः जगती 1-7,9-15,17, त्रिष्टुप् 8,16,18	देवता अग्निः

त्वमग्ने प्रथमो अङ्गिरा ऋषिर्देवो देवानीमभवः शिवः सखी तर्व व्रते कवयो विद्मनापसोऽजीयन्त मरुतो भ्राजीदृष्टयः 11 त्वमेग्ने प्रथमो अङ्गिरस्तमः कविर्देवानां परि भूषसि व्रतम् विभुविश्वरमे भुवनाय मेधिरो द्विमाता शुयुः कित्धा चिदायवे || 2 || त्वमंग्ने प्रथमो मात्तरिश्वन आविर्भव सुक्रतूया विवस्वते अरेजतां रोदेसी होतृवूर्येऽसिघ्ठोर्भारमयेजो मुहो वसो | 3 | त्वमेग्ने मनेवे द्यामेवाशयः पुरूरवेसे सुकृते सुकृत्तेरः श्वात्रेण यत्प्त्रोर्मुच्येसे पर्या त्वा पूर्वमनयुत्रापरं पुनः | 4 | त्वमग्ने वृष्भः पृष्टिवर्धन् उद्यतसुचे भवसि श्रवाय्यः य आहुतिं परि वेदा वर्षद्भितिमेकायुरग्रे विशे आविवासिस | 5 | त्वमंग्ने वृज्निनवर्तिनं नरं सक्मेन्पिपर्षि विदर्थे विचर्षणे यः शूरसाता परितकम्ये धर्ने दुभ्रेभिश्चित्समृता हंसि भूयसः | 6 | त्वं तमेग्ने अमृतुत्व उत्तमे मती दधासि श्रवसे दिवेदिवे यस्तीतृषाण उभयीय जन्मेने मर्यः कृणोषि प्रय आ चे सूरये | 7 | त्वं नों अग्ने सुनये धर्नानां यशसं कारुं कृणुहि स्तर्वानः ऋध्याम कर्मापसा नवेन देवैद्यीवापृथिवी प्रावेतं नः | 8 | त्वं नो अग्ने पित्रोरुपस्थ आ देवो देवेष्वनवद्य जागृविः त्नूकृद्वोधि प्रमीतिश्च कारवे त्वं केल्याण् वसु विश्वमोपिषे || 9 || त्वमंग्ने प्रमित्स्त्वं पितासि नस्त्वं वयस्कृत्तवे जामयो वयम् सं त्वा रायः श्तिनः सं सहस्रिणः सुवीरं यन्ति व्रत्पामदाभ्य | 10 | त्वामग्ने प्रथममायुमायवे देवा अकृण्वन्नहृषस्य विश्पतिम् इळामकृण्वन्मनुषस्य शासनीं पितुर्यत्पुत्रो ममकस्य जायते | 11 | त्वं नो' अग्रे तर्व देव पायुभिर्म्घोनो' रक्ष तुन्वेश वन्द्य त्राता तोकस्य तनये गर्वामस्यनिमेषं रक्षमाणस्तवं व्रते | 12 |

22	(4
उत प्र णेष्यभि वस्यो अस्मान्त्सं नेः सृज सुमृत्या वाजवत्या	18
एतेनाग्ने ब्रह्मणा वावृधस्व शक्ती वा यत्ती चकुमा विदा वा	1
अच्छे याह्या वेहा दैव्यं जनमा सोदय बिहिष् यक्षि च प्रियम्	17
म्नुष्वदेग्ने अङ्गिर्स्वदेङ्गिरो ययात्विवत्सदेने पूर्ववच्छुचे	1
आपिः पिता प्रमितिः सोम्यानां भृमिरस्यृषिकुन्मर्त्यीनाम्	16
इमामेग्ने शुरिणं मीमृषो न इममध्वनिं यमगीम दूरात्	1
स्वादुक्षद्मा यो वसतौ स्योनकुजीवयाजं यजेते सोपमा दिवः	15
त्वमेग्ने प्रयेतदक्षिणुं नरं वर्मेव स्यूतं परि पासि विश्वतः	1
आध्रस्य चित्र्यमीतरुच्यसे पिता प्र पाकुं शास्सि प्र दिशो विदुष्टरः	14
त्वमग्न उरुशंसीय वाघते स्पार्हं यद्रेक्णीः पर्मं वनोषि तत्	
यो रातहेळ्योऽवृकाय धायेसे कीरेश्चिन्मन्त्रं मनेसा वनोषि तम्	13
त्वमेग्ने यज्येवे पायुरन्तरोऽनिष्ङ्गाये चतुरक्ष ईध्यसे	1

 (15)
 32
 (中.1, अनु.7)

 ऋषिः हिरण्यस्तूपः आङ्गिरसः
 छन्दः त्रिष्टुप्
 देवता इन्द्रः

इन्द्रेस्य नु वीर्याणि प्र वोचं यानि चुकार प्रथमानि वुज्री अहुन्नहिमन्वपस्तेतर्द् प्र वृक्षणां अभिनृत्पर्वतानाम् 11 अहुन्निहुं पर्वति शिश्रियाणं त्वष्टरिस्मै वर्ज्नं स्वयं ततक्ष वाश्रा इव धेनवः स्यन्देमाना अञ्जः समुद्रमवे जग्मुरापः | 2 | वृषायमाणोऽवृणीत् सोम्ं त्रिकेद्रुकेष्वपिबत्सुतस्ये आ सार्यकं मुघवदित्त वज्रमहेन्नेनं प्रथमुजा महीनाम् | 3 | यदिन्द्राहेन्प्रथम्जामहीनामान्मायिनाममिनाः प्रोत मायाः आत्सूर्यं जनयन्द्यामुषासं तादीता शत्रुं न किला विवित्से || 4 || अहेन्वृत्रं वृत्रुतरं व्यस्मिनद्रो वज्रेण महता व्धेने स्कन्धां सीव कुलिशोना विवृक्णाहिः शयत उपपृक्पृंथिव्याः | 5 | अयोद्धेव दुर्मद आ हि जुह्ने मेहावीरं तुविबाधमृजीषम् नातरिदस्य समृतिं वधानां सं रुजानीः पिपिषु इन्द्रेशत्रुः | 6 | अपार्दहस्तो अपृतन्युदिन्द्वमास्य वज्रुमधि सानौ जघान वृष्णो वध्रिः प्रतिमानं बुभूषन्पुरुत्रा वृत्रो अशयुद्धस्तः | 7 | न्दं न भिन्नमेमुया शयनिं मन्तो रुहीणा अति यन्त्यापीः याश्चिद्वत्रो महिना पर्यतिष्ठत्तासामहिः पत्सुतःशीबीभूव $\parallel \mathbf{8} \parallel$ नीचावया अभवद्भृत्रपुत्रेन्द्रो अस्या अव वर्धर्जभार उत्तरा सूरधरः पुत्र आसीदानुः शये सहवत्सा न धेनुः || 9 || अतिष्ठन्तीनामनिवेशनानां काष्ठीनां मध्ये निहितं शरीरम्

वृत्रस्यं निण्यं वि चेरन्त्यापों दीर्घं तम् आशंयदिन्द्रंशतुः	10
दुंसपेत्रीरहिगोपा अतिष्ठन्निरुद्धा आपः पुणिनेव गार्वः	1
अपां बिल्रमपिहितं यदासीद्भृत्रं जेघन्वाँ अप तद्वेवार	11
अश्र्यो वारो अभवस्तिदिन्द्र सृके यत्त्वी प्रत्यहेन्द्रेव एकेः	1
अर्जयो गा अर्जयः शूर सोममवासृजुः सर्तवे सुप्त सिन्धून्	12
नास्मै विद्युन्न तन्युतुः सिषेध् न यां मिह्मिकरद्ध्रादुनिं च	1
इन्द्रेश्च यद्युयुधाते अहिश्चोतापुरीभ्यो मुघवा वि जिग्ये	13
अहेर्यातारं कर्मपश्य इन्द्र हृदि यत्ते जृष्ठुषो भीरगच्छत्	1
नर्व च यत्रवृतिं च स्रवन्तीः श्येनो न भीतो अतरो रजांसि	14
इन्द्रो यातोऽवेसितस्य राजा शर्मस्य च शृङ्गिणो वर्ज्रबाहुः	1
सेंदु राजी क्षयति चर्षणीनाम्रान्न नेमिः परि ता बेभूव	15
। इति प्रथमाष्टके द्वितीयोऽध्यायः समाप्तः ।	

ऋषिः हिरण्यस्तूपः आङ्गिरसः छन्दः त्रिष्टुप् देवता इन्द्रः एतायामोपे गुव्यन्तु इन्द्रेमुस्माकुं सु प्रमेतिं वावृधाति अनामृणः कुविदादुस्य रायो गवां केतं परमावर्जते नः $\parallel \mathbf{1} \parallel$ उपेदुहं धनुदामप्रतीतं जुष्टां न श्येनो वस्तिं पतामि इन्द्रं नम्स्यन्नुपुमेभिर्कैर्यः स्तोतृभ्यो हव्यो अस्ति यामेन् || 2 || नि सर्वसेन इषुधीरसक्त समुर्यो गा अजित् यस्य विष्ट चोष्क्रयमाण इन्द्र भूरि वामं मा पुणिभूरस्मदिध प्रवृद्ध | 3 | वधीर्हि दस्युं ध्निनं घनेन् एकश्चरंत्रुपशाकेभिरिन्द्र धनोरिध विषुणक्ते व्ययिन्नयेज्वानः सन्काः प्रेतिमीयुः || 4 || परो चिच्छीर्षा वेवृजुस्त इन्द्रायेज्वानो यज्विभिः स्पर्धमानाः प्र यद्विवो हरिवः स्थातरुग्र निरंब्रुताँ अधमो रोदंस्योः | 5 | अयुयुत्सन्ननवृद्यस्य सेनामयातयन्त क्षितयो नवंग्वाः वृषायुधो न वर्धयो निरिष्टाः प्रविद्धिरिन्द्रीच्चितयेन्त आयन् | 6 | त्वमेतानुद्तो जक्षतश्चायोधयो रजस इन्द्र पारे अवदिहो दिव आ दस्युमुच्चा प्र सुन्वतः स्तुवतः शंसीमावः $\parallel 7 \parallel$ चुक्राणासः परीणहं पृथिव्या हिरण्येन मुणिना शुम्भेमानाः न हिन्वानासस्तितिरुस्त इन्द्रं परि स्पशो अदधात्सूर्येण $\parallel \mathbf{8} \parallel$ परि यदिन्द्र रोदेसी उभे अबुभोजीर्मिहना विश्वतः सीम् अमेन्यमानाँ अभि मन्येमानैर्निर्ब्रह्मभिरधम्। दस्युमिन्द्र || 9 || न ये दिवः पृथिव्या अन्तमापुर्न मायाभिर्धन्दां पर्यभूवन् युजं वज्रं वृष्भश्चेक्र इन्द्रो निर्ज्योतिषा तमसो गा अंदुक्षत् **|| 10 ||** अनुं स्वधार्मक्षरुत्रापों अस्यावर्धत् मध्य आ नाव्यानाम् सधीचीनेन मनेसा तिमन्द्र ओजिष्ठेन हन्मेनाहन्नभि द्युन् | 11 | न्याविध्यदिलोबिशस्य दृळहा वि शृङ्गिणेमभिनुच्छुष्ण्मिन्द्रीः यावृत्तरो मघवन्यावृदोजो वज्रेण शत्रुमवधीः पृत्नन्युम् | 12 | अभि सिध्मो अजिगादस्य शत्रून्वि तिग्मेने वृष्भेणा पुरोऽभेत् सं वज्रेणासृजद्वत्रमिन्द्वः प्र स्वां मृतिमितिरुच्छाशेदानः | 13 | आवः कुत्सिमिन्द्र यस्मिञ्चाकन्प्रावो युध्येन्तं वृष्भं दशद्युम् श्फच्युतो रेणुर्नक्षत् द्यामुच्छ्वैत्रेयो नृषाह्ययि तस्थौ | 14 || आवः शमं वृष्भं तुग्र्यासु क्षेत्रजे्षे मेघव्ञ्छित्र्यं गाम् ज्योक् चिदत्रे तस्थिवांसो अक्रञ्छत्रूयतामधेरा वेदेनाकः

| 15 |

(12)	34	(म.1, अनु. <u>7)</u>
ऋषिः र्	हरण्यस्तूपः आङ्गिरसः छन्दः जगती 1-8,10-11, त्रिष्टुप् 9,12	देवता अश्विनौ
	त्रिश्चिन्नो अद्या भवतं नवेदसा विभुर्वां यामं उत रातिरिश्वना युवोर्हि युन्त्रं हिम्येव वासंसोऽभ्यायंसेन्यां भवतं मनीषिभिः त्रयः पवयो मधुवाहेने रथे सोमस्य वेनामनु विश्व इद्विदुः त्रयः स्कम्भासः स्कभितासं आरभे त्रिर्नक्तं याथस्त्रिवीश्वना दिवां समाने अहन्त्रिरंवद्यगोहना त्रिर्द्य युज्ञं मधुना मिमिक्षतम् त्रिर्वाजवतीरिषो अश्विना युवं दोषा अस्मभ्यमुषसंश्च पिन्वतम् त्रिर्विर्तिर्यातं त्रिरनुव्रते जने त्रिः सुप्राव्ये त्रेधेव शिक्षतम्	 1
	त्रिर्नान्द्यं वहतमिश्वना युवं त्रिः पृक्षो अस्मे अक्षरेव पिन्वतम् त्रिनो रिपं वहतमिश्वना युवं त्रिर्देवताता त्रिरुतावतं धिर्यः त्रिः सौभगत्वं त्रिरुत श्रवांसि नस्त्रिष्ठं वां सूरे दुहिता रुहद्रथम् त्रिनो अश्विना दिव्यानि भेषुजा त्रिः पार्थिवानि त्रिरु दत्तमुद्धः	4
	त्रिना अत्वना दिव्यान मिषुणा त्रिः पायवानि त्रिरु दत्तमुद्धः ओमानं श्रंयोर्ममेकाय सूनवे त्रिधातु शर्म वहतं शुभस्पती त्रिनो अश्विना यज्ता दिवेदिवे परि त्रिधातु पृथिवीमेशायतम् तिस्रो नांसत्या रथ्या परावतं आत्मेव वातः स्वसंराणि गच्छतम्	6 1 7
	त्रिरेश्विना सिन्धुंभिः सप्तमीतृभिस्त्रयं आहावास्त्रेधा हविष्कृतम् तिस्रः पृथिवीरुपरि प्रवा दिवो नाकं रक्षेथे द्युभिरक्तुभिर्हितम् क १ त्री चुक्रा त्रिवृतो रथस्य क १ त्रयो वन्धुरो ये सनीळाः	 8
	कदा योगों वाजिनो रासंभस्य येने युज्ञं नांसत्योपयाथः आ नांसत्या गच्छेतं हूयते हुविर्मध्वः पिबतं मधुपेभिरासभिः	9
	युवोर्हि पूर्वं सिव्तोषसो रथमृतायं चित्रं घृतवेन्त्मिष्यति आ नसित्या त्रिभिरेकादशैरिह देवेभिर्यातं मधुपेयमिश्वना	10
	प्रायुस्तारिष्टं नी रपांसि मृक्षतं सेधतं द्वेषो भवतं सचाभुवी आ नो अश्विना त्रिवृता रथेनार्वाञ्चं रृियं वहतं सुवीरम्	11
(\)	शृण्वन्ती वामवसे जोहवीमि वृधे चे नो भवतं वाजसातौ	12
(11)	35	(म.1, अनु.7)
१ : शिक्ष	उरण्यस्तूपः आङ्गरसः छन्दः जगती 1,9 देवता अग्नि-मित्रावरुण-रात्रि-सवितारः 1 सविता 2-11), त्रिष्टुप् 2-8,10-11
	ह्वयम्युग्निं प्रेथमं स्वस्तये ह्वयमि मित्रावरुणाविहावसे ह्वयमि रात्रीं जर्गतो निवेशनीं ह्वयमि देवं सिवतारमृतये आ कृष्णेन रजसा वर्तमानो निवेशयेत्रमृतं मर्त्यं च हिरुण्ययेन सिवता रथेना देवो यिति भुवनानि पश्येन् याति देवः प्रवता यात्युद्धता याति शुभ्राभ्यां यज्तो हरिभ्याम्	1 1 2

आ देवो यांति सविता परावतोऽप विश्वां दुरिता बार्धमानः	3
अभीवृतं कृशनैर्विश्वरूपं हिरेण्यशम्यं यज्तो बृहन्तेम्	1
आस्थाद्रथं सविता चित्रभीनुः कृष्णा रजांसि तविषीं दधीनः	4
वि जनाञ्छ्यावाः शितिपादो अख्युन्नथं हिर्रण्यप्रउगं वहन्तः	1
शश्वद्विशेः सवितुर्दैव्यस्योपस्थे विश्वा भुवनानि तस्थुः	5
तिस्रो द्यार्वः सवितुर्द्वा उपस्थाँ एको यमस्य भुवेने विराषाट्	1
आणिं न रथ्येम्मृताधि तस्थुरि्ह ब्रेवीतु य उ तिच्चकेतत्	6
वि सुपूर्णो अन्तरिक्षाण्यख्यद्गभीरवेपा असुरः सुनीथः	1
क्रेड्दानीं सूर्यः कश्चिकेत कत्मां द्यां रिश्मरस्या ततान	7
अष्टौ व्यख्यत्ककुर्भः पृथिव्यास्त्री धन्व योजना सप्त सिन्धून्	1
हिरुण्याक्षः संविता देव आगाद्दधद्रत्नी दाशुषे वार्याणि	$\parallel 8 \parallel$
हिरण्यपाणिः सविता विचेर्षणिरुभे द्यावीपृथिवी अन्तरीयते	1
अपामीवां बार्धते वेति सूर्यमिभ कृष्णेन रजेसा द्यामृणोति	9
हिरेण्यहस्तो असुरः सुनीथः सुमृळीकः स्ववाँ यात्वर्वाङ्	1
अपसेर्धन्रक्षसो यातुधानानस्थाद्वेवः प्रतिदोषं गृणानः	∥ 10 ∥
ये ते पन्थाः सवितः पूर्व्यासोऽरेणवः सुकृता अन्तरिक्षे	1
तेभिनों अद्य पृथिभिरसुगेभी रक्षा च नो अधि च ब्रूहि देव	11

36 (20) (म.1, अनु.8)

छन्दः बृहती 1,3,5,7,9,11,13,15,17,19, ऋषिः कण्वः घौरः

सतोबृहती 2,4,6,8,10,12,14,16,18,20 देवता अग्निः 1-12,15-20, यूपः अग्निः वा 13-14

प्र वो युह्वं पुरूणां विशां देवयतीनीम्	1
अृग्निं सूक्तेभिर्वचोभिरीमहे यं सीमिदन्य ईळेते	1
जनांसो अृग्निं देधिरे सहोवृधं हिवष्मन्तो विधेम ते	
स त्वं नो' अद्य सुमनो इहाविता भवा वाजेषु सन्त्य	2
प्र त्वो दूतं वृणीमहे होतारं विश्ववेदसम्	
मुहस्ते सुतो वि चेरन्त्युर्चयो द्विव स्पृशन्ति भानवीः	3
देवासस्त्वा वर्रुणो मित्रो अर्युमा सं दूतं प्रत्निमन्धते	
विश्वं सो अंग्ने जयित त्वया धनं यस्ते दुदाश् मर्त्यः	4
मुन्द्रो होता गृहपेति्रग्ने दूतो विशामेसि	
त्वे विश्वा संगेतानि व्रता ध्रुवा यानि देवा अकृण्वत	5
त्वे इदेग्ने सुभगे यविष्ठ्य विश्वमाहूयते हुविः	1
स त्वं नो' अद्य सुमनो उतापुरं यिक्षे देवान्त्सुवीयी	6
तं घेमित्था नेमस्विन् उपं स्वराजमासते	1

	होत्रीभिर्ग्गिं मर्नुषः समिन्धते तितिर्वांसो अति स्निर्धः		7	
	घ्नन्तो वृत्रमेतर्न्रोदेसी अप उरु क्षयीय चक्रिरे			1
	भुवत्कण्वे वृषां द्युम्याहुंताः क्रन्दुदश्वो गविष्टिषु		8	
	सं सीदस्व मुहाँ असि शोचस्व देववीतीमः			
	वि धूममेग्ने अरुषं मियेध्य सृज प्रेशस्त दर्श्तम्		∥ 9	
	यं त्वी देवासो मनेवे दुधुरिह यजिष्ठं हव्यवाहन			1
	यं कण्वो मेध्योतिथिर्धन्स्पृतं यं वृषा यमुपस्तुतः		10	
	यमुग्निं मेध्यतिथिः कण्वे ईंध ऋतादिध			
	- तस्य प्रेषो दीदियुस्तिममा ऋचस्तम्ग्निः वर्धयामसि		11	
	रायस्पूर्धि स्वधावोऽस्ति हि तेऽग्ने देवेष्वाप्यम्			
	- ू त्वं वार्जस्य श्रुत्यस्य राजिस स नो मृळ मुहाँ असि		12	
	कुर्ध्व कु षु ण कुतये तिष्ठा देवो न संविता			1
	७ ऊर्ध्वो वार्जस्य सनिता यदुञ्जिभिर्वाघद्भिर्विह्नयीमहे		13	
	ऊर्ध्वो नः पाह्यंहसो नि केतुना विश्वं समृत्रिणं दह			1
	कृधी ने कुर्ध्वाञ्चरथीय जीवसे विदा देवेषु नो दुवः		14	·
	पाहि नो अग्ने <u>र</u> क्षसः पाहि धूर्तेरराव्णः			1
	पाहि रीषेत उत वा जिघांसतो बृहेन्द्रानो यविष्ठ्य	II	15	·
	घुनेव विष्वृग्वि जुह्यरीव्णुस्तर्पुर्जम्भु यो अस्मुध्रुक्			1
	यो मर्त्युः शिशीते अत्युक्तिभूमां नुः स रिपुरीशत		16	·
	अग्निवीत्रे सुवीर्यीमृग्निः कण्वीय सौर्भगम्	"	10	"
	अग्निः प्रावेन्मित्रोत मेध्यतिथिमग्निः साता उपस्तुतम्	11	17	·
	अग्निनो तुर्वश <u>ं</u> यदुं परावते उग्रादेवं हवामहे	"	-,	"
	अग्निनीयन्नवेवास्त्वं बृहद्रेथं तुर्वीतिं दस्यवे सहीः	11	18	'
	नि त्वामेग्ने मर्नुर्दधे ज्योतिर्जनीय शश्वेते	"	10	"
	दीदेथ् कण्वे ऋतजीत उक्षितो यं नेमस्यन्ति कृष्टयः	11	19	'
	त्वेषासो अग्नेरमेवन्तो अर्चयो भीमासो न प्रतीतये	"	1)	"
	रुक्षुस्विनुः सदुमिद्यातुमार्वतो विश्वं समुत्रिणं दह	11	20	1
(15)	_	II	20	
				(म.1, अनु.8)
ऋषिः	इ कण्वः घौरः छन्दः गायत्री			देवता मरुतः
	क्रीळं वः शर्धो मारुतमनुर्वाणं रथेशुर्भम् । कण्वा अभि प्र गायत			1
	ये पृषेतीभिर्ऋष्टिभिः साकं वाशीभिर्ञिभिः। अजीयन्त स्वभीनवः			2
	इहेर्व शृण्व एषां कशा हस्तेषु यद्वदीन् । नि यामिश्चित्रमृञ्जते			3
	प्र वः शर्धाय घृष्वये त्वेषद्युम्नाय शुष्मिणे । देवत्तं ब्रह्मं गायत			4
	-			

(म.1, अनु.8 देवता मरुतः 1 2 3	स्थिरं हि जानेमेषां वयो मातुर्निरेतवे । यत्सी उदु त्ये सूनवो गिरः काष्टा अज्मेष्वलत । वाश्रा त्यं चिद्धा दीर्घ पृथुं मिहो नपत्ममृध्रम् । प्र च्य मरुतो यद्धं वो बल्तं जनाँ अचुच्यवीतन । गिरौ यद्धं यान्ति मुरुतः सं हं ब्रुवतेऽध्वन्ना । शृणो प्र यति शीभमाशुभिः सन्ति कण्वेषु वो दुवंः । त अस्ति हि ष्मा मदीय वः स्मसि ष्मा व्यमेषाम् । 38 38 ऋषिः कण्वः घौरः छन्दः गायत्री
11 12 13 14 15 (म.1, अनु.8 देवता मरुतः 1 2	त्यं चिद्धा दीर्घं पृथुं मिहो नपतिममृध्रम् । प्र च्य मरुतो यद्धं वो बलुं जनाँ अचुच्यवीतन । गिरौँ यद्धं यान्ति मुरुतः सं हं ब्रुवतेऽध्वन्ना । शृणो प्र यति शीभमाशुभिः सन्ति कण्वेषु वो दुवेः । त अस्ति हिष्मा मदीय वः स्मसि ष्मा वयमेषाम् । 38 ऋषिः कण्वः घौरः छन्दः गायत्री कद्धं नूनं केधप्रियः पिता पुत्रं न हस्तयोः । दुध्
12 13 14 15 (म.1, अनु.8 देवता मरुतः 1 2	मरुतो यद्धं वो बलुं जनाँ अचुच्यवीतन । गिरौँ यद्धं यान्ति मुरुतः सं हं ब्रुवतेऽध्वन्ना । शृणो प्र यति शीभमाशुभिः सन्ति कण्वेषु वो दुवेः । त अस्ति हिष्मा मदीय वः स्मसि ष्मा वयमेषाम् । 15) 38 ऋषिः कण्वः घौरः छन्दः गायत्री कद्धं नूनं केधप्रियः पिता पुत्रं न हस्तयोः । दुध्
13 14 15 (म.1, अनु.8 देवता मरुतः 1 2	यद्ध यान्ति मुरुतः सं हे ब्रुवतेऽध्वन्ना । शृणो प्र यति शीभमाशुभिः सन्ति कण्वेषु वो दुवेः । त अस्ति हि ष्मा मदीय वः स्मसि ष्मा वयमेषाम् । 15) 38 ऋषिः कण्वः घौरः छन्दः गायत्री कद्धे नूनं केधप्रियः पिता पुत्रं न हस्तयोः । दुधि
14 15 (म.1, अनु.8 देवता मरुतः 1 2	प्र यति शीभमाशुभिः सन्ति कण्वेषु वो दुवेः । त अस्ति हिष्मा मदीय वः स्मसि ष्मा वयमेषाम् । 15) 38 ऋषिः कण्वः घौरः छन्दः गायत्री कद्धे नूनं केधप्रियः पिता पुत्रं न हस्तयोः । दुधि
15 (म.1, अनु.8 देवता मरुतः 1 2 3	अस्ति हि ष्मा मदीय वः स्मिस ष्मा वयमेषाम् । 15) 38 ऋषिः कण्वः घौरः छन्दः गायत्री कद्धे नूनं केधप्रियः पिता पुत्रं न हस्तयोः । दृध्
(म.1, अनु.8 देवता मरुतः 1 2 3	38 ऋषिः कण्वः घौरः छन्दः गायत्री कद्धं नूनं केधप्रियः पिता पुत्रं न हस्तयोः । दृष्टि
देवता मरुतः 1 2 3	ऋषिः कण्वः घौरः छन्दः गायत्री कद्धं नूनं केधप्रियः पिता पुत्रं न हस्तयोः । दृध्
1 2 3	कद्धं नूनं केधप्रियः पिता पुत्रं न हस्तयोः । दुधि
1 2 1 3 1	
3	
	क्रे नूनं कद्वो अर्थं गन्ता दिवो न पृथिवयाः । क्रे
त् ॥ ४ ॥	क्रे वः सुम्ना नव्यांसि मरुतः क्रे सुविता । क्रो
	यद्यूयं पृश्निमातरो मर्तासः स्यातन । स्ते
5	मा वो मृगो न यवसे जरिता भूदजोष्यः । पथ
6	मो षु णुः परापरा निर्ऋतिर्दुर्हणा वधीत् । पुदी
8	वाश्रेव विद्युन्मिमाति वृत्सं न माता सिषक्ति। यदे
9	दिवा चित्तमः कृण्वन्ति पुर्जन्येनोदवाहेन । यत्
10	अर्ध स्वनान्मरुतां विश्वमा सद्म पार्थिवम् । अरे
11	5 5 -
12	-
13	
14	मिमीहि श्लोकेमास्ये पर्जन्येइव ततनः । गार
15	वन्देस्व मार्रुतं गुणं त्वेषं पेनुस्युमुर्किणेम् । अर
(म.1, अनु.१	10) 39
देवता मरुतः	
	ऋषिः कण्वः घौरः छन्दः बृहती 1,3,5,7,9 सतोबृहर्त
_	मर्रुतो वीळुपाणिभिश्चित्रा रोधस्वतीरन् । याते स्थिरा वेः सन्तु नेमयो रथा अश्वांस एषाम् । सुरु अच्छा वदा तना गिरा जरायै ब्रह्मणस्पितम् । अर्गि मिमीहि श्लोकमास्ये पूर्जन्यइव ततनः । गार् वन्देस्व मारुतं गुणं त्वेषं पेनस्युमुर्किणम् । अर 39

पर्रा हु यत्स्थिरं हुथ नरी	वृर्तयेथा गुरु । वि योथन वृ	निर्नः पृथि्व्या व्याशाः पर्वतान	ाम् ॥ 3
निहि वः शत्रुर्विविदे अधि	च <u>ि</u> न भूम्यां रिशादसः		
गुष्माकंमस्तु तविषी तनी	युजा रुद्रांसो नू चिदाधृषे		4
प्र वेपयन्ति पर्वतान्वि वि	ञ्चन्त <u>ि</u> वनस्पतीन्। प्रो आरत	मरुतो दुर्मदोइव देवासुः सर्वर	या विशा ॥ 5
उपो रथेषु पृषेतीरयुग्ध्वं प्र	ष्टिर्वहित् रोहितः । आ वो र	ग्रामीय पृथि्वी चिदश्रोदबीभयन	त् मार्नुषाः ॥ 6
आ वो मुक्षू तर्नाय कं रु	द्रा अवो वृणीमहे । गन्ता नृ	नं नोऽवसा यथा पुरेत्था कण्व	गीय ब <u>ि</u> भ्युषे ॥ ७
युष्मेषितो मरुतो मर्त्येषित्	[आ यो नो अभ्व ईषेते		
-	नेसा वि युष्माकाभिरूतिभिः		8
		र्मरुत आ ने ऊतिभिगंन्ता वृष्टिं	र न विद्युतः ॥ 9
	रानुवोऽसामि धूतयः शर्वः		
ऋषिद्विषे मरुतः परिम्-	यव इषुं न सृजत द्विषम्		10
(8)	40		(म.1, अनु.
ऋषिः कण्वः घौरः	छन्दः बृहती 1,3,5,7 , र	सतोबृहती 2,4,6,8	देवता ब्रह्मणस्पति
उत्तिष्ठ ब्रह्मणस्पते देवय	— न्तस्त्वेमहे । उप प्र यन्त <i>ः</i>	मुरुतीः सुदानीव इन्द्री प्राशूर्भीव	<u>श</u> सर्चा ∥1
		मरुत आ स्वश्च्यं दधीत यो	
		नर्यं पङ्किरोधसं देवा युज्ञं नेर	
	वसु स धेत्ते अक्षिति श्रव		1 1/3 1. 11 3
	यजामहे सुप्रतूर्तिम <u>ने</u> हसम्	•	4
<u> </u>	<u> </u>	णो मित्रो अर्युमा देवा ओकांी	
-	परवुषय्यम्। पास्मानन्द्रा पर भुवं मन्त्रं देवा अनेहसम्	ला मित्रा अपूना पुषा आफा।	स पात्रस् ॥ उ
· ·			II ~
	। नर्ो विश्वेद्धामा वो अश्रव से कर्मारिका । सर्व क ्रा	`	6 ∥ - "
		ग्रान <u>्प</u> स्त्योभिरस्थितान्त <u>र्वावृत्</u> क्ष	ग्यं दर्ध ॥ 7
•	जिभिर्भये चित्सुक्षितिं देधे		
	हाधुने नार्भे अस्ति वृज्जिण	:	8
(9)	41		(म.1, अनु.
ऋषिः कण्वः घौरः	छन्दः गायत्री	देवता वरुणमित्रार्यमणः 1-3,7-	9, आदित्याः 4-०
यं रक्षन्ति प्रचेतर	मो वर्रुणो मित्रो अर्युमा	। नू चित्स देभ्यते जर्नः	1
यं बाहुतेव पिप्रिति	<u>।</u> पान्ति मर्त्यं <u>रि</u> षः	। अरिष्टः सर्वं एधते	2
वि दुर्गा वि द्विषेः	पुरो घ्नन्ति राजीन एषाम्	। नयन्ति दुरिता तिरः	3
सुगः पन्था अनृक्ष		। नात्रविखादो अस्ति वः	4
_	ए आदित्या ऋजुना पृथा	। प्र वः स धीतये नशत्	5
स रत्नं मर्त्यो वस्	, विश्वं ['] तोकमुत त्मना	। अच्छो गच्छत्यस्तृतः	6
-	वायः स्तोमं मित्रस्यर्यिम्णः	। महि प्सरो वर्रुणस्य	7

मा वो घ्रन्तुं मा शर्पन्तुं प्रति वोचे देवयन्तीम्		8
चृतुरिश्चिद्दर्पमानाद्विभीयादा निर्धातोः	। न दुंरुक्तायं स्पृहयेत्	9
(10) 42	- 1	(म.1, अनु.8)
ऋषिः कण्वः घौरः छन्दः गाय		देवता पूषा
सं पूष्वन्नध्वेनस्तिर् व्यंहों विमुचो नपात्	। सक्ष्वी देव प्र णेस्पुरः	1
यो नीः पूषन्नुघो वृको दुःशेव आदिदेशिति	। अप स्मृ तं पृथो जीह	2
अप त्यं परिपन्थिनं मुषीवाणं हुरश्चितम्	। दूरमधि स्रुतेरेज	3
त्वं तस्यं द्वयाविनोऽघशंसस्य कस्यं चित्	। पुदाभि तिष्ठ तपुषिम्	4
आ तत्ते दस्र मन्तुमुः पूष्वन्नवो वृणीमहे	। येने पितॄनचौदयः	5
अर्धा नो विश्वसौभग् हिर्रण्यवाशीमत्तम	। धर्नानि सुषणा कृधि	6
अति नः सृश्चतो नय सुगा नः सुपर्था कृणु		7
अभि सूयवसं नय न नेवज्वारो अध्वेने	। पूर्षि <u>त्रि</u> ह क्रतुं विदः	8
	। पूर्षित्रिह क्रतुं विदः	9
न पूषणं मेथामसि सूक्तैर्भि गृंणीमसि	। वसूनि दुस्ममीमहे	10
9) 43		(म.1, अनु.8)
ऋषिः कण्वः घौरः छन्दः गायत्री 1-8, अनुष्टुप् 9 देवता	रुद्रः 1-2,4-6, रुद्रः मित्रावरुणौ	च 3, सोमः 7-9
कद्रुद्राय प्रचेतसे मीळ्हुष्टेमाय तव्यसे	। वोचेम् शंतमं हृदे	1
यथा नो अदितिः करत्पश्चे नृभ्यो यथा गर्वे	। यथा तोकायं रुद्रियंम्	2
यथा नो मित्रो वर्रुणो यथा रुद्रश्चिकैतति	। यथा विश्वे सुजोषेसः	3
गाथपतिं मेधपतिं रुद्रं जलाषभेषजम्	। तच्छुंयोः सुम्नमीमहे	4
·	। श्रेष्ठो देवानां वसुः	5
	। नृभ्यो नारिभ्यो गर्वे	6
मा नीः सोमपरि्बाधो मारतियो जुहुरन्त	· • •	8
यास्ते प्रजा अमृतस्य परिस्मन्धामेन्नृतस्ये	1	" 0 "
मूर्धा नाभा सोम वेन आभूषन्तीः सोम वेदः		9
$(14) \qquad \qquad 44$		(म. 1 , अनु. 9)
	,3,5,7,9,11,13, सतोबृहती 2,4	
देवता अग्निः अश्विनौ उषाः		, , ,
- ग्रमे विवस्वदुषसंश्चित्रं राधौ अमर्त्य ।आ दाशुषै जातव		1
	-3	
पुष्टो हि दूतो असि हव्यवाहुनोऽग्ने रथीरध्वराणीम् ।		
रुटा हि दूता आस हव्युवाहुनाऽग्न र्यारव्युराणाम् । गुजूरिश्वभ्यामुषसा सुवीर्यमस्मे धेहि श्रवो बृहत् मुद्या दूतं वृणीमहे वसुमृग्निं पुरुप्रियम् । धूमकेतुं भात्रे		2

श्रेष्ठं यविष्ठमतिथिं स्वीहुतं जुष्टं जनीय दाश्षेत्रं स्त्विष्याम् त्वाम्हं विश्वेस्यामृत भोजन। असुशंसो बोधि गृणते येविष्ठ्य मधुजिह्वः स्वीहु होतारं विश्ववेदसं सं हि त्वा विश्व इन्धते । स्वितारमुषसम्श्विना भगम्प्रिं व्यृष्टिषु क्षपः। पितृह्यीध्वराणामग्ने दूतो विशामिस । उष्वर्बुध् अग्ने पूर्वा अनूषसो विभावसो दीदेथे विश्वदेश नि त्वा यज्ञस्य साधनमग्ने होतारमृत्विजम् । यद्देवानां मित्रमहः पुरोहितोऽन्तरो यासि दूत्यं सिन्धोरिव प्रस्विनितास ऊर्मयोऽग्नेभ्रीजन्ते अश्वधि श्रुत्कर्ण् विह्विभिद्वेरिग्ने स्याविभः। आ श्वृष्ठि श्रुत्कर्ण् विह्विभिद्वेरिग्ने स्वानेवोऽग्निजिह्वा ऋ प्रिवेतु सोमं वर्रणो धृतव्रत्वोऽश्विभ्यामुषसा स्वित्वेतु सोमं वर्रणो धृतव्रत्वोऽश्विभ्यामुषसा स्वित्वेत्वेरिं	ग्ग्रें त्रातारम्मृतंं मियेध्य यजिष्ट तः।प्रस्केण्वस्य प्रतिरन्नायुर्जीव स आ वेह पुरुहूत प्रचेत्सोऽः । कण्वांसस्त्वा सुतसोमास इ आ वेह सोमंपीतये देवाँ अद्द र्शतः।असि ग्रामेष्वविता पुरोहि म्नुष्वद्देव धीमिह प्रचेतसं र्जु म् र्चियः तावृधः।	हं हव्यवाहन ॥ 5 ॥ असे नम्स्या दैव्यं जनम्॥ 6 ॥ प्रे देवाँ इह द्रवत् ॥ 7 ॥ स्थते हव्यवाहं स्वध्वर ॥ 8 ॥ स्वर्हशः ॥ 9 ॥ हतोऽसि य्ज्ञेषु मानुषः॥10 ॥ शरं दूतममर्त्यम् ॥ 11 ॥
ऋषिः प्रस्कण्वः काण्वः	छन्दः अनुष्टुप्	देवता अग्निः 1-9 देवाः 10
त्वमंग्ने वसूँरिह रुद्राँ अदित्याँ उत श्रुष्टीवानो हि दाशुषे देवा अंग्ने विचेतसः प्रियमेध्वदित्रवज्ञातेवेदो विरूपवत् महिकेरव ऊतये प्रियमेधा अहूषत घृताहवन सन्त्येमा उ षु श्रुधी गिरेः त्वां चित्रश्रवस्तम् हर्वन्ते विक्षु जन्तवः । नि त्वा होतारमृत्विजं दिध्रे वसुवित्तमम् आ त्वा विप्रा अचुच्यवुः सुतसोमा अभि प्रात्यांव्णाः सहस्कृत सोम्पेयाय सन्त्य । अर्वाञ्चं दैव्यं जन्मग्ने यक्ष्व सहूतिभिः ।	यजां स्वध्वरं जनं मनुं तान्नोहिदश्व गिर्वणस्त्रयं अङ्गिरस्वन्महिव्रत् प्रस्का राजन्तमध्वराणामिग्निं श् याभिः कण्वस्य सूनवो शोचिष्केशं पुरुप्रियाग्ने हुव । श्रुत्केणं सुप्रथेस्तमं विप्ना । प्रयः बृहद्धा बिभ्नेतो हुर्ग इहाद्य दैव्यं जनं बुर्हिरा स	जातं घृत्पप्रुषंम् ॥ 1 ॥ स्त्रिंशत्मा वह ॥ 2 ॥ प्रवस्य श्रुधी हर्वम् ॥ 3 ॥ प्रक्रेणं शोचिषां ॥ 4 ॥ हवुन्तेऽवसे त्वा ॥ 5 ॥ याय वोळ्हेवे ॥ 6 ॥ अग्ने दिविष्टिषु ॥ 7 ॥ वेरग्ने मर्ताय दाशुषं ॥ 8 ॥ दिया वसो ॥ 9 ॥
(15)	46	(म.1, अनु.9)
ऋषिः प्रस्कण्वः काण्वः	छन्दः गायत्री	देवता अश्विनौ
एषो उषा अपूर्व्या व्युच्छिति प्रिया दिवः या दस्रा सिन्धुमातरा मनोतरा रयीणाम् वच्यन्ते वां ककुहासो जूर्णायामिध विष्टी हिवषा जारो अपां पिपिर्ति पपुरिर्नरा आदारो वां मतीनां नासत्या मतवचसा या नः पीपरदिश्वना ज्योतिष्मती तमस्तिर आ नो नावा मेतीनां यातं पाराय गन्तवे	। पिता कुर्टस्य चर्षे। । पातं सोमेस्य धृष्णु रः । तामस्मे रोसाथामि	हो ॥ 2 ॥ तात् ॥ 3 ॥ णः ॥ 4 ॥ या ॥ 5 ॥ षम् ॥ 6 ॥

अरित्रं वां दिवस्पृथु तीर्थे सिन्धूनां रर्थः	। धिया युयुज्र इन्देवः	8
दिवस्केण्वास् इन्देवो वसु सिन्धूनां पुदे	। स्वं वृद्रिं कुर्ह धित्सथः	9
अभूदु भा उ अंशवे हिर्रण्यं प्रति सूर्यः	। व्यख्यज्ञिह्वयासितः	10
अभूदु पारमेतेवे पन्था ऋतस्य साधुया	। अर्दार्श् <u>य</u> वि स्रुतिर्दिवः	11
तत्त्वदिद्श्विनोरवो जरिता प्रति भूषति	। मद्रे सोमस्य पिप्रतोः	12
वावसाना विवस्विति सोमस्य पीत्या गिरा	। मुनुष्वच्छंभू आ गेतम्	13
युवोरुषा अनु श्रियं परिज्मनोरुपाचेरत्	। ऋता वेनथो अकुभिः	14
उुभा पिबतमश्विनोभा नुः शर्मी यच्छतम्	। अविद्विद्वयाभिरूतिभिः	15

। इति प्रथमाष्टके तृतीयोऽध्यायः समाप्तः ।

विश्वस्य हि प्राणेनं जीवेनं त्वे वि यदुच्छ सा नो रथेन बृहता विभाविर श्रुधि चित्र उषो वाजं हि वंस्व यिश्वत्रो मानुषे जने तेना वह सुकृतो अध्वराँ उप ये त्वो गृष् विश्वन्देवाँ आ वह सोमेपीतयेऽन्तरिक्षाव सास्मासुं धा गोमदश्वावदुक्थ्य १ मुषो व यस्या रुशन्तो अर्चयः प्रति भद्रा अर्दक्षत।स ये चिद्धि त्वामृषयः पूर्व ऊतये जुहूरेऽवि सा नः स्तोमाँ अभि गृणीहि राधसोषः श्	गमघे हर्वम् । णन्ति वह्नयः दुष्स्त्वम् गजं सुवीर्यम् ग नो र्यि विश्ववीरं सुपेश्रीसमुषा देदातु सुर से महि	10 11 12 13 14
उषो यद्द्य भानुना वि द्वारावृणवो दिवः प्र नो यच्छतादवृकं पृथु च्छर्दिः प्र देवि सं नो राया बृहता विश्वपेशसा मिमिक्ष्वा सं द्युम्नेने विश्वतुरोषो महि सं वाजैर्वाजि	- गोमेतीरिषेः ा समिळीभिरा	15 16
(4)	49	(म.1, अनु.9)
ऋषिः प्रस्कण्वः काण्वः	छन्दः अनुष्टुप्	देवता उषाः
उषो भ्रद्रेभिरा गिह दिविश्विद्रोचनादिधे सुपेशिसं सुखं रथं यमध्यस्था उष्टस्त्वम् वयिश्चित्ते पत्तित्रणो द्विपञ्चतुष्पदर्जुनि व्युच्छन्ती हि रशिमिभिविश्वमाभासि रोचन् (13)	। वहन्त्वरुणप्सेव उपे त्वा सोमिनी । तेनो सुश्रवेसं जनं प्रावाद्य दुहिर्ता । उषुः प्रारेत्रृतूँरनुं द्विवो अन्तेभ्यस्प नम् । तां त्वामुषर्वसूयवो गोिभिः कण्वी 50	दिवः ॥ 2 ॥ रि ॥ 3 ॥
ऋषिः प्रस्कण्वः काण्वः छन्दः गाय		देवता सूर्यः
उदु त्यं जातवेदसं देवं वहन्ति केतवः अप त्ये तायवो यथा नक्षत्रा यन्त्यकुभिः अदेश्रमस्य केतवो वि रुश्मयो जनाँ अन् त्रिणिर्विश्वदेशितो ज्योतिष्कृदेसि सूर्य प्रत्यङ् देवानां विशः प्रत्यङ्कुदेषि मानुषान् येनो पावक चक्षसा भुरुण्यन्तं जनाँ अनु वि द्यामेषि रजस्पृथ्वहा मिमोनो अकुभिः सप्त त्वो हरितो रथे वहन्ति देव सूर्य अयुक्त सप्त शुन्थ्यवः सूरो रथस्य नृत्यः उद्घत्रद्य मित्रमह आरोह्नुत्तरां दिवेम् शुकेषु मे हरिमाणं रोप्णाकास दथ्मिस उद्गाद्यमादित्यो विश्वेन सहसा सह	दृशे विश्वाय सूर्यम् : सूराय विश्वचिक्षसे : भ्राजन्तो अग्नया यथा विश्वमा भासि रोचनम् न् प्रत्यङ्वश्वं स्वर्दृशे त्वं वरुण पश्यसि : पश्यञ्जन्मानि सूर्य शोचिष्केशं विचक्षण ताभिर्याति स्वयुक्तिभिः	1 2 3 4 5 6 7 8 9 10 11

| 14 |

छन्दः जगती 1-13, त्रिष्टुप् 14-15 ऋषिः सव्यः आङ्गिरसः देवता इन्द्रः अभि त्यं मेषं पुरुहूतमृग्मियमिन्द्रं गीर्भिर्मीदता वस्वो अर्ण्वम् यस्य द्यावो न विचरन्ति मानुषा भुजे मंहिष्ठम्भि विप्रमर्चत $\parallel \mathbf{1} \parallel$ अभीमेवन्वन्त्स्विभृष्टिमूतयो ऽन्तरिक्षुप्रां तिविषीभिरावृतम् इन्द्रं दक्षांस ऋभवों मद्च्युतं श्वतक्रेतुं जर्वनी सूनृतारुहत् || 2 || त्वं गोत्रमङ्गिरोभ्योऽवृणोरपोतात्रये शतदुरेषु गातुवित् स्रोने चिद्धिमुदायविहो वस्वाजाविद्रं वावसानस्य नुर्तयेन् | 3 | त्वम्पामपिधानविृणोरपाधारयः पर्वते दानुमद्वसु वृत्रं यदिन्द्र शवसावधीरिहमादित्सूर्यं दिव्यारोहयो दृशे || 4 || त्वं मायाभिरपं मायिनोऽधमः स्वधाभिर्ये अधि शुप्तावर्जुह्नत त्वं पिप्रोर्नृमणुः प्रार्रुजः पुरः प्र ऋजिश्वनिं दस्युहत्येष्वाविथ | 5 | त्वं कुत्सं शुष्ण्रहत्येष्वाविथारेन्थयोऽतिथिग्वाय शम्बेरम् महान्तं चिदर्बुदं नि क्रमीः पदा सनादेव देस्युहत्याय जिज्ञषे | 6 | त्वे विश्वा तर्विषी सुध्र्यिग्विता तव् राधः सोमपीथायं हर्षते तव वर्ज्रिश्चिकते बाह्वोर्हितो वृश्चा शत्रोरव विश्वानि वृष्ण्या | 7 | वि जीनीह्यार्यान्ये च दस्येवो बुर्हिष्मेते रन्धया शासेदब्रतान् शाकी भव यर्जमानस्य चोदिता विश्वेत्ता ते सध्मादेषु चाकन | 8 | अनुंव्रताय रुन्धयुत्रपंव्रतानाभूभिरिन्द्रीः श्रुथयुत्रनीभुवः वृद्धस्यं चिद्वर्धतो द्यामिनक्षतः स्तर्वानो वृम्रो वि जीवान संदिहीः || 9 || तक्षद्यत्तं उशना सहसा सहो वि रोदेसी मुज्मना बाधते शर्वः आ त्वा वार्तस्य नृमणो मन्रोयुज् आ पूर्यमाणमवहन्न्रिभ श्रवीः **|| 10 ||** मन्दिष्ट् यदुशने काव्ये सचाँ इन्द्रो वङ्क वङ्कतराधि तिष्ठति उ्ग्रो युपिं निर्पः स्रोतसासृजुद्धि शुष्णस्य दृंहिता ऐरयृतपुरः | 11 | आ स्मा रथं वृष्पाणेषु तिष्ठसि शार्यातस्य प्रभृता येषु मन्देसे इन्द्र यथा सुतसोमेषु चाकनोऽनुर्वाणुं श्लाोकुमा रोहसे द्विव | 12 || अर्ददा अभी मह्ते वेचस्यवे कुक्षीवेते वृच्यामिन्द्र सुन्वते मेनाभवो वृषण्श्वस्यं सुक्रतो विश्वेत्ता ते सर्वनेषु प्रवाच्यां | 13 |

इन्द्रों अश्रायि सुध्यों निरेके पुज्रेषु स्तोमो दुर्यो न यूर्पः

अश्वयुर्गव्यू रेथ्युवीसूयुरिन्द्र इद्वायः क्षेयति प्रयन्ता

इदं नमो वृष्भायं स्वराजे स्त्यशुष्माय त्वसेऽवाचि

ऋषिः सव्यः आङ्गिरसः छन्दः जगती 1-12,14, त्रिष्टुप् 13,15		देवता इन
त्यं सु मेुषं मेहया स्वृर्विदं शृतं यस्य सुभ्वः साकमीरते		
अत्यं न वाजं हवनस्यदं रथमेन्द्रं ववृत्यामवसे सुवृक्तिभिः	1	
स पर्वतो न धरुणेष्वच्युतः सहस्रमूतिस्तविषीषु वावृधे		
इन्द्रो यद्भुत्रमवेधीन्नदीवृत्तेमुब्जन्नणांसि जर्हधाणो अन्धेसा	2	.
स हि द्वरो द्वरिषुं वृत्र ऊर्धनि चुन्द्रबुंध्रो मर्दवृद्धो मनीषिभिः		
इन्द्रं तमेह्ने स्वपुरयेया धिया मंहिष्ठरातिं स हि पप्रिरन्धेसः	3	
आ यं पृणन्ति दिवि सद्मीबर्हिषः समुद्रं न सुभ्व र्रः स्वा अभिष्टीयः	•	
तं वृत्र्वहत्ये अनुं तस्थुरूतयः शुष्मा इन्द्रमवाता अहुंतप्सवः	4	.
अभि स्ववृष्टिं मदे अस्य युध्यतो रुघ्वीरिव प्रवृणे संसुरूतयीः		
इन्द्रो यद्वज्री धृषमणो अन्धंसा भिनद्वलस्यं परिधाँरिव त्रितः	5	
परीं घृणा चेरति तित्विषे शवोऽपो वृत्वी रजेसो बुध्नमाशेयत्		
वृत्रस्य यत्प्रेवणे दुर्गृभिश्वनो निज्घन्थ् हन्वोरिन्द्र तन्युतुम्	6	
हृदं न हि त्वो न्यृषन्त्यूर्मयो ब्रह्मणीन्द्र तव यानि वर्धना		
त्वष्टी चित्ते युज्यं वावृधे शर्वस्तृतक्ष् वर्ज्रम्भिभूत्योजसम्	7	, II
ज्घन्वाँ उ हरिभिः संभृतक्रतविन्द्रं वृत्रं मनुषे गातुयन्रपः		
अयेच्छथा बाह्वोर्वज्रमायसमधीरयो दिव्या सूर्यं दृशे	8	
बृहत्स्वर्श्चन्द्रममेवद्यदुक्थ्य १ मर्कृण्वत भियसा रोहेणं दिवः		
यन्मानुषप्रधना इन्द्रेमूतयः स्वेर्नृषाचो म्रुतोऽमेदुन्ननु	∥ 9	
द्यौश्चिदस्यामेवाँ अहेः स्वनादयोयवीद्वियसा वर्ज्र इन्द्र ते		
वृत्रस्य यद्बेद्वधानस्ये रोदसी मदे सुतस्य शवसाभिनुच्छिरः	10	
यदिन्न्विन्द्र पृथिवी दर्शभुजि्रहानि विश्वा तृतनेन्त कृष्टयः		
अत्राहे ते मघवन्विश्रुतं सहो द्यामनु शर्वसा बुर्हणा भुवत्	11	
त्वमुस्य पारे रर्जसो व्योमनुः स्वर्भूत्योजा अर्वसे धृषन्मनः		
चकुषे भूमिं प्रतिमानमोर्जसोऽपः स्वः परिभूरेष्या दिवेम्	12	.
त्वं भुवः प्रतिमानं पृथिव्या ऋष्ववीरस्य बृह्तः पतिर्भूः		1
विश्वमाप्रौ अन्तरिक्षं महित्वा सत्यमुद्धा निकरन्यस्त्वावीन्	13	
न यस्य द्यावीपृथिवी अनु व्यचो न सिन्धवो रर्जसो अन्तमानुशुः		
नोत स्ववृष्टिं मदे अस्य युध्येत् एको अन्यच्चकृषे विश्वमानुषक्	14	.
		1

आर्चन्नत्रे मुरुतः सस्मिन्नाजौ विश्वे देवासो अमदन्ननु त्वा

न्यू ३ षु वाचं प्र मुहे भरामहे गिर् इन्द्रीय सदेने विवस्वीतः	1
नू चिद्धि रत्नं सस्तामिवाविद्नन दुष्टुतिर्द्रविणोदेषु शस्यते	1
दुरो अश्वस्य दुर ईन्द्र गोरीस दुरो यवस्य वसुन इनस्पतिः	1
शिक्षानुरः प्रदिवो अकोमकर्शनः सखा सर्खिभ्यस्तमिदं गृणीमसि	2
शचीव इन्द्र पुरुकृद्द्युमत्तम् तवेद्दिदम्भितश्चेकित्रे वसु	1
अर्तः संगृभ्योभिभूत् आ भेर् मा त्वीयतो जीर्तुः कार्ममूनयीः	3
एभिर्द्युभिः सुमना एभिरिन्दुंभिर्निरुन्धानो अमेतिं गोभिरश्विना	I
इन्द्रेण दस्युं दुरयन्त इन्दुंभिर्युतद्वेषसः सिम्षा रंभेमहि	4
सिमन्द्र राया सिम्षा रंभेमिह् सं वाजेभिः पुरुश्चन्द्रैर्भिद्युभिः	I
सं देव्या प्रमेत्या वीरशुष्मया गोअग्रयाऽश्वीवत्या रभेमहि	5
ते त्वा मदो अमद्नतानि वृष्ण्या ते सोमसो वृत्रहत्येषु सत्पते	1
यत्कारवे दर्श वृत्राण्यप्रति बुर्हिष्मेते नि सुहस्राणि बुर्हयः	6
युधा युध्मुप् घेदेषि धृष्णुया पुरा पुरं सिम्दं हंस्योजसा	1
नम्या यदिन्द्र सख्यां परावति निब्ह्यो नमुचिं नामं मायिनम्	7
त्वं करेञ्जमुत पूर्णयं वधीस्तेजिष्ठयातिथिग्वस्य वर्तनी	1
त्वं शृता वङ्गृदस्याभिनृत्पुरोऽनानुदः परिषूता ऋजिश्वना	8
त्वमेताञ्जनराज्ञो द्विर्दशाबन्धुना सुश्रवसोपज्ग्मुषः	1
षृष्टिं सुहस्रा नवृतिं नवे श्रुतो नि चुक्रेण् रथ्यो दुष्पदीवृणक्	9
त्वर्माविथ सुश्रवेसं तवोतिभिस्तव त्रामेभिरिन्द्र तूर्वयाणम्	1
त्वमस्मै कुत्समितिथिग्वमायुं महे राज्ञे यूने अरन्धनायः	10
य उद्दचीन्द्र देवगोपाः सर्खायस्ते शिवतमा असीम	1
त्वां स्तोषाम् त्वयो सुवीरा द्राघीय आर्युः प्रत्रं दर्धानाः	11
54	(म.1, अनु.10)

 (11)
 54
 (म.1, अनु.10

 ऋषिः सव्यः आङ्गिरसः
 छन्दः जगती 1-5,7,10, त्रिष्टुप् 6,8-9,11
 देवता इन्द्रः

मा नो अस्मिन्मघवन्पृत्स्वंहिस निह ते अन्तः शर्वसः परीणशे । अक्रेन्दयो निद्यो ३ रोरुवद्वनां कथा न क्षोणीर्भियसा समारत ॥ 1 ॥ अर्चा शक्रायं शािकने शचीवते शृण्वन्तिमन्द्रं महयेत्रभि ष्टुहि । यो धृष्णुना शर्वसा रोदसी उभे वृषां वृष्तत्वा वृष्भो न्युञ्जते ॥ 2 ॥

अर्ची दिवे बृहते शूष्यं १ वचः स्वक्षेत्रं यस्य धृष्तो धृषन्मनः	1
बृहच्छ्रेवा असुरो बुर्हणा कृतः पुरो हरिभ्यां वृष्भो रथो हि षः	3
त्वं दिवो बृहतः सानुं कोपयोऽव त्मनां धृष्ता शम्बरं भिनत्	1
यन्मायिनो ब्रन्दिनो मन्दिनो धृषच्छितां गर्भस्तिम्शनि पृतन्यसि	4
नि यद्वृणक्षि श्वस्ननस्य मूर्धनि शुष्णस्य चिद्ब्रन्दिनो रोरुवद्वनी	1
प्राचीनेन मनसा बुर्हणावता यदुद्या चित्कृणवः कस्त्वा परि	5
त्वमविथ् नयं तुर्वश्ं यदुं त्वं तुर्वीतिं वृय्यं शतक्रतो	1
त्वं रथमेतेशुं कृत्व्ये धने त्वं पुरो नवृतिं देम्भयो नव	6
स घा राजा सत्पीतः शूशुवुज्जनो रातहेव्यः प्रति यः शासुमिन्वीत	1
उक्था वा यो अभिगृणाति रार्धसा दानुरस्मा उपरा पिन्वते दिवः	7
असमं क्ष्त्रमसमा मनीषा प्र सोम्पा अपसा सन्तु नेमे	
ये ते इन्द्र दुदुषों वर्धयन्ति महि क्ष्त्रं स्थविरं वृष्णयं च	8
तुभ्येदेते बेहुला अद्रिदुग्धाश्चमूषदेश्चम्सा ईन्द्रपानाः	
व्येश्नुहि तुर्पया कामेमेषामथा मनो वसुदेयीय कृष्व	9
अपामीतष्ठद्धरुणीहरं तम्रोऽन्तर्वृत्रस्ये जुठरेषु पर्वतः	1
अभीमिन्द्रौ नुद्यौ वृद्रिणा हिता विश्वा अनुष्ठाः प्रवाणेषु जिघ्नते	∥ 10 ∥
स शेवृधमधि धा द्युम्रम्समे मिह क्ष्त्रं जेनाषाळिन्द्र तव्यम्	
रक्षां च नो मुघोनः पाहि सूरीन्राये चे नः स्वपत्या इषे धाः	11

 (8)
 55
 (म.1, अनु.10)

 ऋषिः सव्यः आङ्गिरसः
 छन्दः जगती
 देवता इन्द्रः

दिवश्चिदस्य वरिमा वि पेप्रथ इन्द्रं न मुह्रा पृथिवी चुन प्रति भीमस्तुविष्माञ्चर्षणिभ्यं आतुपः शिशीते वज्रं तेजसे न वंसंगः 11 सो अर्णुवो न नुद्याः समुद्रियाः प्रति गृभ्णाति विश्रिता वरीमिभः इन्द्रः सोर्मस्य पीतये वृषायते स्नात्स युध्म ओर्जसा पनस्यते || 2 || त्वं तिमन्द्र पवीतं न भोजेसे मुहो नृम्णस्य धर्मणाऽभिरज्यसि प्र वीर्येण देवताऽति चेकिते विश्वस्मा उग्रः कर्मणे पुरोहितः | 3 | स इद्वने नम्स्युभिर्वचस्यते चारु जनेषु प्रब्रुवाण इन्द्रियम् वृषा छन्दुर्भवति हर्यतो वृषा क्षेमेण धेनां मुघवा यदिन्वति || 4 || स इन्मुहानि सिम्थानि मुज्मना कृणोति युध्म ओर्जसा जनेभ्यः अधा चुन श्रद्देधित त्विषीमत इन्द्रीय वज्रं निघनिघ्नते वृधम् | 5 | स हि श्रेवस्युः सदेनानि कृत्रिमा क्ष्मया वृधान ओजेसा विनाशयेन् ज्योतींषि कृण्वन्नवृकाण् यज्यवेऽवं सुक्रतुः सर्त्वा अपः सृजत् | 6 |

	दानाय मर्नः सोमपावन्नस	तु तेऽर्वाञ्चा हरी वन्दनश्रुदा कृधि	1
	यमिष्ठासुः सारंथयो य ई	न्द्र ते न त्वा केता आ देभुवन्ति भूर्णयः	7
	अप्रीक्षतुं वसुं बिभर्षि हर	स्तयोरषाळहुं सहस्तुन्वि श्रुतो देधे	1
	आवृंतासोऽवृतासो न क्	र्कृतिभिस्तुनूषु ते क्रतव इन्द्रं भूरयः	8
(6)		56	(म.1, अनु.10)
ऋषिः	सव्यः आङ्गिरसः	छन्दः जगती	देवता इन्द्रः
	एष प्र पर्वीरव तस्य चरि		
	<u>=</u> ,	यं रथमावृत्या हरियोगुमृभ्वसम्	1
		गसः समुद्रं न स <u>ं</u> चरणे सनि्ष्यवीः	1
		् सहो गिरिं न वेना अधि रोह तेर्जसा	2
		स्ये गि्रेर्भृष्टिर्न भ्राजते तुजा शर्वः	1
	-	। मदे दुध्र आभूषु रामयन्त्रि दार्मनि	3
	देवी यदि तिवधी त्वावृध	गोतय इन्द्रं सिर्षक्तचुषसं न सूर्यः	1
	यो धृष्णुना शर्वसा बार्ध	ते तम् इयर्ति रेणुं बृहदर्हरिष्वणिः	4
	वि यत्तिरो धुरुणमच्युतं	रजोऽतिष्ठिपो दिव आतीसु ब्रहणी	1
	स्वर्मीळ्हे यन्मदं इन्द्र हष्	र्घार्हन्वृत्रं निरुपामौब्जो अर्ण्वम्	5
		ोर्जसा पृथिव्या ईन्द्र सर्दनेषु माहिनः	1
	त्वं सुतस्य मदे अरिणा	अपो वि वृत्रस्य समयो पाष्योरुजः	6
(6)		57	(म.1, अनु.10)
ऋषिः स	क्यः आङ्गिरसः	छन्दः जगती	देवता इन्द्रः
	प्र मंहिष्ठाय बृहुते बृहद्रीये	स्त्यशुष्माय त्वसे मृतिं भेरे	1
	<u> </u>	र्धरं राधौ विश्वायु शर्वसे अपविृतम्	1
		ष्ट्रय आपो निम्नेव सर्वना हुविष्मेतः	1
	यत्पर्वीते न सुमशीत हर्य	ति इन्द्रस्य वज्रुः श्रथिता हिर्ण्ययः	2
	अस्मै भीमाय नर्मसा स	मेध्वर उषो न शुंभ्र आ भेरा पनीयसे	1
		द्वयं ज्योति्रकारि हुरिताे नायसे	3
		 रत् ये त्वारभ्य चरामिस प्रभूवसो	1
	, ,	रः सर्घत्क्षोणीरिव प्रति नो हर्य तद्वचः	4
		- स्मस्यस्य स्तोतुर्मीघवुन्कामुमा पृ [†] ण	1
		नम <u>इ</u> यं चे ते पृथि्वी नेम् ओर्जसे	5
	त्वं तिमन्द्र पर्वतं महामुर	रुं वज्रेण वज्रिन्पर्वशश्चकर्तिथ	1
	1 1 0 1 -	\circ 1 \circ 1 \circ 1	
	अवसिृजी निवृताः सर्तव	ग्रा अपः स <u>ु</u> त्रा विश्वं दिधषे केवेलुं सहः	6

(9)		58		(म.1	, अनु. 11)
ऋषिः	नोधाः गौतमः	छन्दः जगती 1-5, त्रिष्टुप् 6-9		देव	ता अग्निः
	नू चित्सहोजा	अमृतो नि तुन्दते होता यहूतो अभविद्ववस्वतः		1	
		प्रथिभी रजो मम् आ देवताता हृविषा विवासति	1	1	
	आ स्वमद्मी यु	गुवमीनो अजरस्तृष्वीवृष्यन्नेत्सेषु तिष्ठति			
		पुषितस्य रोचते दिवो न सानु स्तनयन्नचिक्रदत्	2	2	
	क्राणा रुद्रेभि	र्त्रसुभिः पुरोहिताे होता निषत्तो रियाषाळमेर्त्यः			
	रथो न विक्ष्वृ	ञ्जसान आयुषु व्यानुषग्वार्या देव ऋण्वति	3	3	
	वि वार्तजूतो	अत्सेषुं तिष्ठते वृथां जुहूभिः सृण्यां तुविष्वणिः			
	तृषु यदेग्ने वृि	ननो वृषायसे कृष्णं त एम रुशदूमें अजर	4	4	
	तपुर्जम्भाे वन्	आ वातचोदितो यूथे न साह्राँ अव वाति वंसगः			
		तुं पार्जसा रर्जः स्थातुश्चरथं भयते पतित्रर्णः		5	
	द्धुष्ट्वा भृगेवो	मानुषेष्वा र्यिं न चार्रं सुहवं जनेभ्यः			
		तेथिं वरेण्यं मित्रं न शेवं दिव्याय जन्मेने	(6	
	-	ह्बो ३ यजिष्ठं यं वाघतौ वृणते अध्वरेषु			
	अृग्निं विश्वेषा	मर्ति वसूनां सपुर्याम् प्रयसा याम् रत्नेम्	1 7	7	
	अच्छिद्रा सून	सहसो नो अद्य स्तोतृभ्यो मित्रमहुः शर्म यच्छ			
	अग्ने गृणन्त्मं	हंस उरुष्योजों नपात्पूर्भिरायसीभिः	8	3	
	भवा वर्र्स्थं ग	गृणुते विभावो भवो मघवन्मुघवेद्धाः शर्म			
	उरुष्याग्ने अंही	सो गृणन्तं प्रातर्मक्षू धियावंसुर्जगम्यात्	9	9	
(7)		59		(म.1	<u>, अनु.11)</u>
ऋषिः न	गोधाः गौतमः	छन्दः त्रिष्टुप्	देवता	अग्निः	वैश्वानरः
	वया इदेग्ने अ	ग्रयस्ते अन्ये त्वे विश्वे अमृता मादयन्ते			
	वैश्वान <u>र</u> नाभि	रिसि क्षितीनां स्थूणेव जनाँ उपमिद्ययन्थ	1	1	
	मूर्धा दिवो ना	भिर्ग्निः पृथि्व्या अथाभवदर्ती रोदेस्योः			
	तं त्वी देवासं	रिऽजनयन्त देवं वैश्वनिर् ज्योतिरिदार्याय	2	2	
	٥,	श्मयो ध्रुवासो वैश्वानुरे दिधरेऽग्ना वसूनि			
		धीष्वप्सु या मानुषेष्वसि तस्य राजी	3	3	
	<u> </u>	वे रोदसी गिरो होता मनुष्यो ३ न दक्षः			
		पुष्पाय पूर्वीवैश्वानुराय नृतमाय यह्वीः	4	1 ∥	
	•	नो जीतवेदो वैश्वनिर् प्र रिरिचे महित्वम्	n .	_	

राजा कृष्टीनामसि मानुषीणां युधा देवेभ्यो वरिवश्चकर्थ

| 5 |

	प्र नू महित्वं वृष्भस्य वो	चं यं पूरवो वृत्रहणं सर्चन्ते	I
	वैश्वान्रो दस्युम्ग्रिजीघन्वाँ	ं अधूनोत्काष्ट्रा अव शम्बरं भेत्	6
	वैश्वानुरो मेहिम्रा विश्वकृरी	ष्टर्भरद्वजिषु यज्तो विभावी	1
	शातवनेये शतिनीभिर्ग्निः	पुरुणीथे जरते सूनृतावान्	7
(5)		60	(म.1, अनु.11)
ऋषिः ग	नोधाः गौतमः	छन्दः त्रिष्टुप्	देवता अग्निः
	वह्निं युशसं विदर्थस्य केत्	नुं सुप्राव्यं दूतं स <u>्</u> द्योअर्थम्	I
	द्विजन्मनिं र्यिमिव प्रशुस्त	नं रातिं भेरुद्भगवे मात्रिश्वी	1
	अस्य शासुंरुभयांसः सच	न्ते हिवष्मन्त उशिजो ये च मर्ताः	l
	दिवश्चित्पूर्वो न्यंसादि होत्	ापृच्छ्यो विश्पतिर्विक्षु वेधाः	2
	तं नव्यसी हृद आ जायम	गनम्स्मत्सुंकोर्तिर्मधुंजिह्नमश्याः	1
	यमृत्विजो वृजने मानुषास्	गः प्रयस्वन्त आयवो जीजनन्त	3
	<u>उ</u> शिक्पविको वसुर्मानुषेषु	वरेण्यो होताधायि विक्षु	1
	दमूना गृहपितिर्दम् आँ अ	ग्नेभुींबद्रियपती रयीणाम्	4
	तं त्वा वयं पतिमग्ने रयीप	गां प्र शंसामो मृतिभिगोतेमासः	1
	आशुं न वर्जिभुरं मुर्जयेन्त	तः प्रातर्मक्षू धियावसुर्जगम्यात्	5
		ς, σ	
(16)		61	(म.1, अनु.11)
	नोधाः गौतमः		(म.1, अनु.11) देवता इन्द्रः
	नोधाः गौतमः	61	
	नोधाः गौतमः	61 छन्दः त्रिष्टुप् ग्रयो न हेर्मि स्तोमं माहिनाय	
	नोधाः गौतमः अस्मा इदु प्र त्वसे तुराय ऋचीषमायाधिगव् ओहुमि	61 छन्दः त्रिष्टुप् ग्रयो न हेर्मि स्तोमं माहिनाय	देवता इन्द्रः
	नोधाः गौतमः अस्मा इदु प्र त्वसे तुराय ऋचीषमायाध्रिगव ओहमि अस्मा इदु प्रयंइव् प्र यंस्	61 छन्दः त्रिष्टुप् प्रयो न हर्मि स्तोमं माहिनाय अन्द्रीय ब्रह्मणि रातर्तमा	देवता इन्द्रः
	नोधाः गौतमः अस्मा इदु प्र त्वसे तुराय ऋचीषमायाध्रिगव ओहमि अस्मा इदु प्रयंइव् प्र यंस्	61 छन्दः त्रिष्टुप् प्रयो न हर्मि स्तोमं माहिनाय पन्द्रीय ब्रह्मणि राततेमा प भरम्याङ्गूषं बाधे सुवृक्ति प प्रताय पत्ये धियो मर्जयन्त	देवता इन्द्रः 1 1
	नोधाः गौतमः अस्मा इदु प्र त्वसे तुराय ऋचीषमायाध्रिगव् ओहुमि अस्मा इदु प्रयेइव् प्र यंसि इन्द्रीय हुदा मनेसा मन्नीष	61 छन्दः त्रिष्टुप् प्रयो न हर्मि स्तोमं माहिनाय पन्द्रीय ब्रह्मणि रातर्तमा प भरम्याङ्गुषं बाधे सुवृक्ति प्राप्ताय पत्ये धियो मर्जयन्त भरम्याङ्गुषमास्येन	देवता इन्द्रः 1 1
	नोधाः गौतमः अस्मा इदु प्र त्वसे तुराय् ऋचीषमायाध्रिगव् ओहुमि अस्मा इदु प्रयंइव् प्र यंहि इन्द्रीय हुदा मनेसा मनीष अस्मा इदु त्यमुप्मं स्वर्षां मंहिष्टुमच्छोक्तिभिर्मतीनां उ	61 छन्दः त्रिष्टुप् प्रयो न हर्मि स्तोमं माहिनाय पन्द्रीय ब्रह्मणि रातर्तमा प भरम्याङ्गुषं बाधे सुवृक्ति प्राप्ताय पत्ये धियो मर्जयन्त भरम्याङ्गुषमास्येन	देवता इन्द्रः 1 2
	नोधाः गौतमः अस्मा इदु प्र त्वसे तुराय् ऋचीषमायाध्रिगव् ओहुमि अस्मा इदु प्रयंइव् प्र यंहि इन्द्रीय हुदा मनेसा मनीष अस्मा इदु त्यमुप्मं स्वर्षां मंहिष्टुमच्छोक्तिभिर्मतीनां उ	61 छन्दः त्रिष्टुप् प्रयो न हर्मि स्तोमं माहिनाय पन्द्रीय ब्रह्मणि राततेमा प भरोम्याङ्गूषं बाधे सुवृक्ति प्राप्ताय पत्ये धियो मर्जयन्त भरोम्याङ्गूषमास्येन सुवृक्तिभिः सूरिं वावृधध्ये पि रथं न तष्टेव तिस्निनाय	देवता इन्द्रः 1 2
	नोधाः गौतमः अस्मा इदु प्र त्वसे तुराय् ऋचीषमायाध्रिगव् ओहुमि अस्मा इदु प्रयंइव् प्र यंहि इन्द्रीय हृदा मनेसा मनीष अस्मा इदु त्यमुप्मं स्वर्षां मंहिष्टमच्छोक्तिभर्मतीनां उ अस्मा इदु स्तोम्ं सं हिनो गिरेश्च गिर्वाहसे सुवृक्तीन्द्र	61 छन्दः त्रिष्टुप् प्रयो न हर्मि स्तोमं माहिनाय पन्द्रीय ब्रह्मणि राततेमा प भरोम्याङ्गूषं बाधे सुवृक्ति प्राप्ताय पत्ये धियो मर्जयन्त भरोम्याङ्गूषमास्येन सुवृक्तिभिः सूरिं वावृधध्ये पि रथं न तष्टेव तिस्निनाय	देवता इन्द्रः 1 2 3
	नोधाः गौतमः अस्मा इदु प्र त्वसे तुराय् ऋचीषमायाध्रिगव् ओहुमि अस्मा इदु प्रयंइव् प्र यंहि इन्द्रीय हृदा मनेसा मनीष अस्मा इदु त्यमुप्मं स्वर्षां मंहिष्टमच्छोक्तिभर्मतीनां उ अस्मा इदु स्तोम्ं सं हिनो गिरेश्च गिर्वाहसे सुवृक्तीन्द्र	61 छन्दः त्रिष्टुप् प्रयो न हर्मि स्तोमं माहिनाय पन्द्रीय ब्रह्मणि रातत्मा प भर्राम्याङ्गूषं बाधे सुवृक्ति प्रत्नाय पत्ये धियो मर्जयन्त भर्राम्याङ्गूषमास्येन सुवृक्तिभिः सूरिं वावृधध्यै पि रथं न तष्टेव तत्सिनाय प्रियन्द्रीयार्क जुह्वा ३ समेञ्जे	देवता इन्द्रः 1 2 3
	नोधाः गौतमः अस्मा इदु प्र त्वसे तुराय् ऋचीषमायाध्रिगव् ओहुमि अस्मा इदु प्रयंइव् प्र यंहि इन्द्रीय हृदा मनेसा मनीष अस्मा इदु त्यमुप्मं स्वृषां मंहिष्ठमच्छोक्तिभर्मतीनां उ अस्मा इदु स्तोम् सं हिनो गिरेश्च गिर्वाहसे सुवृक्तीन्द्र अस्मा इदु स्तिमिव श्रव्र	हिन्दः त्रिष्टुप् प्रयो न हिर्मि स्तोमं माहिनाय प्रयो न हिर्मि स्तोमं माहिनाय प्रयो न हिर्मि स्तोमं माहिनाय प्रयो ब्रह्मणि राततेमा प्रकाय पत्ये धियो सर्जयन्त भरोम्याङ्गूषमास्येन स्वृक्तिभिः सूरिं वावृधध्यै पि रथं न तष्टेव तिस्निनाय प्रियं विश्वमिन्वं मेधिराय स्येन्द्रायाकं जुह्वा ई समेञ्जे रां गूर्तश्रवसं दुर्माणीम्	देवता इन्द्रः 1 2 3 4
	नोधाः गौतमः अस्मा इदु प्र त्वसे तुराय् ऋचीषमायाध्रिगव् ओहुमि अस्मा इदु प्रयंइव् प्र यंहि इन्द्रीय हृदा मनेसा मनीष अस्मा इदु त्यमुपमं स्वर्षां मंहिष्टमच्छोक्तिभर्मतीनां उ अस्मा इदु स्तोम्ं सं हिनो गिरश्च गिर्वाहसे सुवृक्तीन्द्र अस्मा इदु सिर्मिव श्रव्रस्	हिन्दः त्रिष्टुप् प्रयो न हिर्मि स्तोमं माहिनाय प्रयो न हिर्मि स्तोमं माहिनाय प्रयो न हिर्मि स्तोमं माहिनाय प्रयो ब्रह्मणि राततेमा प्रकाय पत्ये धियो सर्जयन्त भरोम्याङ्गूषमास्येन स्र्युक्तिभिः सूरिं वावृधध्यै पि रथं न तष्टेव तिस्तिनाय प्रयोन्द्रीयार्क जुह्वा ३ समञ्जे रां गूर्तश्रवसं दर्माणम् स्वपंस्तमं स्व्यं १ रणांय	देवता इन्द्रः 1 2 3 4
	नोधाः गौतमः अस्मा इदु प्र त्वसे तुराय् ऋचीषमायाध्रिगव ओहुमि अस्मा इदु प्रयंइव प्र यंहि इन्द्रीय हुदा मनेसा मनीष अस्मा इदु त्यमुप्मं स्वर्षां मंहिष्टमच्छोक्तिभर्मतीनां उ अस्मा इदु स्तोम् सं हिनो गिरेश्च गिर्वाहसे सुवृक्तीन्द्र अस्मा इदु सिर्मिव श्रवर वीरं दानौकेसं वन्दध्यै पुर अस्मा इदु त्वष्टां तक्ष्वइज्रं वृत्रस्ये चिद्विदद्येन मर्मं तु	हिन्दः त्रिष्टुप् प्रयो न हिर्मि स्तोमं माहिनाय प्रयो न हिर्मि स्तोमं माहिनाय प्रयो न हिर्मि स्तोमं माहिनाय प्रयो ब्रह्मणि राततेमा प्रकाय पत्ये धियो सर्जयन्त भरोम्याङ्गूषमास्येन स्र्युक्तिभिः सूरिं वावृधध्यै पि रथं न तष्टेव तिस्तिनाय प्रयोन्द्रीयार्क जुह्वा ३ समञ्जे रां गूर्तश्रवसं दर्माणम् स्वपंस्तमं स्व्यं १ रणांय	देवता इन्द्रः 1 2 3 4 5

मुषायद्विष्णुः पचतं सहीयान्विध्यद्वराहं तिरो अद्रिमस्ती	7
अस्मा इदु ग्राश्चिद्देवपेत्रीरिन्द्रीयार्कमिहिहत्ये ऊवुः	1
परि द्यावापृथिवी जेभ्र उर्वी नास्य ते मेहिमानं परि ष्टः	8
अस्येदेव प्र रिरिचे महित्वं दिवस्पृथिव्याः पर्यन्तरिक्षात्	1
स्वराळिन्द्रो दम् आ विश्वर्गूर्तः स्वरिरमेत्रो ववक्षे रणीय	9
अस्येदेव शर्वसा शुषन्तुं वि वृश्चद्वज्रेण वृत्रमिन्द्रीः	1
गा न ब्राणा अवनीरमुञ्चदुभि श्रवी दावने सचेताः	10
अस्येदुं त्वेषसा रन्त सिन्धवः परि यद्वज्रेण सीमयेच्छत्	1
र्इशानकृद्दाशुषे दशस्यन्तुर्वीतये गाधं तुर्विणीः कः	11
अस्मा इदु प्र भेरा तूर्तुजानो वृत्राय वज्रमीशनः कियेधाः	1
गोर्न पर्व वि रेदा तिर्श्चेष्युन्नणांस्युपां चरध्यै	12
अस्येदु प्र ब्रूहि पूर्व्याणि तुरस्य कर्माणि नव्ये उक्थैः	1
युधे यदिष्णान आयुधान्यृघायमीणो निरिणाति शत्रून्	13
अस्येदुं भिया गि्रयेश्च दृळ्हा द्यावां च भूमां जनुषंस्तुजेते	1
उपों वेनस्य जोर्गुवान ओ्रिणं सुद्यो भ्रुवद्वीर्याय नोधाः	14
अस्मा इदु त्यदर्नु दाय्येषामेको यद्वव्ने भूरेरीशानः	1
प्रैतेशं सूर्ये पस्पृधानं सौवेश्ये सुष्विमावदिन्द्रीः	15
एवा ते हारियोजना सुवृक्तीन्द्र ब्रह्मणि गोतमासो अक्रन्	1
ऐषुं विश्वपेशसं धियं धाः प्रातर्मक्षू धियावसुर्जगम्यात्	16
। इति प्रथमाष्टके चतुर्थोऽध्यायः समाप्तः ।	

(पञ्चमोऽध्यायः ॥ वर्गाः 1-31)

(13)		62	(म.1, अनु.11)
ऋषिः र	नोधाः गौतमः	छन्दः त्रिष्टुप्	देवता इन्द्रः
	प्र मन्महे शवसान	ार्य शूषमाङ्गूषं गिर्वणसे अङ्गिरस्वत्	
		· ऋग्मियायाचीमार्कं नरे विश्रुताय	1
		 मो भरध्वमाङ्गुष्यं शवसानाय साम	1
		र्रः पदुज्ञा अर्चन्तुो अङ्गिरसो गा अविन्दन्	2
	इन्द्रस्याङ्गिरसां चेृष्ट	टौ विदत्स्रमा तर्नयाय धासिम्	1
		विदुद्गाः समुस्रियोभिर्वावशन्तु नर्रः	3
	सं सुष्टुभा स स्तुभ	ना सुप्त विप्रैः स्वरेणाद्रिं स्वर्यो 🛓 नवेग्वैः	1
		मेन्द्र शक्र वृलं रवेण दरयो दर्शोग्वैः	4
	गृणानो अङ्गिरोभि	र्दस्म वि वेरुषसा सूर्येण गोभिरन्धः	1
	वि भूम्या [†] अप्रथय	इन्द्र सानुं दिवो रज् उपरमस्तभायः	5
	तदु प्रयक्षितममस्य	कर्मं दुरमस्य चारुतममस्ति दंसः	1
	<u>उप</u> ह्वरे यदुपरा आ	पेन्वन्मध्वर्णसो न्द्यर्श्वतस्रः	6
	द्विता वि वेव्रे स <u>्</u> न	जा सनीळे अयास्यः स्तर्वमानेभिर्केः	1
	भगो न मेने पर्म	व्योमन्नधारयद्रोदेसी सुदंसाः	7
	सुनाद्दिवं परि भूम	ा विरूपे पुनुर्भुवा युवृती स्वेभिरेवैः	1
	कृष्णेभिरकोषा रु	शद्धिर्वपुर्भिरा चेरतो अन्यान्या	8
	सनेमि सुख्यं स्विप्	<u>ा</u> स्यमनिः सूनुद [्] धा <u>र</u> शर्वसा सुदंसाः	1
	_	पुक्रमुन्तः पर्यः कृष्णासु रुशुद्रोहिणीषु	9
	सुनात्सनीळा अव	नीरवाता ब्रुता रक्षन्ते अमृताः सहोभिः	1
	पुरू सुहस्रा जनेयं	ो न पत्नीर्दुवस्यन्ति स्वसारो अह्रयाणम्	10
	-	नव्यों अर्कैर्वसूयवों मृतयों दस्म दद्गः	
	•	ो <u>रु</u> शन्तं स्पृशन्ति त्वा शवसावन्मनीषाः	11
	सुनादेव तव रायो	गर्भस्तौ न क्षीयन्ते नोपं दस्यन्ति दस्म	1
	द्युमाँ असि क्रतुमाँ	í इन्द्र ध <u>ीरः</u> शिक्षां शचीवस्तवं नः शचीभिः	12
	_ <u>~</u>	न्द्र नव्यमतेक्षद्वह्मं हरियोजनाय	1
	 सुनीथार्य नः शवः	 सान नोधाः प्रातर्मक्षू धियावसुर्जगम्यात्	13
(9)	_	63	(म.1, अनु.11)
ऋषिः न	नोधाः गौतमः	छन्दः त्रिष्टुप्	देवता इन्द्रः
	त्वं महाँ ईन्द्र यो	 हु शुष्मुैर्द्यावा जज्ञानः पृथिुवी अमे [।] धाः	
		रयश्चिदभ्वा भिया दळहासः किरणा नैजेन्	1
	· × · · · · · · · · · · · · · ·		II ± II

	आ यद्धरी इन्द्र विव्रता वेरा ते वज्रं जरिता बाह्वोधीत्	
	येनविहर्यतक्रतो अमित्रान्पुरं इष्णासि पुरुहूत पूर्वीः	2
	त्वं सृत्य ईन्द्र धृष्णुरेतान्त्वमृभुक्षा नर्यस्त्वं षाट्	
	त्वं शुष्णं वृजने पृक्ष आणौ यूने कुत्सीय द्युमते सर्चाहन्	3
	त्वं हु त्यिदन्द्र चोदीः सखी वृत्रं यद्वीज्रन्वृषकर्मन्नुभ्राः	1
	यद्धे शूर वृषमणः पराचैवि दस्यूँयोनावकृतो वृथाषाट्	4
	त्वं हु त्यिदुन्द्रारिषण्यन्दृळ्हस्ये चिन्मर्तानामजुष्टौ	1
	व्यर्रस्मदा काष्ट्रा अवीते वर्धनेव विज्ञञ्ज्नथिह्यमित्रीन्	5
	त्वां ह त्यिदुन्द्राणीसात्रौ स्वीमीळहे नर्र आजा हेवन्ते	1
	तर्व स्वधाव इयमा सम्पर्य ऊतिर्वाजेष्वत्साय्यो भूत्	6
	त्वं हु त्यिदिन्द्र सुप्त युध्यन्पुरो विज्ञन्पुरुकुत्सीय दर्दः	
	बर्हिर्न यत्सुदासे वृथा वर्गंहो रोजन्वरिवः पूरवे कः	7
	त्वं त्यां ने इन्द्र देव चित्रामिषुमापो न पीपयुः परिज्मन्	1
	यया शूर प्रत्यस्मभ्यं यंसि त्मनुमूर्जं न विश्वध् क्षरेध्यै	8
	अकारि त इन्द्र गोर्तमेभिुर्ब्रह्माण्योक्ता नर्मसा हरिभ्याम्	1
	सुपेशसं वाज्मा भेरा नः प्रातर्मक्षू धियावसुर्जगम्यात्	9
(15)	64	(म.1, अनु.11)
ऋषिः न	धाः गौतमः छन्दः जगती 1-14, त्रिष्टुप् 15	देवता मरुतः

वृष्णे शर्धीय सुमेखाय वेधसे नोधी सुवृक्ति प्र भेरा मुरुद्धीः अपो न धीरो मनसा सुहस्त्यो गिरः समेञ्जे विदर्थेष्वाभुवीः | 1 | ते जिज्ञरे दिव ऋष्वासं उक्षणीं रुद्रस्य मर्या असुरा अरेपसः पावकासः शुचेयः सूर्योइव सत्वानो न द्रप्सिनो घोरवेर्पसः || 2 || युवनि रुद्रा अजरा अभोग्धनो ववृक्षुरिध्रगावः पर्वताइव ट्रळहा चिद्धिश्वा भुवनानि पार्थिवा प्र च्यावयन्ति दिव्यानि मुज्मना | 3 | चित्रैर्ञिभिर्वपुषे व्यंञ्जते वक्षःसु रुक्माँ अधि येतिरे शुभे अंसेष्वेषां नि मिमृक्षुर्ऋष्टयः साकं जिज्ञरे स्वधया दिवो नरः || 4 || र्द्रशानुकृतो धुनेयो रिशादेसो वातान्विद्युत्स्तविषीभिरक्रत दुहन्त्यूर्धिर्देव्यानि धूर्तयो भूमिं पिन्वन्ति पर्यसा परिज्रयः | 5 | पिन्वेन्त्युपो मुरुतः सुदानेवः पयो घृतविद्विदथेष्वाभुवः अत्यं न मिहे वि नेयन्ति वाजिनुमुत्सं दुहन्ति स्तुनयेन्तुमक्षितम् | 6 | मृहिषासो मायिनश्चित्रभानवो गिरयो न स्वतंवसो रघुष्यदीः

	मृगाईव हस्तिनेः खादथा वना यदार्रुणीषु तर्विषीरयुग्ध्वम्	7
	सिंहाईव नानदित प्रचेतसः पिशाईव सुपिशो विश्ववेदसः	l
	क्षपो जिन्वेन्तः पृषेतीभिर्ऋष्टिभिः समित्स्बाधः शवसाहिमन्यवः	8
	रोर्दसी आ वेदता गणिश्रयो नृषीचः शूराः शवसाहिमन्यवः	I
	आ वन्धुरेष्वमित्न देश्ता विद्युन्न तस्थौ मरुतो रथेषु वः	9
	विश्ववेदसो र्यिभिः समोकसः संमिश्जस्रस्तविषीभिर्विरप्शिनीः	I
	अस्तार् इषुं दिधरे गर्भस्त्योरन्नतशुष्मा वृषेखादयो नरः	10
	हिर्ण्ययेभिः पविभिः पयोवृध् उद्घिघ्नन्त आपृथ्योर्३ न पर्वतान्	I
	मुखा अयासीः स्वसृती ध्रुवच्युती दुध्रुकृती मुरुतो भ्राजीदृष्टयः	11
	घृषुं पावकं वृनिनं विचेषींणं रुद्रस्यं सूनुं ह्वसां गृणीमसि	1
	रजस्तुरं त्वसं मार्रतं गुणमृजीिषणं वृषेणं सश्चत श्रिये	12
	प्र नू स मर्तुः शर्वसा जनाँ अति तस्थौ वे ऊती मेरुतो यमावेत	1
	अर्वीद्धर्वाजं भरते धना नृभिरापृच्छ्यं क्रतुमा क्षेति पुष्पेति	13
	चुर्कृत्यं मरुतः पृत्सु दुष्टरं द्युमन्तुं शुष्मं मुघवत्सु धत्तन	I
	धनुस्पृतंमुक्थ्यं विश्वचेषींण तोकं पुष्येम् तनयं शृतं हिमाः	14
	व्यक्तिरानुपञ्च विषयपाण सामा पुष्पम् रागप रारा हिनाः	14
	नू ष्टिरं मेरुतो वीरवन्तमृतीषाहं र्यिम्स्मासु धत्त	14
		15
(10)	नू ष्टिरं मेरुतो वीरवेन्तमृतीषाहं र्यिम्स्मासुं धत्त	1
	नू ष्टिरं मेरुतो वीरवन्तमृतीषाहं र्यिम्स्मासुं धत्त सहस्रिणं शृतिनं शूशुवांसं प्रातम्क्षू धियावसुर्जगम्यात्	15
	नू ष्टिरं मेरुतो वीरवन्तमृतीषाहं र्यिम्स्मासुं धत्त सहस्रिणं शतिनं शूशुवांसं प्रातम्क्षू धियावसुर्जगम्यात् 65	 15 (म.1, अनु.12)
	नू ष्टिरं मेरुतो वीरवेन्तमृतीषाहं रियमस्मासुं धत्त सहस्रिणं शतिनं शूशुवांसं प्रातम्क्षू धियावसुर्जगम्यात् 65 गराशरः शाक्त्यः छन्दः द्विपदा विराट्	 15 (म.1, अनु.12) देवता अग्निः
	नू ष्टिरं मेरुतो वीरवेन्तमृतीषाहं र्यिम्स्मासुं धत्त सहस्रिणं शतिनं शूशुवांसं प्रातम्क्षू धियावसुर्जगम्यात् 65 गराशरः शाक्त्यः छन्दः द्विपदा विराट् पृश्वा न तायुं गुहा चर्तन्तुं नमो युजानं नमो वहन्तम्	 15 (म.1, अनु.12) देवता अग्निः 1
	नू ष्टिरं मेरुतो वीरवेन्तमृतीषाहं रियमस्मासुं धत्त सहिम्रणं शितनं शूशुवांसं प्रातम्क्षू धियावसुर्जगम्यात् 65 राशरः शाक्त्यः छन्दः द्विपदा विराट् पश्चा न तायुं गुहा चर्तन्तुं नमो युजानं नम् वहन्तम् सजोषा धीराः पुदेरनुं ग्मन्नुपं त्वा सीदन्विश्वे यजेत्राः	 15 (म.1, अनु.12) देवता अग्निः 1 2
	नू ष्टिरं मेरुतो वीरवेन्तमृतीषाहं रियमस्मास् धत्त सहिम्रणं शतिनं शूशुवांसं प्रातम्क्षू धियावसुर्जगम्यात् 65 राशरः शाक्त्यः छन्दः द्विपदा विराट् पृश्वा न तायुं गुहा चर्तन्तं नमो युजानं नमो वहंन्तम् सजोषा धीराः पुदैरनुं ग्मृत्रुपं त्वा सीदुन्विश्वे यजित्राः ऋतस्यं देवा अनुं वृता गुर्भुवृत्परिष्टि्द्यौर्न भूमं	 15 (म.1, अनु.12) देवता अग्निः 1 2 3
	नू ष्टिरं मेरुतो वीरवेन्तमृतीषाहं र्यिम्स्मास् धत्त सहिम्रणं शतिनं शूशुवांसं प्रातम्क्षू ध्यावसुर्जगम्यात् 65 राशरः शाक्त्यः छन्दः द्विपदा विराट् पश्चा न तायुं गुहा चर्तन्तं नमो युजानं नमो वहेन्तम् सजोषा धीराः पदैरन् गम्त्रुपं त्वा सीदन्विश्चे यजेत्राः ऋतस्य देवा अनुं वृता गुर्भुवृत्परिष्टिद्यौर्न भूमं वर्धन्तीमापः पन्वा सुशिश्विमृतस्य योना गर्भे सुजातम्	 15 (म.1, अनु.12) देवता अग्निः 1 2 3 4
	नू ष्टिरं मेरुतो वीरवेन्तमृतीषाहं र्यिम्स्मास् धत्त सहिम्रणं शितनं शूशुवांसं प्रातमिक्षू धियावसुर्जगम्यात् 65 राशरः शाक्त्यः छन्दः द्विपदा विराट् पश्चा न तायुं गृहा चर्तन्तं नमो युजानं नमो वहेन्तम् सजोषा धीराः पदैरन् गम्त्रुपं त्वा सीदन्विश्चे यजित्राः ऋतस्य देवा अनुं ब्रता गुर्भुवत्परिष्टिद्यौर्न भूमं वधीन्तीमापः पन्वा सुशिश्विमृतस्य योना गर्भे सुजातम् पुष्टिनं रण्वा क्षितिनं पृथ्वी गिरिर्न भुज्म क्षोदो न श्रंभु अत्यो नाज्मन्त्सर्गप्रतक्तः सिन्धुनं क्षोदः क ई वराते जािमः सिन्धूनां भ्रातेव स्वस्नािमभ्यात्र राजा वनान्यित्त	15 (म.1, अनु.12) देवता अग्निः 1 2 3 4 5
	नू ष्टिरं मेरुतो वीरवेन्तमृतीषाहं रियमस्मास् धत्त सहिम्रणं शतिनं शूशुवांसं प्रातम्क्षू धियावंसुर्जगम्यात् 65 राशरः शाक्त्यः छन्दः द्विपदा विराट् पश्चा न तायुं गृहा चर्तन्तं नमो युजानं नमो वहेन्तम् सजोषा धीराः पदैरनुं ग्मृत्रुपं त्वा सीदन्विश्चे यजेत्राः ऋतस्य देवा अनुं ब्रता गुर्भुवत्परिष्टिद्यौर्न भूमं वर्धन्तीमापः पन्वा सुशिश्विमृतस्य योना गर्भे सुजातम् पुष्टिनं रुण्वा क्षितिनं पृथ्वी गिरिर्न भुज्म क्षोदो न शंभु अत्यो नाज्मन्त्सर्गप्रतक्तः सिन्धुनं क्षोदः क ई वराते जामिः सिन्धूनां भ्रातेव स्वस्रामिभ्यात्र राजा वनान्यित्त यद्वातंजूतो वना व्यस्थादिग्निहं दाति रोमां पृथिव्याः	15 (म.1, अनु.12) देवता अग्निः 1 2 3 4 5 6
	नू ष्टिरं मेरुतो वीरवेन्तमृतीषाहं रियमस्मासुं धत सहिस्रणं शितनं शूशुवांसं प्रातम्ंक्षू धियावेसुर्जगम्यात् 65 राशरः शाक्त्यः छन्दः द्विपदा विराट् पश्वा न तायुं गृहा चर्तन्तं नमो युजानं नमो वहेन्तम् सजोषा धीराः पदैरनुं ग्मृत्रुपं त्वा सीदन्विश्चे यजेत्राः ऋतस्य देवा अनुं व्रता गुर्भुवृत्परिष्टिद्यौनं भूमं वर्धन्तीमापः पुन्वा सुशिश्विमृतस्य योना गर्भे सुजातम् पृष्टिनं रुण्वा क्षितिनं पृथ्वी गिरिर्न भुज्म क्षोदो न श्ंभु अत्यो नाज्मन्त्सर्गप्रतक्तः सिन्धुनं क्षोदः क ई वराते जामिः सिन्धूनां भ्रातेव स्वस्नामिभ्यान्न राजा वनान्यत्ति यद्वातंजूतो वना व्यस्थादिग्निहं दाति रोमां पृथिव्याः श्वसित्युप्सु हंसो न सीदन् क्रत्वा चेतिष्ठो विशामुंषुर्भुत्	15 (म.1, अनु.12) देवता अग्निः 1 2 3 4 5 6 7
	नू ष्टिरं मेरुतो वीरवेन्तमृतीषाहं रियमस्मास् धत्त सहिम्रणं शतिनं शूशुवांसं प्रातम्क्षू धियावंसुर्जगम्यात् 65 राशरः शाक्त्यः छन्दः द्विपदा विराट् पश्चा न तायुं गृहा चर्तन्तं नमो युजानं नमो वहेन्तम् सजोषा धीराः पदैरनुं ग्मृत्रुपं त्वा सीदन्विश्चे यजेत्राः ऋतस्य देवा अनुं ब्रता गुर्भुवत्परिष्टिद्यौर्न भूमं वर्धन्तीमापः पन्वा सुशिश्विमृतस्य योना गर्भे सुजातम् पुष्टिनं रुण्वा क्षितिनं पृथ्वी गिरिर्न भुज्म क्षोदो न शंभु अत्यो नाज्मन्त्सर्गप्रतक्तः सिन्धुनं क्षोदः क ई वराते जामिः सिन्धूनां भ्रातेव स्वस्रामिभ्यात्र राजा वनान्यित्त यद्वातंजूतो वना व्यस्थादिग्निहं दाति रोमां पृथिव्याः	15 (म.1, अनु.12) देवता अग्निः 1 2 3 4 5 6 7 8

(10)		UU	(म.1, अनु.12)
ऋषिः	पराशरः शाक्त्यः	छन्दः द्विपदा विराट्	देवता अग्निः
	रयिर्न चित्रा सरो न	सुंदगायुर्न प्राणो नित्यो न सूनुः	1
	•	- ॰ ॰ गषक्ति पयो न धेनुः शुचिर्विभावी	2
	दाधार क्षेमुमोको न	रुण्वो यवो न पुक्को जेता जर्नानाम्	3
	ऋषिर्न स्तुभ्वी विक्षु	4	
	दुरोकेशोचिः क्रतुर्न ।	नेत्यो जायेव योनावरं विश्वस्मै	5
	- चित्रो यदभ्राट्छ्वेतो न	विक्षु रथो न रुक्मी त्वेषः समृत्सु	6
	सेने'व सृष्टामं ['] द <u>धा</u> त्य	स्तुर्न द्विद्युत्त्वेषप्रतीका	7
	यमो है जातो यमो	_ निित्वं जारः कुनीनां पितुर्जनीनाम्	8
	तं वेश्वराथां वृयं वेस्	त्यास्तुं न गावो नक्षन्त इद्धम्	9
	सिन्धुर्न क्षोदः प्र नीच	ग्रीरैन्रोन्नवेन्त् गावुः स्वर्श्दंशीके	10
(10)		67	(म.1, अनु.12)
ऋषिः	पराशरः शाक्त्यः	छन्दः द्विपदा विराट्	देवता अग्निः
	वनेषु जायुर्मतेषु मित्र	गे वृणीते श्रुष्टिं राजेवाजुर्यम्	1
		· भुद्रो भुवेत्स्वाधीर्होता हव्युवाट्	2
	. • •	वेश्वान्यमे देवान्धाद्वहा निषीदेन्	3
	विदन्तीमत्र नरो धियं	धा हृदा यत्तृष्टान्मन्त्रुाँ अशंसन्	4
		पृथिवीं तस्तम्भ द्यां मन्त्रेभिः स्त्यैः	5
	प्रिया पुदानि पुश्वो नि	न पहि विश्वायुरग्ने गुहा गुह [†] गाः	6
	य ईं चिकेत गुहा भ	र्वन्तुमा यः सुसादु धारोमृतस्ये	7
	वि ये चृतन्त्यृता सर्प	न्तु आदिद्वसूनि प्र वेवाचास्मै	8
	वि यो वीरुत्सु रोधन	महित्वोत प्रजा उत प्रसूष्वन्तः	9
	चित्तिरुपां दमें विश्वा	युः सद्मेव धीराः संमायं चक्रुः	10
(10)		68	(म.1, अनु.12)
ऋषिः	पराशरः शाक्तवः	छन्दः द्विपदा विराट्	देवता अग्निः
	श्रीणन्नुपं स्थादिवं भु	एण्युः स्थातुश्चरर्थम्कूर्न्व्यूणीत्	1
	परि यदेषामेको विश्व	ष्पां भुवद्देवो देवानां महित्वा	2
	आदित्ते विश्वे क्रतुं व	नुषन्त शुष्काद्यद्वेव जीवो जनिष्ठाः	3
	भर्जन्त विश्वे देवत्वं	नाम ऋतं सपन्तो अमृत्मेवैः	4
	ऋतस्य प्रेषां ऋतस्य	धीतिर्विश्वायुर्विश्वे अपांसि चक्रुः	5
		ते शिक्षात्तरमै चिकित्वान्नियं देयस्व	6

	होता निषेत्तो मनोरपेत्ये स चिन्न्नीसां पती रयीणाम्	7
	इच्छन्त रेतो मिथस्तनूषु सं जीनत् स्वैर्दक्षैरमूराः	8
	पितुर्न पुत्राः क्रतुं जुषन्त श्रोषन्ये अस्य शासं तुरासः	9
	वि राये और्णोद्धरः पुरुक्षुः पि्पेश् नाकं स्तृभिर्दमूनाः	10
(10)	69	(म.1, अनु.12)
ऋषिः	पराशरः शाक्त्यः छन्दः द्विपदा विराट्	देवता अग्निः
	शुक्रः शुंशुकाँ उषो न जारः पुप्रा समीची दिवो न ज्यो	तिः ॥ 1 ॥
	परि प्रजीतः क्रत्वी बभूथ भुवो देवानां पिता पुत्रः सन्	2
	वेधा अदेप्तो अग्निर्विजानत्रूध्नं गोनां स्वाद्मी पितूनाम्	3
	जने न शेर्व आहूर्यः सन्मध्ये निषत्तो रुण्वो दुरोणे	4
	पुत्रो न जातो रुण्वो दुरोणे वाजी न प्रीतो विशो वि त	रित् ॥ ५ ॥
	विशो यदह्वे नृभिः सनीळा अग्निरेवित्वा विश्वन्यश्याः	6
	निकेष्ट एता व्रता मिनन्ति नृभ्यो यदेभ्यः श्रुष्टिं चकर्थं	7
	तत्तु ते दंसो यदहेन्त्समानैर्नृभियंद्युक्तो विवे रपांसि	8
	उुषो न जारो विभावोस्रः संज्ञातरूपश्चिकेतदस्मै	9
	5 11 1 31 11 12 11 31 11 11 11 11 11 11 11 11 11 11 11	" > "
	त्मना वहन्तो दुरो व्यृण्वन्नवन्त विश्वे स्वर्ध्हशीके	10
(11)		
	त्मना वहन्तो दुरो व्यृण्वन्नवन्त विश्वे स्वर्ध्हशीके	10
	त्मना वहन्तो दुरो व्यृण्वन्नवन्त विश्वे स्वर्ध्हशीके 70	∥ 10 ∥ (म.1, अनु.12)
	त्मना वहन्तो दुरो व्यृण्वन्नवन्त विश्वे स्वर्ध्दशीके 70 पराशरः शाक्त्यः छन्दः द्विपदा विराट्	∥ 10 ∥ (म.1, अनु.12) देवता अग्निः
	त्मना वहन्तो दुरो व्यृण्वन्नवन्त विश्वे स्वर्ध्हशीके 70 पराशरः शाक्त्यः छन्दः द्विपदा विराट् वनेमे पूर्वीर्यो मेनीषा अग्निः सुशोको विश्वीन्यश्याः	10 (म.1, अनु.12) देवता अग्निः 1 2
	त्मना वहन्तो दुरो व्यृण्वन्नवन्त विश्वे स्वर्ध्दशीके 70 पराशरः शाक्त्यः छन्दः द्विपदा विराट् वनेमे पूर्वीर्यो मेनीषा अग्निः सुशोको विश्वोन्यश्याः आ दैव्योनि व्रता चिकित्वाना मानुषस्य जनस्य जन्मे	10 (म.1, अनु.12) देवता अग्निः 1 2 3
	त्मना वहन्तो दुरो व्यृण्वन्नवन्त विश्वे स्वर्ध्दशीके 70 पराशरः शाक्त्यः छन्दः द्विपदा विराट् वनेमे पूर्वीर्यो मेनीषा अग्निः सुशोको विश्वोन्यश्याः आ दैव्योनि व्रता चिकित्वाना मानुषस्य जनस्य जन्मे गर्भो यो अपां गर्भो वनोनां गर्भश्च स्थातां गर्भश्चरथीम्	10 (म.1, अनु.12) देवता अग्निः 1 2 3
	त्मना वहन्तो दुरो व्यृण्वन्नवन्त विश्वे स्वर्ध्हशीके 70 पराशरः शाक्त्यः छन्दः द्विपदा विराट् वनेमे पूर्वीर्यो मेनीषा अग्निः सुशोको विश्वान्यश्याः आ दैव्यानि व्रता चिकित्वाना मानुषस्य जनस्य जन्मे गर्भो यो अपां गर्भो वनानां गर्भश्च स्थातां गर्भश्चरथाम् अद्रौ चिदस्मा अन्तर्दुरोणे विशां न विश्वो अमृतः स्वा	10 (म.1, अनु.12) देवता अग्निः 1 2 3 भी: 4 5
	त्मना वहन्तो दुरो व्यृण्वन्नवन्त विश्वे स्वर्ध्हशीके 70 पराशरः शाक्त्यः छन्दः द्विपदा विराट् वनेमे पूर्वीर्यो मेनीषा अग्निः सुशोको विश्वोन्यश्याः आ दैव्योनि व्रता चिकित्वाना मानुषस्य जनस्य जन्मे गर्भो यो अपां गर्भो वनोनां गर्भश्च स्थातां गर्भश्चरथीम् अद्रौ चिदस्मा अन्तर्दुरोणे विशां न विश्वो अमृतः स्वा स हि क्ष्पावा अग्नी रयीणां दाश्चो अस्मा अरं सूकैः पुता चिकित्वो भूमा नि पहि देवानां जन्म मतांश्च विद्व	10 (म.1, अनु.12) देवता अग्निः 1 2 3 भी: 4 5
	त्मना वहन्तो दुरो व्यृण्वन्नवन्त विश्वे स्वर्ध्हशीके 70 पराशरः शाक्त्यः छन्दः द्विपदा विराट् वनेमे पूर्वीर्यो मेनीषा अग्निः सुशोको विश्वान्यश्याः आ दैव्यानि व्रता चिकित्वाना मानुषस्य जनस्य जन्मे गर्भो यो अपां गर्भो वनानां गर्भश्च स्थातां गर्भश्चरथीम् अद्रौ चिदस्मा अन्तर्दुरोणे विशां न विश्वो अमृतः स्वा स हि क्ष्मपावाँ अग्नी रेयीणां दाश्चो अस्मा अरं सूक्तैः	10 (म.1, अनु.12) देवता अग्निः 1 2 3 भीः 4 5 हान् 6
	त्मना वहन्तो दुरो व्यृण्वन्नवन्त विश्वे स्वर्ध्दशीके 70 पराशरः शाक्त्यः छन्दः द्विपदा विराट् वनेमे पूर्वीर्यो मेनीषा अग्निः सुशोको विश्वान्यश्याः आ दैव्यानि व्रता चिकित्वाना मानुषस्य जनस्य जन्मे गर्भो यो अपां गर्भो वनानां गर्भश्च स्थातां गर्भश्चरथाम् अद्रौ चिदस्मा अन्तर्दुरोणे विशां न विश्वो अमृतः स्वा स हि क्ष्मावाँ अग्नी रेयीणां दाश्चो अस्मा अरं सूक्तैः पुता चिकित्वो भूमा नि पाहि देवानां जन्म मर्तांश्च विद्व	10
	त्मना वहन्तो दुरो व्यृण्वन्नवन्त विश्वे स्वर्ध्दशीके 70 पराशरः शाक्त्यः छन्दः द्विपदा विराट् वनेमे पूर्वीर्यो मेनीषा अग्निः सुशोको विश्वीन्यश्याः आ दैव्यीनि व्रता चिकित्वाना मानुषस्य जनस्य जन्मे गर्भो यो अपां गर्भो वनीनां गर्भश्च स्थातां गर्भश्चरथीम् अद्रौ चिदस्मा अन्तर्दुरोणे विशां न विश्वो अमृतः स्वा स हि क्ष्पावाँ अग्नी रेयीणां दाशद्यो अस्मा अरं सूक्तैः पुता चिकित्वो भूमा नि पिहि देवानां जन्म मर्तांश्च विद्वः वर्धान्यं पूर्वीः क्ष्पो विरूपाः स्थातुश्च रथमृतप्रवीतम् अरिध होता स्वर्शनिषतः कृण्विन्वश्चान्यपांसि सत्या गोषु प्रशस्ति वनेषु धिषे भरेन्त विश्वे बुलिं स्वर्णः	10
	त्मना वहन्तो दुरो व्यृण्वन्नवन्त विश्वे स्वर्ध्दशीके 70 पराशरः शाक्त्यः छन्दः द्विपदा विराट् वनेमे पूर्वीर्यो मेनीषा अग्निः सुशोको विश्वीन्यश्याः आ दैव्यीनि व्रता चिकित्वाना मानुषस्य जनस्य जन्मे गर्भो यो अपां गर्भो वनीनां गर्भश्च स्थातां गर्भश्चरथीम् अद्रौ चिदस्मा अन्तर्दुरोणे विशां न विश्वो अमृतः स्वा स हि क्ष्पावाँ अग्नी रेयीणां दाश्चो अस्मा अरं सूक्तैः पुता चिकित्वो भूमा नि पीहि देवानां जन्म मर्तांश्च विद्वः वर्धान्यं पूर्वीः क्ष्पो विरूपाः स्थातुश्च रथमृतप्रवीतम् अरिध होता स्वर्थनिषेत्तः कृण्वन्विश्वान्यपांसि स्त्या	10

(10) 71 (म.1, अनु.12)

(10)		/ 1	(+	1.1, ∽ig.12 <i>)</i>
ऋषिः प	राशरः शाक्त्यः	छन्दः त्रिष्टुप्		देवता अग्निः
	उपु प्र जिन्वन्नुश्	तीरुशन्तुं पतिं न नित्यं जनेयः सनीळाः		1
	स्वसारः श्यावीम	र्मिषीमजुषुञ्चित्रमुच्छन्ती'मुषसं न गार्वः	1	
		पुतरो न उक्थैरद्रिं रुजुन्नङ्गिरसो रवेण		
	चुकुर्दिवो बृहतो	गातुमस्मे अहः स्वर्विविदुः केतुमुस्राः	2	
	दधन्नृतं धनयन्नस्य	य धीतिमादिदुर्यो दिधिष्वोई विभृताः		1
	अतृष्यन्तीर्पसो	युन्त्यच्छो देवाञ्जनम् प्रयसा वर्धयेन्तीः	3	
	मथीद्यदीं विभृतो	मात्रिश्वा गृहेगृहे श्येतो जेन्यो भूत्		1
	आदीं राज्ञे न स	हीयसे सचा सन्ना दूत्यंर् भृगीवाणो विवाय	4	
	मुहे यत्पित्र ईं रर	^{सं'} दिवे करवे त्सरत्पृश <u>्</u> नन्यश्चिकित्वान्		1
	सृजदस्तो धृष्ता	दिद्युमेरम् स्वायां देवो दुहितरि त्विषिं धात्	5	
	स्व आ यस्तुभ्यं	दम् आ विभाति नमो वा दाशादुश्तो अनु द्यून्		1
	वधौं अग्ने वयौ	अस्य द्विबर्हा यासद्राया स्ररथं यं जुनासि	6	
	अग्निं विश्वा अ	भ पृक्षः सचन्ते समुद्रं न स्रुवतः सुप्त युह्वीः		1
	न जामिभिर्वि चि	किते वयो नो विदा देवेषु प्रमितं चिकित्वान्	7	
	आ यदिषे नृपतिं	तेज् आन्ट्छुचि रेतो निषिक्तं द्यौर्भीके		1
	अग्निः शर्धमनवृ	द्यं युवनिं स्वार्ध्यं जनयत्सूदयेच्च	∥ 8	
		ाः सुद्य एत्येकाः सुत्रा सूरो वस्व ईशे		1
	राजाना मित्रावर	ज्णा सुपाणी गोषुं प्रियम्मृतं रक्षमाणा	∥ 9	
		या पित्र्याणि प्र मीर्षिष्ठा अभि विदुष्क्वविः सन्		1
	नभो न रूपं जि	रेमा मिनाति पुरा तस्यो अभिशस्तिरधीहि	 10	
(10)		72	(1	म. 1 , अनु. 12)
ऋषिः प	राशरः शाक्तयः	छन्दः त्रिष्टुप्		देवता अग्निः
	नि काव्यो वेधस्	ाः शश्वीतस्कृर्हस्ते दधानो नयां पुरूणि		1
	<u>अ</u> ग्निर्भुवद्रय <u>ि</u> पती	रयीणां सुत्रा चेक्राणो अमृतानि विश्वा	1	
	अस्मे वृत्सं परि	षन्तुं न विन्दिन्नुच्छन्ताे विश्वे अमृता अमूराः		1
		धियुंधास्तुस्थुः पुदे परुमे चार्वुग्नेः	2	
	•	७ इस्त्वामिच्छुचिं घृतेन् शुचेयः सपुर्यान्		1
	_	युज्ञियान्यसूदयन्त तुन्वशः सुजाताः	3	
		विविदानाः प्र रुद्रियां जिभ्ररे युज्ञियांसः		1
	· · · · · · · · · · ·			

विदन्मर्तो नेमधिता चिकित्वानृग्निं पुदे पर्मे तस्थिवांसम्	4
सुंजानाना उप सीदन्नभिज्ञु पत्नीवन्तो नमुस्यं नमस्यन्	1
रिरिकांसेस्तुन्वेः कृण्वत् स्वाः सखा सख्युर्निमिषि रक्षेमाणाः	5
त्रिः सप्त यद्गुद्यानि त्वे इत्पदाविद्वित्रिहिता युज्ञियासः	1
तेभी रक्षन्ते अमृतं सजोषाः पुशूञ्चे स्थातॄञ्चरथं च पाहि	6
विद्वाँ अग्ने वयुनीनि क्षितीनां व्यनिषक्छुरुधौ जीवसे धाः	[
अन्तर्विद्वाँ अध्वेनो देवयानानतेन्द्रो दूतो अभवो हविर्वाट्	7
स्वाध्यो दिव आ सृप्त युह्वी रायो दुरो व्यृत्ज्ञा अजानन्	[
विदद्गव्यं सुरमा दृळहमूर्वं येना नु कं मानुषी भोजेते विट्	8
आ ये विश्वां स्वपृत्यानि तुस्थुः कृण्वानासों अमृतृत्वायं गातुम्	1
मुह्ना मुहद्भिः पृथिवी वि तस्थे माता पुत्रैरदितिर्धायसे वेः	9
अधि श्रियं नि देधुश्चार्रमस्मिन्दिवो यद्क्षी अमृता अर्कृण्वन्	1
अर्ध क्षरन्ति सिन्धवो न सृष्टाः प्र नीचीरग्ने अरुषीरजानन्	10

(10) 73 (म.1, अनु.12)

ऋषिः पराशरः शाक्त्यः छन्दः त्रिष्टुप् देवता अग्निः

र्यिनं यः पितृवित्तो वयोधाः सुप्रणीतिश्चिक्तुषो न शासुः स्योनुशीरतिथिनं प्रीणानो होतेव सद्म विध्तो वि तरित् 11 देवो न यः संविता सत्यर्मन्मा क्रत्वो निपाति वृजनीनि विश्वो पुरुप्रशस्तो अमित्नि सत्य आत्मेव शेवो दिधिषाय्यो भूत् || 2 || देवो न यः पृथिवीं विश्वधीया उपक्षेति हितमित्रो न राजी पुरःसदेः शर्मसदो न वीरा अनवद्या पतिजुष्टेव नारी | 3 | तं त्वा नरो दम् आ नित्यमिद्धमग्ने सर्चन्त क्षितिषु ध्रुवासु अधि द्युम्नं नि देधुभूर्यस्मिन्भवा विश्वायुर्ध्रुणा रयीणाम् || 4 || वि पृक्षों अग्ने मुघवानो अश्युर्वि सूरयो दर्दतो विश्वमार्युः सनेम् वाजं सिम्थेष्वर्यो भागं देवेषु श्रवसे दधीनाः | 5 | ऋतस्य हि धेनवो वावशानाः स्मद्रिधीः पीपयन्त द्युभक्ताः प्रावतः सुमृतिं भिक्षमाणा वि सिन्धेवः सुमयौ सस्रुरद्रिम् | 6 | त्वे अग्ने सुमृतिं भिक्षमाणा दिवि श्रवो दिधरे युज्ञियासः नक्ता च चुक्रुरुषसा विरूपे कृष्णं च वर्णमरुणं च सं धुः | 7 | यान्राये मर्तान्त्सुषूदो अग्ने ते स्योम मुघवीनो वयं ची छायेव विश्वं भुवनं सिसक्ष्यापप्रिवान्रोदेसी अन्तरिक्षम् $\parallel \mathbf{8} \parallel$ अवीद्भरग्ने अवीतो नृभिर्नृच्चीरैवीरान्वेनुयामा त्वोताः

	ईशानासंः पितृवित्तस्यं रायो वि सू एता ते अग्न उचर्थानि वेधो जुष्टीि शकेमं रायः सुधुरो यम्ं तेऽधि श्र	ने सन्तु मनेसे हृदे च	9
(9)	<u>3</u> 3	74	(म.1, अनु.13)
	ः गोतमः राहूगणः छ	न्दः गायत्री	देवता अग्निः
	उप्प्रयन्तो अध्वरं मन्त्रं वोचेमाग्नये यः स्नीहितीषु पूर्व्यः संजग्मानास् कृष्टि उत ब्रुवन्तु जन्तव उद्ग्निवृंत्रहाजीन यस्य दूतो असि क्षये वेषि ह्व्यानि व् तमित्सुह्व्यमिङ्गरः सुदेवं सहसो यहो आ च वहासि ताँ इह देवाँ उप प्रशस्न योर्रपब्दिरश्च्यः शृण्वे रथस्य कञ्चन्त्वोतो वाज्यह्रयोऽभि पूर्वस्मादपरः उत द्युमत्सुवीयं बृहदंग्ने विवासिस	। धनंजयो रणेरणे ोतये । दस्मत्कृणोष्येध्वरम् । जना आहुः सुब्र्हिषेम् तये । हृव्या सृश्चन्द्र वीतये	1 2 3 4 5 6 7 8 9
(5)	: गोतमः राहृगणः छ	75 न्दः गायत्री	(म.1, अनु.13) देवता अग्निः
	जुषस्वं स्प्रथंस्तम्ं वचों देवप्संरस्तम् अथां ते अङ्गिरस्तमाग्नें वेधस्तम प्रियः कस्तें जामिर्जनानामग्ने को दाश्वंध्वरः त्वं जामिर्जनानामग्ने मित्रो असि प्रियः यजां नो मित्रावरुणा यजां देवाँ ऋतं	म् । हृव्या जुह्वांन आ्रसिन म् । वोचेम् ब्रह्मं सानृसि । को हु कस्मिन्नसि श्रितः : । सखा सिखंभ्य ईड्यः बृहत् । अग्रे यक्षि स्वं दर्मम्	1 2 3 4 5
(5)		76	(म.1, अनु.13)
સ્ટા પ :	गोतमः राहूगणः का त उपेतिर्मनेसो वरीय भुवंदग्ने को वो युज्ञैः पिर दक्षं त आप के एह्यंग्न इह होता नि षीदादेब्धः सु प् अवेतां त्वा रोदेसी विश्विम्निन्वे यज् प्र सु विश्वीन्नक्षसो धक्ष्यंग्ने भवी य अथा वेह सोमेपितं हरिभ्यामाित्थ्य प्रजावेता वचेसा विह्नेरासा चे हुवे वेषि होत्रमुत पोत्रं येजत्र बोधि प्रय यथा विप्रस्य मनुषो ह्विर्भिर्देवाँ अ पुवा होतः सत्यतर त्वम्ह्याग्नं मन्द्र	ने वा ते मनेसा दाशेम पुरप्ता भेवा नः ग्री महे सौमन्साये देवान् ज्ञानीमभिशस्तिपावी ग्रमस्मै चकृमा सुदाव्री नि चे सत्सीह देवैः न्तर्जनित्वर्वसूनाम् ग्रयेजः कृविभिः कृविः सन्	देवता अग्नि: 1 2 3 4 5

(5)	77	(म.1, अनु.13)
ऋषिः ग	ोतमः राहूगणः छन्दः त्रिष्टुप्	देवता अग्निः
	कथा दशिमाग्नये कास्मै देवजुष्टोच्यते भामिने गीः यो मर्त्येष्वमृतं ऋतावा होता यजिष्ठ इत्कृणोति देवान् यो अध्वरेषु शंतम ऋतावा होता तमू नमोभिरा कृणुध्वम्	 1
	अग्निर्यद्वेर्मर्तांय देवान्त्स चा बोधाति मनेसा यजाति स हि क्रतुः स मर्यः स साधुर्मित्रो न भूदद्भेतस्य रथीः	2
	तं मेधेषु प्रथमं देवयन्तीर्विश् उपं ब्रुवते दुस्ममारीः स नो नृणां नृतमो रिशादो अग्निर्गिरोऽवसा वेतु धीतिम्	3
	तनां च ये मुघवानः शविष्टा वाजप्रसूता इषयन्त मन्मं एवाग्निर्गोतेमेभिर्ऋतावा विप्रेभिरस्तोष्ट जातवेदाः स एषु द्युम्नं पीपयत्स वाजं स पुष्टिं याति जोष्मा चिकित्वान्	4
(5)	78	(म.1, अनु.13)
	ोतमः राहूगणः छन्दः गायत्री	देवता अग्निः
तः तः तः	भि त्वा गोर्तमा गिरा जातवेदो विचर्षणे । द्युम्नैर्भि प्र णोनुमः मु त्वा गोर्तमो गिरा रायस्कामो दुवस्यति । द्युम्नैर्भि प्र णोनुमः मु त्वा वाज्सात्तममङ्गिरस्वद्धवामहे । द्युम्नैर्भि प्र णोनुमः मु त्वा वृत्रहन्तम् यो दस्यूँरवधूनुषे । द्युम्नैर्भि प्र णोनुमः वोचाम् रहूगणा अग्नये मधुमृद्धचः । द्युम्नैर्भि प्र णोनुमः	1 2 3 4 5
(12)	79	(म.1, अनु.13)
ऋषिः गो	तमः राहूगणः छन्दः त्रिष्टुप् 1-3, उष्णिक् देवता वैद्युतः अग्निः शुद्धाग्निः वा 1-3, अग्निः 4-12	4-6, गायत्री 7-12
शु अ य अ अ स स	रेण्यकेशो रजेसो विसारेऽहिर्धुनिर्वातंडव ध्रजीमान् चिभ्राजा उषसो नवेदा यशस्वतीरपस्युवो न सत्याः । ते सुपूर्णा अमिनन्तुँ एवैः कृष्णो नोनाव वृष्भो यदीदम् ।वाभिर्न स्मयमानाभिरागात्पतन्ति मिहेः स्तनयन्त्यभा दीमृतस्य पर्यसा पियोनो नयंशृतस्य पृथिभी रजिष्ठैः र्यमा मित्रो वर्रुणः परिज्मा त्वचं पृञ्चन्त्युपरस्य योनौ ग्रे वार्जस्य गोमेत् ईशानः सहसो यहो। अस्मे धेहि जातवेदो मिह श ईधानो वसुष्क्वविर्ग्निर्रोळेन्यो गिरा । रेवदस्मभ्यं पुर्वणीक दीदिहि पो राजश्रुत त्मनाग्रे वस्तोरुतोषसः । स तिग्मजम्भ रक्षसो दह प्रति वो नो अग्न ऊतिभिर्गायत्रस्य प्रभर्मणि । विश्वासु धीषु वेन्द्य । नो अग्ने रियं भेर सत्रासाहं वरेण्यम् । विश्वासु पृत्सु दुष्टरम्	5

आ नो ['] अग्ने सुचे <u>त</u> ुन	र्ि र्यिं विश्वायुपोषसम् । मार्डीकं धेहि जीवसे	9
प्र पूतास्तिग्मशोचिषे	वाचो गोतमाग्नये । भरस्व सुम्रुयुर्गिरः	10
यो नो अग्नेऽभ <u>ि</u> दास्त	यन्ति दूरे पेदीष्ट सः । अस्माकृमिद्वधे भेव	11
<u>सहस्राक्षो</u> विचर्षणि <u>र</u>	ग्नी रक्षांसि सेधति । होता गृणीत उुक्थ्यः	12
(16)	80	(म.1, अनु.13)
ऋषिः गोतमः राहूगणः	छन्दः पङ्किः	देवता इन्द्रः

इत्था हि सोम् इन्मदे ब्रुह्मा चुकार् वर्धनम्	1
शविष्ठ वज्रिन्नोजेसा पृथिव्या निः शेशा अहिमर्चन्ने स्वराज्येम्	1
स त्वीमदुद्दृषा मदुः सोर्मः श्येनाभृतः सुतः	
येना वृत्रं निर्द्धो ज्घन्थं वज्रिन्नोज्सार्चेन्ननुं स्वराज्यम्	2
प्रेह्यभीहि धृष्णुहि न ते वज्रो नि यंसते	
इन्द्रं नृम्णं हि ते शवो हनों वृत्रं जयां अपोऽर्चन्ननुं स्वराज्यम्	3
निरिन्द्र भूम्या अधि वृत्रं जेघन्थ् निर्दिवः	1
सृजा मुरुत्वेतीरवे जीवर्धन्या इमा अपोऽर्चन्ननुं स्वराज्यम्	4
इन्द्रो वृत्रस्य दोधेतुः सानुं वज्रेण हीळितः	
अभिक्रम्यावे जिघ्नतेऽपः सर्मीय चोदयुन्नर्चन्ननुं स्वराज्येम्	5
अधि सानाै नि जिघ्नते वर्ज्ञेण शृतपेर्वणा	
मुन्दान इन्द्रो अन्थेसः सिखेभ्यो गातुमिच्छत्यर्चन्ननु स्वराज्येम्	6
इन्द्र तुभ्यमिदेद्रिवोऽनुत्तं वज्रिन्वीर्यम् ।	
यद्ध त्यं मायिनं मृगं तमु त्वं माययविधीरर्चन्ननुं स्वराज्यम्	7
वि ते वर्जासो अस्थिरन्नवृतिं नाव्यार्रे अनु	
मुहत्तं इन्द्र वीर्यं बाह्वोस्ते बलं हितमर्चन्ननु स्वराज्यम्	8
सुहस्रं साकर्मर्चत् परि ष्टोभत विंश्वितः ।	
शृतैन्मन्वेनोनवुरिन्द्रीय ब्रह्मोद्येत्मर्चन्ननु स्वराज्यम्	9
इन्द्रो वृत्रस्य तिवर्षीं निरहन्त्सहसा सहीः	
मृहत्तदेस्य पौंस्यं वृत्रं जेघन्वाँ असृजुदर्चन्ननु स्वराज्येम्	10
<u>इ</u> मे चित्तर्व मुन्यवे वेपेते भियसा मुही	
यदिन्द्र वज्रिन्नोर्जसा वृत्रं मुरुत्वाँ अवधीरर्चन्ननु स्वराज्यम्	11
न वेपसा न तेन्यतेन्द्रं वृत्रो वि बीभयत्	
अभ्येनुं वर्ज्र आयुसः सहस्रभृष्टिरायुतार्च्ननु स्वराज्यम्	12
यद्दृत्रं तर्व चाशिनं वज्रेण समयोधयः	
अहिमिन्द्र जिघांसतो दिवि ते बद्वधे शवोऽर्चन्ननु स्वराज्यम्	13
- 3 - 1	

अभिष्टुने ते [।] अद्रिवो यत्स्था जर्गञ्च रेजते	1
त्वष्टी चित्तर्व मुन्यव् इन्द्री वेविज्यते भियार्चन्ननु स्वराज्येम्	14
निहि नु यार्दधीमसीन्द्रं को वीर्यी पुरः	1
तस्मिन्नृम्णमुत क्रतुं देवा ओजांसि सं देधुरर्चन्ननुं स्वराज्येम्	15
यामर्थर्वा मनुष्पिता दुध्यङ् धियुमत्नेत	1
तस्मिन्ब्रह्मणि पूर्वथेन्द्रे उक्था समेग्मतार्चन्नने स्वराज्यम्	16
। इति प्रथमाष्टके पञ्चमोऽध्यायः समाप्तः ।	

(9)	81	(म.1, अनु.13)
ऋषिः ग	गोतमः राहूगणः छन्दः पङ्किः	देवता इन्द्रः
	इन्द्रो मदाय वावृधे शर्वसे वृत्रहा नृभिः तमिन्मुहत्स्वाजिषूतेमभे हवामहे स वाजेषु प्र नोऽविषत्	 1
	असि हि वीर सेन्योऽसि भूरि परादुदिः असि दुभ्रस्य चिद्वृधो यजमानाय शिक्षसि सुन्वते भूरि ते वस्	2
	यदुदीरेत आजयो धृष्णवे धीयते धर्ना युक्ष्वा मेदच्युता हरी कं हनः कं वसौ दधोऽस्माँ ईन्द्र वसौ दधः	3
	क्रत्वी महाँ अनुष्वधं भीम आ वीवृधे शर्वः श्रिय ऋष्व उपाकयोर्नि शिप्री हरिवान्दधे हस्तयोर्वज्रमायसम् आ पप्रौ पार्थिवं रजो बद्बधे रोचना दिवि	4
	न त्वावाँ इन्द्र कश्चन न जातो न जीनष्यतेऽति विश्वं वविक्षय यो अर्यो मेर्तभोजनं पराददीति दाशुषे	5
	इन्द्रों अस्मभ्यं शिक्षतु वि भेजा भूरि ते वसु भक्षीय तव रार्धसः मदेमदे हि नो दुदिर्यूथा गर्वामृजुक्रतुः ।	6
	सं गृंभाय पुरू शृतोभयाहुस्त्या वसुं शिशोहि राय आ भेर मादयस्व सुते सचा शर्वसे शूर राधसे	7
	विद्या हि त्वी पुरूवसुमुप् कामीन्ससृज्महेऽथी नोऽविता भेव एते ते इन्द्र जन्तवो विश्वी पुष्यन्ति वार्यम्	8
(6)	अन्तर्हि ख्यो जनीनामुर्यो वेदो अदीशुषां तेषां नाे वेद आ भेर 82	∥ 9 ∥ (म.1, अनु.13)
	गोतमः राहूगणः छन्दः पङ्किः 1-5, जगती 6	देवता इन्द्रः
अक <u>्ष</u> न्नमी	र्शृणुही गिरो मर्घवन्मातेथाइव। यदा नेः सूनृतीवतः कर् आदर्थयास् इद्योज् मदन्त ह्यवे प्रिया अधूषत।अस्तोषत् स्वभीनवो विप्रा नविष्ठया मृती योज् त्वा वयं मर्घवन्वन्दिषीमिह।प्र नूनं पूर्णवेन्धुरः स्तुतो योह् वशाँ अनु योज् स घा तं वृषेणुं रथुमिधे तिष्ठाति गोविदेम्	। न्विन्द्र ते हरी ॥2॥
	यः पात्रं हारियोज्नं पूर्णिमेन्द्रं चिकेतित् योजा न्विन्द्रं ते हरीं युक्तस्ते अस्तु दक्षिण उत सुव्यः शतक्रतो	4
	तेन जायामुप प्रियां मन्दानो याह्यन्थसो योजा न्विन्द्र ते हरी युनज्मि ते ब्रह्मणा केशिना हरी उप प्र यहि दिध्षे गर्भस्त्योः	5
	उत्त्वी सुतासी रभुसा अमन्दिषुः पूष्णवान्वीज्रुन्त्समु पत्यीमदः	6
(6) ऋषिः ग	83 गोतमः राहृगणः छन्दः जगती	(म.1, अनु.13) देवता इन्द्रः
.0. 1*	अश्वांवति प्रथमो गोषु गच्छति सुप्रावीरिन्द्र मर्त्युस्तवोतिभिः	/ //// 4 34
	तमित्पृणिक्ष् वसुना भवीयसा सिन्धुमापो यथाभितो विचेतसः	1

आपो न देवीरुपं यन्ति होत्रियमुवः पश्यन्ति वितेतुं यथा रर्जः प्राचैर्देवासः प्र णेयन्ति देव्युं ब्रह्मप्रियं जोषयन्ते वराईव || 2 || अधि द्वयोरदधा उक्थ्यं १ वचो यतस्रुचा मिथुना या सेपूर्यतः असंयत्तो ब्रुते ते क्षेति पुष्यिति भुद्रा शुक्तिर्यजमानाय सुन्वुते | 3 | आदङ्गिराः प्रथमं देधिरे वये इद्धाग्नयः शम्या ये स्कृत्ययो सर्वं पुणेः समिविन्दन्तु भोजनुमश्वीवन्तुं गोमेन्तुमा पुशुं नरः || 4 || युज्ञैरर्थर्वा प्रथमः पुथस्तेते ततुः सूर्यो व्रतुपा वेन आजीन आ गा आजदुशनी काव्यः सची युमस्ये जातमुमृतं यजामहे | 5 | ब्हिंर्वा यत्स्वपत्यायं वृज्यतेऽर्को वा श्लोकमाघोषते दिवि ग्रावा यत्र वर्दति कारुरुक्थ्यरंस्तस्येदिन्द्रो अभिपित्वेषु रण्यति | 6 | 84 (20)(म.1, अनु.13) ऋषिः गोतमः राह्गणः छन्दः अनुष्टुप् 1-6, उष्णिक् 7-9, पङ्किः 10-12, गायत्री 13-15, त्रिष्टुप् 16-18, बृहती 19, सतोबृहती 20 देवता इन्द्रः असांवि सोमे इन्द्र ते शविष्ठ धृष्ण्वा गीह। आ त्वी पृणक्तिवन्द्रियं रजः सूर्यो न रिश्मिधिः $\parallel \mathbf{1} \parallel$ इन्द्रिमिद्धरी वहतोऽप्रीतिधृष्टशवसम् । षीणां च स्तुतीरुपं युज्ञं च मानुषाणाम् | 2 | । अर्वाचीनुं सु ते मनो ग्रावा कृणोतु वृग्नना आ तिष्ठ वृत्रह्नथं युक्ता ते ब्रह्मणा हरी | 3 | इमिनन्द्र सुतं पिब ज्येष्ट्रममर्त्यं मदम् । शुक्रस्यं त्वाभ्यंक्षरुन्धारां ऋतस्य सादेने || 4 || इन्द्रीय नूनमर्चत्वेक्थानि च ब्रवीतन । सुता अमत्सुरिन्देवो ज्येष्ठं नमस्यता सर्हः || 5 || । निकृष्ट्वानुं मुज्मना निकः स्वश्वं आनशे निकृष्ट्रद्रथीतरो हरी यदिन्द्र यच्छेसे || 6 || । ईशानाे अप्रीतष्कुत् इन्द्रो अङ्ग य एक इद्विदयेते वसु मर्ताय दाशुषे $\parallel 7 \parallel$ कुदा मर्तमराधसं पदा क्षुम्पीमव स्फुरत् । कुदा नः शुश्रवृद्धिर इन्द्रो अङ्ग $\parallel \mathbf{8} \parallel$ यश्चिद्धि त्वा बुहुभ्यु आ सुतावाँ आविवासित उग्रं तत्पत्यते शव इन्द्रो अङ्ग || 9 || स्वादोरित्था विषूवतो मध्वीः पिबन्ति गौर्यीः या इन्द्रीण सुयावरीवृष्णा मदीन्त शोभसे वस्वीरन् स्वराज्यम् | 10 | ता अस्य पृशनायुवः सोमं श्रीणन्ति पृश्नयः प्रिया इन्द्रेस्य धेनवो वज्रं हिन्वन्ति सार्यकं वस्वीरनु स्वराज्यम् | 11 | ता अस्य नर्मसा सहः सप्यन्ति प्रचेतसः ब्रतान्यस्य सिश्चरे पुरूणि पूर्विचित्तये वस्वीरने स्वराज्यम् | 12 | इन्द्रो दधीचो अस्थिभिर्वृत्राण्यप्रतिष्कुतः । ज्घाने नवतीर्नवे | 13 | इच्छन्नश्वेस्य यच्छिरः पर्वतेष्वपश्रितम् । तद्विदच्छर्यणाविति | 14 | अत्राह् गोरेमन्वत् नाम् त्वष्टुरपीच्यम् । इत्था चन्द्रमेसो गृहे | 15 | को अद्य युङ्के धुरि गा ऋतस्य शिमीवतो भामिनो दुर्हणायून् आ्सन्निषून्हृत्स्वसो मयोभून्य एषां भृत्यामृणधृत्स जीवात् **16**

क ईंषते तुज्यते को बिंभाय को मंंसते सन्तमिन्द्रं को अन्ति	
कस्तोकाय क इभौयोत रायेऽधि ब्रवत्तन्वेर्ड्ड को जनीय	17
को अग्निमीट्टे ह्विषा घृतेने सुचा येजाता ऋतुभिर्धुवेभिः	
कस्मै देवा आ वेहानाशु होम् को मंसते वीतिहोत्रः सुदेवः	18
त्वमुङ्ग प्र शंसिषो देवः शिविष्टु मर्त्यम् ।	
न त्वदुन्यो मेघवन्नस्ति मर्डितेन्द्र ब्रवीमि ते वर्चः	19
मा ते राधांसि मा ते ऊतयों वसोऽस्मान्कदा चुना देभन्	1
विश्वा च न उपमिमीहि मानुषु वसूनि चर्षुणिभ्यु आ	20
3 4/	

(12) **85** (म.1, अनु.14)

ऋषिः गोतमः राहूगणः छन्दः जगती 1-4,6-11, त्रिष्टुप् 5,12 देवता मरुतः

प्र ये शुम्भेन्ते जनेयो न सप्तयो यामेनुद्रस्य सूनवेः सुदंसेसः रोदेसी हि मुरुतेश्चक्रिरे वृधे मदेन्ति वीरा विद्येषु घृष्वयः $\parallel \mathbf{1} \parallel$ त उक्षितासो महिमानेमाशत दिवि रुद्रासो अधि चक्रिरे सर्दः अर्चन्तो अर्कं जुनयन्त इन्द्रियमधि श्रियो दिधरे पृश्निमातरः || 2 || गोमतिरो यच्छुभयन्ते अञ्जिभिस्तनूषु शुभ्रा देधिरे विरुक्मितः बार्धन्ते विश्वमिभमातिन्मप् वर्त्मान्येषामन् रीयते घृतम् | 3 | वि ये भ्राजेन्ते सुमेखास ऋष्टिभिः प्रच्यावयेन्तो अच्युता चिदोजेसा म्नोजुवो यन्मरुतो रथेष्वा वृषेव्रतासः पृषेतीरयुग्ध्वम् || 4 || प्र यद्रथेषु पृषेतीरयुग्ध्वं वाजे अद्गिं मरुतो रंहयेन्तः उतारुषस्य वि ष्यन्ति धाराश्चर्मेवोदभिर्व्यन्दन्ति भूमे | 5 | आ वो वहन्तु सप्तयो रघुष्यदो रघुपत्वीनः प्र जिगात बाहुिभः सीदुता बुर्हिरुरु वुः सर्दस्कृतं मादयध्वं मरुतो मध्वो अन्धसः | 6 | तेंऽवर्धन्त स्वतंवसो महित्वना नाकं तस्थुरुरु चिक्रिरे सर्दः विष्णुर्यद्धावृद्दृषेणं मदुच्युतं वयो न सीदुन्नधि बुर्हिषि प्रिये | 7 | शूरोड्वेद्युर्यधयो न जग्मेयः श्रवस्यवो न पृतेनासु येतिरे भयन्ते विश्वा भुवना मुरुद्धो राजीनइव त्वेषसंदशो नरः $\parallel 8 \parallel$ त्वष्टा यद्वज्रं सुकृतं हिर्ण्ययं स्हस्रभृष्टिं स्वपा अवर्तयत् धृत्त इन्द्रो नर्यपांसि कर्त्वेऽह्रेन्वृत्रं निर्पामौब्जदर्ण्वम् || 9 || कुर्ध्वं नुनुद्रेऽवृतं त ओजेसा दादहाणं चिद्विभिदुर्वि पर्वतम् धर्मन्तो वाणं मुरुतः सुदानेवो मदे सोमस्य रण्यानि चक्रिरे **|| 10 ||** जिह्मं नुनुद्रेऽवृतं तयो दिशासिश्चृत्रुत्सं गोर्तमाय तृष्णजे आ गेच्छन्तीमवेसा चित्रभीनवः काम्ं विप्रेस्य तर्पयन्त धार्मभिः | 11 | या वः शर्म शशमानाय सन्ति त्रिधातूनि दाशुषे यच्छताधि अस्मभ्यं तानि मरुतो वि यन्त रुयिं नो धत्त वृषणः सुवीरम् | 12 |

ऋषिः ग	ोतमः राहूगणः	छन्दः गाय	।त्री		देवता मरुतः
	रुतो यस्य हि क्षये पा		। स सुंगोपातमो जनः		1
य	ज्ञैर्वा यज्ञवाहस्रो विप्री	स्य वा मतीनाम्	। मर्रुतः शृणुता हर्वम्		2
<u> 3</u>	त वा यस्ये वाजिनोऽ	नु विप्रमतेक्षत	। स गन्ता गोमीत ब्रुजे		3
	ास्य वीरस्यं बहिषि सु		। उक्थं मदेश्च शस्यते		4
3	ा्स्य श्रोष <u>्</u> रन्त्वा भुवो वि	त्रश्वा यश्चर्षणीर्भि	। सूरं चित्स्सुष्वीरिषः		5
	र्वाभिहिं देदाशिम शर्रा		। अवोभिश्चर्षणीनाम्		6
	भगुः स प्रयज्यवो मर		। यस्य प्रयांसि पर्षथ		7
	श <u>मा</u> नस्य वा न <u>रः</u> स्व		। विदा कामस्य वेनतः		8
यू	यं तत्सत्यशवस आवि	त्रष्कर्त महित्वना	। विध्यता विद्युता रक्षः		9
गू	हेता गुह्यं तमो वि यो	त् विश्वमृत्रिणम्	। ज्योतिष्कर्ता यदुश्मसि		10
(6)		87			(म.1, अनु.14)
ऋषिः ग	गोतमः राहूगणः	छन्दः जग	ती		देवता मरुतः
	पत्नेक्षमः पत्रवसो वि	वर्षानोऽनानता अ	विथरा ऋजीषिणीः		
	जुष्टंतमासो नृतंमासो		•	II	1
		यं वर्यइव मरु <u>तः</u> विं वर्यइव मरुत <u>ः</u> के		"	1
		वो रथे <u>ष्</u> वा घृतमुक्षता		11	2
	प्रैषामज्मेषु विथुरेव			"	_ "
	ते क्रीळयो धुनयो भ्र				3
	स हि स्वसृत्पृषदश्वो		- ,		1
		गुने <u>चो</u> ऽस्या धियः प्रा			4
			ृ _ जुह्वा प्र जिगाति चक्षसा		
	- उ यद्गीमिन्द्रं शम्यृक्षाण				5
			भिस्त ऋकेभिः सुखादयः		
	ते वाशीमन्त <u>इ</u> ष्मिण्				6
(6)		88			(म.1, अनु.14)
	गोतमः राहूगणः छन्द	हः प्रस्तारपङ्किः 1,6, त्रिष्	रुप् 2-4, विराड्रूपा 5		देवता मरुतः
<u> </u>		स्वर्के रथेभिर्यात ऋ			
	- 3	ं व <u>यो</u> न पेप्तता सुमा			1
	तेऽरुणेभिर्वरमा पिश	•		(1	
		भि सुन के वास्ति धेतीवान <u>्प</u> व्या रथस्य			2
	श्रिये कं वो अधि त			II	<u> </u>
	ात्र्रथ के पूर्वा आये तु युष्मभ्यं कं मेरुतः स्	<u>ारुषु</u> पाराण <u>िया प्रता</u> प्रचातास्त्रतिरामासा १	ा पृथ्वपारा <u>ज</u> ्ञभ्या भनगन्ते अटिम	11	3
	युष्पस्य का मरातः र्	गुऱ्याता <i>त्त्</i> यात्रघुष्ठास्य	नगत्र <u>ग</u> आप्रम्	II	3

अहांनि गृध्राः पर्या व आगुंरिमां धियं वार्कार्यां चे देवीम्	
ब्रह्म कृण्वन्तो गोतमासो अर्केरूध्वं नुनुद्र उत्सुधिं पिबध्ये	4
पुतत्त्यन्न योजनमचेति सुस्वर्ह् यन्मरुतो गोर्तमो वः	
पश्यन्हिरण्यचक्रानयोदंष्ट्रान्विधावेतो वराहून्	5
एषा स्या वो मरुतोऽनुभूत्री प्रति ष्टोभित वाघतो न वाणी	
अस्तो भयुद्दृथां सुामनु स्वधां गर्भस्त्योः	6
00	

(10) **89** (म.1, अनु.14)

ऋषिः गोतमः राहूगणः छन्दः जगती 1-5,7, विराट्स्थाना 6, त्रिष्टुप् 8-10 देवता विश्वे देवाः 1-7, देवाः 8-9, अदितिः 10

आ नो भुद्राः क्रतेवो यन्त् विश्वतोऽदेब्धासो अपेरीतास उद्भिदेः देवा नो यथा सदमिद्वधे असन्नप्रीयुवो रक्षितारौ दिवेदिवे $\parallel \mathbf{1} \parallel$ देवानां भुद्रा सुमृतिर्ऋजूयतां देवानां रातिर्भि नो नि वर्तताम् देवानां सुख्यमुपे सेदिमा वयं देवा नु आयुः प्र तिरन्तु जीवसे || 2 || तान् पूर्वीया निविदा हूमहे वयं भगं मित्रमदितिं दक्षमिस्रिधम् अर्यमणुं वर्रणुं सोमेमुश्विना सरेस्वती नः सुभगा मयेस्करत् | 3 | तन्नो वातो मयोभु वातु भेषुजं तन्माता पृथिवी तत्पिता द्यौः तद् ग्रावाणः सोम्सुतो मयोभुवस्तदिश्वना शृणुतं धिष्ण्या युवम् || 4 || तमीशन्ं जगतस्तस्थुषस्पतिं धियंजिन्वमवसे हूमहे व्यम् पूषा नो यथा वेदेसामसेद्वधे रिक्षता पायुरदेब्धः स्वस्तये | 5 | स्वस्ति न इन्द्रो वृद्धश्रवाः स्वस्ति नः पूषा विश्ववेदाः स्वस्ति न्स्ताक्ष्यों अरिष्टनेमिः स्वस्ति नो बृहस्पतिर्दधातु | 6 | पृषंदश्वा मुरुतः पृश्निमातरः शुभुंयावानो विदर्थेषु जग्मयः अग्निजिह्वा मनेवः सूरेचक्षसो विश्वे नो देवा अवसा गेमित्रह | 7 | भुद्रं कर्णेभिः शृणुयाम देवा भुद्रं पेश्येमाक्षभिर्यजत्राः स्थिरेरङ्गैस्तुष्टुवांसेस्तुनूभिर्व्यंशेम देवहितं यदायुः $\parallel \mathbf{8} \parallel$ श्तिमिन्नु श्ररदो अन्ति देवा यत्री नश्चक्रा जरसं तनूनीम् पुत्रासो यत्रं पितरो भवन्ति मा नो मध्या रीरिषतायुर्गन्तोः || 9 || अदितिर्द्यौरदितिर्न्तरिक्षमदितिर्माता स पिता स पुत्रः विश्वे देवा अदितिः पञ्च जना अदितिर्जातमदितिर्जनित्वम् | 10 |

(9)	90	(म.1, अनु.14)
ऋषिः गोतमः राहूगणः	छन्दः गायत्री 1-8, अनुष्टुप् 9	देवता विश्वे देवाः
ऋजुनीती नो वर्रणो मित्रो ने	यतु विद्वान् । अर्युमा देवैः	स्जोषाः ॥ 1 ॥
ते हि वस्वो वसेवानास्ते अप्री		विश्वाहां ॥ 2 ॥
ते असमभ्यं शर्म यंसन्नमृता म	त्येभ्यः । बार्धमाना अ	ापु द्विषः ॥ 3 ॥
वि नः पथः सुवितायं चियन्ति	वन्द्रो मुरुतीः । पूषा भगो व	न्द्यांसः ॥ 4 ॥
उत नो धियो गोअंग्राः पूष्निव	-	
मधु वार्ता ऋतायते मधु क्षरि	न्तु सिन्धेवः । माध्वीर्नः सु	न्त्वोषधीः ॥ ७ ॥
मधु नक्तमुतोषस्रो मधुमृत्पार्थि		
मधुमान्नो वनस्पतिर्मधुमाँ अस्	-	
शं नो मित्रः शं वर्रुणः शं नो	- ···	
शं न इन्द्रो बृहस्पतिः शं नो र्	वेष्णुरुरुक्रमः	9
(23)	91	(म.1, अनु.14)
ऋषिः गोतमः राहूगणः छन्दः		
त्वं सोम् प्र चिकितो मनीषा	त्वं रजिष्ठमने नेषि पन्थाम	
तव प्रणीती पितरों न इन्दो दे	=	1
- त्वं सो <u>म</u> क्रतुंभिः सुक्रतुंर्भूस्त्व		1
त्वं वृषां वृष्टत्वेभिर्मिह्तवा द्युमे	-	2
राज्ञों नु ते वर्रुणस्य व्रतानि	बृहर्द्गर्भीरं तर्व सोम् धार्म	
शुचिष्ट्वमंसि प्रियो न मित्रो दक्ष	- गय्यो अर्युमेर्वासि सोम	3
या ते धामानि दिवि या पृथिव	यां या पर्वतेष्वोषिधीष्वप्सु	I
तेभिर्नो विश्वैः सुमना अहेळ्न	गर्जन्त्सोम् प्रति हुव्या गृभाय	4
त्वं सोमास्य सत्पतिस्त्वं राज्रो	त वृत्रहा । त्वं भुद्रो ३	र्मिस् क्रतुः ॥ 5 ॥
त्वं चे सोम नो वशों जीवातुं	न मेरामहे । प्रियस्तोत्रो	वनस्पतिः ॥ 6 ॥
त्वं सौम मुहे भगुं त्वं यूने ऋ	ता <u>य</u> ते । दक्षं दधारि	न <u>जी</u> वसे ॥ ७॥
त्वं नी सोम विश्वतो रक्षा रा	नन्नधायतः । न रिष्येत्त्व	वितः सर्वा ॥ 🛭 ॥
सोम् यास्ते मयोभुवं ऊतयः	सन्ति दाशुषे । ताभिनोऽि	<u>त</u> ्रता भेव ॥ 9 ॥
इमं युज्ञमिदं वचो जुजुषाण उ	पार्गिह । सो <u>म</u> त्वं न	\parallel ਰੂधੇ भव \parallel 10 \parallel
सोमे गोभिष्ट्वी व्ययं वर्धयामो व	नचोविदः । सुमृळीको	<u>न</u> आ विश ॥ 11 ॥
ग्यस्फानो अमीवृहा वसुवित्पु	ष्ट्रिवर्धनः । सुमित्रः सो	म नो भव ॥ 12 ॥
सोम रार्निथ नो हृदि गावो न	-	व ओ <u></u> क्ये [।] ॥ 13 ॥
यः सोम सुख्ये तर्व रारणद्देव	मर्त्यः । तं दक्षः स	चते कुविः ॥ 14 ॥

उरुष्या णो अभिशस्तेः सोम् नि पाह्यंहैसः । सखी सुशेव एधि नः	15
आ प्यायस्व समीतु ते विश्वतीः सोम् वृष्ण्यम् । भवा वार्जस्य संगुथे	16
आ प्यायस्व मदिन्तम् सोम् विश्वेभिरंशुभिः । भवा नः सुश्रवस्तमः	सर्खा वृधे ॥ 17
सं ते पर्यांसि सम् यन्तु वाजाः सं वृष्ण्यन्यिभमातिषाहेः	
आप्यार्यमानो अमृतीय सोम दिवि श्रवांस्युत्तमानि धिष्व	18
या ते धार्मानि हुविषा यर्जन्ति ता ते विश्वा परि्भूरस्तु युज्ञम्	1
गुयस्फानीः प्रतर्रणाः सुवीरोऽवीरहा प्र चेरा सोम् दुर्यान्	19
सोमो' धेनुं सोमो अर्वेन्तमाशुं सोमो' वीरं केर्म्ण्यं ददाति	1
सादुन्यं विदुथ्यं सुभेयं पितृश्रवेणुं यो दर्दाशदस्मै	∥ 20 ∥
अषिह्नं युत्सु पृतेनासु पप्रिं स्वर्षामुप्सां वृजनेस्य गोपाम्	1
भ <u>रे</u> षुजां सुक्षितिं सुश्रवसं जयन्तं त्वामनुं मदेम सोम	21
त्विममा ओषधीः सोम् विश्वास्त्वमुपो अजनयुस्त्वं गाः	1
त्वमा तेतन्थोर्वर्षन्तरिक्षुं त्वं ज्योतिषा वि तमो ववर्थ	22
देवेन नो मनसा देव सोम रायो भागं सहसावन्नभि युध्य	1
मा त्वा तेनुदीशिषे वीर्यस्योभयेभ्यः प्र चिकित्सा गविष्टौ	23
(18) 92	(म.1, अनु.14
ऋषिः गोतमः राहूगणः छन्दः जगती 1-4, त्रिष्टुप् 5-12, उष्णिक् 13-18 देवता उषा	ः 1-15, अश्विनौ 16-18
एता उत्या उष्टर्मः केतमेकत पर्वे अर्थे रजेसो भानमेखते	1

एता उ त्या उषसः केतुमेक्रत पूर्वे अधे रजेसो भानुमेञ्जते निष्कृण्वाना आयुधानीव धृष्णवः प्रति गावोऽरुषीर्यन्ति मातरः | 1 | उदेपप्तन्नरुणा भानवो वृथा स्वायुजो अरुषीर्गा अयुक्षत अक्रेन्नुषासो वयुनीन पूर्वथा रुशन्तं भानुमरुषीरशिश्रयुः || 2 || अर्चन्ति नारीरपसो न विष्टिभिः समानेन योजनेना परावतः इषं वर्हन्तीः सुकृते सुदानेवे विश्वेदह यर्जमानाय सुन्वते | 3 | अधि पेशांसि वपते नृतूरिवापोर्णुते वक्षे उस्नेव बर्जंहम् ज्योतिर्विश्वस्मै भुवनाय कृण्वती गावो न व्रजं व्युर्षा आवर्तमः || 4 || प्रत्युची रुशेदस्या अदर्शि वि तिष्ठते बाधेते कृष्णमभ्वेम् स्वरुं न पेशा विद्येष्वञ्जञ्जित्रं दिवो देहिता भानुमेश्रेत् | 5 | अतरिष्म् तमेसस्पारम्स्योषा उच्छन्ती वयुना कृणोति श्रिये छन्दो न स्मयते विभाती सुप्रतीका सौमनुसायाजीगः | 6 | भास्वती नेत्री सूनृतानां दिवः स्तवे दुहिता गोतमेभिः प्रजावेतो नृवतो अश्वेबुध्यानुषो गोअग्राँ उप मासि वाजीन् | 7 |

उष्रतमेश्यां यशसं सुवीरं दासप्रवर्गं र्यिमश्वंबुध्यम् सुदंसंसा श्रवंसा या विभासि वाजप्रसूता सुभगे बृहन्तम् ॥ ॥ ॥ विश्वानि देवी भुवनाभिचक्ष्यां प्रतीची चक्षुंरुर्विया वि भाति

ावत्व जाव चरस बावयन्ता वित्वस्य वाचमावः	विश्वं जीवं चुरसे बोधयेन्ती विश्वस्य वाचेमविदन्मनायोः	
पुनःपुनुर्जायमाना पुराणी समानं वर्णम्भि शुम्भमाना		1
श्वृष्ट्रीवे कृतुर्विजे आमिनाना मर्तस्य देवी जुरयन्त्यायुः		10
व्यूर्ण्वती दिवो अन्ताँ अबोध्यप् स्वसरि सनुतर्	, चोति	1
	वे भौति	11
पुशून्न चित्रा सुभगा प्रथाना सिन्धुर्न क्षोदे उर्विय	। व्येश्वेत्	1
अमिनती दैव्यानि व्रतानि सूर्यस्य चेति रशिमभि	र् <u>दश</u> ाना	12
उष्स्तञ्चित्रमा भेरास्मभ्यं वाजिनीवति	। येने तोकं च तनेयं च धामेहे	13
उषों अद्येह गोमृत्यश्वांवति विभावरि	। रेवदुस्मे व्युच्छ सूनृतावति	14
युक्ष्वा हि वाजिनीवृत्यश्वाँ अद्यारुणाँ उषः	। अर्था नो विश्वा सौर्भगान्या वेह	15
अश्विना वुर्तिरस्मदा गोर्मदस्रा हिरेण्यवत्	। अर्वाग्रथं समेनसा नि येच्छतम्	16
यावित्था श्लोकमा दिवो ज्योतिर्जनीय चक्रथुः	। आ न् ऊर्जं वहतमिश्वना युवम्	17
एह देवा मेयोभुवी दुस्रा हिरेण्यवर्तनी	। उष्रुर्बुधो वहन्तु सोमेपीतये	18
(12) 9	3 (म.1	, अनु.14)
ऋषिः गोतमः राहूगणः छन्दः अनुष्टुप् 1-3	, त्रिष्टुप् 4-7,12, जगती त्रिष्टुप् वा 8, गाय	त्री 9-11
देवता ३	<u> ग्र्</u> यीषोमौ	
अग्नीषोमाविमं सु में शृणुतं वृषणा हर्वम् । प्रि	ने सक्तानि हर्यतं भवतं दाश्राषे मर्यः	1
	1 7 m 1 6 1 7 1 1 1 1 1 1 1 1 1 1 1 1 1 1 1 1	1
अग्नीषोमा यो अद्य वीमिदं वर्चः सप्यीति । तर	_	2
-	- मैं धत्तं सुवीर्यं गवां पोषं स्वश्यम्	2
अग्नीषोमा यो अद्य वीमिदं वर्चः सपुर्यति । तर	- मैं धत्तं सुवीर्यं गवां पोषं स्वश्र्यम् । स प्रजयां सुवीर्यं विश्वमायुर्व्यंश्नवत्	2
अग्नीषोमा यो अद्य वीमिदं वर्चः सप्र्यति । तर अग्नीषोमा य आहुतिं यो वां दाशाद्धिविष्कृतिम्	- मैं धत्तं सुवीर्यं गवां पोषं स्वश्च्यंम् । स प्रजयां सुवीर्यं विश्वमायुर्व्यंश्नवत् । गाः	2
अग्नीषोमा यो अद्य विमिदं वर्चः सपूर्यति । तर अग्नीषोमा य आहुतिं यो वां दाशाद्धिविष्कृतिम् अग्नीषोमा चेति तद्बीर्यं वां यदमुष्णीतमवसं पृणि अवीतिरतं बृसेयस्य शेषोऽविन्दतं ज्योति्रेकं भ	- मैं धत्तं सुवीर्यं गवां पोषं स्वश्च्यंम् । स प्रजयां सुवीर्यं विश्वमायुर्व्यंश्रवत् ा गाः ग्रहुभ्यः	2 3
अग्नीषोमा यो अद्य वीमिदं वर्चः सपूर्यति । तर अग्नीषोमा य आहुतिं यो वां दाशद्भिविष्कृतिम् अग्नीषोमा चेति तद्बीर्यं वां यदमुष्णीतमवसं पूर्णि	- मैं धत्तं सुवीर्यं गवां पोष्ं स्वश्च्यम् । स प्रजयां सुवीर्यं विश्वमायुर्व्यश्नवत् ा गाः ग्रहुभ्यः प्रक्रेत् अधत्तम्	2 3 4
अग्नीषोमा यो अद्य विमिदं वर्चः सप्यिति । तर अग्नीषोमा य आहुतिं यो वां दाशाद्धिविष्कृतिम् अग्नीषोमा चेति तद्धीर्यं वां यदमुष्णीतमवसं पृष्टि अवितरतं बृसयस्य शेषोऽविन्दतं ज्योतिरेकं भ युवमेतानि दिवि रोचनान्यग्निश्च सोम्	- मैं धत्तं सुवीर्यं गवां पोषं स्वश्च्यंम् । स प्रजयां सुवीर्यं विश्वमायुर्व्यंश्रवत् ा गाः गहुभ्यः सक्रेत् अधत्तम् ब्वतं गृभीतान् ॥ 5 ।	2 3 4
अग्नीषोमा यो अद्य विमिदं वर्चः सप्यिति । तर अग्नीषोमा य आहुतिं यो वां दाशाद्धिविष्कृतिम् अग्नीषोमा चेति तद्धीर्यं वां यदमुष्णीतमवसं पृष्टि अवितरतं बृसयस्य शेषोऽविन्दतं ज्योतिरेकं भ युवमेतानि दिवि रोचिनान्यग्निश्चे सोम् युवं सिन्धूँरभिशस्तेरवद्यादग्नीषोमावमु	- मैं धत्तं सुवीर्यं गवां पोषं स्वश्च्यंम् । स प्रजयां सुवीर्यं विश्वमायुर्व्यंश्रवत् ा गाः गहुभ्यः सक्रेत् अधत्तम् इतं गृभीतान् ॥ 5 । i पिरं श्येनो अद्रेः	2 3 4
अग्नीषोमा यो अद्य विमिदं वर्चः सप्यिति । तर अग्नीषोमा य आहुतिं यो वां दाशाद्धिविष्कृतिम् अग्नीषोमा चेति तद्बीर्यं वां यदमुष्णीतमवसं पृणि अवितरतं बृस्यस्य शेषोऽविन्दतं ज्योतिरेकं भ युवमेतानि दिवि रोचनान्यग्निश्चे सोम् य युवं सिन्धूँर्भिशस्तेरवद्यादग्नीषोमावमुं आन्यं दिवो मोत्रिश्चो जभारामेथ्नादन्य अग्नीषोमा ब्रह्मणा वावृधानोरुं यज्ञाये अग्नीषोमा हृविषः प्रस्थितस्य वीतं हर्य	मैं धत्तं सुवीर्यं गवां पोषं स्वश्च्यंम् । स प्रजयां सुवीर्यं विश्वमायुर्व्यंश्रवत् ा गाः गहुभ्यः सक्रेतू अधत्तम् इतं गृभीतान् ॥ 5 । परिं श्येनो अद्रेः चक्रथुरु लोकम् ॥ 6 । तं वृषणा जुषेथांम्	2 3 4
अग्नीषोमा यो अद्य विमिदं वर्चः सप्यिति । तर अग्नीषोमा य आहुतिं यो वां दाशाद्धिविष्कृतिम् अग्नीषोमा चेति तद्बीर्यं वां यदमुष्णीतमवसं पृष्टि अवितरतं बृस्यस्य शेषोऽविन्दतं ज्योतिरेकं भ युवमेतानि दिवि रोचनान्यग्निश्चे सोम् य युवं सिन्धूँरिभशस्तेरवद्यादग्नीषोमावमुं आन्यं दिवो मोत्तिरश्चो जभारामेश्नादुन्य अग्नीषोमा ब्रह्मणा वावृधानोरुं यज्ञाये अग्नीषोमा हिवषः प्रस्थितस्य वीतं हर्य सुशर्माणा स्ववंसा हि भूतमथा धत्तं य	मैं धत्तं सुवीर्यं गवां पोषं स्वश्च्यंम् । स प्रजयां सुवीर्यं विश्वमायुर्व्यंश्रवत् ा गाः गहुभ्यः सक्रेत् अधत्तम् इतं गृभीतान् ॥ 5 । परिं श्येनो अद्रेः चक्रथुरु लोकम् ॥ 6 । तं वृषणा जुषेथांम् जिमानाय् शं योः ॥ 7 ।	2 3 4
अग्नीषोमा यो अद्य विमिदं वर्चः सप्यिति । तर अग्नीषोमा य आहुतिं यो वां दाशाद्धिविष्कृतिम् अग्नीषोमा चेति तद्बीर्यं वां यदमुष्णीतमवसं पृणि अवितरतं बृस्यस्य शेषोऽविन्दतं ज्योतिरेकं भ युवमेतानि दिवि रोचनान्यग्निश्चे सोम् य युवं सिन्धूँर्भिशस्तेरवद्यादग्नीषोमावमुं आन्यं दिवो मोत्रिश्चो जभारामेथ्नादन्य अग्नीषोमा ब्रह्मणा वावृधानोरुं यज्ञाये अग्नीषोमा हृविषः प्रस्थितस्य वीतं हर्य	मैं धत्तं सुवीर्यं गवां पोषं स्वश्च्यंम् । स प्रजयां सुवीर्यं विश्वमायुर्व्यंश्रवत् ा गाः गहुभ्यः सक्रेत् अधत्तम् इतं गृभीतान् ॥ 5 । परिं श्येनो अद्रेः चक्रथुरु लोकम् ॥ 6 । तं वृषणा जुषेथांम् जिमानाय् शं योः ॥ 7 ।	2 3 4
अग्नीषोमा यो अद्य विमिदं वर्चः सप्यिति । तर अग्नीषोमा य आहुतिं यो वां दाशाद्धिविष्कृतिम् अग्नीषोमा चेति तद्धीर्यं वां यदमुष्णीतमवसं पृणि अवितरतं बृस्यस्य शेषोऽविन्दतं ज्योतिरेकं भ युवमेतानि दिवि रोचनान्यग्निश्च सोम् य युवं सिन्धूँरिभशस्तेरवद्यादग्नीषोमावमुं आन्यं दिवो मतिरिश्चो जभारामिश्नादुन्य अग्नीषोमा ब्रह्मणा वावृधानोरुं यज्ञाये अग्नीषोमा ह्विषः प्रस्थितस्य वीतं हर्य सुशर्माणा स्ववसा हि भूतमथा धत्तं य यो अग्नीषोमा ह्विषां सप्याद्देवद्रीचा म तस्य वृतं रक्षतं पातमंहसो विशो जना	मैं धत्तं सुवीर्यं गवां पोषं स्वश्च्यंम् स प्रजयां सुवीर्यं विश्वमायुव्यंश्रवत् ा गाः ाहुभ्यः सक्रेत् अधत्तम् इतं गृभीतान् ॥ 5 चक्रथुरु लोकम् ॥ 6 तं वृषणा जुषेथांम् अनेसा यो घृतेने य मिह शर्मं यच्छतम् ॥ 8	2 3 4 1 1 1 1 1 1 1 1 1
अग्नीषोमा यो अद्य विमिदं वर्चः सप्यति । तर अग्नीषोमा य आहुतिं यो वां दाशाद्धिविष्कृतिम् अग्नीषोमा चेति तद्धीर्यं वां यदमुष्णीतमवसं पृणि अवितरतं बृस्यस्य शेषोऽविन्दतं ज्योतिरेकं भ युवमेतानि दिवि रोचनान्यग्निश्च सोम् य युवं सिन्थूँर्भिशस्तेरवद्यादग्नीषोमावमुं आन्यं दिवो मोत्तिश्चो जभारामेथ्नादुन्य अग्नीषोमा ब्रह्मणा वावृधानोरुं यज्ञाये अग्नीषोमा ह्विषः प्रस्थितस्य वीतं हर्य सुशर्माणा स्ववसा हि भूतमथा धत्तं य यो अग्नीषोमा ह्विषा सप्यदिवद्रीचा म तस्य व्रतं रक्षतं पातमंहसो विशे जना अग्नीषोमा सर्वेदसा सहूती वनतं गिरः	- मै धत्तं सुवीर्यं गवां पोषं स्वश्यम् । स प्रजयां सुवीर्यं विश्वमायुर्व्यंश्रवत् ा गाः गहुभ्यः सक्रेत् अधत्तम् व्वतं गृभीतान् ॥ 5 । तं वृषणा जुषेथांम् । जंमानाय शं योः ॥ 7 । सनेसा यो घृतेन य महि शर्मं यच्छतम् ॥ 8 । । सं देव्रा बंभूवथुः ॥ 9 ।	2 3 4 1 1 1 1 1 1 1 1
अग्नीषोमा यो अद्य विमिदं वर्चः सप्यिति । तर अग्नीषोमा य आहुतिं यो वां दाशाद्धिविष्कृतिम् अग्नीषोमा चेति तद्धीर्यं वां यदमुष्णीतमवसं पृणि अवितरतं बृस्यस्य शेषोऽविन्दतं ज्योतिरेकं भ युवमेतानि दिवि रोचनान्यग्निश्च सोम् य युवं सिन्धूँरिभशस्तेरवद्यादग्नीषोमावमुं आन्यं दिवो मतिरिश्चो जभारामिश्नादुन्य अग्नीषोमा ब्रह्मणा वावृधानोरुं यज्ञाये अग्नीषोमा ह्विषः प्रस्थितस्य वीतं हर्य सुशर्माणा स्ववसा हि भूतमथा धत्तं य यो अग्नीषोमा ह्विषां सप्याद्देवद्रीचा म तस्य वृतं रक्षतं पातमंहसो विशो जना	- मै धत्तं सुवीर्यं गवां पोषं स्वश्च्यम् स प्रजयां सुवीर्यं विश्वमायुव्यंश्रवत् ा गाः ाहुभ्यः सक्रेत् अधत्तम् वतं गृभीतान् ॥ 5 तं वृषणा जुषेथांम् निसा यो घृतेने य मिह शर्मं यच्छतम् ॥ 8 सं देवता बंभूवथुः ॥ 9 ति ।तस्मै दीदयतं बृहत् ॥ 10	2 3 4 1 1 1 1 1 1 1 1

अग्नीषोमा पिपृतम	ार्वतो न् आ प्यायन्तामुस्रिया हव्यसूदेः	1
अस्मे बलीनि मुघ	वित्सु धत्तं कृणुतं नो अध्वरं श्रुष्ट्रिमन्तम्	12
(16)	94	(म.1, अनु.15)
ऋषिः कुत्सः आङ्गिरसः	छन्दः जगती 1-14, त्रिष्टुप् 15-16	देवता अग्निः

इमं स्तोममहीते जातवेदसे रथिमव सं महेमा मनीषयी भद्रा हि नः प्रमीतरस्य संसद्यग्ने सख्ये मा रिषामा वयं तर्व 11 यस्मै त्वमायजसे स साधत्यनुर्वा क्षेति दर्धते स्वीर्यम् स तूताव नैनेमश्रोत्यंहितरग्ने सुख्ये मा रिषामा वयं तर्व || 2 || श्केमं त्वा सुमिधं साधया धियस्त्वे देवा ह्विरंदन्त्याहुतम् त्वमदित्याँ आ वेह तान्ह्यु १ शमस्यग्ने सुख्ये मा रिषामा वयं तवे | 3 | भरमि्धमं कृणवीमा ह्वींषि ते चितयेन्तः पर्वणापर्वणा व्यम् जीवातवे प्रत्रं साधया धियोऽग्ने सुख्ये मा रिषामा वयं तवे || 4 || विशां गोपा अस्य चरन्ति जन्तवौ द्विपञ्च यदुत चतुष्पदुक्तभिः चित्रः प्रेकेत उषसौ महाँ अस्यग्ने सुख्ये मा रिषामा वयं तर्व | 5 | त्वमध्वयुंरुत होतासि पूर्व्यः प्रशास्ता पोता जनुषा पुरोहितः विश्वा विद्वाँ आर्त्विज्या धीर पुष्यस्यग्ने सुख्ये मा रिषामा व्यं तर्व | 6 | यो विश्वतः सुप्रतीकः सद्दङ्कासि दूरे चित्सन्त्ळिद्विवाति रोचसे रात्र्याश्चिदन्धो अति देव पश्यस्यग्ने सुख्ये मा रिषामा वयं तर्व | 7 | पूर्वो देवा भवतु सुन्वतो रथोऽस्माकुं शंसो अभ्यस्तु दूढ्यः तदा जीनीतोत पुष्यता वचोऽग्ने सुख्ये मा रिषामा वयं तवे | 8 | वृधेर्दुःशंसाँ उप दूढ्यो जिह दूरे वा ये अन्ति वा के चिद्त्रिणः अथा युज्ञायं गृण्ते सुगं कृध्यग्ने सुख्ये मा रिषामा वयं तवे || 9 || यदयुक्था अरुषा रोहिता रथे वार्तजूता वृष्भस्येव ते रर्वः आदिन्वसि वृनिनो धूमकेतुनाग्ने सुख्ये मा रिषामा वयं तवे **|| 10 ||** अर्ध स्वनादुत बिभ्युः पत्तित्रणौ द्रप्सा यत्ते यवसादो व्यस्थिरन् सुगं तत्ते तावुकेभ्यो रथेभ्योऽग्ने सुख्ये मा रिषामा वयं तवे | 11 | अयं मित्रस्य वर्रणस्य धायसेऽवयातां मुरुतां हेळो अद्भृतः मृळा सु नो भूत्वेषां मनुः पुन्रग्ने सुख्ये मा रिषामा वयं तवे | 12 | देवो देवानामिस मित्रो अद्भुतो वसुर्वसूनामिस चार्रुरध्वरे शर्मन्त्स्याम् तवं सुप्रथस्तुमेऽग्ने सुख्ये मा रिषामा वयं तवं | 13 | तत्ते भुद्रं यत्सिमिद्धः स्वे दमे सोमहितो जरसे मृळुयत्तेमः

दधासि रत्नं द्रविणं च दाशुषेऽग्ने सख्ये मा रिषामा वयं तर्व	14
यस्मै त्वं सुद्रविणो दद्राशोऽनागास्त्वमीदते सुर्वताता	
यं भुद्रेणु शर्वसा चोदयसि प्रजार्वता रार्धसा ते स्योम	15
स त्वमेग्ने सौभगृत्वस्ये विद्वानुस्माकुमायुः प्र तिरे्ह देव	1
तन्नों मित्रो वर्रुणो मामहन्तामदितिः सिन्धुः पृथिवी उत द्यौः	16

। इति प्रथमाष्टके षष्ठोऽध्यायः समाप्तः ।

95 (11)(म.1, अनु.15) देवता अग्निः औषसः अग्निः वा ऋषिः कुत्सः आङ्गिरसः छन्दः त्रिष्टुप् द्वे विरूपे चरतः स्वर्थे अन्यान्यां वृत्समुपं धापयेते हरिर्न्यस्यां भविति स्वधाविञ्छुक्रो अन्यस्यां ददृशे सुवर्चाः 11 दशेमं त्वष्टुर्जनयन्त् गर्भमतेन्द्रासो युवृतयो विभृत्रम् तिग्मानीकुं स्वयंशसुं जनेषु विरोचमानुं परि षीं नयन्ति | 2 | त्रीणि जाना परि भूषन्त्यस्य समुद्र एकं दिव्येकेम्प्सु पूर्वामनु प्र दिश्ं पार्थिवानामृतून्प्रशासृद्धि देधावनुष्ठु | 3 | क इमं वो निण्यमा चिकेत वृत्सो मातुर्जनयत स्वधाभिः बुह्बीनां गर्भो अपसामुपस्थानमुहान्कुविर्निश्चरित स्वधावीन् || 4 || आविष्ट्यो वर्धते चारुरासु जिह्मानीमूर्ध्वः स्वयंशा उपस्थे उभे त्वष्टुर्बिभ्यतुर्जायमानात्प्रतीची सिंहं प्रति जोषयेते | 5 | उभे भुद्रे जीषयेते न मेने गावो न वाश्रा उप तस्थुरेवै: स दक्षाणां दक्षपतिर्बभ्वाञ्जन्ति यं दक्षिणतो हुविभिः | 6 | उद्यंयमीति सवितेवं बाह् उभे सिचौ यतते भीम ऋञ्जन् उच्छुक्रमत्केमजते सिमस्मान्नवां मातृभ्यो वसना जहाति | 7 | त्वेषं रूपं कृणुत् उत्तरं यत्संपृञ्चानः सदेने गोभिरुद्धिः कुविर्बुध्नं परि मर्मृज्यते धीः सा देवताता समितिर्बभूव $\parallel \mathbf{8} \parallel$ उरु ते ज्रयः पर्येति बुधं विरोचेमानं महिषस्य धार्म विश्वेभिरग्ने स्वयंशोभिरिद्धोऽदेब्धेभिः पायुभिः पाह्यस्मान् || 9 || धन्वन्त्स्रोतः कृणुते गातुमूर्मि शुक्रैरूर्मिभिर्भि नेक्षति क्षाम् विश्वा सनीन जुठरेषु धत्तेऽन्तर्नवीस् चरति प्रसूष् **| 10 |** एवा नो अग्ने सुमिधा वृधानो रेवत्पविक श्रवसे वि भाहि तन्नों मित्रो वर्रुणो मामहन्तामदितिः सिन्धुः पृथिवी उत द्यौः | 11 | 96 (म.1, अ<u>नु.15)</u> छन्दः त्रिष्टुप् देवता द्रविणोदाः शुद्धः वा अग्निः ऋषिः कृत्सः आङ्गिरसः स प्रत्नथा सहसा जायमानः सुद्यः काव्यनि बर्ळधत्त विश्वी आपेश्च मित्रं धिषणो च साधन्देवा अग्निं धौरयन्द्रविणोदाम् $\parallel \mathbf{1} \parallel$ स पूर्वया निविदो कुव्यतायोरिमाः प्रजा अजनयन्मनूनाम् विवस्वेता चक्षसा द्यामुपश्चे देवा अग्निं धौरयन्द्रविणोदाम् || 2 ||

तमीळत प्रथमं येज्ञसाधुं विश् आर्रोराहुतमृञ्जसानम्

कुर्जः पुत्रं भेरतं सृप्रदोनुं देवा अग्निं धोरयन्द्रविणोदाम्

| 3 |

	स मीत्रिरश्वी पुरुवारेपुष्टिर्विदद्वातुं तनेयाय स्वर्वित्	1
	विशां गोपा जिन्ता रोदेस्योर्देवा अृग्निं धीरयन्द्रविणोदाम्	4
	द्यावाक्षामी रुक्मो अन्तर्वि भीति देवा अग्निं धीरयन्द्रविणोदाम्	5
	रायो बुधः सुंगर्मनो वसूनां युज्ञस्य केतुर्मन्मुसार्धनो वेः	1
		6
	नू चे पुरा च सदेनं रयीणां जातस्ये च जायेमानस्य च क्षाम्	
	सृतश्च गोपां भवतश्च भूरेर्देवा अग्निं धारयन्द्रविणोदाम्	7
		1
	द्रविणोदा वीरवेतीमिषं नो द्रविणोदा रसिते दीर्घमार्युः	8
	एवा नो अग्ने सुमिधा वृधानो रेवत्पविक श्रवसे वि भाहि	
	तन्नो मित्रो वर्रुणो मामहन्तामदितिः सिन्धुः पृथिवी उत द्यौः	9
(8)	97	(म. 1 , अनु. 15)
		शुचिः शुद्धः वा अग्निः
	अपे नः शोश्चिद्धमग्ने शुशुग्ध्या र्यिम् । अपे नः शोश्चिद्धम्	1
-	पुक्षेत्रिया सुंगातुया वस्र्या च यजामहे । अप नः शोशुंचद्घम्	2
	। अपे नुः शोशुंचदुघम्	
	ग यत्ते अग्ने सूरयो जायेमिहि प्र ते वयम् । अपे नः शोशुंचद्घम्	`
	ग यदुग्नेः सहस्वतो विश्वतो यन्ति भानवेः । अपे नः शोशुचदुघम्	`
	चं हि विश्वतोमुख विश्वतः परि्भूरसि । अपे नः शोश्चद्घम्	•
	द्वेषो नो विश्वतोमुखाति नावेवे पारय । अपे नः शोश्चिद्घम्	
₹	त नः सिन्धुमिव नावयाति पर्षा स्वस्तये । अपे नः शोशुचद्घम्	8
(3)	98	(म.1, अनु.15)
ऋषिः	कुत्सः आङ्गिरसः छन्दः त्रिष्टुप्	देवता वैश्वानरः अग्निः
	वैश्वानरस्यं सुमृतौ स्याम् राजा हि कुं भुवनानामभिश्रीः	I
	इतो जातो विश्वमिदं वि चेष्टे वैश्वानुरो येतते सूर्येण	1
	पृष्टो दिवि पृष्टो अग्निः पृथिव्यां पृष्टो विश्वा ओषधीरा विवेश	1
	वैश्वानुरः सहसा पृष्टो अग्निः स नो दिवा स रिषः पति नक्तम्	2
	वैश्वनिर् तव् तत्सुत्यर्मस्त्वस्मान्नायो मुघवनिः सचन्ताम्	1
	तन्नो मित्रो वर्रुणो मामहन्तामदितिः सिन्धुः पृथिवी उत द्यौः	3
		11 & 11

ऋषिः कश्यपः मारीचः छन्दः त्रिष्टुप् देवता जातवेदाः शुद्धः वा अग्निः

जातवेदसे सुनवाम् सोमेमरातीयतो नि देहात् वेदः । स नः पर्ष्दिति दुर्गाण् विश्वा नावेव सिन्धुं दुरितात्यग्निः ॥ 1 ॥

ऋषिः ऋज्राश्व-अम्बरीष-सहदेव-भयमान-सुराधसः वार्षागिराः छन्दः त्रिष्टुप् देवता इन्द्रः स यो वृषा वृष्णयेभिः समोका महो दिवः पृथिव्याश्च समाद स्तीनसत्वा हव्यो भरेषु मुरुत्विन्नो भवृत्विन्द्रे ऊती $\parallel \mathbf{1} \parallel$ यस्यानाप्तः सूर्यस्येव यामा भरेभरे वृत्रहा शुष्मो अस्ति वृषंन्तमः सर्खिभिः स्वेभिरेवैर्म्रुत्वान्नो भवत्वन्द्रं ऊती || 2 || दिवो न यस्य रेतसो दुर्घानाः पन्थासो यन्ति शवसापरीताः त्रद्वेषाः सासुहिः पौंस्येभिर्म्रुत्विन्नो भवृत्विन्द्रे ऊती | 3 | सो अङ्गिरोभिरङ्गिरस्तमो भूद्रषा वृषेभिः सर्खिभिः सखा सन् ऋग्मिभिर्ऋग्मी गातुभिज्येष्ठी मुरुत्वात्रो भवत्वन्द्रे कुती || 4 || स सूनुभिनं रुद्रेभिर्ऋभ्वां नृषाद्ये सासुह्राँ अमित्रान् सनीळेभिः श्रवस्यानि तूर्वन्म्रुरुत्वात्रो भवत्वन्द्रं ऊती | 5 | स मेन्युमीः सुमदेनस्य कुर्तास्माकेभिनृभिः सूर्यं सनत् अस्मित्रहुन्त्सत्पीतः पुरुहूतो मुरुत्वीन्नो भवृत्विन्द्री ऊती | 6 | तमूतयो रणयुञ्छूरसातो तं क्षेमेस्य क्षितयः कृण्वत् त्राम् स विश्वस्य कुरुणस्येश एको मुरुत्वन्नि भवृत्विन्द्रे ऊती | 7 | तमप्सन्त शर्वस उत्स्वेषु नरो नर्मवेसे तं धनीय सो अन्धे चित्तमिस् ज्योतिर्विदन्म्रुत्विन्नो भवृत्विन्द्रे ऊती $\parallel \mathbf{8} \parallel$ स सुव्येन यमित व्राधितश्चित्स देक्षिणे संगृभीता कृतानि स कीरिणा चित्सनिता धर्नानि मुरुत्वन्नि भवत्विन्द्रे ऊती || 9 || स ग्रामेभिः सनिता स रथेभिर्विदे विश्वीभिः कृष्टिभिन्वंश्च स पौंस्येभिरभिभूरशस्तीर्म्रुत्वात्रो भवृत्विन्द्रं ऊती **|| 10 ||** स जामिभिर्यत्समजाति मीळहेऽजीमिभिर्वा पुरुहूत एवैः अपां तोकस्य तनेयस्य जेषे मुरुत्वन्नि भवृत्विन्द्रे ऊती | 11 | स वेज्रभृहंस्युहा भीम उग्रः सहस्रचेताः शतनीथ ऋभ्वा चुमीषो न शर्वसा पाञ्चजन्यो मुरुत्विन्नो भवत्विन्द्रे ऊती | 12 |

तस्य वर्जाः क्रन्दित स्मत्स्वर्षा दिवो न त्वेषो रवथः शिमीवान

तं संचन्ते सुनयुस्तं धर्नानि मुरुत्विन्नो भवृत्विन्द्रे ऊती	13
यस्यार्जस्रं शर्वसा मार्नमुक्थं परिभुजद्रोदेसी विश्वतः सीम्	1
स परिष्त्क्रतुंभिर्मन्दसानो मुरुत्वन्नि भवत्विन्द्रे ऊती	14
न यस्य देवा देवता न मर्ता आपश्चन शर्वसो अन्तमापुः	1
स प्ररिका त्वक्षसा क्ष्मो दिवश्च मुरुत्वन्नि भवत्विन्द्रे ऊती	15
रोहिच्छ्यावा सुमदंशुर्ललामीर्घुक्षा राये ऋजाश्वस्य	1
वृषेण्वन्तुं बिभ्रती धूर्षु रथं मुन्द्रा चिकेत् नाहुंषीषु विक्षु	16
एतत्त्यत्ते इन्द्र वृष्णे उक्थं वोर्षागिरा अभि गृणन्ति रार्धः	1
ऋजाश्वः प्रष्टिभिरम्ब्रीषेः सहदेवो भयेमानः सुराधीः	17
दस्यूञ्छिम्यूँश्च पुरुहूत एवौर्दृत्वा पृथि॒व्यां शर्वा नि बर्हीत्	1
सन्त्क्षेत्रं सर्खिभिः श्वित्येभिः सन्त्सूर्यं सर्नद्रपः सुवर्ज्रः	18
विश्वाहेन्द्रौ अधिवक्ता नौ अस्त्वपीरिहृताः सनुयाम् वार्जम्	1
तन्नो मित्रो वर्रुणो मामहन्तामिदितिः सिन्धुः पृथिवी उत द्यौः	19

 (11)
 101
 (म.1, अनु.15)

 ऋषिः कुत्सः आङ्गिरसः
 छन्दः जगती 1-7 त्रिष्टुप् 8-11
 देवता इन्द्रः

प्र मन्दिने पितुमर्दर्चता वचो यः कृष्णगर्भा निरहेन्नृजिश्वना अवस्यवो वृषेणुं वज्रेदक्षिणं मुरुत्वेन्तं सुख्याये हवामहे $\parallel \mathbf{1} \parallel$ यो व्यंसं जाहषाणेनं मन्युना यः शम्बंरं यो अहुन्पिप्रुमव्रतम् इन्द्रो यः शुष्णेम्शुष्ं न्यावृणञ्च्ररत्वेन्तं सुख्याये हवामहे || 2 || यस्य द्यावापृथिवी पौंस्यं मृहद्यस्य व्रते वर्रुणो यस्य सूर्यः यस्येन्द्रस्य सिन्धेवः सश्चीत व्रतं मुरुत्वेन्तं सुख्यायं हवामहे | 3 | यो अश्वानां यो गवां गोपितर्वशी य अरि्तः कर्मणिकर्मणि स्थिरः वीळोश्चिदिन्द्रो यो असुन्वतो वृधो मुरुत्वन्तं सुख्यायं हवामहे || 4 || यो विश्वेस्य जर्गतः प्राणतस्पतियों ब्रह्मणे प्रथमो गा अविन्दत् इन्द्रो यो दस्यूँरधेराँ अवातिरन्म्रुरुत्वेन्तं सुख्याये हवामहे | 5 | यः शूरेभि्हव्यो यश्च भीरुभि्यों धाविद्धहूयते यश्च जि्ग्युभिः इन्द्रं यं विश्वा भुवेनाभि संदुधुर्म्रुत्वेन्तं सुख्याये हवामहे | 6 | रुद्रणमिति प्रदिशा विचक्षणो रुद्रेभिर्योषा तनुते पृथु ज्रयीः इन्द्रं मनीषा अभ्येर्चिति श्रुतं मुरुत्वेन्तं सुख्यायं हवामहे | 7 | यद्वा मरुत्वः पर्मे सुधस्थे यद्वावमे वृजने मादयसि अत् आ योद्यध्वरं नो अच्छो त्वाया हुविश्चकृमा सत्यराधः | 8 |

त्वायेन्द्र सोमं सुषुमा सुदक्ष त्वाया ह्विश्चकृमा ब्रह्मवाहः	1
अर्धा नियुत्वः सर्गणो मुरुद्धिरस्मिन्युज्ञे बुर्हिषि मादयस्व	9
मादयेख हरिभियें ते इन्द्र वि ष्येख शिष्रे वि सृजस्व धेने	1
आ त्वो सुशिप्र हरेयो वहन्तूशन्हव्यानि प्रति नो जुषस्व	10
मुरुत्स्तोत्रस्य वृजनस्य गोपा वयिमन्द्रीण सनुयाम् वार्जम्	1
तन्नो मित्रो वर्रुणो मामहन्तामिदितिः सिन्धुः पृथिवी उत द्यौः	11

(11) 102 (म.1, अनु.15)

ऋषिः कुत्सः आङ्गिरसः छन्दः जगती 1-10 त्रिष्टुप् 11 देवता इन्द्रः

इमां ते धियं प्र भेरे महो महीमस्य स्तोत्रे धिषणा यत्ते आनुजे तमुत्स्वे च प्रस्वे च सास्हिमिन्द्रं देवासः शवसामद्वनु | 1 | अस्य श्रवों नुद्याः सप्त बिभ्रति द्यावाक्षामां पृथिवी देशितं वर्पुः अस्मे सूर्याचन्द्रमसाभिचक्षे श्रुद्धे कमिन्द्र चरतो वितर्तुरम् || 2 || तं स्मा रथं मघवन्प्रावं सातये जैत्रं यं ते अनुमदीम संगुमे आजा ने इन्द्र मनेसा पुरुष्टुत त्वायब्द्यों मधवुञ्छर्म यच्छ नः | 3 | व्यं जयम् त्वया युजा वृतम्परमाकुमंश्मुदेवा भरेभरे अस्मभ्यीमन्द्र वरिवः सुगं कृधि प्र शत्रूणां मघवन्वृष्ण्या रुज || 4 || नाना हि त्वा हर्वमाना जना इमे धर्नानां धर्त्रवंसा विपुन्यवीः अस्माकं स्मा रथमा तिष्ठ सातये जैत्रं हीन्द्र निभृतं मन्स्तवे | 5 | गोजिता बाहू अमितक्रतुः सिमः कर्मन्कर्मञ्छतम्तिः खजंकरः अकुल्प इन्द्रीः प्रतिमानुमोजुसाथा जना वि ह्वयन्ते सिषासर्वाः | 6 | उत्ते शतान्मघवन्नुञ्च भूयंस् उत्सहस्राद्रिरिचे कृष्टिषु श्रवीः अमात्रं त्वां धिषणां तित्विषं मृद्यधां वृत्राणि जिघ्नसं पुरंदर | 7 | त्रिविष्ट्रिधातुं प्रतिमान्मोर्जसस्तिस्रो भूमीर्नृपते त्रीणि रोचना अतीदं विश्वं भुवेनं ववक्षिथाश्तुरिन्द्र जनुषो सुनादिस | 8 | त्वां देवेष् प्रथमं हेवामहे त्वं बेभूथ पृतेनास् सास्रहिः सेमं नेः कारुमुपम्न्युमुद्धिदुमिन्द्रेः कृणोतु प्रस्वे रथं पुरः || 9 || त्वं जिगेथु न धर्ना रुरोधिथाभेष्वाजा मेघवन्मुहत्स् च त्वामुग्रमवेसे सं शिशीम् स्यथी न इन्द्र हवेनेषु चोदय **| 10 ||** विश्वाहेन्द्रो अधिवृक्ता नो अस्त्वपरिह्नृताः सनुयाम् वाजेम् तन्नों मित्रो वर्रुणो मामहन्तामदितिः सिन्धुः पृथिवी उत द्यौः | 11 | (8) **103** (म.1, अनु.15)

(8)	103	(म.1, अनु.15)
ऋषिः	कुत्सः आङ्गिरसः छन्दः त्रिष्टुप्	देवता इन्द्रः
	तत्तं इन्द्रियं पर्मं पराचैरधारयन्त कुवर्यः पुरेदम्	I
	क्ष्मेदमुन्यद्विव्यर्श्न्यदेस्य समी पृच्यते समुनेव केतुः	1
	स धीरयत्पृथिवीं पुप्रथेच्च वज्रेण हत्वा निरुपः संसर्ज	
	अहुन्नहिमभिनद्रौहिणं व्यहुन्व्यंसं मुघवा शचीभिः	2
	स जातूर्भर्मा श्रुद्दधान ओजः पुरो विभिन्दन्नचरुद्धि दार्स	
	विद्वान्विज्ञिन्दस्येवे हेतिमुस्यार्यं सहो वर्धया द्युम्निमन्द्र	3
	तदूचुषे मानुषेमा युगानि कीर्तेन्यं मुघवा नाम बिभ्रेत्	
	उपुप्रयन्देस्युहत्याय वृज्री यद्धे सूनुः श्रवसे नाम दुधे	4
	तर्दस्येदं पेश्यता भूरि पुष्टं श्रदिन्द्रस्य धत्तन वीर्याय	
	स गा अविन्दुत्सो अविन्दुदश्चान्त्स ओषेधीः सो अपः	स वर्नानि ॥ 5 ॥
	भूरिकर्मणे वृष्भाय वृष्णे सत्यशुष्माय सुनवाम् सोमेम	Í
	य आदत्यो परिपुन्थीव शूरोऽयेज्वनो विभजुन्नेति वेदीः	6
	तिद्देन्द्र प्रेवे वीर्यं चकर्थ् यत्स्सन्तं वज्रेणाबोधयोऽहिम्	
	अनु त्वा पत्नीर्हिष्तितं वर्यश्च विश्वे देवासो अमदुन्ननु त्व	Π 7
	शुष्णुं पिप्रुं कुर्यवं वृत्रमिन्द्र युदावधीर्वि पुरः शम्बरस्य	
	तन्नो मित्रो वर्रुणो मामहन्तामदितिः सिन्धुः पृथिवी उत	न द्यौः
(9)	104	(म.1, अनु.15)
	कुत्सः आङ्गिरसः छन्दः त्रिष्टुप्	देवता इन्द्रः
	योनिष्ट इन्द्र निषदे अकारि तमा नि षीद स्वानो नार्वी	<u> </u>
	विमुच्या वयोऽवसायाश्वनिदोषा वस्तोर्वहीयसः प्रिपृत्वे	
	ओ त्ये नर् इन्द्रमूतये गुर्नू चित्तान्त्सुद्यो अध्वेनो जगम्य	
	देवासो मन्युं दासस्य श्चम्नन्ते न आ वेक्षन्त्सुविताय व	
	अव त्मना भरते केतेवेदा अव त्मना भरते फेर्नमुदन्	1
	क्षीरेण स्नातः कुर्यवस्य योषे हुते ते स्यातां प्रवणे शिष	क्रीयाः ॥ ३ ॥
	युयोप नाभिरुपेरस्यायोः प्र पूर्वाभिस्तिरते राष्टि शूरेः	1
	_ अञ्जसी कुेल्रिशी वीरपेली पयो हिन्वाना उदिभिर्भरन्ते	4
	प्रति यत्स्या नीथादेर्शि दस्योरोको नाच्छा सदेनं जानुर्त	ी गीत् ।
	अर्ध स्मा नो मघवञ्चर्कृतादिन्मा नो मुघेव निष्मुपी परा	ां दाः ∥ 5 ∥
		• •
	स त्वं ने इन्द्र सूर्ये सो अप्स्वेनागास्त्व आ भेज जीवः	<u>શ</u> સ ।

۱۵)	105	(TT 1
	उरुव्यचा जुठर आ वृषस्व पितेवे नः शृणुहि हूयमानः	9
	अर्वाङेहि सोमेकामं त्वाहुर्यं सुतस्तस्य पिबा मदीय	1
	आण्डा मा नो मघवञ्छक्र निर्भेन्मा नुः पात्री भेत्स्हर्जानुषाणि	$\parallel 8 \parallel$
	मा नो वधीरिन्द्र मा परो दा मा नेः प्रिया भोजेनानि प्र मोषीः	1
	मा नो अकृते पुरुहूत योनाविन्द्र क्षुध्येन्द्यो वर्य आसुतिं दाः	7
	अधौ मन्ये श्रत्ते अस्मा अधायि वृषौ चोदस्व महृते धनौय	1

(19) 105 (म.1, अनु.15)

		,
ऋषिः त्रितः आस्यः, कुत्सः वा छन्दः पङ्किः 1-7,9-18, महाबृहती 8, त्रिष्टुप् 19 देव	ाता विश	धे देवाः
चुन्द्रमा अप्स्वर्थन्तरा सुपूर्णो धावते द्विव		
न वो हिरण्यनेमयः पुदं विन्दन्ति विद्युतो वित्तं मे अस्य रोदसी	 1	
अर्थुमिद्वा उ अर्थिन आ जाया युवते पितम्		1
तुञ्जाते वृष्ण्यं पर्यः परिदाय रसं दुहे वित्तं में अस्य रोदसी	∥ 2	
मो षु देवा अदः स्वर्रवं पादि द्विवस्परि		1
मा सोम्यस्ये शुंभुवः शूने भूम कर्ता चन वित्तं में अस्य रोदसी	3	
युज्ञं पृच्छाम्यव्मं स तद्दुतो वि वोचिति ।		
क्र ऋतं पूर्व्यं गृतं कस्तद्विभर्ति नूतेनो वित्तं मे अस्य रोदसी	4	
अमी ये देवाः स्थर्न त्रिष्वा रोचने दिवः ।		
कर्द्व ऋतं कदर्नृतं क्रे प्रता व आहुतिर्वित्तं मे अस्य रोदसी	5	
कर्द्व ऋतस्ये धर्णिस कद्वर्रणस्य चक्षणम्		1
कर्दर्यम्णो महस्पथाति क्रामेम दूढ्यो वित्तं मे अस्य रोदसी	6	
अहं सो अस्मि यः पुरा सुते वदमि कानि चित्		1
तं मो व्यन्त्याध्योे वृको न तृष्णजं मृगं वित्तं मे अस्य रोदसी	7	
सं मो तपन्त्यभितीः सप्रतीरिव पर्शीवः ।		
मूषो न शिश्रा व्यदिन्ति माध्यीः स्तोतारं ते शतक्रतो वित्तं मे अस्य रोदिसी	∥ 8	
अमी ये सप्त रश्मयस्तत्री मे नाभिरातिता		1
त्रितस्तद्वेदात्यः स जामित्वायं रेभित वित्तं में अस्य रोदसी	∥ 9	
अमी ये पञ्चोक्षणो मध्ये [।] तुस्थुर्महो द्विवः ।		
देवत्रा नु प्रवाच्यं सधीचीना नि वविृतुर्वित्तं में अस्य रोदसी	10	
सुपूर्णा एत आसते मध्ये आरोधेने दिवः		1
ते सेधन्ति पथो वृकुं तरेन्तं युह्वतीरुपो वित्तं में अस्य रोदसी	11	
नव्यं तदुक्थ्यं हितं देवासः सुप्रवाचनम्		l
ऋतमर्षन्ति सिन्धेवः सत्यं तीतान् सूर्यो वित्तं मे अस्य रोदसी	12	

अग्ने तव त्यदुक्थ्यं देवेष्वस्त्याप्यम्	1
स नीः सत्तो मेनुष्वदा देवान्यीक्ष विदुष्टरो वित्तं मे अस्य रोदसी	13
सृत्तो होता मनुष्वदा देवाँ अच्छा विदुष्टरः	1
अग्निर्ह्वया सुषूदित देवो देवेषु मेधिरो वित्तं में अस्य रोदसी	14
ब्रह्मा कृणोति वर्रुणो गातुविदं तमीमहे	l
व्यूर्णोति हृदा मृतिं नव्यो जायतामृतं वित्तं मे अस्य रोदसी	15
असौ यः पन्था आदित्यो दिवि प्रवाच्यं कृतः	l
न स देवा अतिक्रमे तं मेर्तासो न पेश्यथ वित्तं मे अस्य रोदसी	16
त्रितः कूपेऽविहितो देवान्हेवत ऊतये	l
तच्छुंश्राव बृहस्पतिः कृण्वन्नंहूरणादुरु वित्तं में अस्य रोदसी	17
अ्रुणो मो सुकृद्धकः पृथा यन्तं दुदर्श् हि	1
उज्जिहीते निचाय्या तष्टेव पृष्ट्याम्यी वित्तं मे अस्य रोदसी	18
एनाङ्गूषेणे वयमिन्द्रवन्तोऽभि ष्योम वृजने सर्ववीराः	1
तन्नो मित्रो वर्रुणो मामहन्तामिदितिः सिन्धुः पृथिवी उत द्यौः	19
(7) 106	(म.1, अनु.16)
ऋषिः कुत्सः आङ्गिरसः छन्दः जगती 1-6, त्रिष्टुप् 7	देवता विश्वे देवाः
इन्द्रं मित्रं वर्रुणमुग्निमूतये मार्रुतं शर्धो अदितिं हवामहे	
रथुं न दुर्गार्द्वसवः सुदानवो विश्वस्मान्नो अंहसो निष्पिपर्तन	1

त अदित्या आ गीता सर्वतीतये भूत देवा वृत्रतूर्येषु शंभुवीः रथं न दुर्गार्द्वसवः सुदानवो विश्वस्मान्नो अंहसो निष्पिपर्तन || 2 || अर्वन्तु नः पितरः सुप्रवाचना उत देवी देवपुत्रे ऋतावृधा रथं न दुर्गार्द्वसवः सुदानवो विश्वस्मान्नो अंहसो निष्पिपर्तन | 3 | नराशंसं वाजिनं वाजयित्रिह क्षयद्वीरं पूषणं सुम्रेरीमहे रथं न दुर्गार्द्वसवः सुदानवो विश्वस्मान्नो अंहसो निष्पिपर्तन | 4 | बृहंस्पते सद्मिन्नः सुगं कृधि शं योर्यते मनुर्हितं तदीमहे रथं न दुर्गार्द्वसवः सुदानवो विश्वस्मान्नो अंहसो निष्पिपर्तन | 5 | इन्द्रं कुत्सों वृत्रहणुं शचीपितं काटे निबीळह् ऋषिरह्वदूतये रथं न दुर्गार्द्वसवः सुदानवो विश्वस्मान्नो अंहसो निष्पिपर्तन | 6 | देवैनों देव्यदितिनि पति देवस्त्राता त्रीयतामप्रयुच्छन् तन्नों मित्रो वर्रुणो मामहन्तामदितिः सिन्धुः पृथिवी उत द्यौः | 7 |

(3)	107	(म.1, अनु.16)
ऋषिः	कुत्सः आङ्गिरसः छन्दः त्रिष्टुप्	देवता विश्वे देवाः
	युज्ञो देवानां प्रत्येति सुम्नमादित्यासो भवेता मृळ्यन्तः	
	जु जु - जु - जु - जु - जु - ज	1
	उप नो देवा अवसा र्गमन्त्विङ्गरसां सामिभः स्तूयमोनाः	I
	इन्द्रे इन्द्रियैर्म्रुतो मुरुद्धिरादित्यैर्नो अदितिः शर्मे यंसत्	2
	तन्न इन्द्रस्तद्वरुणस्तदुग्निस्तदेर्यमा तत्सिविता चनो धात्	1
	तन्नो िम्त्रो वर्रुणो मामहन्तामदितिः सिन्धुः पृथिवी उत द्यौः	3
(13)	108	(म.1, अनु.16)
ऋषिः	कुत्सः आङ्गिरसः छन्दः त्रिष्टुप्	देवता इन्द्राग्नी
	य ईन्द्राग्नी चित्रतमाे रथों वाम्भि विश्वनि भुवनानि चष्टें	I
	तेना यतिं सुरथं तस्थिवांसाथा सोमेस्य पिबतं सुतस्ये	1
	यावेदिदं भुवेनुं विश्वमस्त्युरुव्यची वरिमती गभीरम्	1
	तावाँ अयं पातवे सोमो अस्त्वरीमन्द्राग्नी मनेसे युवभ्याम्	2
	चुक्राथे हि सुध्यर्ंङ्गाम भुद्रं संध्रीचीना वृत्रहणा उत स्थः	1
	ताविन्द्राग्नी सुध्र्यञ्चा निषद्या वृष्णुः सोमस्य वृष्णा वृषेथाम्	3
	समिद्धेष्व्रग्निष्वानजाना यतस्रुचा बर्हिरु तिस्तिराणा	1
	त्तीव्रैः सोमैः परिषिक्तेभिर्वागेन्द्रीग्नी सौमनुसाय यातम्	4
	यानीन्द्राग्नी चक्रथुर्वीयाणि यानि रूपाण्युत वृष्ण्यानि	I
	या वां प्रतानि सुख्या शिवानि तेभिः सोमेस्य पिबतं सुतस्ये	5
	यदब्रवं प्रथमं वो वृणानोर्श्यं सोमो असुरैर्नो विहव्यः	I
	तां सत्यां श्रद्धामुभ्या हि यातमथा सोमेस्य पिबतं सुतस्ये	6
	यदिन्द्राग्नी मर्दथः स्वे दुरोणे यद्बृह्मणि राजीन वा यजत्रा	l
	अतुः परि वृषणावा हि यातमथा सोमस्य पिबतं सुतस्ये	7
	यदिन्द्राग्नी यदुषु तुर्वशेषु यद्द्रुह्युष्वनुषु पूरुषु स्थः	1
	अतुः परि वृषणावा हि यातमथा सोमेस्य पिबतं सुतस्ये	8
	यदिन्द्राग्नी अवमस्यां पृथिव्यां मध्यमस्यां परमस्यामुत स्थः	1
	अतुः परि वृषणावा हि यातमथा सोमस्य पिबतं सुतस्ये	9
	यदिन्द्राग्नी पर्मस्यां पृथिव्यां मध्यमस्यामव्मस्यामुत स्थः	1
	अतुः परि वृषणावा हि यातमथा सोमस्य पिबतं सुतस्य	10
	यदिन्द्राग्नी दिवि ष्ठो यत्पृथिव्यां यत्पर्वतेष्वोषधीष्वप्सु	1
	अतः परि वृषणावा हि यातमथा सोमेस्य पिबतं सुतस्ये	11
	1.4. 11. S. T. 11. 16. T. 11. 11. 11. 11. 11. 11. 11. 11. 11.	((11 ((

	यदिन्द्राग्नी उदिता सूर्यस्य मध्ये दिवः स्वधयो मादयेथे	1
	अतुः परि वृषणावा हि यातमथा सोमस्य पिबतं सुतस्ये	12
	एवेन्द्राग्नी पिपवांसा सुतस्य विश्वास्मभ्यं सं जयतं धर्नानि	1
	तन्नो मित्रो वर्रुणो मामहन्तामदितिः सिन्धुः पृथिवी उत द्यौः	13
(8)	109	(म.1, अनु.16)
ऋषिः	कुत्सः आङ्गिरसः छन्दः त्रिष्टुप्	देवता इन्द्राग्नी
	वि ह्यख्युं मनेसा वस्ये इच्छन्निन्द्रीग्नी ज्ञास उत वो सजातान्	l
	नान्या युवत्प्रमंतिरस्ति मह्यं स वां धियं वाजयन्तीमतक्षम्	1
	अश्रेवं हि भूरिदावंत्तरा वां विजामातुरुत वा घा स्यालात्	1
	अथा सोमेस्य प्रयेती युवभ्यामिन्द्रीग्री स्तोमं जनयामि नव्येम्	2
	मा च्छेदा रुश्मौरिति नार्धमानाः पितृणां शक्तीरेनुयच्छेमानाः	1
	॰ इन्द्राग्निभ्यां कं वृषेणो मदन्ति ता ह्यद्री धिषणीया उपस्थे	3
	युवाभ्यां देवी धिषणा मदायेन्द्रांग्री सोममुश्ती सुनोति	l
	्र	4
	युवामिन्द्राग्नी वसुनो विभागे त्वस्तमा शुश्रव वृत्रहत्ये	1
	तावासद्यो बुर्हिषि युज्ञे अस्मिन्प्र चेषंणी मादयेथां सुतस्य	5
	प्र चेर्षुणिभ्यः पृतनाहवेषु प्र पृथि॒व्या रिरिचाथे दिवश्च	1
	प्र सिन्धुभ्यः प्र गिरिभ्यों महित्वा प्रेन्द्रांग्री विश्वा भुवनात्यन्या	6
	आ भेरतुं शिक्षेतं वज्रबाहू अस्माँ ईन्द्राग्नी अवतुं शचीभिः	1
	इमे नु ते रुशमयुः सूर्यस्य येभिः सिपुत्वं पितरो नु आसेन्	7
	पुरंदरा शिक्षतं वज्रहस्तास्माँ ईन्द्राग्नी अवतं भरेषु	1
	तन्नो मित्रो वर्रुणो मामहन्तामिदितिः सिन्धुः पृथिवी उत द्यौः	8
(9)	110	(म.1, अनु.16)
ऋषिः	कुत्सः आङ्गिरसः छन्दः जगती 1-4,6-8, त्रिष्टुप् 5,9	देवता ऋभवः
	तृतं मे अपुस्तदुं तायते पुनुः स्वादिष्ठा धीतिरुचथाय शस्यते	
	" - 3 अयं समुद्र इह विश्वदेव्यः स्वाहाकृतस्य समु तृण्णुत ऋभवः	1
		1
	सौर्धन्वनासश्चरितस्यं भूमनार्गच्छत सवितुर्द्वाशुषों गृहम्	2
	तत्सिविता वोऽमृतत्वमासुवदगोह्यं यच्छ्रवयेन्त ऐतेन	1
	त्यं चिच्चमुसमसुरस्य भक्षणुमेकुं सन्तमकृणुता चतुर्वयम्	3
	विष्ट्वी शमी तरणित्वेन वाघतो मर्तासः सन्तो अमृतत्वमानशुः	1

	सौधुन्वना ऋभवः सूर्रचक्षसः संवत्सुरे समीपृच्यन्त धीतिभिः	4
	क्षेत्रीमिव वि मेमुस्तेजनेनुँ एकुं पात्रमृभवो जेहेमानम्	
	उपस्तुता उपमं नार्धमाना अमर्त्येषु श्रवं इच्छमानाः	5
	अा मे <u>नीषाम</u> न्तरिक्षस्य नृभ्यः स्रुचेवे घृतं जुहवाम विद्यना	
	त <u>ुर</u> णित्वा ये पितुरस्य सश्चिर ऋभवो वार्जमरुहन्दिवो रर्जः	6
	ऋभुर्न इन्द्रः शर्वसा नवीयानृभुर्वाजेभिर्वसुभिर्वसुर्देदिः	
	युष्माकं देवा अवसाहंनि प्रियेर्शभ तिष्ठेम पृत्सुतीरसुन्वताम्	7
	निश्चर्मण ऋभवो गामीपंशत सं वृत्सेनासृजता मातरं पुनः	
	सौधन्वनासः स्वपुस्ययो नरो जिब्री युवना पितराकृणोतन	8
	वाजेभिनों वाजसातावविङ्ग्यभुमाँ ईन्द्र चित्रमा देषि रार्धः	
	तन्नो मित्रो वर्रुणो मामहन्तामिदितिः सिन्धुः पृथिवी उत द्यौः	9
(5)	111	(म.1, अनु.16)
ऋषिः व्	कृत्सः आङ्गिरसः छन्दः जगती 1-4 त्रिष्टुप् 5	देवता ऋभवः
	तक्ष्न्रथं सुवृतं विद्मनापस्सतक्ष्न्हरी इन्द्रवाहा वृष्णवसू	
	तक्षन्पितृभ्यामृभवो युवद्वयस्तक्षन्वत्सायं मातरं सचाभुवम्	1
	आ नो युज्ञायं तक्षत ऋभुमद्वयः क्रत्वे दक्षाय सुप्रजावंतीिमिषेम्	
	यथा क्षयाम् सर्ववीरया विशा तन्नः शर्धीय धासथा स्विन्द्रियम्	2
	आ तेक्षत सातिमस्मभ्येमृभवः सातिं रथीय सातिमवीते नरः	
	सातिं नो जैत्रीं सं मेहेत विश्वहां जामिमजांमिं पृतनासु सुक्षणिम्	3
	ऋभुक्षण्मिन्द्रमा हुव ऊतयं ऋभून्वाजनिम्रुरुतः सोमेपीतये	
	उभा मित्रावरुंणा नूनमुश्चिना ते नो हिन्वन्तु सातये धिये जि्षे	4
	ऋभुर्भरीय सं शिशातु सातिं समर्युजिद्वाजी अस्माँ अविष्टु	
	तन्नो मित्रो वर्रुणो मामहन्तामिदितिः सिन्धुः पृथिवी उत द्यौः	5
(25)	112	(म.1, अनु.16)
ऋषिः वु	न्त्सः आङ्गिरसः छन्दः जगती 1-23, त्रिष्टुप् 24-25 देवता द्यावापृथिव्यग्र्यश्विन	ाः 1, अश्विनौ 2-25
	ईळे द्यावापृथिवी पूर्विचित्तयेऽग्निं घुर्मं सुरुचं यामित्रिष्टये	1
	याभिभीरे कारमंशाय जिन्वेथस्ताभिरू षु ऊतिभिरिश्वना गतम्	1
	युवोर्दानायं सुभरां अस्श्रतो रथमा तस्थुर्वचसं न मन्तवे	
	याभिधियोऽवेथः कर्मन्निष्टये ताभिरू षु ऊतिभिरिश्वना गेतम्	2
	युवं तासां दिव्यस्य प्रशासने विशां क्षेयथो अमृतस्य मुज्मनी याभिर्धेनुमुस्वंर्ं पिन्वंथो नरा ताभिरू षु ऊतिभिरश्चिना गेतम्	3
	नामन्युन्तरं मानवा महा सामर्थ ये क्रासामराख्ना मसम्	3

याभिः परिज्मा तनेयस्य मुज्मनो द्विमाता तूर्षु तुरणिर्विभूषित			-
याभिस्त्रिमन्तुरभवद्विचक्षुणस्ताभिरू षु ऊर्तिभिरश्विना गतम्		4	
याभी रेभं निवृतं सितमुद्ध उद्घेन्दनुमैरेयतं स्वेर्द्दशे			1
याभिः कण्वं प्र सिषासन्तमावतं ताभिरू षु ऊतिभिरश्चिना गतम्		5	
याभिरन्तिकं जसमान्मारणे भुज्यं याभिरव्यथिभिर्जिजन्वर्थः			1
याभिः कुर्कन्धुं वृय्यं च जिन्वेथुस्ताभिरू षु ऊतिभिरिश्वना गेतम्		6	
याभिः शुचन्तिं धेनुसां सुष्ंसदं तृप्तं घुर्ममोम्यावेन्तुमत्रये			1
याभिः पृश्निगुं पुरुकुत्समावतं ताभिरू षु ऊतिभिरिश्वना गंतम्		7	
याभिः शचीभिर्वृषणा परावृज्ं प्रान्धं श्रोणं चक्षस् एतवे कृथः			1
याभिर्वितिकां ग्रसिताममुञ्जतं ताभिरू षु ऊतिभिरिश्वना गैतम्		8	
याभिः सिन्धुं मधुमन्तुमसश्चतुं वसिष्टुं याभिरजरावजिन्वतम्			1
याभिः कुत्सं श्रुतर्यं नर्यमावतं ताभिरू षु ऊतिभिरिश्वना गतम्		9	
याभिर्विश्पलां धनुसामेथुर्व्यं सुहस्रमीळ्ह आजावजिन्वतम्			1
याभिर्वशम्श्यं प्रेणिमावेतं ताभिरू षु ऊतिभिरश्विना गेतम्		10	
याभिः सुदानू औश्वाजायं वृणिजे दीर्घश्रवसे मधु कोशो अक्षेरत्			
कुक्षीवेन्तं स्तोतारं याभिरावेतं ताभिरू षु ऊर्तिभिरिश्विना गेतम्		11	
याभी रसां क्षोदेसोद्रः पिपिन्वर्थुरनृश्वं याभी रथमार्वतं जि्षे			
याभिस्त्रिशोकं उुस्रियां उुदाजेत् ताभिरू षु कुतिभिरश्विना गेतम्		12	
याभिः सूर्यं परियाथः परावित मन्धातारं क्षेत्रपत्येष्वावेतम्			
याभिर्विप्रं प्र भरद्वाजमावतं ताभिरू षु ऊतिभिरश्विना गेतम्		13	
याभिर्मुहामितिथिग्वं केशोजुवं दिवोदासं शम्बर्हत्य आवेतम्			
याभिः पूर्भिद्ये त्रुसदेस्युमावेतं ताभिरू षु ऊतिभिरिश्वना गंतम्		14	
याभिर्वमं विपिपानम्परस्तुतं कुिं याभिर्वित्तजनिं दुवस्यर्थः			
याभिव्यश्वमुत पृथिमावतं ताभिरू षु ऊतिभिरश्विना गतम्		15	
याभिर्नरा श्यवे याभिरत्रये याभिः पुरा मनेवे गातुमीषर्थः			
याभिः शारीराजेतं स्यूमेरश्मये ताभिक्षु षु ऊतिभिरिश्वना गेतम्		16	
याभिः पर्वर्वा जठेरस्य मुज्मनाग्निर्नादीदेख्चित इद्धो अज्मन्ना			
याभिः शर्यात्मविथो महाध्ने ताभिरू षु ऊतिभिरिश्वना गेतम्		17	
याभिरिङ्गरो मनसा निर्ण्यथोऽग्रं गच्छेथो विवरे गोअर्णसः	n		
याभिर्मनुं शूरीम्षा समावेतं ताभिरू षु ऊतिभिरिश्वना गेतम्	II	18	1
याभिः पत्नीर्विम्दायं न्यूहथुरा घं वा याभिररुणीरशिक्षतम्	n	10	1
याभिः सुदासं ऊहथुः सुदेव्यं ताभिरू षु ऊतिभिरिश्वना गेतम्	II	19	
याभिः शंतिती भवेथो ददाशुषे भुज्युं याभिरवेथो याभिरधिगुम् ओम्यावेतीं सुभरोमृतस्तुभ्ं ताभिरू षु ऊतिभिरश्चिना गेतम्	11	20	
याभिः कृशानुमसने दुवस्यथो जुवे याभिर्यूनो अर्वन्तुमार्वतम्	II .	4 0	1
मधु प्रियं भरथो यत्सरङ्ग्र्यस्ताभिरू षु ऊतिभिरश्चिना गतम्	11	21	
न्यु । श्रेय नरम्। यर प्रदिश्चयामा मह्य यु काता मराख्ना गतम्	11 .	41	II

याभिर्नरं गोषुयुधं नृषाह्ये क्षेत्रस्य साता तनयस्य जिन्वेथः	1
याभी रथाँ अवेथो याभिरवीतस्ताभिरू षु ऊतिभिरिश्वना गेतम्	22
याभिः कुर्त्समार्जुनेयं शतक्रत् प्र तुर्वीतिं प्र चे दुभीतिमार्वतम्	1
याभिर्ध्वसन्तिं पुरुषन्तिमावतं ताभिरू षु ऊतिभिरश्विना गेतम्	23
अप्नस्वतीमश्विना वार्चमुस्मे कृतं नो दस्रा वृषणा मनीषाम्	1
अद्यूत्येऽवसे नि ह्वये वां वृधे चे नो भवतं वार्जसातौ	24
द्युभिर्कुभिः परि पातम्स्मानरिष्टेभिरश्विना सौभगेभिः	1
तन्नों मित्रो वरुणो मामहन्तामदितिः सिन्धः पृथिवी उत द्यौः	25

। इति प्रथमाष्टके सप्तमोऽध्यायः समाप्तः ।

(20) ऋषिः कुत्सः आङ्गिरसः देवता उषाः रात्रिः च 1 उषाः 2-20 छन्दः त्रिष्टुप्

इदं श्रेष्टुं ज्योतिषां ज्योतिरागाञ्चित्रः प्रेकेतो अजिनष्ट विभ्वा	1
यथा प्रसूता सवितुः सवायं एवा रात्र्युषसे योनिमारैक्	1
रुशंद्वत्सा रुशंती श्वेत्यागादारैगु कृष्णा सर्दनान्यस्याः	1
समानबन्धू अमृते अनूची द्यावा वर्णं चरत आमिनाने	2
सुमानो अध्वा स्वस्नोरनुन्तस्तमुन्यान्या चरतो देविशिष्टे	1
न मेथेते न तस्थतुः सुमेके नक्तोषासा समेनसा विरूपे	3
भास्वेती नेत्री सूनृतानामचेति चित्रा वि दुरो न आवः	1
प्रार्प्या जगृद्धुं नो रायो अख्यदुषा अजीगृर्भुवनानि विश्वी	4
जिह्मश्येर् चरितवे मुघोन्याभोगयं इष्टये राय उ त्वम्	1
दुभ्रं पश्येद्ध उर्विया विचक्षे उषा अजीगुर्भुवेनानि विश्वी	5
क्षुत्राये त्वं श्रवसे त्वं महीया इष्टये त्वमर्थीमव त्विमृत्य	1
विसंदशा जीविताभिप्रचक्षं उषा अंजीगुर्भुवनानि विश्वां	6
एषा दिवो दुहिता प्रत्येदर्शि व्युच्छन्ती युवृतिः शुक्रवासाः	1
विश्वस्येशाना पार्थिवस्य वस्व उषो अद्येह सुंभगे व्युच्छ	7
पुरायतीनामन्वेति पार्थ आयतीनां प्रथमा शर्श्वतीनाम्	1
व्युच्छन्तीं जीवमुदीरयेन्त्युषा मृतं कं चन बोधयेन्ती	8
उषो यदुग्निं सुमिधे चुकर्थ् वि यदावृश्चक्षेसा सूर्यस्य	1
यन्मानुषान्यक्ष्यमाणाँ अजीग्स्तद्देवेषु चकृषे भ्द्रमप्रः	9
कियात्या यत्समया भवति या व्यूषुर्याश्चे नूनं व्युच्छान्	1
अनु पूर्वाः कृपते वावशाना प्रदीध्याना जोषमन्याभिरेति	10
र्ร्युष्टे ये पूर्वतरामपेश्यन्व्युच्छन्तीमुषस्ं मर्त्यासः	1
अस्माभिरू नु प्रितिचक्ष्यीभूदो ते येन्ति ये अपुरीषु पश्यीन्	11
यावयद्वेषा ऋत्पा ऋतेजाः सुम्नावरी सूनृता ई्रयन्ती	1
सुमुङ्गलीर्बिभ्रती देववीतिमिहाद्योषः श्रेष्ठतमा व्युच्छ	12
शर्श्वत्पुरोषा व्युवास देव्यथी अद्येदं व्यवि म्घोनी	1
अथो व्युच्छादुत्तराँ अनु द्यूनजरामृता चरति स्वधाभिः	13
व्यर्श्विभिर्दिव आतस्वद्यौदपं कृष्णां निर्णिजं देव्यवः	1
प्रबोधयन्त्यरुणेभिरश्वैरोषा याति सुयुजा रथेन	14

आवहेन्ती पोष्या वार्याणि चित्रं केतुं कृणुते चेकिताना	1
र्र्युषीणामुप्मा शश्वेतीनां विभातीनां प्रथमोषा व्येश्वेत्	15
उदीर्ध्वं जीवो असुर्न् आगादप् प्रागात्तम् आ ज्योतिरेति	1
आरैक्पन्थां यातेवे सूर्यायागेन्म् यत्रे प्रतिरन्त आर्युः	16
स्यूमेना वाच उदियर्ति विहः स्तर्वानो रेभ उषसो विभातीः	1
अद्या तर्रुच्छ गृण्ते मेघोन्यस्मे आयुर्नि दिदीहि प्रजावेत्	17
या गोर्मतीरुषसः सर्ववीरा व्युच्छन्ति दाशुषे मर्त्यीय	1
वायोरिव सूनृतानामुद्रके ता अश्वदा अश्रवत्सोम्सुत्वा	18
माता देवानामदितेरनीकं यज्ञस्य केतुर्बृहती वि भाहि	1
प्रशस्तिकृद्वर्ह्मणे नो व्युर्च्छा नो जने जनय विश्ववारे	19
यिद्यत्रमप्ने उषसो वहेन्तीजानाये शशमानाये भुद्रम्	1
तन्नो मित्रो वरुणो मामहन्तामदितिः सिन्धुः पृथिवी उत द्योः	∥ 20 ∥

(11)(म.1, अनु.16) छन्दः जगती 1-9, त्रिष्टुप् 10-11 ऋषिः कुत्सः आङ्गिरसः देवता रुद्रः

1

इमा रुद्रायं तुवसं कप्दिने क्षयद्वीराय प्र भरामहे मृतीः यथा शमसिद्वपदे चतुष्पदे विश्वं पृष्टं ग्रामे अस्मिन्नेनातुरम् $\parallel \mathbf{1} \parallel$ मृळा नो रुद्रोत नो मयस्कृधि क्ष्यद्वीराय नर्मसा विधेम ते यच्छं च योश्च मनुरायेजे पिता तदेश्याम् तवे रुद्व प्रणीतिषु || 2 || अश्यामं ते सुमृतिं देवयुज्ययां क्ष्यद्वीरस्य तवं रुद्र मीद्वः सुम्रायन्निद्विशो अस्माकुमा चुरारिष्टवीरा जुहवाम ते हुविः | 3 | त्वेषं व्यं रुद्रं येज्ञ्साधं वुङ्कं कुविमवसे नि ह्वयामहे आरे अस्मद्दैव्यं हेळो अस्यत् सुमृतिमिद्धयमुस्या वृणीमहे || 4 || दिवो वराहमरुषं कपर्दिनं त्वेषं रूपं नमसा नि ह्वयामहे हस्ते बिभ्रेद्भेषुजा वार्याणि शर्म वर्म च्छर्दिरस्मभ्यं यंसत् | 5 | इदं पित्रे मरुतामुच्यते वर्चः स्वादोः स्वादीयो रुद्राय वर्धनम् रास्वा च नो अमृत मर्तुभोजेनुं त्मने तोकाय तनेयाय मृळ | 6 | मा नो मुहान्तमुत मा नो अर्भुकं मा नु उक्षन्तमुत मा ने उक्षितम् मा नो वधीः पितरं मोत मातरं मा ने प्रियास्तन्वो रुद्र रीरिषः | 7 | मा नेस्तोके तनेये मा ने आयौ मा नो गोषु मा नो अश्वेषु रीरिषः वीरान्मा नो रुद्र भामितो वधीर्ह्विष्मन्तः सदुमित्त्वी हवामहे $\parallel \mathbf{8} \parallel$ उप ते स्तोमन्पशुपाइवाकरं रास्वी पितर्मरुतां सुम्रम्स्मे भुद्रा हि ते सुमृतिमृं ळ्यत्माथा व्यमव् इत्ते वृणीमहे || 9 || आरे ते गोघ्रमुत पूरुष्घं क्षयंद्वीर सुम्रमुस्मे ते अस्तु

मृळा चे नो अधि च ब्रूहि देवाधी च नः शर्मी यच्छ द्विबर्हीः	10
- अवोचाम् नमो अस्मा अवस्यवेः शृणोतुं नो हवं रुद्रो मुरुत्वीन्	1
तन्नों मित्रो वर्रुणो मामहन्तामिदितिः सिन्धः पृथिवी उत द्यौः	11

115 **(6)** (म.1, अ.16) ऋषिः कुत्सः आङ्गिरसः छन्दः त्रिष्टुप् देवता सूर्यः चित्रं देवानाम्देगादनीकं चक्ष्मित्रस्य वरुणस्याग्नेः आप्रा द्यावीपृथिवी अन्तरिक्षं सूर्यी आत्मा जगेतस्त्स्थुषेश्च $\parallel \mathbf{1} \parallel$ सूर्यो देवीमुषस्ं रोचेमानां मर्यो न योषामभ्येति पृश्चात् यत्रा नरों देवयन्तों युगानि वितन्वते प्रति भुद्रायं भुद्रम् || 2 || भुद्रा अश्वा हरितः सूर्यस्य चित्रा एतंग्वा अनुमाद्यासः नुमुस्यन्तो दिव आ पृष्ठमस्थुः परि द्यावीपृथिवी यन्ति सद्यः | 3 | तत्सूर्यस्य देवृत्वं तन्महित्वं मुध्या कर्तोविततुं सं जीभार यदेदयुक्त हरितः स्धस्थादाद्रात्री वासंस्तनुते सिमस्मै | 4 | तन्मित्रस्य वर्रणस्याभिचक्षे सूर्यो रूपं कृणुते द्योरुपस्थे अनुन्तमुन्यद्वर्शदस्य पाजीः कृष्णमुन्यद्धरितः सं भेरन्ति | 5 | अद्या देवा उदिता सूर्यंस्य निरंहंसः पिपृता निरंवद्यात् तन्नों मित्रो वर्रुणो मामहन्तामदितिः सिन्धुः पृथिवी उत द्यौः | 6 | 116 (25)(म.1, अनु.17) ऋषिः कक्षीवान् दैर्घतमसः औशिजः देवता अश्विनौ छन्दः त्रिष्टुप् नासत्याभ्यां बुर्हिरिव् प्र वृञ्जे स्तोमाँ इयर्म्यभ्रियेव् वार्तः यावभीगाय विमुदाये जायां सेनाजुवी न्यूहतू रथेन $\parallel 1 \parallel$ वीळुपत्मीभराशुहेमीभवां देवानां वा जूतिभिः शाशीदाना तद्रासभो नासत्या सहस्रमाजा यमस्य प्रधने जिगाय || 2 || तुग्रों ह भुज्युमेश्विनोदमे्घे र्यिं न कश्चिन्ममृवाँ अवाहाः तमूहथुर्नोभिरोत्म्नवतीभिरन्तरिक्ष्पुद्धिरपोदकाभिः | 3 | तिसः क्षपस्त्रिरहतिव्रजिद्धर्नासेत्या भुज्युमूहथुः पत्ङ्गैः समुद्रस्य धन्वेत्रार्द्रस्य पारे त्रिभी रथैः शृतपिद्धः षळेश्वैः || 4 || अनारम्भुणे तदेवीरयेथामनास्थाने अग्रभुणे समुद्रे

यदेश्विना ऊहथुर्भुज्युमस्तं श्वािरित्रां नावमातस्थिवांसम्

तद्वां दात्रं मिंह कीर्तेन्यं भूत्येद्वो वाजी सद्मिद्धव्यो अर्यः

युवं नेरा स्तुवृते पेज्रियाये कुक्षीवेते अरदत्ं पुरंधिम्

यमेश्विना दुदर्थुः श्वेतमश्वेमुघाश्वीय शश्वदित्स्वस्ति

| 5 |

| 6 |

कारोत्राच्छ्फादश्वस्य वृष्णीः शृतं कुम्भाँ असिञ्चतं सुरीयाः	7
हिमेनाग्निं घ्रंसमेवारयेथां पितुमतीमूर्जमस्मा अधत्तम्	
ऋबीसे अत्रिमिश्वनावनीतमुत्रिन्यथुः सर्वगणं स्वस्ति	8
परिवृतं निसत्यानुदेथामुङ्गाबुधं चक्रथुर्जिह्मबरिम्	
क्षरुन्नापो न पायनीय राये सहस्रयि तृष्यते गोर्तमस्य	9
जुजुरुषो नासत्योत वृद्घि प्रामुंञ्चतं द्वापिमिव च्यवीनात्	1
प्रातिरतं जिहतस्यायुर्दस्रादित्पतिमकृणुतं कनीनीम्	10
तद्वां नरा शंस्यं राध्यं चाभिष्टिमन्नांसत्या वर्रूथम्	1
यद्विद्वांसा निधिमिवापेगूळ्हमुद्देर्शतादूपथुर्वन्देनाय	11
तद्वां नरा सुनये दंसे उग्रमाविष्कृणोमि तन्यतुर्न वृष्टिम्	1
दुध्यङ् ह् यन्मध्वीथर्वृणो वामश्वस्य शोष्णा प्र यदीमुवाचे	12
अजोहवीन्नासत्या करा वां महे यामेन्पुरुभुजा पुरंधिः	1
श्रुतं तच्छासुरिव वध्रिमृत्या हिर्रण्यहस्तमश्विनावदत्तम्	13
आस्नो वृकस्य वर्तिकाम्भीके युवं नेरा नासत्यामुमुक्तम्	1
उतो कविं पुरुभुजा युवं ह कृपेमाणमकृणुतं विचक्षे	14
चृरित्रृं हि वेरिवाच्छेदि पूर्णमाजा खेलस्य परितक्म्यायाम्	1
सुद्यो जङ्घामायसीं विश्पलियै धने हिते सर्तवे प्रत्येधत्तम्	15
शृतं मेषान्वृक्ये चक्षदानमृज्राश्वं तं पितान्धं चेकार	1
तस्मो अक्षी नौसत्या विचक्ष आर्थत्तं दस्रा भिषजावनुर्वन्	16
आ वां रथं' दुहिता सूर्यंस्य कार्ष्मेवातिष्ठदर्वता जर्यन्ती	1
विश्वे देवा अन्वमन्यन्त हुद्धिः समु श्रिया नौसत्या सचेथे	17
यदयतिं दिवोदासाय वृर्तिर्भरद्वाजायाश्विना हर्यन्ता	1
रेवर्दुवाह सच्नो रथो वां वृष्भश्च शिंशुमारेश्च युक्ता	18
र्यिं सुक्ष्त्रं स्वेपत्यमायुः सुवीर्यं नासत्या वहन्ता	1
आ जुह्नार्वी समेनुसोपु वाजैस्त्रिरह्नो भागं दर्धतीमयातम्	19
परिविष्टं जाहुषं विश्वतः सीं सुगेभिर्नक्तमूहथू रजोभिः	1
विभिन्दुना नासत्या रथेन वि पर्वता अजर्यू अयातम्	20
एकस्या वस्तौरावतुं रणीय वशेमिश्वना सुनये सुहस्री	1
निर्रहतं दुच्छुना इन्द्रवन्ता पृथुश्रवसो वृषणावरातीः	21
शरस्य चिदार्चत्कस्यवितादा नीचादुञ्जा चेक्रथुः पातवे वाः	1
श्यवे चिन्नासत्या शचीभिर्जसुरये स्तयं पिप्यथुर्गाम्	22
अ <u>वस्य</u> ते स्तुवते कृष्णियायं ऋजूयते नासत्या शचीभिः	1
पुशुं न नुष्टमिव दर्शनाय विष्णाप्वं ददथुर्विश्वकाय	23
दश् रात्रीरिशविना नव द्यूनवेनद्धं श्रथितम्प्रवर्धन्तः	
77 77 77 17 17 8 11 18 11 71 71 71 11 11 11 11 11 11 11 11 11	'

विप्रुतं रेभमुदनि प्रवृ	क्तमुन्निन्यथुः सोमीमव स्रुवेण	24
प्र वां दंसांस्यश्विनाव	व्रवोचम्स्य पतिः स्यां सुगर्वः सुवीरः	
	गयुरस्त <u>ीम</u> िवेज्जे <u>रि</u> माणं जगम्याम्	25
(25)	117	(म.1, अनु.17)
ऋषिः कक्षीवान् दैर्घतमसः औशि	ाजः छन्दः त्रिष्टुप्	देवता अश्विनौ

मध्वः सोमेस्याश्विना मदीय प्रत्नो होता विवासते वाम् ब्हिष्मती रातिर्विश्रिता गीरिषा यति नास्त्योप वाजैः $\parallel \mathbf{1} \parallel$ यो वीमिश्वना मनेसो जवीयान्रथः स्वश्वो विशे आजिगोति येन् गच्छेथः सुकृतां दुरोणं तेनं नरा वृर्तिरस्मभ्यं यातम् || 2 || ऋषिं नरावंहसः पाञ्चजन्यमृबीसादित्रं मुञ्जथो गुणेने मिनन्ता दस्योरिशवस्य माया अनुपूर्वं वृषणा चोदयन्ता | 3 | अश्वं न गूळहमेश्विना दुरेवैर्ऋषिं नरा वृषणा रेभम्प्सु सं तं रिणीथो विप्रुतं दंसोभिनं वां जूर्यन्ति पूर्व्या कृतानि || 4 || सुषुप्वांसं न निर्ऋतेरुपस्थे सूर्यं न देखा तमीस क्षियन्तेम् शुभे रुक्मं न देश्तं निखतिमुदूपथुरिश्वना वन्देनाय | 5 | तद्वां नरा शंस्यं पज्रियेण कक्षीवेता नासत्या परिज्मन् श्पादश्वस्य वाजिनो जनीय श्वतं कुम्भाँ असिञ्चतं मधूनाम् | 6 | युवं नेरा स्तुवते कृष्णियायं विष्णाप्वं ददथुर्विश्वकाय घोषयि चित्पितृषदे दुरोणे पितं जूर्यन्त्या अश्विनावदत्तम् | 7 | युवं श्यावीय रुशतीमदत्तं महः क्ष्रोणस्यीश्विना कण्वीय प्रवाच्यं तद्वृषणा कृतं वां यन्नर्षिदाय श्रवी अध्यर्धत्तम् $\parallel \mathbf{8} \parallel$ पुरू वर्पांस्यिशवना दर्धाना नि पेदवे ऊहथुराशुमश्वीम् सहस्रसां वाजिन्मप्रतीतमहिहनं श्रवस्यं तरुत्रम् || 9 || एतानि वां श्रवस्या सुदानू ब्रह्माङ्गूषं सर्दन्ं रोदस्योः यद्वां पुजासो अश्विना हर्वन्ते यातिमुषा चे विदुषे च वार्जम् **|| 10 ||** सूनोर्मानेनाश्विना गृणाना वाजुं विप्रीय भुरणा रदेन्ता अगस्त्ये ब्रह्मणा वावृधाना सं विश्पलां नासत्यारिणीतम् | 11 | कुह यान्ता सुष्टुतिं काव्यस्य दिवो नपाता वृषणा शयुत्रा हिरेण्यस्येव कुलश्ं निखीत्मुरूपथुर्दश्मे अश्विनाहेन् | 12 | युवं च्यवनिमिश्वना जरेन्तं पुनर्युवनिं चक्रथुः शचीभिः युवो रथं दुहिता सूर्यंस्य सह श्रिया नांसत्यावृणीत | 13 || युवं तुग्रीय पूर्व्येभिरेवैः पुनर्मन्यावेभवतं युवाना युवं भुज्युमणसो निः समुद्राद्विभिरूहथुर्ऋज्रेभिरश्वैः | 14 |

अजोहवीदिश्वना तौग्र्यो वां प्रोळ्हेः समुद्रमेव्यथिर्जग्नान्वान्	1
निष्टमूहथुः सुयुजा रथेन मनोजवसा वृषणा स्वस्ति	15
अजोहवीदिश्विना वर्तिका वामास्रो यत्सीममुञ्जतं वृकस्य	1
वि ज्युषो ययथुः सान्वद्रेर्जातं विष्वाचो अहतं विषेण	16
श॒तं मेषान्वृक्ये मामहानं तम्ः प्रणीत्मिशिवेन पि्त्रा	1
आक्षी ऋजाश्वे अश्विनावधत्तं ज्योतिरुन्धार्यं चक्रथुर्विचक्षे	17
शुनमुन्धाय भरमह्वयत्सा वृकीरिश्वना वृषणा नरेति	I
_ जारः कुनीनेइव चक्षदान ऋजार्श्वः शुतमेकं च मेुषान्	18
मुही वामूितरिश्वना मयोभूरुत स्रामं धिष्ण्या सं रिणीथः	1
अर्था युवामिदेह्वयृत्पुरंधि्रागेच्छतं सीं वृषणाववोभिः	19
अधेनुं दस्रा स्तुर्यंशं विषेक्तामपिन्वतं शुयवे अश्विना गाम्	
युवं शचीभिर्विमुदायं जायां न्यूहथुः पुरुमित्रस्य योषीम्	20
यवं वृकेणाश्विना वपन्तेषं दुहन्ता मनुषाय दस्रा	
अभि दस्युं बकुरेणा धर्मन्तोरु ज्योतिश्चक्रथुरायीय	21
आ्थर्वणायाश्विना दधीचेऽश्व्यं शिरः प्रत्यैरयतम्	1
स वां मधु प्र वोचहतायन्त्वाष्ट्रं यद्देस्राविपकुक्ष्यं वाम्	22
सदौ कवी सुमृतिमा चेके वां विश्वा धियौ अश्विना प्रावेतं मे	1
अस्मे र्यिं नौसत्या बृहन्तीमपत्यसाचं श्रुत्यं रराथाम्	23
हिर्रण्यहस्तमश्विना ररोणा पुत्रं नेरा वध्रिमृत्या अंदत्तम्	I
त्रिधां हु श्यावंमश्विना विकस्तुमुज्जीवसं ऐरयतं सुदानू	24
पुतानि वामश्विना वीर्याणि प्र पूर्व्याण्यायवोऽवोचन्	
ब्रह्म कृण्वन्तो वृषणा युवभ्यां सुवीरसो विदथ्मा वेदेम	25
<u>(11)</u> 118	(म.1, अनु.17)
ऋषिः कक्षीवान् दैर्घतमसः औशिजः छन्दः त्रिष्टुप्	देवता अश्विनौ
आ वां रथों अश्विना श्येनपंत्वा सुमृळीकः स्ववाँ यात्वर्वाङ्	1
यो मर्त्यंस्य मनेसो जवीयान्त्रिवन्धुरो वृषणा वार्तरंहाः	1
	1
ड - ट ड ट र पिन्वेतुं गा जिन्वेतुमर्वेतो नो वर्धयेतमिश्वना वीरमुस्मे	2
	1
किमुङ्ग वां प्रत्यवितुं गमिष्टाहुर्विप्रसि अश्विना पुराजाः	3
आ वां श्येनासो अश्विना वहन्तु रथे युक्तास आशर्वः पतुङ्गाः	1
ये अप्तरो दिव्यासो न गृध्रो अभि प्रयो नासत्या वहन्ति	1 11 4 11
य जेतुरा ।५०यासा च गृप्रा जाम प्रया नासत्या वहान्त	4

आ वां रथं युवृतिस्तिष्टुदत्रे जुष्ट्वी नेरा दुहिता सूर्यस्य	1
परि वामश्वा वर्पुषः पत्ङ्गा वयो वहन्त्वरुषा अभीके	5
उद्घन्देनमैरतं दुंसनीभिरुद्रेभं देस्रा वृषणा शचीभिः	1
निष्ट्रौग्र्यं पौरयथः समुद्रात्पुन्श्यवनिं चक्रथुर्युवनिम्	6
युवमत्र्येऽवेनीताय त्प्तमूर्जमोमानेमश्विनावधत्तम्	1
युवं कण्वायापिरिप्ताय चक्षुः प्रत्येधत्तं सुष्टुतिं जुजुषाणा	7
युवं धेनुं श॒यवे नाधितायापिन्वतमिश्वना पूर्व्याये	1
अमुञ्चतं वर्तिकामंहेसो निः प्रति जङ्घां विश्पलीया अधत्तम्	8
युवं श्वेतं पेदव इन्द्रेजूतमहि्हनेमश्विनादत्तमश्वेम्	1
जोहूत्रमयों अभिभूतिमुग्नं सहस्रसां वृषणं वीड्वेङ्गम्	9
ता वां नरा स्ववंसे सुजाता हवामहे अश्विना नार्धमानाः	1
आ न् उप् वसुमता रथेन् गिरो जुषाणा सुवितायं यातम्	10
आ श्येनस्य जर्वसा नूर्तनेनास्मे यतिं नासत्या सुजोर्षाः	1
हवे हि वामिश्वना रातहेव्यः शश्वत्तमायां उषसो व्यृष्टौ	11

 (10)
 119
 (म.1, अनु.17)

 ऋषिः कक्षीवान् दैर्घतमसः औशिजः
 छन्दः जगती
 देवता अश्विनौ

आ वां रथं पुरुमायं मेनोजुवं जीराश्वं युज्ञियं जीवसे हुवे सहस्रकेतुं वृनिनं शृतद्वेसुं श्रुष्ट्रीवानं वरिवोधाम्भि प्रयः $\parallel \mathbf{1} \parallel$ कुर्ध्वा धीतिः प्रत्यस्य प्रयामुन्यधीय शस्मुन्त्समयन्त् आ दिशः स्वदािम घुमं प्रति यन्त्यूतय् आ वामूर्जानी रथमिश्वनारुहत् || 2 || सं यन्मिथः पेस्पृधानासो अग्मेत शुभे मुखा अमिता जायवो रणे युवोरुहं प्रवृणे चेंकिते रथो यदेश्विना वहंथः सूरिमा वरंम् | 3 | युवं भुज्युं भुरमणिं विभिर्गतं स्वयुक्तिभिर्निवहन्ता पितृभ्य आ यासिष्टं वर्तिवीषणा विजेन्यं १ दिवौदासाय महि चेति वामर्वः || 4 || युवोरेश्विना वर्षेषे युवायुज्ं रथ्ं वाणी येमतुरस्य शर्ध्यम् आ वां पितृत्वं सुख्यायं जुग्मुषी योषविृणीत् जेन्या युवां पती | 5 | युवं रेभं परिषूतेरुरुष्यथो हिमेने घुर्मं परितप्तमत्रये युवं श्योरेव्सं पिप्यथुर्गिव् प्र दीर्घेण् वन्देनस्तार्यायुषा | 6 | युवं वन्देनुं निर्ऋतं जरुण्यया रथुं न देस्रा करुणा समिन्वथः क्षेत्रादा विप्रं जनथो विप्न्यया प्र वामत्रं विध्ते दंसना भुवत् | 7 | अगेच्छतं कृपेमाणं परावति पितुः स्वस्य त्यजेसा निबंधितम् स्वर्वतीरित कुतीर्युवोरहं चित्रा अभीके अभवन्नभिष्टयः $\parallel \mathbf{8} \parallel$

उत स्या वां मधुमन्मिक्षकारपन्मदे सोमस्यौशिजो हुवन्यति	I
युवं देधीचो मन् आ विवासयोऽथा शिरः प्रति वामश्व्यं वदत्	9
युवं पेदवे पुरुवारमिश्वना स्पृधां श्वेतं तरुतारं दुवस्यथः	1
शर्येरभिद्युं पृतेनासु दुष्टरं चर्कृत्यमिन्द्रीमव चर्षणीसहेम्	10
(12) 120	(म.1, अनु.17)
ऋषिः कक्षीवान् दैर्घतमसः औशिजः छन्दः गायत्री 1,10-12, ककुप् 2,	काविराट् 3, नष्टरूपी 4,
तनुशिराः 5, उष्णिक् 6, विष्टारबृहती 7, कृतिः 8, विराट् 9 देव	ता अश्विनौ
का राध्द्धोत्राश्विना वां को वां जोषे उभयोः	1
कथा विधात्यप्रचेताः	1
विद्वांसाविद्वरः पृच्छेदविद्वानित्थापरो अचेताः	1
नू चिन्नु मर्ते अक्रौ	2
ता विद्वांसा हवामहे वां ता नो विद्वांसा मन्मे वोचेतमुद्य	l
प्रार्चेद्दयमानो युवाकुः	3
वि पृच्छामि पाक्याई न देवान्वषेद्भृतस्याद्भुतस्य दस्रा	l
पातं च सर्ह्यसो युवं च रभ्यसो नः	4
प्र या घोषे भृगवाणे न शोभे यया वाचा यर्जित पज्रियो वाम्	1
प्रैष्युर्न विद्वान्	5
श्रुतं गोयत्रं तर्कवानस्याहं चिद्धि रिरेभौश्विना वाम्	1
आक्षी शुंभस्पती दन्	6
युवं ह्यास्तं महो रन्युवं वा यिन्नरतेतंसतम्	l
ता नो वसू सुगोपा स्यतिं पातं नो वृक्तिदघायोः	7
मा कस्मै धातम्भ्यमित्रिणे नो माकुत्रो नो गृहेभ्यो धेनवो गुः	l
स्तुनाभुजो अशिश्वीः	8
दुहीयन्मित्रिधितये युवाकुं राये चे नो मिमीतं वार्जवत्यै	l
इषे च नो मिमीतं धेनुमत्यै	9
अश्विनौरसन्ं रथमनृश्वं वाजिनीवतोः	1
तेनाहं भूरि चाकन	10
अयं समह मा तनूह्या ते जनाँ अनु	1
सोम्पेयं सुखो रथः	11
अध् स्वप्नस्य निर्विदेऽभुञ्जतश्च रेवतः	l
उभा ता बिस्न नश्यतः	12

<u>(15)</u> ऋषिः कक्षीवान् दैर्घतमसः औशिजः ____ छन्दः त्रिष्टुप् देवता विश्वे देवाः इन्द्रः वा

कदित्था नॄँः पात्रं देवयतां श्रवृद्धिरो अङ्गिरसां तुर्ण्यन्	1
प्र यदानुिङ्वश आ हुर्म्यस्योरु क्रंसते अध्वरे यजेत्रः	1
स्तम्भीद्ध द्यां स ध्रुणं प्रुषायदृभुर्वाजीय द्रविणं नर्रो गोः	1
अनु स्वजां मिहिषश्चक्षत् व्रां मेनामश्वस्य परि मातरं गोः	2
नक्ष्द्धवंमरुणीः पूर्व्यं राट् तुरो विशामङ्गिरसामनु द्यून्	1
तक्षुद्वज्रं नियुतं तस्तम्भुद्द्यां चतुष्पदे नयीय द्विपादे	3
अस्य मदे स्वयं दा ऋतायापीवृतमुस्रियीणामनीकम्	1
यद्धे प्रसर्गे त्रिक्कुम्रिवर्त्दप् द्रुहो मानुषस्य दुरो वः	4
तुभ्यं पयो यत्पितरावनीतां राधीः सुरेतिस्तुरणे भुरण्यू	1
शुचि यत्ते रेकण आयेजन्त सब्दुंघीयाः पर्य उस्त्रियीयाः	5
अधु प्र जेज्ञे तुरिणिर्ममत्तु प्र रोच्यस्या उषसो न सूरीः	1
इन्दुर्येभिराष्ट्र स्वेदुंहव्यैः स्रुवेणं सिञ्चञ्चरणाभि धामं	6
स्विध्मा यद्वनिधितिरपुस्यात्सूरो अध्वरे परि रोधेना गोः	1
यद्धे प्रभास् कृत्व्याँ अनु द्यूननिर्विशे पृश्विषे तुराये	7
अष्टा महो दिव आदो हरी इह द्युम्नासाहममि योधान उत्सम्	1
हरिं यत्ते मुन्दिनं दुक्षन्वृधे गोरेभसुमद्रिभिर्वाताप्येम्	8
त्वमीयुसं प्रति वर्तयो गोर्दिवो अश्मीनुमुपेनीतुमृभ्वी	1
कुत्सिय यत्रे पुरुहूत वन्वञ्छुष्णीमनुन्तैः पीर्यासि वृधैः	9
पुरा यत्सूरस्तर्मसो अपीतेस्तर्मद्रिवः फल्टिगं हेतिमस्य	1
शुष्णस्य चित्परिहितं यदोजो दिवस्परि सुग्रीथतं तदादीः	10
अर्नु त्वा मही पार्जसी अचुक्रे द्यावाक्षामा मदतामिन्द्र कर्मन्	1
त्वं वृत्रमाशयनिं सिरास् महो वज्रीण सिष्वपो वराहुम्	11
त्विमिन्द्र नर्यो याँ अवो नॄन्तिष्ठा वातस्य सुयुजो विहेष्ठान्	1
यं ते काव्य उशना मन्दिनं दाहृत्रहणं पाय ततक्ष वर्ज्रम्	12
त्वं सूरो हरितो रामयो नृन्भरेच्चक्रमेतेशो नायमिन्द्र	1
प्रास्ये पारं नेवृतिं नाव्योनामिपं कृतमिवर्तयोऽयेज्यून्	13
त्वं नो अस्या ईन्द्र दुर्हणीयाः पाहि विज्रिवो दुरिताद्भीके	1
प्र नो वाजीनुथ्योर्३ अश्वेबुध्यानिषे येन्धि श्रवंसे सूनृतीयै	14
मा सा ते अस्मत्सुमितिर्वि देसद्वाजेप्रमहः सिमषो वरन्त	1

। इति प्रथमाष्टके अष्टमोऽध्यायः समाप्तः ।

। इति प्रथमाष्टकः समाप्तः ।

| अथ द्वितीयाष्टकः |

(प्रथमोऽध्यायः ॥ वर्गाः 1-26)

(15)	122	(म.1, अनु.18)
ऋषिः व	कक्षीवान् दैर्घतमसः छन्दः त्रिष्टुप्	देवता विश्वे देवाः
	प्र वुः पान्तं रघुमन्युवोऽन्धो युज्ञं रुद्रायं मीळहुषे भरध्वम्	1
	दिवो अस्तोष्यसुरस्य वीरैरिषुध्येव मुरुतो रोदस्योः	1
	पत्नीव पूर्वहूतिं वावृधध्यो उषासानक्तो पुरुधा विदनि	I
	स्त्ररीर्नात्कं व्युतं वसाना सूर्यस्य श्रिया सुदृशी हिरण्यैः	2
	मुमत्तुं नुः परिज्मा वसुर्हा मुमत्तु वातों अपां वृषेण्वान्	1
	शिशीतमिन्द्रापर्वता युवं नस्तन्नो विश्वे वरिवस्यन्तु देवाः	3
	उत त्या में युशसां श्वेतनायै व्यन्ता पान्तौशिजो हुवध्यै	1
	प्र वो नपतिमुपां कृणुध्वं प्र मातरा रास्पिनस्यायोः	4
	आ वो रुवण्युमौशिजो हुवध्यै घोषेव शंसमर्जुनस्य नंशे	1
	प्र वेः पूष्णे दावन् आँ अच्छी वोचेय वसुतातिम्ग्नेः	5
	श्रुतं में मित्रावरुणा हवेमोत श्रुतं सदेने विश्वतः सीम्	1
	श्रोतुं नुः श्रोतुरातिः सुश्रोतुः सुक्षेत्रा सिन्धुरिद्धः	6
	स्तुषे सा वां वरुण मित्र रातिर्गवां शता पृक्षयमिषु पुज्रे	1
	श्रुतरेथे प्रियरेथे दर्धानाः सद्यः पुष्टिं निरुन्धानासो अग्मन्	7
	अस्य स्तुषे महिमघस्य राधः सची सनेम् नहुषः सुवीराः	l
	जन्। यः पुज्रेभ्यो वाजिनीवानश्वावतो रिथनो मह्यं सूरिः	8
	जन्रो यो मित्रावरुणावभिधुगुपो न वां सुनोत्यक्ष्णयाधुक्	I
	स्वयं स यक्ष्मं हृदये नि धत्त आप यदीं होत्राभिर्ऋतावा	9
	स व्राधितो नहुषो दंसुजूतः शधिस्तरो न्रां गूर्तश्रवाः	
	विसृष्टरातियाति बाळह्सृत्वा विश्वासु पृत्सु सद्मिच्छूरः	10
	अध् ग्मन्ता नहुषो हवं सूरेः श्रोता राजानो अमृतस्य मन्द्राः	l
	न्भोजुवो यन्निर्वस्य राधः प्रशस्तये महिना रथवते	11
	एतं शर्धं धाम् यस्य सूरेरित्यवोचन्दर्शतयस्य नंशे	l
	द्युम्नानि येषु वसुताती रारन्विश्वी सन्वन्तु प्रभृथेषु वाजीम्	12
	मन्दीमहे दर्शतयस्य धासेर्द्धिर्यत्पञ्च बिभ्रतो यन्त्यन्नी	1
	किम्पिष्टाश्वे इष्टरेशिमरेत ईशानास्स्तरुष ऋञ्जते नॄन्	13
	हिरण्यकर्णं मणिग्रीवमर्णस्तन्नो विश्वे वरिवस्यन्तु देवाः	1
	अर्थो गिर्रः सद्य आ ज्ग्मुषीरोस्राश्चीकन्तूभयेष्वस्मे	14
	चत्वारों मा मश्र्शारिस्य शिश्वस्त्रयो राज्ञ आयेवसस्य जिष्णोः	l

(13) 123 (म.1, अनु.18)

ऋषिः कक्षीवान् दैर्घतमसः देवता उषाः छन्दः त्रिष्टुप् पृथ्र रथो दक्षिणाया अयोज्यैनं देवासे अमृतासो अस्थुः कृष्णादुर्दस्थादुर्यार्३ विहायाश्चिकित्सन्ती मानुषाय क्षयीय $\parallel \mathbf{1} \parallel$ पूर्वा विश्वेरमाद्भवनादबोधि जयेन्ती वाजं बृह्ती सनुत्री उच्चा व्यख्यद्यवितः पुनुभूरोषा अगन्प्रथमा पूर्वहूतौ | 2 | यदुद्य भागं विभजसि नृभ्य उषो देवि मर्त्यत्रा सुजाते देवो नो अत्र सविता दर्मना अनीगसो वोचित सूर्यीय | 3 | गृहंगृहमहुना यात्यच्छा दिवेदिवे अधि नामा दधाना सिषासन्ती द्योतना शश्वदागादग्रमग्रमिद्भेजते वसूनाम् | 4 | भगस्य स्वसा वर्रणस्य जामिरुषः सूनृते प्रथमा जरस्व पृश्चा स देघ्या यो अघस्ये धाता जयेम् तं दक्षिणया रथेन | 5 | उदीरतां सूनृता उत्पुरंधीरुद्ग्नयः शुशुचानासो अस्थुः स्पार्हा वसूनि तम्सापेगूळ्हाविष्कृण्वन्त्युषसो विभातीः | 6 | अपान्यदेत्यभ्यरंन्यदेति विष्रूरूपे अहेनी सं चरेते परिक्षितोस्तमो अन्या गृहांकरद्यौदुषाः शोशुंचता रथेन | 7 | सुदशीरुद्य सुदशीरिद्र श्वो दीर्घं सेचन्ते वरुणस्य धार्म अनवद्यास्त्रिंशतं योजनान्येकैका क्रतुं परि यन्ति सद्यः $\parallel \mathbf{8} \parallel$ जानत्यह्राः प्रथमस्य नामं शुक्रा कृष्णादंजनिष्ट श्वितीची ऋतस्य योषा न मिनाति धामाहेरहर्निष्कृतमाचरेन्ती || 9 || कुन्येव तुन्वार् शाशेदानाँ एषि देवि देविमयेक्षमाणम् संस्मयमाना युवृतिः पुरस्तोदाविर्वक्षांसि कृणुषे विभाती | 10 || स्संकाशा मातृमृष्टेव योषाविस्तुन्वं कृण्षे दृशे कम् भुद्रा त्वर्मुषो वित्तरं व्युच्छ न तत्ते अन्या उषसो नशन्त | 11 | अश्ववितीर्गोमेतीर्विश्ववीरा यतमाना रश्मिभुः सूर्यस्य परो च यन्ति पुन्रा चे यन्ति भुद्रा नाम् वहमाना उषासीः | 12 | ऋतस्य रशिममन्यच्छेमाना भुद्रंभद्वं क्रत्मुस्मास् धेहि उषों नो अद्य सुहवा व्युच्छास्मासु रायों मुघवंतसु च स्युः | 13 ||

ऋषिः कक्षीवान् दैर्घतमसः छन्दः त्रिष्टुप् देवता उषाः

उषा उच्छन्ती समिधाने अग्ना उद्यन्त्सूर्यं उर्विया ज्योतिरश्रेत्		
देवो नो अत्र सविता न्वर्थं प्रासिवीद्दिपत्प्र चतुष्पदित्यै	1	
अमिनती दैव्यानि ब्रतानि प्रमिनती मेनुष्या युगानि	1	
र्ड्युषीणामुपुमा शश्वेतीनामायतीनां प्रेथुमोषा व्यद्यौत्	2	
एषा दिवो दुंहिता प्रत्यंदर्शि ज्योतिर्वसाना समना पुरस्तात्		
ऋतस्य पन्थामन्वेति साधु प्रेजानतीव न दिशो मिनाति	3	
उपो' अदर्शि शुन्ध्युवो न वक्षो' नोधाईवाविर्रकृत प्रियाणि	1	
अद्मसन्न संसतो बोधयन्ती शश्वत्तमागात्पुनरेयुषीणाम्	4	
पूर्वे अर्धे रर्जसो अप्यस्य गवां जिनेत्र्यकृत प्र केतुम्	1	
व्यु प्रथते वित्रुरं वरीय ओभा पृणन्ती पित्रोरुपस्था	5	
एवेदेषा पुरुतमा दृशे कं नार्जामिं न परि वृणक्ति जामिम्	1	
अरेपसी तुन्वार् शार्शदाना नार्भादीषते न मुहो विभाती	6	
अभ्रातेव पुंस एति प्रतीची गर्तारुगिव सनये धनीनाम्		
जायेव पत्यं उश्वती सुवासां उषा हुस्रेव नि रिणीते अप्सः	7	
स्वसा स्वस्रे ज्यायस्यै योनिमारैगपैत्यस्याः प्रतिचक्ष्येव		
व्युच्छन्ती रशिमभिः सूर्यस्याञ्चिङ्के समनुगाईव व्राः	8	
आसां पूर्वासामहेसु स्वसॄेणामपेरा पूर्वामभ्येति पृश्चात्		
ताः प्रत्नवन्नव्यसीर्नूनम्स्मे रेवर्रुच्छन्तु सुदिना उषासः	9	
प्र बोधयोषः पृण्तो मेघोन्यबुध्यमानाः पुणर्यः ससन्तु		
रेवर्रुच्छ मुघर्वद्धो मघोनि रेवत्स्तोत्रे सूनृते जारयेन्ती	10	
अवेयमेश्वैद्यवृतिः पुरस्तीद्युङ्के गर्वामरुणानामनीकम्		
वि नूनमुच्छादसति प्र केतुर्गृहंगृहमुपं तिष्ठाते अग्निः	11	
उत्ते वर्यश्चिद्वसृतेरपप्तृत्ररश्च ये पितुभाजो व्युष्टौ		
अमा सृते वहिस् भूरि वाममुषो देवि दाशुषे मर्त्याय	12	
अस्तो'ढ्ढं स्तोम्या ब्रह्मणा मेऽवी'वृधध्वमुश्तीर्रुषासः	1	
युष्माकं देवीरवसा सनेम सहस्रिणं च शतिनं च वार्जम्	13	

ऋषिः	कक्षीवान् दैर्घतमसः ह	ज्न्दः त्रिष्टुप् 1-5, जगती 6-7	देवता स्वनयस्य दानस्तुतिः
		ति तं चिकित्वान्प्रतिगृह्या नि धेत्ते	1
		र् रायस्पोषेण सचते सुवीरः	1
	<u> </u>	बृहदेसमें वय इन्द्रों दधाति	
		त्वो मुक्षीजयेव पदिमुत्सिनाति	2
	<u>~</u> `	<u>श्रत्रिष्टेः पुत्रं वस्</u> पमता रथेन	
	=	स्यं क्ष्यद्वीरं वर्धय सूनृतांभिः	3
		भुवे ईजानं चे युक्ष्यमणिं च धेनव	
		यवौ घृतस्य धारा उप यन्ति विश्व	
	<u> </u>	श्रितो यः पृणाति स हं देवेषुं गच्ह	
	-	सन्धेवस्तस्मा इयं दक्षिणा पिन्वते	सदी 5
		त्रा दक्षिणावतां दिवि सूर्यांसः	
		त्ते दक्षिणावन्तः प्र तिरन्त आर्यः	6
	_	रन्मा जरिषुः सूरयेः सुब्रतासेः	 _
	्र <u>अ</u> न्यस्तवा पा <u>र</u> ाधरस्तु क	श्चिदपृणन्तम्भि सं यन्तु शोकाः	7
(-)	<u> </u>	-	(=1 ==10)
(7)	-	126	(म.1, अनु.18)
	- कक्षीवान् दैर्घतमसः 1-5, स्वन	126 यः भावयव्यः 6, रोमशा 7 छन	(म.1, अनु.18) दः त्रिष्टुप् 1-5, अनुष्टुप् 6-7
	- कक्षीवान् दैर्घतमसः 1-5, स्वन देवता र	126 यः भावयव्यः 6, रोमशा 7 छन् स्वनयः भावयव्यः 1-5,7 रोमशा 6	
	- कक्षीवान् दैर्घतमसः 1-5, स्वन देवता र अमेन्द्रान्त्सोमान्प्र भरे मन्	126 यः भावयव्यः 6, रोमशा 7 छन् स्वनयः भावयव्यः 1-5,7 रोमशा 6 ग्रीषा सिन्धाविध क्षियुतो भाव्यस्य	
_	कक्षीवान् दैर्घतमसः 1-5, स्वन देवता र अमेन्द्रान्त्सोमान्त्र भरे मन् यो मे' सहस्रुमिमीत सुव	126 यः भावयव्यः ६, रोमशा ७ छन् स्वनयः भावयव्यः 1-5,7 रोमशा ६ गीषा सिन्धाविध क्षियतो भाव्यस्य गनतूर्तो राजा श्रव इच्छमानः	दः त्रिष्टुप् 1-5, अनुष्टुप् 6-7 1
_	कक्षीवान् दैर्घतमसः 1-5, स्वन देवता र अमेन्द्रान्त्सोमान्त्र भेरे मन् यो में सहस्रमिमीत स्व शृतं राज्ञो नार्धमानस्य न्	126 यः भावयव्यः ६, रोमशा ७ छन् स्वनयः भावयव्यः १-5,7 रोमशा ६ गीषा सिन्धावधि क्षियतो भाव्यस्य गनतूर्तो राजा श्रवं इच्छमीनः गुष्काञ्छतमश्वान्प्रयेतान्त्सद्य आदेम	दः त्रिष्टुप् 1-5, अनुष्टुप् 6-7 1
_	कक्षीवान् दैर्घतमसः 1-5, स्वन देवता र अमेन्द्रान्त्सोमान्त्र भरे मन् यो में सहस्रमिमीत स्व शृतं राज्ञो नार्धमानस्य न् शृतं कुक्षीवाँ असुरस्य ग	126 यः भावयव्यः ६, रोमशा ७ छन् स्वनयः भावयव्यः १-5,७ रोमशा ६ शीषा सिन्धावधि क्षियतो भाव्यस्य गनतूर्तो राजा श्रवं इच्छमीनः सुष्काञ्छतमश्वान्प्रयेतान्त्सुद्य आदेम् ोनां द्विव श्रवोऽजरुमा तेतान	दः त्रिष्टुप् 1-5, अनुष्टुप् 6-7 1 2
_	कक्षीवान् दैर्घतमसः 1-5, स्वन देवता र अमेन्द्रान्त्सोमान्प्र भेरे मन् यो में सहस्रमिमीत स्व शृतं राज्ञो नार्धमानस्य न् शृतं कृक्षीवाँ असुरस्य ग उपे मा श्यावाः स्वनयेन	126 यः भावयव्यः ६, रोमशा ७ छन् स्वनयः भावयव्यः १-5,७ रोमशा ६ गीषा सिन्धावधि क्षियतो भाव्यस्य गनतूर्तो राजा श्रव इच्छमीनः गुष्काञ्छतमश्वान्प्रयेतान्त्सद्य आदेम् गेनां दिवि श्रवोऽजरमा तेतान दत्ता वधूमेन्तो दश रथासो अस्थुः	दः त्रिष्टुप् 1-5, अनुष्टुप् 6-7 1 2
_	कक्षीवान् दैर्घतमसः 1-5, स्वन देवता र अमेन्द्रान्त्सोमान्प्र भरे मन् यो में सहस्रमिमीत सव शृतं राज्ञो नार्धमानस्य न् शृतं कक्षीवाँ असुरस्य ग उपे मा श्यावाः स्वनयेन षृष्टिः सहस्रमनु गव्यमागा	126 यः भावयव्यः ६, रोमशा ७ छन् स्वनयः भावयव्यः १-५,७ रोमशा ६ शीषा सिन्धावधि क्षियतो भाव्यस्य गनतूर्तो राजा श्रवं इच्छमीनः शुष्काञ्छतमश्वान्प्रयेतान्त्सद्य आदेम् गेनां दिवि श्रवोऽजरमा तेतान दत्ता वृधूमेन्तो दश रथासो अस्थः त्सनेत्कक्षीवाँ अभिप्तित्वे अह्नीम्	दः त्रिष्टुप् 1-5, अनुष्टुप् 6-7 1 2
_	कक्षीवान् दैर्घतमसः 1-5, स्वन देवता र अमेन्द्रान्त्सोमान्प्र भरे मन् यो में सहस्रमिमीत सव शृतं राज्ञो नार्धमानस्य न् शृतं कक्षीवाँ असुरस्य ग उपे मा श्यावाः स्वनयेन षृष्टिः सहस्रमनु गव्यमागा चृत्वार्द्शिहश्रीरथस्य शोण	126 यः भावयव्यः ६, रोमशा ७ छन् स्वनयः भावयव्यः १-५,७ रोमशा ६ शीषा सिन्धावधि क्षियतो भाव्यस्य गनतूर्तो राजा श्रवं इच्छमीनः शुष्काञ्छतमश्वान्प्रयेतान्त्सद्य आदेम् गेनां दिवि श्रवोऽजरमा तेतान दत्ता वृधूमेन्तो दश रथासो अस्थः त्सनेत्कक्षीवां अभिपित्वे अह्नीम् हि सहस्रस्याग्रे श्रेणि नयन्ति	दः त्रिष्टुप् 1-5, अनुष्टुप् 6-7
_	कक्षीवान् दैर्घतमसः 1-5, स्वन देवता र अमेन्द्रान्त्सोमान्प्र भरे मन् यो में सहस्रमिमीत स्व शृतं राज्ञो नार्धमानस्य न् शृतं कक्षीवाँ असुरस्य ग उपे मा श्यावाः स्वनयेन षृष्टिः सहस्रमनु गव्यमागा चृत्वार्रिशदृश्रीरथस्य शोण मदुच्युतीः कृश्नावित्रो अत	126 यः भावयव्यः ६, रोमशा ७ छन् स्वनयः भावयव्यः १-५,७ रोमशा ६ स्वित्यः भावयव्यः १-५,७ रोमशा ६ स्वित्यः भावयव्यः १-५,७ रोमशा ६ सिम्धावधि क्षियतो भाव्यस्य सिम्धावधि क्षियतो भाव्यस्य सिम्हाव्यः अवि इच्छमीनः सुष्काञ्छतमश्चान्प्रयेतान्त्सद्य आदेम नां दिवि श्रवोऽजरमा तेतान दत्ता वधूमेन्तो दश रथासो अस्थः त्सनेत्कक्षीवाँ अभिपित्वे अह्नीम् हिस्हस्रस्याग्रे श्रेणि नयन्ति चान्कक्षीवन्त् उदेमृक्षन्त पुजाः	दः त्रिष्टुप् 1-5, अनुष्टुप् 6-7 1 2
_	कक्षीवान् दैर्घतमसः 1-5, स्वन देवता र अमेन्द्रान्त्सोमान्प्र भरे मन् यो में सहस्रमिमीत सव शृतं राज्ञो नार्धमानस्य न् शृतं कक्षीवाँ असुरस्य ग उपे मा श्यावाः स्वनयेन षष्टिः सहस्रमनु गव्यमागा चत्वारिंशदृश्ररथस्य शोण मद्व्युतः कृश्नावितो अत पूर्वामनु प्रयेतिमा देदे वस्	126 यः भावयव्यः ६, रोमशा ७ छन् स्वनयः भावयव्यः १-५,७ रोमशा ६ स्वित्यः भावयव्यः १-५,७ रोमशा ६ सिन्धाविधं क्षियतो भाव्यस्य सिन्तूर्तो राजा श्रवं इच्छमीनः सुष्काञ्छतमश्चान्प्रयेतान्त्सद्य आदेम् सेनां दिवि श्रवोऽजरमा तेतान दत्ता वृधूमेन्तो दश रथासो अस्थुः त्सनेत्कृक्षीवाँ अभिपित्वे अह्लीम् रि सहस्रस्याग्रे श्रेणिं नयन्ति चान्कृक्षीवेन्त् उदंमृक्षन्त पुजाः त्रीन्युक्ताँ अष्टावृरिधायसो गाः	दः त्रिष्टुप् 1-5, अनुष्टुप् 6-7 1 2 3 4
ऋषिः `	कक्षीवान् दैर्घतमसः 1-5, स्वन देवता र अमेन्द्रान्त्सोमान्प्र भरे मन् यो में सहस्रमिमीत सव शृतं राज्ञो नार्धमानस्य न् शृतं कृक्षीवाँ असुरस्य ग उपं मा श्यावाः स्वनयेन षृष्टिः सहस्रमनु गव्यमागा चृत्वार्रिंशदृश्ररथस्य शोण मृद्च्युतः कृश्नावंतो अत पूर्वामनु प्रयंतिमा देदे वृस् सुबन्धंवो ये विश्यांइवृ व्र	मावयव्यः ६, रोमशा ७ छन् स्वनयः भावयव्यः १-५,७ रोमशा ६ स्वनयः भावयव्यः १-५,७ रोमशा ६ सिन्धावधि क्षियतो भाव्यस्य सिन्तूर्तो राजा श्रवं इच्छमीनः स्वाञ्छतमश्चान्प्रयेतान्त्स् आदेम् सेनां दिवि श्रवोऽजरमा तेतान दत्ता वधूमेन्तो दश रथासो अस्थुः त्सनेत्कक्षीवाँ अभिपित्वे अह्नीम् सेः सहस्रस्याग्रे श्रेणि नयन्ति चान्कक्षीवन्त उदमृक्षन्त पुजाः वीन्युक्ताँ अष्टाव्रिधीयस्रो गाः सनस्वन्तः श्रव ऐषेन्त पुजाः	दः त्रिष्टुप् 1-5, अनुष्टुप् 6-7 1 2 3 4 5
ऋषिः '	कक्षीवान् दैर्घतमसः 1-5, स्वन देवता र अमेन्द्रान्त्सोमान्प्र भरे मन् यो में सहस्रमिमीत स्व शृतं राज्ञो नार्धमानस्य न् शृतं कक्षीवाँ असुरस्य ग उपं मा श्यावाः स्वनयेन षृष्टिः सहस्रमनु गव्यमागा चृत्वार्रिशदृशरथस्य शोण मृद्च्युतः कृश्नावंतो अत पूर्वामनु प्रयतिमा देदे वृस् सुबन्धवो ये विश्योइव् ब्र ता परिगधिता या केशीकेव	126 यः भावयव्यः ६, रोमशा ७ छन् स्वनयः भावयव्यः १-५,७ रोमशा ६ स्वित्यः भावयव्यः १-५,७ रोमशा ६ सिन्धाविधं क्षियतो भाव्यस्य सिन्तूर्तो राजा श्रवं इच्छमीनः सुष्काञ्छतमश्चान्प्रयेतान्त्सद्य आदेम् सेनां दिवि श्रवोऽजरमा तेतान दत्ता वृधूमेन्तो दश रथासो अस्थुः त्सनेत्कृक्षीवाँ अभिपित्वे अह्लीम् रि सहस्रस्याग्रे श्रेणिं नयन्ति चान्कृक्षीवेन्त् उदंमृक्षन्त पुजाः त्रीन्युक्ताँ अष्टावृरिधायसो गाः	दः त्रिष्टुप् 1-5, अनुष्टुप् 6-7 1 1 2 3 4 5 नां भोज्या शता 6

ऋषिः परुच्छेपः दैवोदासिः छन्दः अत्यष्टिः 1-5,7-11, अतिधृतिः 6 देवता अग्निः अग्निं होतरिं मन्ये दास्वन्तं वसुं सूनुं सहसो जातवेदसं विष्रं न जातवेदसम् य ऊर्ध्वया स्वध्वरो देवो देवाच्या कृपा । घृतस्य विभ्राष्ट्रिमनु विष्ट शोचिषाजुह्वानस्य सूर्पिषः $\parallel \mathbf{1} \parallel$ यजिष्ठं त्वा यजमाना हुवेम् ज्येष्ट्रमङ्गिरसां विप्र मन्मीभिर्विप्रेभिः शुक्र मन्मीभः परिज्मानिमव् द्यां होतरि चर्षणीनाम्। शोचिष्केशं वृषणं यिममा विशः प्रावेन्तु जूतये विशः | 2 | स हि पुरू चिदोर्जसा विरुक्मता दीद्यानो भवति द्रहंतुरः पर्शूर्न द्रुहंतुरः वीळु चिद्यस्य समृतौ श्रुवृद्धनेव यत्स्थिरम् । निष्षहमाणो यमते नायते धन्वासहा नायते | 3 | दृळहा चिदस्मा अनु दुर्यथा विदे तेजिष्ठाभिर्राणिभिर्दाष्ट्यवसेऽग्रये दाष्ट्यवसे प्र यः पुरूणि गाहेते तक्ष्रद्वनेव शोचिषां।स्थिरा चिदन्ना नि रिणात्योजसा नि स्थिराणि चिदोजसा ॥ ४ ॥ तमस्य पृक्षमुपरासु धीमहि नक्तं यः सुदर्शतरो दिवातरादप्रायुषे दिवातरात् आदुस्यायुर्ग्रभणवद्वीळु शर्म न सूनवें। भक्तमभक्तमवो व्यन्तों अजर्रा अग्नयो व्यन्तों अजर्राः स हि शर्धो न मार्रुतं तुविष्वणिरप्रस्वतीषूर्वरास्विष्टनिरातीनास्विष्टनिः आदेद्धव्यान्यदिदिर्यज्ञस्य केतुर्हणी अर्ध स्मास्य हर्षतो हषीवतो विश्वे जुषन्त पन्थां नरः शुभे न पन्थीम् || 6 || द्विता यदीं कीस्तासो अभिर्घवो नम्स्यन्तं उपवोर्चन्तु भृगवो मुश्नन्तो दाशा भृगवः अग्निरीशे वसूनां शुचियों धुणिरेषाम् । प्रियाँ अपिधीवीनषीष्ट्र मेधिर आ वीनषीष्ट्र मेधिरः || 7 || विश्वांसां त्वा विशां पतिं हवामहे सर्वांसां समानं दम्पतिं भुजे स्त्यगिर्वाहसं भुजे अतिथिं मानुषाणां पितुर्न यस्यासया । अमी च विश्वी अमृतास आ वयी ह्व्या देवेष्वा वर्यः || 8 || त्वर्मग्रे सहसा सहन्तमः शुष्मिन्तमो जायसे देवतातये र्यिनं देवतातये शुष्मिन्तमो हि ते मदो द्युम्निन्तम उत क्रतुः । अर्ध स्मा ते परि चरन्त्यजर श्रुष्टीवानो नाजर || 9 || प्र वो महे सहसा सहस्वत उष्बुंधे पशुषे नाग्नये स्तोमो बभूत्वग्नये प्रति यदीं हिवष्मान्विश्वासु क्षासु जोगुवे । अग्रे रेभो न जेरत ऋषूणां जूर्णि्होते ऋषूणाम् ∥ 10 ∥ स नो नेदिष्टं दर्दशान आ भराग्ने देवेभिः सर्चनाः सुचेतुना महो रायः सुचेतुना मिं शिवष्ठ नस्कृधि सुंचक्षे भुजे अस्यै। मिंह स्तोतृभ्यो मघवन्त्सुवीर्यं मथीरुग्रो न शर्वसा | 11 | 128 (8)(म.1, अनु.19) छन्दः अत्यष्टिः ऋषिः परुच्छेपः दैवोदासिः देवता अग्निः अयं जीयत् मनुषो धरीमण् होता यजिष्ठ उशिजामनु व्रतमृग्निः स्वमनु व्रतम् विश्वश्रुष्टिः सखीयते र्यिरिव श्रवस्यते । अदेब्धो होता नि षेदिद्वळस्पदे परिवीत इळस्पदे | 1 | तं येज्ञसाध्मपि वातयामस्यृतस्य पृथा नर्मसा ह्विष्मता देवताता ह्विष्मता स ने ऊर्जामुपार्भृत्यया कृपा न जूर्यति । यं मतिरिश्वा मनेवे परावती देवं भाः परावतीः | 2 | एवेन सुद्यः पर्येति पार्थिवं मुहुर्गी रेतो वृष्भः किनक्रदुद्दधुद्रेतः किनक्रदत् श्तं चक्षाणो अक्षभिर्देवो वनेषु तुर्वणिः । सद्ो दधीन् उपरेषु सानुष्विग्नः परेषु सानुषु || 3 ||

स सुक्रतुः पुरोहितो दमेदमेऽग्नियेज्ञस्याध्वरस्य चेतित क्रत्वी यज्ञस्य चेतित	
क्रत्वी वेधा इषूयते विश्वी जातानि पस्पशे । यतो घृतुश्रीरतिथिरजीयत् विद्विर्वेधा अजीयत	4
क्रत्वा यदेस्य तविषीषु पृञ्चतेऽग्नेरवेण मुरुतां न भोज्येषिराय न भोज्यो	
स हिष्मा दानुमिन्विति वसूनां च मुज्मना । स नेस्त्रासते दुरितादिभिह्नुतः शंसादिघादिभिह्नुतः	5
विश्वो विहोया अर्तिर्वसुर्दधे हस्ते दक्षिणे त्ररणिर्न शिश्रथच्छ्रवस्यया न शिश्रथत्	
विश्वेरमा इदिषुध्यते देवत्रा ह्व्यमोहिषे । विश्वेरमा इत्सुकृते वारमृण्वत्यग्निर्द्वारा व्यृण्वित	6
स मानुषे वृजने शंतमो हितो ३ ग्रियं जेषु जेन्यो न विश्पतिः प्रियो यज्ञेषु विश्पतिः	
स ह्व्या मानुषाणामिळा कृतानि पत्यते । स नेस्त्रासते वर्रुणस्य धूर्तेर्म्हो देवस्य धूर्तेः	7
अप्निं होत्तरिमीळते वसुधितिं प्रियं चेतिष्ठमर्तिं न्येरिरे हव्यवाहं न्येरिरे	
विश्वायुं विश्ववेदस्ं होतारं यज्तं कविम् । देवासो रण्वमवसे वसूयवो गीर्भी रण्वं वसूयवेः	8
(11) 129 (म.1,	अनु.19)
ऋषिः परुच्छेपः दैवोदासिः छन्दः:-अत्यष्टिः 1-7,10, अतिशकरी 8-9, अ	 ।ष्टिः 11
देवता इन्द्रः 1-5,7-11, इन्दुः 6	

यं त्वं रथिमन्द्र मेधसातयेऽपाका सन्तिमिषिर प्रणयिस् प्रानेवद्य नयिस सद्यश्चित्तम्भिष्टेये करो वर्शश्च वाजिनेम्। सास्माकेमनवद्य तूतुजान वेधसीम्मां वाचं न वेधसीम् ॥1॥ स श्रुधि यः स्मा पृतनासु कासु चिद्दक्षाय्यं इन्द्र भर्रहूतये नृभिरसि प्रतूर्तये नृभिः यः शूरैः स्वर्शः सनिता यो विष्रैर्वाजं तरुता। तमीशानास इरधन्त वाजिनं पृक्षमत्यं न वाजिनेम् ॥ 2 ॥ दुस्मो हि ष्मा वृषेणुं पिन्वसि त्वचुं कं चिद्यावीर्रहं शूर मत्यं परिवृणक्षि मर्त्यम् इन्द्रोत तुभ्यं तिद्द्ववे तद्रुद्राय स्वयंशसे । मित्रायं वोचं वर्रुणाय सुप्रथः सुमृळीकायं सुप्रथः \parallel 3 \parallel अस्माकं व इन्द्रेमुश्मसीष्टये सर्खायं विश्वायुं प्रासहं युजं वाजेषु प्रासहं युजेम् अस्माकुं ब्रह्मोतयेऽवां पृत्सुषु कासुं चित् नृहि त्वा शत्रुः स्तरंते स्तृणोषि यं विश्वं शत्रुं स्तृणोषि यम् | 4 | नि षू नुमातिमितं कयेस्य चित्तेजिष्ठाभिर्राणिभिनोतिभिरुग्राभिरुग्रोतिभिः नेषि णो यथा पुरानेनाः शूर मन्यसे । विश्वानि पूरोरपे पर्षि वह्निरासा वह्निर्नो अच्छी | 5 | प्र तद्वीचेयुं भव्यायेन्देवे हव्यो न य इषवान्मन्म रेजीत रक्षोहा मन्म रेजीत स्वयं सो अस्मदा निदो वधौरेजेत दुर्मितिम् । अव स्रवेद्घशंसोऽवत्रमवे क्षुद्रिमेव स्रवेत् | 6 | वनेम् तद्धोत्रया चितन्त्या वनेम र्यिं रियवः सुवीर्यं रुण्वं सन्तं सुवीर्यम् दुर्मन्मनि सुमन्तुभिरेमिषा पृचीमिह । आ स्तयाभिरिन्द्रं द्युम्रहूतिभिर्यजेत्रं द्युम्रहूतिभिः $\parallel 7 \parallel$ प्रप्रा वो अस्मे स्वयंशोभिरूती परिवृर्ग इन्द्रो दुर्मतीनां दरीमन्दुर्मतीनाम् स्वयं सा रिष्यध्ये या ने उपेषे अत्रैः । हुतेमसूत्र वेक्षति क्षिप्ता जूर्णिर्न वेक्षति $\parallel \mathbf{8} \parallel$ त्वं ने इन्द्र राया परीणसा याहि पृथाँ अनेहसी पुरो योह्यरक्षसी सर्चस्व नः पराक आ सर्चस्वास्तमीक आ । पाहि नो दूरादारादुभिष्टिभिः सदो पाह्यभिष्टिभिः || 9 || त्वं ने इन्द्र राया तरूषसोग्रं चित्त्वा महिमा संक्षुदवसे मुहे मित्रं नावसे ओजिष्ठ त्रातरविता रथं कं चिदमर्त्य । अन्यमस्मद्रिरिषेः कं चिदद्रिवो रिरिक्षन्तं चिदद्रिवः | 10 |

हन्ता पापस्य रक्षसंस्त्राता वि	_	
	नद्वसो रक्ष्मोहणं त्वा जीजनद्वसो	
(10)	130 (म.1,	अनु
ऋषिः परुच्छेपः दैवोदासिः	छन्दः अत्यष्टिः 1-9, त्रिष्टुप् 10 देव	ता इ
एन्द्रं याह्यपं नः परावतो न	ायमच्छो विद्योनीव सत्पेति्रस्तुं राजेव सत्पेतिः	
	ः सुते सर्चा । पुत्रासो न पितरं वार्जसातये मंहिष्टं वार्जसातये	
पिबा सोमीमन्द्र सवानमद्रि।	भुः कोशीन सिक्तमवृतं न वंसीगस्तातृषाणो न वंसीगः	
अविन्दिहवो निहितं गृहो नि		
	योः क्षद्मेव तिग्ममसेनाय सं श्येदिहुहत्यीय सं श्येत्	
त्वं वृथां नृद्यं इन्द्रं सर्त्वेऽन	च्छी समुद्रमेसृजो रथाँइव वाजयतो रथाँइव	
इत ऊतीर्युञ्जत समानमर्थ	मिक्षेतम् । धेनूरिव् मनेवे विश्वदोहसो जनीय विश्वदोहसः	
इमां ते वाचं वसूयन्ते आय	यवो रथुं न धीरेः स्वपी अतक्षिषुः सुम्नाय त्वामेतक्षिषुः	
शुम्भन्तो जेन्यं यथा वाजेषु	विप्र वाजिनम् । अत्यमिव शवसे सातये धना विश्वा धनानि सातये	
भिनत्पुरौ नवतिमिन्द्र पूरवे	दिवोदासाय महि दाशुषे नृतो वज्रीण दाशुषे नृतो	
	प्रो अवस्पिरत् । मुहो धनीनि दर्यमान् ओर्जसा विश्वा धनान्योजसा	
इन्द्रः समत्सु यजमानुमायें	प्रावृद्धिश्वेषु श्त्रमूतिराजिषु स्वर्मीळहेष्वाजिषु	
मनवे शासदब्रतान्त्वचं कृष	णामरन्थ्यत् । दक्षुत्र विश्वं तृतृषाणमोषित् न्यर्शसानमोषित	
	ग प्रपित्वे वार्चमरुणो मुषायतीशान आ मुषायति	
<u>उशना</u> यत्परावतोऽजगन्नूत	ये कवे सुम्नानि विश्वा मनुषेव तुर्विण्रिरहा विश्वीव तुर्विणिः	
	ः पुरां दर्तः पायुभिः पाहि शुग्मैः	11
दिवोदासेभिरिन्द्र स्तवानो व	101	
(7)	131 (म.1,	
ऋषिः परुच्छेपः दैवोदासिः		ता इ
इन्द्रीय हि द्यौरसुरो अनम्रते	न्द्रिय मुही पृथिवी वरीमभिर्द्युम्नसीता वरीमभिः	
इन्द्रं विश्वे सुजोषसो देवास	गे दिधरे पुरः । इन्द्रीय विश्वा सर्वनानि मानुषा रातानि सन्तु मानुष	π
विश्वेषु हि त्वा सवनेषु तुः	वते समानमेकं वृषमण्यवः पृथ्क स्वः सनिष्यवः पृथेक्	
	स्यं धुरि धीमहि । इन्द्रं न युज्ञैश्चितयन्त आयवः स्तोमेभिरिन्द्रमायव	
<u> ~</u>	स्यवो व्रजस्य साता गर्व्यस्य निःसृजः सक्षेन्त इन्द्र निःसृजः	
यद्गव्यन्ता द्वा जना स्वर्थ्यन	तो समूहेसि । आविष्करिक्रद्वर्षणं सचाभुवं वर्ज्रमिन्द्र सचाभुवेम्	
विदुष्टे अस्य वीर्यस्य पूरवः	: <u>पुरो</u> यदिन्द्र शारदी <u>र</u> वातिरः सासहानो अवातिरः	
<u> </u>	उ- शवसस्पते । मुहीमेमुष्णाः पृथिवीमिमा अपो मेन्दसान इमा अपः	
	करुन्मदेषु वृषन्नुशिजो यदाविथ सखीयतो यदाविथ	
	प्रवन्तवे । ते अन्यामन्यां नद्यं सनिष्णत श्रवस्यन्तः सनिष्णत	
चकर्थं कारमेभ्यः पृतनासु	प्रवन्तवे । ते अन्यामेन्यां नुद्यं सनिष्णत श्रवस्यन्तः सनिष्णत तु ह्यर्थकस्यं बोधि हुविषो हवीमभिः स्वर्षाता हवीमभिः	

त्वं तिमन्द्र वावृधानो अस्मयुरिमत्रयः	न्तं ['] तुविजात् मर्त्यं वज्रे ['] ण शू <u>र</u> मत्त्	र्यम्	
जुिह यो नो अघायित शृणुष्व सुश्रव	स्तमः । रि॒ष्टं न याम॒न्नपे भूतु दुर्म्	तिर्विश्वापे भूतु दुर्मृतिः	7
(6)	132	(म.1, अ	नु.19)
ऋषिः परुच्छेपः दैवोदासिः	छन्दः अत्यष्टिः	देवता इन्द्रः 1-5, इन्द्रापर्व	iतौ 6
त्वया वयं मेघवन्यूर्व्ये धन् इन्द्रेत्वोत	ः सासह्याम पृतन्यतो वेनुयामे वन्	- गुष्य <u>ु</u> तः	
नेदिष्ठे अस्मिन्नह्न्यधि वोचा नु सुन्वत	ने । अस्मिन्युज्ञे वि चेयेमा भरे <u>वृ</u>	त्तं वजियन्तो भरे कृतम्	$\parallel_1\parallel$
स्वर्जेषे भरं आप्रस्य वक्मन्युष्बुंधः			
अह्तिनद्रो यथा विदे शोष्णांशीष्णोंप्व			2
तत्तु प्रयः प्रत्नथा ते शुशुक्कनं यस्मिन्	-		
वि तद्वीचेरधे द्वितान्तः पश्यन्ति रशि	ाभिः। स घो विदे अन्विन्द्रो ग्वेष	णो बन्धुक्षिद्धो [।] ग् <u>वे</u> षेणः	3
नू इत्था ते पूर्वथा च प्रवाच्यं यदिक्ष	ग़ेभ्योऽवृणोरपे व्रजमिन्द्र शिक्ष्न्नपे	<u>व्र</u> जम्	
ऐभ्यः समान्या दिशास्मभ्यं जेषि यो			4
सं यज्जनान् क्रतुभिः शूरं ईक्षयद्भने वि			
तस्मा आयुः प्रजावृदिद्वाधे अर्चन्त्यो			5
युवं तिमन्द्रापर्वता पुरोयुधा यो नः पृ			
दूरे चत्तायं च्छंत्सुद्गहेनं यदिनक्षत् ।		नो देषीष्ट विश्वतः	6
(7)	133	(म.1,	<u>नु.19)</u>
ऋषिः परुच्छेपः दैवोदासिः छन्दः त्रि	ष्टुप् 1, अनुष्टुप् 2-4, गायत्री 5, धृि	तः 6, अत्यष्टिः 7 देवता	इन्द्रः
उभे पुनामि रोदसी ऋतेन द्रुहों दहारि	<u>न</u> सं मुहीरे <u>नि</u> न्द्राः		
अभिव्रुग्य यत्र हता अमित्रा वैलस्थान	नं परि तृळ्हा अशेरन्		1
अभिव्रग्या चिदद्रिवः शोषां यातुमती	नाम्। छिन्धि वेटूरिणो पुदा म <u>ु</u> हावे	टूरिणा <u>प</u> दा	\parallel 2 \parallel
अवासां मघवञ्जिह् शर्धो यातुमतीना			3
यासां तिस्रः पश्चाशतोऽभिब्रुङ्गेर्पावेप	: । तत्सु ते [।] मनायति त॒कत्सु ते [।]	मनायति	4
पिशङ्गभृष्टिमम्भृणं पिशाचिमिन्द्र सं म			5
अवर्म्ह इन्द्र दादृहि श्रुधी नः श्रुशोच	्हि द्यौः क्षा न भीषाँ अद्रिवो घृण	ान्न भीषाँ अद्रिवः	
शुष्मिन्तमो हि शुष्मिभिर्वधेरुग्रेभिरीय			6
वनोति हि सुन्वनक्षयं परीणसः सुन्वा			
सुन्वान इत्सिषासित सहस्रा वाज्यवृत	_	्यि ददात्याभुवम्	7
(6)	134	(म.1, अ	नु.20)
ऋषिः परुच्छेपः दैवोदासिः	छन्दः अत्यष्टिः 1-5, अष्टिः 6	देवता	वायुः
आ त्वा जुवों रारहाणा अभि प्रयो व	गयो वर्हन्त्विह पूर्वपीतयेसोमेस्य पृ	र्वपीतये	
ऊर्ध्वा ते अनु सूनृता मनस्तिष्ठतु जा	नृती । नियुत्वेता रथेना योहि दाव	त्रने वायो मुखस्य दावने	1
मन्दन्तु त्वा मन्दिनौ वायविन्दवोऽस्म			
यद्धं क्राणा इरध्ये दक्षं सर्चन्त ऊतय	ः सुध्रीचीना नियुतो दावने धिय	<u>।</u> उपं ब्रुवत <u>ईं</u> धियाः	2
वायुर्युङ्के रोहिता वायुररुणा वायू रथे			11 12
प्र बोधया पुरंधिं जार आ संस्तीमिव	। । प्र चक्षय रोदसी वासयोषसः	श्रवसे वासयोषसः	3

तुभ्येमुषासः शुचेयः परावति भुद्रा	वस्त्री तन्वते दंसु रुश्मिषु चित्रा नव्येषु रुश्मिषु	
<u> </u>	दोहते । अर्जनयो मुरुतो वृक्षणाभ्यो दिव आ वृक्षणाभ्यः	4
तुभ्यं शुक्रासुः शुचेयस्तुरुण्यवो म	देषूग्रा इषणन्त भुर्वण्यपामिषन्त भुर्वणि	
	व्वीये । त्वं विश्वैरमाद्भवनात्पास्नि धर्मणासुर्यात्पासि धर्मणा	5
त्वं नो वायवेषामपूर्व्यः सोमनाः	प्रथमः पीतिमर्हसि सुतानां पीतिमर्हसि	
उतो विहुत्मेतीनां विशां वेवर्जुषीप	गाम् । विश्वा इत्ते धेनवो दुह्र आृशिरं घृतं दुहृत आृशिरम्	6
(9)	135 (甲.1,	अनु.20)
ऋषिः परुच्छेपः दैवोदासिः	छन्दः अत्यष्टिः 1-6,9, अष्टिः 7-8 देवता वायुः 1-3,9, इन्द्रव	ायू 4-8
स्तीणं बर्हिरुपं नो याहि वीतये स	हस्रीण नियुता नियुत्वतेशृतिनीभिर्नियुत्वते	
	मिरे प्र ते सुतासो मधुमन्तो अस्थि <u>र</u> न्मदीय क्रत्वे अस्थिरन	T 1
<u> </u>	स्पार्हा वस <u>ीनः</u> परि कोशीमर्षति शुक्रावसीनो अर्षति	
<u> </u>	रूयते । वह वायो नियुतो याह्यस्मयुर्जुषाणो याह्यस्मयुः	2
	संहुिस्रणीभिरुपं याहि वीतये वायोह्व्यानि वीतये	
	र्ये सर्चा । अध्वर्युभिर्भरमाणा अयंसत् वायो शुक्रा अयंसत	3
	भ प्रयांसि सुधितानि वीतये वायोहव्यानि वीतये	
		[4
	होत्या । इन्द्रेवायू सुतानामद्रिभिर्युवं मदीय वाजदा युवम्	5
	<u>त्र</u> ्युभिर्भिर्रमाणा अयंसत् वायोशुक्रा अयंसत	
	- । गर्वः । युवायवोऽति रोमण्यव्यया सोमसो अत्यव्यया	6
	यत्रु ग्रावा वर्दित् तत्रे गच्छतंगृहमिन्द्रेश्च गच्छतम्	
	 र्गयो नियुत्तो याथो अध्वरिमन्द्रश्च याथो अध्वरम्	7
	<u>ब</u> त्थमुपतिष्ठन्त जायवोऽस्मे तेसन्तु जायवः	
	न ते वाय उप दस्यन्ति धेनवो नाप दस्यन्ति धेनवीः	8
	र्नुदी ते पुतर्यन्त्युक्षणो महि ब्राधन्त उक्षणः	
	ौकसः । सूर्यस्येव रुश्मयो दुर्नियन्तवो हस्तयोदुर्नियन्तवः	9
(7)		अनु.20)
	छन्दः अत्यष्टिः 1-6 त्रिष्टुप् 7 देवता मित्रावरुणौ 1-5, लिङ्गोत्त	
	व्यं मृतिं भेरता मृळुयद्धां स्वादिष्ठं मृळुयद्धां	1
न समाजी घतासेती यजेयेज उप	स्तुता । अथैनोः क्षत्रं न कुत्रश्चनाधृषे देवत्वं नू चिदाधृषे	$\parallel_1\parallel$
अर्दर्शि गातरुखे वरीयसी पन्थी	ऋतस्य समेयंस्त रुशिमभिश्चक्षुर्भगस्य रुशिमभिः	" 1 "
द्यक्षं मित्रस्य सादेनमर्यम्णो वर्रण	स्य च । अर्था दधाते बृहदुक्थ्यं १ वर्य उपस्तुत्यं बृहद्वर्यः	2
ज्योतिष्मतीमदितिं धार्यत्क्षितिं स्व	र्वर्तुामा संचेते द्विवेदिवे जागृवांसा द्विवेदिवे	
ज्योतिष्मत्क्ष्त्रमोशाते आदित्या द	ानुंनुस्पती । मित्रस्तयोर्वरुणो यात्यञ्जनोऽर्युमा यात्यञ्जनः	3
अयं मित्राय वर्रुणाय शंतमः सो	नौ भूत्ववृपानेष्वार्भगो देवो देवेष्वार्भगः	
•	नोषेसः । तथा राजाना करथो यदीमह् ऋतीवाना यदीमहे	4
यो मित्राय वर्रुणायाविधुज्जनोऽन्व	र्गाणुं तं परि पातो अंहेसो दुाश्वांसुं मर्तुमंहेसः	

तर्मर्यमाभि रक्षत्यृजूयन्तुमनुं व्रतम् । उक्थैर्य एनोः परिभूषिति व्रतं स्तोमैराभूषिति व्रतम्	5
नमों दिवे बृहुते रोर्देसीभ्यां मित्रार्य वोचुं वर्रुणाय मीळहुषेसुमृळीकार्य मीळहुषे	
इन्द्रमृग्निमुपं स्तुहि द्युक्षमर्युमणुं भगम् । ज्योग्जीवन्तः प्रजयां सचेमहि सोमस्योती सचेमहि	$\parallel _{6}\parallel$
कुती देवानां व्यमिन्द्रेवन्तो मंसीमहि स्वयंशसो मुरुद्धिः	
अग्निर्मित्रो वर्रुणः शर्मी यंसुन्तदेश्याम मुघवनि। वयं च	7
। तन निर्नाणके प्रणापेत्रकाराः प्रापाः ।	

। इति द्वितीयाष्टके प्रथमोऽध्यायः समाप्तः ।

(द्वितीयोऽध्यायः ॥ वर्गाः 1-27)

137 (3)(म.1, अनु.20) ऋषिः परुच्छेपः दैवोदासिः छन्दः अतिशकरी देवता मित्रावरुणौ सुषुमा यतिमद्रिभिगोंश्रीता मत्सरा इमे सोमासो मत्सरा इमे ञा रोजाना दिविस्पृशास्मुत्रा गेन्तुमुपे नः।इमे वां मित्रावरुणा गर्वाशिरः सोर्माः शुक्रा गर्वाशिरः 🛭 🖠 इम आ योत्मिन्देवः सोमोस्रो दध्योशिरः सुतास्रो दध्योशिरः उत वीमुषसो बुधि साकं सूर्यंस्य रुश्मिभः । सुतो मित्राय वर्रुणाय पीतये चार्रुऋताय पीतये ॥ 2 ॥ तां वां धेनुं न वांस्रीमंशुं दुंहन्त्यद्रिभिः सोमं दुहन्त्यद्रिभिः अस्मुत्रा गेन्तुमुपे नोऽर्वाञ्चा सोमेपीतये।अयं वां मित्रावरुणा नृभिः सुतः सोम् आ पीतये सुतः ॥ 3 ॥ 138 (म.1, अनु.20) छन्दः अत्यष्टिः ऋषिः परुच्छेपः दैवोदासिः देवता पूषा प्रप्रं पूष्णस्तुविजातस्यं शस्यते महित्वमस्य त्वस्रो न तन्दते स्त्रोत्रमस्य न तन्दते अर्चामि सुम्रुयन्नहमन्त्यृतिं मयोभूवम् । विश्वस्य यो मने आयुय्वे मुखो देव आयुय्वे मुखः प्र हि त्वी पूषन्नजिरं न यामीन् स्तोमीभः कृण्व ऋणवो यथा मृध् उष्ट्रो न पीपरो मृधः हुवे यत्त्वी मयोभुवं देवं सुख्याय मर्त्यः । अस्माकेमाङ्गषान्द्यम्निनस्कृधि वाजेषु द्यम्निनस्कृधि यस्य ते पूषन्त्सुख्ये विपुन्यवः क्रत्वा चित्सन्तोऽवसा बुभुज्ञिर इति क्रत्वा बुभुज्ञिरे तामन् त्वा नवीयसीं नियतं राय ईमहे । अहेळमान उरुशंस सरी भव वाजेवाजे सरी भव अस्या कु षु णु उप सातये भुवोऽहेळमानो रिरवाँ अजाश्व श्रवस्यतामेजाश्व ओ षु त्वां ववृतीमिह स्तोमेंभिर्दस्म साधुभिः। नृहि त्वां पूषन्नतिमन्यं आघृणे न ते सुख्यमेपहृवे ॥४॥ 139 (11)(म.1, अनु.20) ऋषिः परुच्छेपः दैवोदासिः छन्दः अत्यष्टिः 1-4,6-10, बृहती 5, त्रिष्टुप् 11 देवता विश्वे देवाः 1,11, मित्रावरुणौ 2, अश्विनौ 3-5, इन्द्रः 6, अग्निः 7, मरुतः 8, इन्द्राग्नी 9, बृहस्पतिः 10 अस्तु श्रौषट् पुरो अग्निं धिया देध आ नु तच्छधीं दिव्यं वृणीमह इन्द्रवायू वृणीमहे यद्धं क्राणा विवस्विति नाभां सुंदायि नव्यंसी।अध् प्र सू न उपं यन्तु धीतयों देवाँ अच्छा न धीतयः ॥ 1॥ यद्ध त्यन्मित्रावरुणावृतादध्यदिदाथे अनृतं स्वेन मृन्युना दक्षस्य स्वेन मृन्युना युवोरित्थाधि सद्मस्वपेश्याम हिर्ण्ययम् । धीभिश्चन मनसा स्वेभिरक्षभिः सोमस्य स्वेभिरक्षभिः ॥ 2 ॥ युवां स्तोमेभिर्देवयन्तो अश्विनाश्चावयेन्तइव् श्लोकेमायवो युवां ह्व्याभ्यार्थयर्वः युवोवश्वा अधि श्रियः पृक्षेश्च विश्ववेदसा । प्रुषायन्ते वां प्वयो हिर्ण्यये रथे दस्रा हिर्ण्यये | 3 | अचेति दस्रा व्युर्नाकंमृण्वथो युञ्जते वां रथ्युजो दिविष्टिष्वध्वस्मानो दिविष्टिषु अधि वां स्थामे वन्ध्रे रथे दस्रा हिरण्यये । पथेव यन्तविनुशासेता रजोऽञ्जेसा शासेता रर्जः

शचीभिर्नः शचीवस् दिवा नक्तं दशस्यतम् ।मा वां रातिरुपं दस्त्कदां चनारमद्वातिः कदां चन ॥ 5 ॥

ते त्वी मन्दन्तु दावने मुहे चित्राय राधिसे गीभगर्वाहुः स्तर्वमानु आ गीह सुमृळीको नु आ गीह ॥ ७ ॥

वृषित्रिन्द्र वृष्पाणीस् इन्देव इमे सुता अद्रिषुतास उद्भिद्रस्तुभ्यं सुतासे उद्भिदेः

ओ षू णो' अग्ने शृणुहि त्वमीळितो देवेभ्यो' ब्रवसि युज्ञियेभ्यो राजेभ्यो युज्ञियेभ्यः

यद्ध त्यामिङ्गरोभ्यो धेनुं देवा अदेत्तन । वि तां दुेह्रे अर्युमा कुर्तरी सचौ एष तां वेद मे सचौ ॥ ७ ॥ मो षु वो अस्मद्रिभ तानि पौंस्या सनौ भूवन्द्युम्नानि मोत जिरिषुरस्मत्युरोत जिरिषुः । यद्धिश्चत्रं युगेयुगे नव्यं घोषादमर्त्यम् । अस्मासु तन्मरुतो यच्च दुष्टरं दिधृता यच्च दुष्टरंम् ॥ ८ ॥ दृध्यङ् हं मे जनुषं पूर्वो अङ्गिराः प्रियमेधः कण्वो अत्रिमनुवदुस्ते मे पूर्वे मनुवदुः । तेषां देवेष्व्यायितरस्माकं तेषु नाभयः । तेषां पदेन मद्या नमे गिरेन्द्राग्नी आ नमे गिरा ॥ ७ ॥ होता यक्षद्विननो वन्त वार्यं बृहस्पतिर्यजित वेन उक्षिभः पुरुवारेभिरुक्षभिः । जगृभ्मा दूरअदिशं श्लोक्मद्रेरध् त्मनौ । अधीरयदर्गरन्दिन सुक्रतुः पुरू सद्यानि सुक्रतुः ॥ 10 ॥ ये देवासो दिव्येकादश् स्थ पृथिव्यामध्येकादश् स्थ । अपस्रुक्षितौ मिहनैकादश् स्थ ते देवासो युज्ञमिमं जुषध्वम् ॥ 11 ॥ (13) ॥ 140 ॥ (म.1, अनु.21)

ऋषिः दीर्घतमाः औचथ्यः छन्दः जगती 1-9,11, त्रिष्टुप् जगती वा 10 त्रिष्टुप्, 12-13 देवता अग्निः

वेदिषदे प्रियधामाय सुद्युते धासिमिव प्र भेरा योनिम्ग्रये वस्त्रेणेव वासया मन्मेना शुचिं ज्योतीरेथं शुक्रवेर्णं तमोहनेम् 11 अभि द्विजन्मा त्रिवृदन्नमृज्यते संवत्सुरे वविधे जुग्धमी पुनः अन्यस्यासा जिह्नया जेन्यो वृषा न्यरंन्येन वृनिनो मृष्ट वारुणः | 2 | कृष्णुपुतौ वेविजे अस्य सक्षिता उभा तरेते अभि मातरा शिश्म प्राचाजिह्नं ध्वसर्यन्तं तृषुच्युत्मा साच्यं कुपयं वर्धनं पितुः | 3 | मुमुक्ष्वोर्च मनेवे मानवस्यते रघुद्रुवीः कृष्णसीतास कु जुर्वाः असम्ना अजिरासो रघुष्यदो वार्तजूता उप युज्यन्त आशर्वः | 4 | आदेस्य ते ध्वसर्यन्तो वृथेरते कृष्णमभ्वं महि वर्षः करिक्रतः यत्सीं महीमविनं प्राभि मर्मृशदभिश्वसन्त्स्त्नयुत्रेति नानंदत् | 5 | भूषुत्र योऽधि बुभूषु नम्नेते वृषेव पत्नीर्भ्येति रोरुवत् ओजायमानस्तन्वेश्च शुम्भते भीमो न शृङ्गा दविधाव दुर्गृभिः | 6 | स सुंस्तिरो विष्टिरः सं गृभायति जानन्नेव जान्तीनत्य आ शये पुनर्वर्धन्ते अपि यन्ति देव्यम्न्यद्वर्पः पित्रोः कृण्वते सची | 7 | तम्ग्रुवः केशिनीः सं हि रेभिर ऊर्ध्वास्तस्थुर्म्मुषीः प्रायवे पुनः तासां ज्रां प्रमुञ्जन्नेति नानेद्दसुं परं ज्नयेञ्चीवमस्तृतम् | 8 || अधीवासं परि मातू रिहन्नहं तुविग्रेभिः सत्वेभिर्याति वि ज्रयेः वयो दर्धत्पद्धते रेरिहत्सदानु श्येनी सचते वर्तनीरही || 9 || अस्माकेमग्ने मुघवेत्सु दीदिह्यध् श्वसीवान्वृष्भो दर्मूनाः अवास्या शिशुमतीरदीदेवीमेव युत्सु पेरिजर्भुराणः **| 10 |** इदमेग्ने सुधितं दुधतादिध प्रियादु चिन्मन्मेनः प्रेयो अस्तु ते यत्ते शुक्रं तुन्वोर् रोचेते शुचि तेनास्मभ्यं वनसे रत्नमा त्वम् | 11 | रथाय नार्वमुत नो गृहाय नित्यारित्रां पद्धती रास्यग्ने

	Art	}
(13)	141	(म.1, अनु.21)
	गव्यं यव्यं यन्तों दीर्घाहेषुं वरमरुण्यों वरन्त	13
	अभी नो अग्न उक्थिमज्जिगुर्या द्यावाक्षामा सिन्धेवश्च स्वर्गूर्ताः	
	अस्माकं वीराँ उत नो मुघोनो जनाँश्च या पारयाच्छर्म या च	12

ऋषिः दीघेतमाः औचथ्यः देवता आग्नः छन्दः जगता 1-11, त्रिष्टुप् 12-13 बिळ्त्था तद्वपूषे धायि दर्शतं देवस्य भर्गः सहसाे यताे जिन यदीमुप ह्वरते साधेते मृतिर्ऋतस्य धेना अनयन्त सुस्रुतः | 1 | पृक्षो वर्पुः पितुमान्नित्य आ श्रीये द्वितीयमा सप्तिशिवासु मातृषु तृतीयमस्य वृष्भस्य दोहस् दशप्रमतिं जनयन्त योषणः | 2 | नियंदीं बुध्नान्मिहिषस्य वर्षस ईशानासः शर्वसा क्रन्तं सूरयः यदीमनुं प्रदिवो मध्वं आध्वं गुहा सन्तं मात्रिश्वां मथायितं | 3 | प्र यत्पितुः परमात्रीयते पर्या पृक्षुधौ वीरुधो दंसु रोहति उभा यदस्य जनुष्ं यदिन्वत् आदिद्यविष्ठो अभवद्भणा शुचिः | 4 | आदिन्मातृराविश्रद्यास्वा शुचिरहिंस्यमान उव्या वि वावृधे अनु यत्पूर्वा अरुहत्सनाजुवो नि नव्यसीष्ववरासु धावते | 5 | आदिद्धोतारं वृणते दिविष्टिषु भगीमव पपृचानास ऋञ्जते देवान्यत्क्रत्वा मुज्मना पुरुष्टुतो मर्त् शंसं विश्वधा वेति धायसे | 6 | वि यदस्थाद्यज्तो वार्तचोदितो ह्वारो न वक्की जुरणा अनीकृतः तस्य पत्मेन्द्रक्षुषीः कृष्णजिंहसुः शुचिजन्मन्। रज् आ व्यध्वनः | 7 | रथो न यातः शिक्रीभः कृतो द्यामङ्गीभररुषेभिरीयते आर्दस्य ते कृष्णासो दक्षि सूरयः शूरस्येव त्वेषथीदीषते वर्यः | 8 | त्वया ह्यिये वर्रणो धृतव्रतो मित्रः शाशिद्रे अर्यमा सुदानेवः यत्सीमनु क्रतुना विश्वर्था विभुरुरात्र नेमिः परिभूरजीयथाः || 9 || त्वमंग्ने शशमानायं सुन्वते रत्नं यविष्ठ देवतातिमिन्वसि तं त्वा नु नव्यं सहसो युवन्वयं भगुं न कारे मंहिरत्न धीमहि 10 | अस्मे रुयिं न स्वर्थं दमूनसं भगं दक्षं न पेप्रचासि धर्णसिम् र्श्मौरिव यो यमित् जन्मेनी उभे देवानां शंसेमृत आ चे सुक्रतुः | 11 | उत नः सुद्योत्मा जीराश्वो होता मुन्द्रः शृणवञ्चन्द्ररेथः स नो नेषुन्नेषेतमैरमूरोऽग्निर्वामं सुवितं वस्यो अच्छे | 12 |

अस्तव्यिग्नः शिमीविद्धरर्केः साम्रज्यिय प्रतरं दधीनः अमी च ये मुघवानो वयं च मिहं न सूरो अति निष्टंतन्युः | 13 || 142 (13)(म.1, अनु.21) ऋषिः दीर्घतमाः औचथ्यः देवता इध्मः समिद्धः अग्निः वा 1, तनूनपात् 2, छन्दः अनुष्टुप् नराशंसः 3, इळः 4, बहः 5, देवीर्द्वारः 6, उषासानक्ता 7, दैव्यौ होतारौ प्रचेतसौ 8, तिस्रः देव्यः सरस्वतीळाभारत्यः 9, त्वष्टा 10, वनस्पतिः 11, स्वाहाकृतयः 12, इन्द्रः 13 समिद्धो अग्र आ वेह देवाँ अद्य यतस्रुचे । तन्तुं तनुष्व पूर्व्यं सुतसोमाय दाशुषे 11 घृतवन्तुमुपं मास्यि मधुमन्तं तनूनपात् । युज्ञं विप्रस्य मार्वतः शशमानस्य दाशुर्षः | 2 | शुचिः पावको अद्भुतो मध्वा युज्ञं मिमिक्षति। नराशंसुस्त्रिरा दिवो देवो देवेषु युज्ञियः | 3 | । इयं हि त्वां मृतिर्ममाच्छां सुजिह्न वुच्यते ईळितो अंग्न आ वहेन्द्रं चित्रमिह प्रियम् | 4 | स्तृणानासो यतस्रुचो ब्हिर्य्ज्ञे स्वध्वरे । वृञ्जे देवव्यचस्तम्मिन्द्रीय शर्म स्प्रर्थः | 5 | वि श्रयन्तामृतावृधीः प्रयै देवेभ्यो महीः । पावकासः पुरुस्पृहो द्वारो देवीरस्थ्रतः | 6 | आ भन्देमाने उपिके नक्तोषासी सुपेशीसा । युह्वी ऋतस्यं मातरा सीदेतां ब्हरा सुमत् | 7 | मुन्द्रजिह्या जुगुर्वणी होतारा दैव्या कवी । युज्ञं नो यक्षतामिमं सिध्रमद्य दिविस्पृशीम् शुचिर्देवेष्वपता होत्रा मुरुत्सु भारती । इळा सरस्वती मही बहः सीदन्तु यज्ञियाः तन्नेस्तुरीप्मब्द्रुतं पुरु वारं पुरु त्मनी । त्वष्टा पोषीय वि ष्येतु राये नाभी नो अस्मयुः ॥ 10 ॥ अवसृजन्नुप त्मना देवान्यीक्ष वनस्पते । अग्निर्ह्वा सुषूदित देवो देवेषु मेधिरः पूष्णवते मुरुत्वेते विश्वदेवाय वायवे । स्वाहां गायत्रवेपसे हव्यमिन्द्राय कर्तन | 12 | स्वाहांकृतान्या गृह्युपं ह्व्यानि वीतये । इन्द्रा गीह श्रुधी हवं त्वां हेवन्ते अध्वरे 143 (8)(म.1, अनु.21) ऋषिः दीर्घतमाः औचथ्यः छन्दः जगती 1-7, त्रिष्टुप् 8 देवता अग्निः

प्र तव्येसीं व्येसीं धीतिम्ग्नये वाचो मृतिं सहंसः सूनवे भरे

अ्षां नपाद्यो वसुभिः सह प्रियो होता पृथिव्यां न्यसीददृत्वियः ॥ 1 ॥

स जार्यमानः पर्मे व्योमन्याविर्ग्निरंभवन्मात्रिश्वेने ॥

अस्य क्रत्वां सिमधानस्य मृज्मना प्र द्यावां शोचिः पृथिवी अरोचयत् ॥ 2 ॥

अस्य त्वेषा अजरां अस्य भानवः सुसंदृशः सुप्रतीकस्य सुद्युतः ॥

भात्वक्षस्यो अत्युक्तर्न सिन्धवोऽग्ने रेजन्ते असंसन्तो अजराः ॥ 3 ॥

यमेरिरे भृगवो विश्ववेदसं नाभां पृथिव्या भुवनस्य मृज्मनां ॥

अग्निं तं गीभहंनुिह स्व आ दमे य एको वस्वो वरुणो न राजित ॥ 4 ॥

(7)	न यो वर्राय मुरुतामिव स्वृनः सेनेव सृष्टा दिव्या यथाशिनः अग्निर्जम्भैस्तिगृतैरित्ति भर्विति योधो न शत्रून्त्स वना न्यृञ्जते कुविन्नो अग्निरुचर्थस्य वीरसद्धसृष्कुविद्धसृभिः काममावरेत् चोदः कुवित्तुतुज्यात्सातये धियः शुचिप्रतीकं तम्या धिया गृणे घृतप्रतीकं व ऋतस्य धूर्षदेम्ग्निं मिन्नं न सिमधान ऋञ्जते इन्धीनो अक्रो विद्वर्थेषु दीद्यच्छुक्रवर्णामुदु नो यंसते धियम् अप्रयुच्छन्नप्रप्रेचछिद्धरग्ने शिवेभिनः पायुभिः पाहि श्गमः अदेब्धेभिरदीपतेभिरिष्टेऽनिमिषद्धः परि पाहि नो जाः 144	 5 6 7 8 (म.1, अनु.21)
ऋषिः	दीर्घतमाः औचथ्यः छन्दः जगती	देवता अग्निः
(5)	एति प्र होता ब्रुतमस्य माययोध्वां दर्धानः शुचिपेशसं धियम् अभि स्रुचेः क्रमते दक्षिणावृतो या अस्य धाम प्रथमं ह निसंते अभीमृतस्य दोहना अनूषत् योनौ देवस्य सदेने परीवृताः अपामुपस्थे विभृतो यदावसदध स्वधा अधयद्याभिरीयते युयूषतः सर्वयसा तदिद्वपुः समानमर्थं वितरित्रता मिथः आदीं भगो न हव्यः समस्मदा वोळ्डुर्न रुश्मीन्त्समयंस्त सारिधः यमीं द्वा सर्वयसा सप्र्यतः समाने योनौ मिथुना समौकसा दिवा न नक्तं पिलृतो युवाजिन पुरू चर्रत्रजरो मानुषा युगा तमीं हिन्वन्ति धीतयो दश व्रिशो देवं मतीस ऊतये हवामहे धनोरिध प्रवत आ स ऋण्वत्यभिव्रजिद्धव्यना नविधत त्वं ह्यग्ने दिव्यस्य राजिस त्वं पार्थिवस्य पशुपाईव तमनौ एनी त एते बृहती अभिश्रियौ हिर्ण्ययो वकरी बिहरीशाते अग्ने जुषस्व प्रति हर्य तद्वचो मन्द्र स्वधाव ऋतजात सुक्रतो यो विश्वतः प्रत्यङ्किस दर्शतो रुण्वः संदृष्टौ पितुमाँईव क्षयः	1 2 3 4 5
	दीर्घतमाः औचथ्यः छन्दः जगती 1-4, त्रिष्टुप् 5	देवता अग्निः
	तं पृंच्छता स जंगामा स वेंद्र स चिकित्वाँ ईयते स न्वीयते तस्मिन्त्सन्ति प्रशिषस्तस्मिन्निष्टयः स वाजस्य शवंसः शुष्मिण्स्पतिः तिमत्पृंच्छन्ति न सिमो वि पृंच्छति स्वेनेव धीरो मनसा यदग्रेभीत् न मृष्यते प्रथमं नापरं वचोऽस्य क्रत्वां सचते अप्रदिपतः तिमद्रंच्छन्ति जुह्वर्ंस्तमर्वतीवश्वान्येकः शृणवद्वचांसि मे पुरुप्रैषस्तत्तुरियंज्ञसाधनोऽच्छिद्रोतिः शिशुरादेत्त सं रभः उपस्थायं चरित यत्समारत सद्यो जातस्तत्सार युज्येभिः अभि श्वान्तं मृंशते नान्द्यं मुदे यदीं गच्छन्त्युश्तीरिपिष्टितम्	1 2 3 4

		ı
	स ईं मृगो अप्यों वनुर्गुरुपं त्वच्युपमस्यां नि धायि व्यन्नवीद्वयुना मर्त्येभ्योऽग्निवद्वाँ ऋतुचिद्धि सुत्यः	5
(5)	व्यक्रवा <u>क्ष</u> युगा मत्यम्याजान्न <u>यक्षा महतायाक्ष स</u> त्यः 146	॥ ५ ॥ (म.1, अनु. 21)
	ः दीर्घतमाः औचथ्यः छन्दः त्रिष्टुप्	देवता अग्निः
<u> </u>	त्रुमूर्धानं सुप्तरंशिंम गृणीषेऽनूनमुग्निं पित्रोरुपस्थे	
	निष्तमस्य चरतो ध्रुवस्य विश्वो दिवो रो <u>च</u> नापप्रिवां	, प्रम ॥ 1 ॥
	उक्षा महाँ अभि वेवक्ष एने अजरस्तस्थावितर्कतिर् <u>क</u> ृष	
	उर्व्याः पुदो नि देधाति सानौ रि्हन्यूधो अरुषासो अ	
	सुमानं वृत्सम्भि संचर्रन्ती विष्वंग्धेनू वि चरतः सुमे	
	अनुपुवृज्याँ अध्वेनो मिमनि विश्वान्केताँ अधि मुहो	
	धीरांसः पुदं कुवयों नयन्ति नानां हृदा रक्षमाणा अ	नजुर्यम् ।
	सिषासन्तः पर्यपश्यन्त सिन्धुमाविरेभ्यो अभवृत्सूय्	्री नृन् ॥ ४ ॥
	दिदृक्षेण्यः परि काष्ठीसु जेन्ये ईळेन्यो महो अर्भीय	जीवसे ।
	पुरुत्रा यदर्भवृत्सूरहै भ्यो गर्भेभ्यो मुघवा विश्वदर्शतः	E 5
(5)	147	(म.1, अनु.21)
ऋषिः	दीर्घतमाः औचथ्यः छन्दः त्रिष्टुप्	देवता अग्निः
	कथा ते अग्ने शुचर्यन्त आयोर्ददाशुर्वाजेभिराशुषाण	π:
	उभे यत्तोके तर्नये दर्धाना ऋतस्य सामन्रणयन्त देव	
	बोधां मे अस्य वर्चसो यविष्ठ मंहिष्ठस्य प्रभृंतस्य स	वधावः ।
	पीयिति त्वो अर्नु त्वो गृणाति वृन्दारुस्ते तुन्वं वन्दे	अग्ने ॥ 2 ॥
	ये पायवो' मामते्यं ते अग्ने पश्येन्तो अन्धं दुंरिताद	रेक्षन् ।
	रुरक्ष् तान्त्सुकृतो विश्ववेदा दिप्सेन्त इद्रिपवो नाहे	देभुः ॥ 3 ॥
	यो नो अग्ने अरेरिवाँ अघायुरेरातीवा मुर्चयिति द्वये	† 1
	मन्त्रो गुरुः पुनेरस्तु सो अस्मा अनु मृक्षीष्ट तुन्वं वृ	<u> रुक्त</u> ैः ॥ 4 ॥
	उत वा यः संहस्य प्रविद्वान्मर्तो मर्तं मुर्चयति द्वयेन	
	अर्तः पाहि स्तवमान स्तुवन्तमग्ने माकिनों दुरिताये	धायीः ॥ 5 ॥
(5)	148	
ऋषिः	ः दीर्घतमाः औचथ्यः छन्दः त्रिष्टुप्	देवता अग्निः
	मथीद्यदीं विष्टो मति्रिश्वा होतारं विश्वाप्सुं विश्वदेव	यम् ।
	नि यं दुधुर्मनुष्यासु विक्षु स्वर्श्ण चित्रं वर्षुषे विभाव	म् ॥ 1 ॥
	दुदानिमन्न देदभन्त मन्माग्निर्वरूथं मम् तस्य चाकन्	Į I

जुषन्त् विश्वन्यस्य का	र्मोपेस्तुतिं भरेमाणस्य कारोः	2
नित्ये [।] च <u>िन्</u> न यं सदेने ज	गृभ्रे प्रशस्तिभिर्दधिरे युज्ञियसः	
प्र सू नेयन्त गृभयेन्त इ	_ <u>इ</u> ष्टावश्वांसो न रुथ्यो रारहाणाः	3
पुरूणि दुस्मो नि रिणा	ति जम्भैराद्रोचिते वन आ विभावी	1
-	ति शोचिरस्तुर्न शयीमस्नामनु द्यून्	4
न यं रिपवो न रिष्ण्य	वो गर्भे सन्तं रेषुणा रेषयन्ति	1
अन्धा अपुश्या न देभः	त्रभिख्या नित्यसि ईं प्रेतारों अरक्षन्	5
(5)	149	(म.1, अनु.21)
ऋषिः दीर्घतमाः औचथ्यः	छन्दः विराट्	देवता अग्निः
महः स गरा एष्ट्रे एटिट्रिन दन	गस्य वसुनः पुद आ । उपु ध्रर्जन्तुमग्र	द्यो विधन्नित् ॥ 1 ॥
	गस्य प्रसुनः युद्धः न उ <u>त्र प्रशन्तानः</u> ग्रोभिरस्ति जीवपीतसर्गः। प्र यः संस्र	
_	तृविनीभुन्योई नार्वी । सू <u>रो</u> न र्रुष्ट	
अभि द्विजन्मा त्री रोचनानि विश		3
होता यजिष्ठो अपां सुधस्थे	=- , , , , , , , , , , , , , , , , , , ,	4
अयं स होता यो द्विजन्मा विश्वा	दिधे वार्याणि श्रवस्या । मर्तो यो उ	अस्मै सुतुको <u>द</u> दार्श ॥ 5 ॥
(3)	150	्ष (म.1, अनु.21)
ऋषिः दीर्घतमाः औचथ्यः	छन्दः उष्णिक्	देवता अग्निः
	<u> </u>	
पुरु त्वां दाश्वान्वोंचेऽरिरंग्	<u>रे</u> तर्व स्विदा । तोदस्येव शरुण	आ मृहस्यं ॥ 1 ॥
पुरु त्वां दाश्वान्वोंचेऽरिर्राः व्यनिनस्यं धनिनीः प्रहोषे र्रा	ो तर्व स्विदा । तोदस्येव शरुण चिदर्ररुषः । कुदा चुन प्रजिगी	आ मृहस्यं ॥ 1 ॥ तो अदेवयोः ॥ 2 ॥
पुरु त्वां दाश्वान्वोचेऽरिर्स् व्यनिनस्यं धनिनः प्रहोषे ा स चन्द्रो विप्र मर्त्यो महो	<u>रे</u> तर्व स्विदा । तोदस्येव शरुण	आ मृहस्यं ॥ 1 ॥ तो अदेवयोः ॥ 2 ॥ : स्याम ॥ 3 ॥
पुरु त्वां दाश्वान्वोंचेऽरिरेर् व्यनिनस्यं धनिनीः प्रहोषे र स चन्द्रो विप्र मर्त्यो महो	ो तर्व स्विदा । तोदस्येव शरण चिदरेरुषः । कुदा चुन प्रजिगीत ब्राधन्तमो दिवि । प्रप्रेत्ते अग्ने वनुषः 151	आ मृहस्यं ॥ 1 ॥ तो अदेवयोः ॥ 2 ॥ : स्याम ॥ 3 ॥ (म.1, अनु.21)
पुरु त्वां दाश्वान्वोचेऽरिर्स् व्यनिनस्यं धनिनः प्रहोषे र स चन्द्रो विप्र मत्यों महो (9) ऋषः दीर्घतमाः औचथ्यः	ग्रे तर्व स्विदा । तोदस्येव शरण चिदरेरुषः । कदा चन प्रजिगेत ब्राधन्तमो दिवि । प्रप्रेत्ते अग्रे वनुषेः 151 छन्दः जगती देवत	आ मृहस्यं ॥ 1 ॥ तो अदेवयोः ॥ 2 ॥ ः स्याम ॥ 3 ॥ (म.1, अनु.21) ा मित्रः 1, मित्रावरुणौ 2-9
पुरु त्वां दाश्वान्वोचेऽरिर्स् व्यनिनस्यं धनिनः प्रहोषे र स चन्द्रो विप्र मत्यों महो (9) ऋषिः दीर्घतमाः औचथ्यः मित्रं न यं शिम्या गोषुं गृव	ो तर्व स्विदा । तोदस्यीव शरण चिदरेरुषः । कदा चन प्रजिगीत ब्राधन्तमो दिवि । प्रप्रेत्ती अग्ने वनुषीः 151 छन्दः जगती देवत व्यर्वः स्वाध्यो विदथी अप्सु जीजीनन्	आ मृहस्यं ॥ 1 ॥ तो अदेवयोः ॥ 2 ॥ ः स्याम ॥ 3 ॥ (म.1, अनु.21) ा मित्रः 1, मित्रावरुणौ 2-9
पुरु त्वां दाश्वान्वोचेऽरिरेरं व्यनिनस्यं धनिनः प्रहोषे र स चन्द्रो विप्र मत्यों महो (9) ऋषिः दीर्घतमाः औचथ्यः मित्रं न यं शिम्या गोषुं गृब अरेजेतां रोदंसी पाजसा रि	ो तर्व स्विदा । तोदस्येव शरण चिदरेरुषः । कदा चन प्रजिगेत ब्राधन्तमो दिवि । प्रप्रेत्ते अग्ने वनुषेः 151 छन्दः जगती देवत व्यर्वः स्वाध्यो विद्ये अप्सु जीजनन् गेरा प्रति प्रियं येजुतं जनुषामवः	आ मृहस्यं ॥ 1 ॥ तो अदेवयोः ॥ 2 ॥ ः स्याम ॥ 3 ॥ (म.1, अनु.21) ा मित्रः 1, मित्रावरुणौ 2-9
पुरु त्वां दाश्वान्वोंचेऽरिरेर् व्यन्निनस्यं धनिनः प्रहोषे र स चन्द्रो विप्र मत्यों महो (9) ऋषिः दीर्घतमाः औचथ्यः मित्रं न यं शिम्या गोषुं गृब अरेजेतां रोदेसी पाजेसा रि यद्ध त्यद्वां पुरुमीळहस्यं स्	ते त्वं स्विदा । तोदस्येव शर्ण र चेदरेरुषः । कुदा चन प्रजिगीत ब्राधन्तमो दिवि । प्रप्रेत्ते अग्ने वनुषेः 151 छन्दः जगती देवत व्यवेः स्वाध्यो विदथे अप्सु जीजेनन् गेरा प्रति प्रियं येजतं जनुषामवेः गोमिनः प्र मित्रासो न देधिरे स्वाभुवेः	आ मृहस्यं ॥ 1 ॥ तो अदेवयोः ॥ 2 ॥ ः स्याम ॥ 3 ॥ (म.1, अनु.21) ा मित्रः 1, मित्रावरुणौ 2-9
पुरु त्वां दाश्वान्वोंचेऽरिरं व्यन्निनस्यं ध्निनः प्रहोषे त स चन्द्रो विप्र मत्यों महो (9) ऋषः दीर्घतमाः औचथ्यः मित्रं न यं शिम्या गोषुं गृत अरेजेतां रोदंसी पाजसा व यद्ध त्यद्वां पुरुमीळहस्यं स् अध् क्रतुं विदतं गातुमची	ते तर्व स्विदा । तोदस्येव शरण चेदरेरुषः । कृदा चन प्रजिगी व्राधन्तमो दिवि । प्रप्रेत्ते अग्ने वनुषेः 151 छन्दः जगती देवत व्यवेः स्वाध्यो विद्ये अप्सु जीजेनन् गेरा प्रति प्रियं येजृतं जनुषामवेः गेरा प्रति प्रियं येजृतं जनुषामवेः गेरामनः प्र मित्रासो न दिधरे स्वाभुवेः त उत श्रुतं वृषणा पुस्त्योवतः	आ मृहस्यं ॥ 1 ॥ तो अदेवयोः ॥ 2 ॥ ः स्याम ॥ 3 ॥ (म.1, अनु.21) ा मित्रः 1, मित्रावरुणौ 2-9
पुरु त्वां दाश्वान्वोंचेऽरिरंश् व्यनिनस्यं धनिनः प्रहोषे त स चन्द्रो विष्रु मत्यों महो (9) ऋषिः दीर्घतमाः औचथ्यः मित्रं न यं शिम्या गोषुं गृत अरेजेतां रोदंसी पाजसा वि यद्ध त्यद्वां पुरुमीळहस्यं स् अध् क्रतुं विदतं गातुमची आ वां भूषन्क्षितयो जन्म	ते त्वं स्विदा । तोदस्येव शरण चेदरेरुषः । कदा चन प्रजिगेत व्राधेन्तमो दिवि । प्रप्रेत्ते अग्ने वनुषेः 151 छन्दः जगती देवत व्यवः स्वाध्यो विद्ये अप्सु जीजेनन् गेरा प्रति प्रियं येजतं जनुषामवः गोमिनः प्र मित्रासो न देधिरे स्वाभुवः ते उत श्रुतं वृषणा पस्त्योवतः रोदेस्योः प्रवाच्यं वृषणा दक्षसे महे	आ मृहस्यं ॥ 1 ॥ तो अदेवयोः ॥ 2 ॥ ः स्याम ॥ 3 ॥ (म.1, अनु.21) ा मित्रः 1, मित्रावरुणौ 2-9
पुरु त्वां दाश्वान्वोंचेऽरिरंश् व्यिनिनस्यं धिननीः प्रहोषे ति स चन्द्रो विष्रु मत्यों महो (9) ऋषिः दीर्घतमाः औचथ्यः मित्रं न यं शिम्या गोषुं गृष् अरेजेतां रोदंसी पाजसा वि यद्ध त्यद्वां पुरुमीळहस्यं स् अध् क्रतुं विदतं गातुमची आ वां भूषन्क्षितयो जन्म यदीमृताय भरंथो यदवीते	ते त्वं स्विदा । तोदस्येव शरण वेदर्ररुषः । कृदा चन प्रजिगीत व्राधेन्तमो दिवि । प्रप्रेत्ते अग्ने वनुषेः 151 छन्दः जगती देवत व्यवः स्वाध्यो विद्ये अप्सु जीजेनन् गेरा प्रति प्रियं येजतं जनुषामवः गोमनः प्र मित्रासो न दिधरे स्वाभुवः त उत श्रुतं वृषणा पुस्त्योवतः रोदेस्योः प्रवाच्यं वृषणा दक्षसे मृहे प्र होत्रया शिम्या वीथो अध्वरम्	आ मृहस्यं ॥ 1 ॥ तो अदेवयोः ॥ 2 ॥ ः स्याम ॥ 3 ॥ (म.1, अनु.21) ा मित्रः 1, मित्रावरुणौ 2-9
पुरु त्वां दाश्वान्वोंचेऽरिरंश् व्यिन्निनस्यं ध्निनः प्रहोषे ति स चन्द्रो विप्र मत्यों महो (9) ऋषः दीर्घतमाः औचथ्यः मित्रं न यं शिम्या गोषुं गृत अरेजेतां रोदंसी पाजसा वि यद्ध त्यद्वां पुरुमीळ्हस्यं स् अध् क्रतुं विदतं गातुमची आ वां भूषन्क्षितयो जन्म यदीमृताय भरंथो यदवंते प्र सा क्षितिरंसुर या महि	ते तर्व स्विदा । तोदस्येव शरण वेदर्ररुषः । कृदा चन प्रजिगीत व्राधेन्तमो दिवि । प्रप्रेत्ते अग्ने वनुषेः 151 छन्दः जगती देवत व्यवीः स्वाध्यो विद्ये अप्सु जीजेनन् गेरा प्रति प्रियं येजृतं जनुषामवीः गेरा प्रति प्रियं येजृतं जनुषामवीः गेरा प्रति प्रियं वेष्णा प्रस्त्योवतः त उत श्रुतं वृषणा प्रस्त्योवतः रोदेस्योः प्रवाच्यं वृषणा दक्षेसे मृहे प्र होत्रया शिम्या वीथो अध्वरम् प्रिय ऋतीवानावृतमा घोषथो बृहत्	आ मृहस्यं ॥ 1 ॥ तो अदेवयोः ॥ 2 ॥ ः स्याम ॥ 3 ॥ (म.1, अनु.21) ा मित्रः 1, मित्रावरुणौ 2-9 ॥ 1 ॥ ः ॥ 2 ॥ ॥ 3 ॥
पुरु त्वां दाश्वान्वोंचेऽरिरंश् व्यन्निनस्यं ध्निनः प्रहोषे त स चन्द्रो विष्रु मत्यों महो (9) ऋषः दीर्घतमाः औचथ्यः मित्रं न यं शिम्या गोषुं गृष् अरेजेतां रोदंसी पाजसा वि यद्ध त्यद्वां पुरुमीळहस्यं स् अध् क्रतुं विदतं गातुमची आ वां भूषन्क्षितयो जन्म् यदीमृताय भरंथो यदर्वते प्र सा क्षितिरंसुर या महि युवं दिवो बृहतो दक्षमाभुष	ते त्वं स्विदा । तोदस्येव शरण वेदर्ररुषः । कृदा चन प्रजिगीत व्राधेन्तमो दिवि । प्रप्रेत्ते अग्ने वनुषेः 151 छन्दः जगती देवत व्यवेः स्वाध्यो विद्ये अप्सु जीजेनन् गेरा प्रति प्रियं येजतं जनुषामवेः गोमिनः प्र मित्रास्रो न दिधरे स्वाभुवे त उत श्रुतं वृषणा प्रस्यावतः रोदेस्योः प्रवाच्यं वृषणा दक्षसे मृहे प्र होत्रया शिम्या वीथो अध्वरम् प्रिय ऋतावानावृतमा घोषथो बृहत् वं गां न धुर्युपं युज्ञाथे अपः	आ मृहस्यं ॥ 1 ॥ तो अदेवयोः ॥ 2 ॥ ः स्याम ॥ 3 ॥ (म.1, अनु.21) ा मित्रः 1, मित्रावरुणौ 2-9
पुरु त्वां दाश्वान्वोंचेऽरिरंश् व्यिन्नित्स्यं ध्निनः प्रहोषे त स चन्द्रो विप्र मत्यों महो (9) ऋषः दीर्घतमाः औचथ्यः मित्रं न यं शिम्या गोषुं गृत् अरेजेतां रोदंसी पाजसा वि यद्ध त्यद्धां पुरुमीळ्हस्यं स् अध् क्रतुं विदतं गातुमची आ वां भूषन्क्षितयो जन्म यदीमृताय भरंथो यदर्वते प्र सा क्षितिरंसुर या महि युवं दिवो बृहतो दक्षंमाभुष् मही अत्रं महिना वारंमृण्य	ते ते स्विदा । तोदस्येव शरण विदर्शन । कदा चन प्रजिगीत विदर्शन । कदा चन प्रजिगीत विदर्श अप्ने वनुषे विदर्श अप्मे विदर्श अप्मे जीजीनन् विदर्श अप्मे विदर्श स्वाभ्वीत उत श्रीतं वृषणा पस्त्यीवतः रोदेस्योः प्रवाच्यं वृषणा दक्षेसे मृहे प्र होत्रेया शिम्या वीथो अध्वरम् प्रिय ऋतीवानावृतमा घोषथो बृहत् वं गां न धुर्युप युज्जाथे अपः व्योऽरेणवस्तुज् आ सद्मेन्धेनवः	आ मृहस्यं ॥ 1 ॥ तो अदेवयोः ॥ 2 ॥ ः स्याम ॥ 3 ॥ (म.1, अनु.21) ा मित्रः 1, मित्रावरुणौ 2-9 ॥ 1 ॥ ः ॥ 2 ॥ ॥ 3 ॥ ॥ 4 ॥ ॥ 4 ॥
पुरु त्वां दाश्वान्वोंचेऽरिरंश् व्यन्निनस्यं ध्निनः प्रहोषे त स चन्द्रो विष्रु मत्यों महो (9) ऋषः दीर्घतमाः औचथ्यः मित्रं न यं शिम्या गोषुं गृष् अरेजेतां रोदंसी पाजसा ति यद्ध त्यद्वां पुरुमीळ्हस्यं स् अध् क्रतुं विदतं गातुमची आ वां भूषन्क्षितयो जन्म् यदीमृताय भरंथो यदर्वते प्र सा क्षितिरंसुर या महि युवं दिवो बृहतो दक्षमाभुष्य मही अत्रं महिना वारंमृण्य स्वरंन्ति ता उंप्रताित सूर्य	ते त्वं स्विदा । तोदस्येव शरण वेदर्ररुषः । कृदा चन प्रजिगीत व्राधेन्तमो दिवि । प्रप्रेत्ते अग्ने वनुषेः 151 छन्दः जगती देवत व्यवेः स्वाध्यो विद्ये अप्सु जीजेनन् गेरा प्रति प्रियं येजतं जनुषामवेः गोमिनः प्र मित्रास्रो न दिधरे स्वाभुवे त उत श्रुतं वृषणा प्रस्यावतः रोदेस्योः प्रवाच्यं वृषणा दक्षसे मृहे प्र होत्रया शिम्या वीथो अध्वरम् प्रिय ऋतावानावृतमा घोषथो बृहत् वं गां न धुर्युपं युज्ञाथे अपः	आ मृहस्यं ॥ 1 ॥ तो अदेवयोः ॥ 2 ॥ ः स्याम ॥ 3 ॥ (म.1, अनु.21) ा मित्रः 1, मित्रावरुणौ 2-9

	अव त्मना सृजतं पिन्वतं धियो युवं विप्रस्य मन्मनामिरज्यथः यो वां युज्ञैः शेशमानो ह दाशित किवहोता यजित मन्मसाधेनः उपाह तं गच्छेथो वीथो अध्वरमच्छा गिरेः सुमृतिं गेन्तमस्मयू युवां युज्ञैः प्रथमा गोभिरञ्जत् ऋतीवाना मनसो न प्रयुक्तिषु	6 7
	- भरेन्ति वां मन्मेना संयता गिरोऽद्देप्यता मनेसा रेवदर्शाथे	8
	रेवद्वयो दधाथे रेवदाशाथे नरा मायाभिरितऊति माहिनम्	1
	न वां द्यावोऽहिभिनोंत सिन्धेवो न देवत्वं पणयो नानेशुर्म्घम्	9
(7)	152	(म.1, अनु.21)
ऋषिः द	ोर्घतमाः औचथ्यः छन्दः त्रिष्टुप्	देवता मित्रावरुणौ
	युवं वस्त्रीणि पीवसा वसाथे युवोरिच्छिद्रा मन्तवो ह सर्गीः	I
	अवितरत्मनृतानि विश्वं ऋतेनं मित्रावरुणा सचेथे	1
	एतच्चन त्वो वि चिकेतदेषां सत्यो मन्त्रः कविश्कास्त ऋघीवान्	I
	त्रिरिश्रं हन्ति चतुरिश्ररुग्रो देविनिदों ह प्रथमा अंजूर्यन्	2
	अपादेति प्रथमा पुद्वतीनां कस्तद्वां मित्रावरुणा चिकेत	1
	गर्भो भारं भेरत्या चिदस्य ऋतं पिपत्र्यनृतं नि तरित्	3
	प्रयन्तुमित्परि जारं कुनीनां पश्यामिस् नोपिनिपद्यमानम्	l
	अनेवपृग्णा वितेता वसनिं प्रियं मित्रस्य वर्रुणस्य धार्म	4
	अनुश्वो जातो अनभीशुरर्वा कनिक्रदत्पतयदूर्ध्वसीनुः	l
	अचित्तं ब्रह्म जुजुषुर्युवीनः प्र मित्रे धाम वर्रणे गृणन्तः	5
	आ धेनवो मामतेयमवन्तीर्ब्रह्मप्रियं पीपयन्त्सस्मिन्नूर्धन्	1
	पित्वो भिक्षेत वयुनीनि विद्वानासाविवसिन्नदितिमुरुष्येत्	6
	आ वां मित्रावरुणा हृव्यजुष्टिं नर्मसा देवाववसा ववृत्याम्	
	अस्माकं ब्रह्म पृतेनासु सह्या अस्माकं वृष्टिदव्या सुपारा	7
(4)	153	(म.1, अनु.21)
ऋषिः दी	र्घतमाः औचथ्यः छन्दः त्रिष्टुप्	देवता मित्रावरुणौ
	यर्जामहे वां मुहः सुजोषां हुव्येभिमत्रावरुणा नमोभिः	I
	घृतैर्घृतस्तू अध् यद्वामस्मे अध्वर्यवो न धीतिभिर्भरन्ति	1
	प्रस्तुतिर्वां धाम् न प्रयुक्तिरयामि मित्रावरुणा सुवृक्तिः	1
	अनिक्त यद्वां विद्येषु होता सुम्नं वां सूरिर्वृषणावियक्षन्	2
	पीपाय धेनुरिदितिर्ऋताय जनीय मित्रावरुणा हिव्दे	I
	हिनोति यद्वां विदथे सपूर्यन्त्स रातहेव्यो मानुषो न होता	3

		न्धो गाव आपेश्च पीपयन्त देवीः पतिर्दन्वीतं पातं पर्यस उस्त्रियोयाः	4
(6)		154	(म.1, अनु.21)
ऋषिः व	रीर्घतमाः औचथ्यः	छन्दः त्रिष्टुप्	देवता विष्णुः
	विष्णोर्नु कं वीयाणि	प्र वोचं यः पार्थिवानि विमुमे रजांसि	
	यो अस्केभायुदुत्तरं स्	<u>ा</u> धस्थं विचक्रमाणस्त्रेधोर्रुगायः	1
	प्र तद्धिष्णुः स्तवते वी	यिंण मृगो न भीमः कुचरो गिरिष्ठाः	I
	यस्योरुषु त्रिषु विक्रम	णेष्वधिक्ष्यिन्ति भुवनानि विश्वा	2
	प्र विष्णवि शूषमेतु म	न्मं गिरिक्षितं उरुगायाय वृष्णे	I
	य इदं दीर्घं प्रयतं सुध	गस्थमेको विमुमे त्रिभिरित्पुदेभिः	3
	यस्य त्री पूर्णा मधुना	पुदान्यक्षीयमाणा स्वधया मदीन्त	1
	य उ त्रिधातुं पृथिवीमु	ृत द्यामेको दाधार भुवनानि विश्वा	4
	तदस्य प्रियम्भि पाथो	' अश्यां नरो यत्रं देवयवो मदेन्ति	1
	उ्रुक्रमस्य स हि बन्ध	र्युरित्था विष्णोः पुदे पर्मे मध्व उत्सः	5
	ता वां वास्तून्युश्मिस्	्गर्मध्यै यत्र गावो भूरिशृङ्गा अयासः	1
	अत्राह् तदुरुगायस्य व	वृष्णीः पर्मं पुदमवे भाति भूरि	6
(6)		155	(म.1, अनु.21)
	अत्राह् तर्दुरुगायस्य द् र्घितमाः औचथ्यः		(म.1, अनु.21)
	र्घतमाः औचथ्यः	155	(म.1, अनु.21)
	र्घतमाः औचथ्यः प्र वुः पान्तुमन्धसो धि	155 छन्दः जगती देवता विष्णुः इन्द्रः च	(म.1, अनु.21)
	र्घतमाः औचथ्यः प्र वः पान्तमन्धसो धि या सार्नुन् पर्वतानाम	155 छन्दः जगती देवता विष्णुः इन्द्रः च भयायुते मुहे शूरीयु विष्णीवे चार्चत	(म.1, अनु.21) 1-3, विष्णुः 4-6
	र्घतमाः औचथ्यः प्र वः पान्तमन्धेसो धि या सानुनि पर्वतानाम त्वेषमित्था समर्रणं दि या मर्त्याय प्रतिधीयम	155 छन्दः जगती देवता विष्णुः इन्द्रः च धयायते महे शूरीय विष्णवि चार्चत दिभ्या महस्तस्थतुरवीतेव साधुनी रामीवतोरिन्द्रविष्णू सुतुपा वीमुरुष्यति गीनुमित्कृशानोरस्तुरसुनामुरुष्यर्थः	(म.1, अनु.21) 1-3, विष्णुः 4-6
	र्घितमाः औचथ्यः प्र वः पान्तमन्धेसो धि या सानुनि पर्वतानाम त्वेषमित्था समरणं धि या मर्त्याय प्रतिधीयम् ता ई वर्धन्ति मह्यस्य	155 छन्दः जगती देवता विष्णुः इन्द्रः च धयायते महे शूरीय विष्णीवे चार्चत दिभ्या महस्तस्थतुरवीतेव साधुनी शमीवतोरिन्द्रीविष्णू सुत्पा वीमुरुष्यति गीन्मित्कृशानोरस्तुरस्नामुरुष्यर्थः पौंस्यं नि मातरी नयत् रेतसे भुजे	(म.1, अनु.21) 1-3, विष्णुः 4-6
	र्घतमाः औचथ्यः प्र वः पान्तमन्ध्रंसो धि या सानुनि पर्वतानाम त्वेषमित्था समर्रणं दि या मत्यीय प्रतिधीयम् ता ई वर्धन्ति मह्यस्य दथाित पुत्रोऽवरं परं	155 छन्दः जगती देवता विष्णुः इन्द्रः च धयायते महे शूरीय विष्णीवे चार्चत दिभ्या महस्तस्थतुरवीतेव साधुनी रामीवतोरिन्द्रीविष्णू सुत्पा वीमुरुष्यति गीन्मित्कृशानोरस्तुरस्नामुरुष्यर्थः पौंस्युं नि मातरी नयति रेतसे भुजे पितुर्नामे तृतीयमिधे रोचने दिवः	(म.1, अनु.21) 1-3, विष्णुः 4-6
	र्घतमाः औचथ्यः प्र वः पान्तमन्ध्रंसो धि या सानुनि पर्वतानाम त्वेषमित्था समर्रणं धि या मर्त्याय प्रतिधीयम् ता ई वर्धन्ति मह्यस्य द्धाति पुत्रोऽवरं परं तत्त्विद्देस्य पौस्यं गृणी	155 छन्दः जगती देवता विष्णुः इन्द्रः च धयायते महे शूरीय विष्णीवे चार्चत दिभ्या महस्तस्थतुरर्वतेव साधुनी समीवतोरिन्द्रीविष्णू सुत्पा वीमुरुष्यति तिमित्कृशानोरस्तुरस्नामुरुष्यर्थः पौंस्यं नि मातरी नयति रेतसे भुजे पितुर्नामे तृतीयमिध रोचने दिवः तिमसीनस्य त्रातुरवृकस्य मीळ्हुषेः	(म.1, अनु.21) 1-3, विष्णुः 4-6 1 2 3
	र्घतमाः औचथ्यः प्र वः पान्तमन्ध्रंसो धि या सानुनि पर्वतानाम त्वेषमित्था समर्रणं धि या मर्त्याय प्रतिधीयम् ता ई वर्धन्ति मह्यस्य दर्धाति पुत्रोऽवरं परं तत्त्विदंस्य पौंस्यं गृणी यः पार्थवानि त्रिभिरि	255 छन्दः जगती देवता विष्णुः इन्द्रः च ध्यायते महे शूरीय विष्णीवे चार्चत दिभ्या महस्तस्थतुरर्वतेव साधुनी समीवतोरिन्द्रिविष्णू सुतपा वीमुरुष्यित तिमित्कृशानोरस्तुरस्नामुरुष्यर्थः पौंस्यं नि मातरी नयित रेतसे भुजे पितुर्नामे तृतीयमिधे रोचने दिवः तिमसीनस्ये त्रातुरवृकस्य मीळ्हुषेः द्विगीमिभरुरु क्रिमिष्टोरुगायाये जीवसे	(म.1, अनु.21) 1-3, विष्णुः 4-6 1 1 2
	र्घितमाः औचथ्यः प्र वः पान्तमन्धेसो धि या सानुनि पर्वतानाम त्वेषमित्था समर्गणं दि या मर्त्याय प्रतिधीयम् ता ई वर्धन्ति मह्यस्य दधाति पुत्रोऽवरं परं तत्त्विदेस्य पौंस्यं गृणी यः पार्थवानि त्रिभिरिशि	255 छन्दः जगती देवता विष्णुः इन्द्रः च अयायते महे शूरीय विष्णवे चार्चत दिभ्या महस्तस्थतुरवीतेव साधुनी रामीवतोरिन्द्रिविष्णू सुत्पा वीमुरुष्यित पीन्मित्कृशानोरस्तुरस्नामुरुष्यर्थः पौंस्यं नि मातरी नयित रेतसे भुजे पितुर्नामे तृतीयमिध रोचने दिवः तिमसीनस्य त्रातुरवृकस्य मीळ्हुषेः द्विगीमभिरुरु क्रमिष्टोरुगायाय जीवसे शोठिभुख्याय मत्यों भुरण्यति	(म.1, अनु.21) 1-3, विष्णुः 4-6 1 2 3 4
	र्घितमाः औचथ्यः प्र वः पान्तमन्धेसो धि या सानुनि पर्वतानाम त्वेषमित्था समर्रणं दि या मर्त्याय प्रतिधीयम् ता ई वर्धन्ति मह्यस्य दर्धाति पुत्रोऽवरं परं तत्त्विदर्सस्य पौंस्यं गृणं यः पार्थवानि त्रिभिरिर्धि हे इदेस्य क्रमणे स्वृद्धं तृतीयमस्य निकृरा दे	255 छन्दः जगती देवता विष्णुः इन्द्रः च अयायते महे शूरीय विष्णवे चार्चत विष्या महस्तस्थतुरर्वतेव साधुनी रामीवतोरिन्द्रविष्णू सुत्पा वीमुरुष्यति विम्मित्कृशानोरस्तुरस्नामुरुष्यर्थः पौंस्यं नि मातरी नयति रेतसे भुजे पितुर्नामे तृतीयमधि रोचने दिवः विमसीनस्य त्रातुरवृकस्य मीळ्हुषेः द्विगीमभिरुरु क्रमिष्टोरुगायाये जीवसे शोठिभिख्याय मत्यों भुरण्यति धर्षति वयेश्चन प्तयेन्तः पतुत्रिणीः	(म.1, अनु.21) 1-3, विष्णुः 4-6 1 2 3
	प्रंतमाः औचथ्यः प्र वः पान्तमन्धंसो धि या सानुनि पर्वतानाम त्वेषमित्था समर्गणं दि या मर्त्याय प्रतिधीयम् ता ई वर्धन्ति मह्यस्य दधाति पुत्रोऽवंरं परं तत्त्विदंस्य पौंस्यं गृणं यः पार्थवानि त्रिभिरिर्धि इदंस्य क्रमणे स्वृद्धं तृतीयंमस्य निकृरा देः चतुभः साकं नेवृति	255 छन्दः जगती देवता विष्णुः इन्द्रः च अयायते महे शूरीय विष्णवे चार्चत दिभ्या महस्तस्थतुरवीतेव साधुनी रामीवतोरिन्द्रिविष्णू सुत्पा वीमुरुष्यित पीन्मित्कृशानोरस्तुरस्नामुरुष्यर्थः पौंस्यं नि मातरी नयित रेतसे भुजे पितुर्नामे तृतीयमिध रोचने दिवः तिमसीनस्य त्रातुरवृकस्य मीळ्हुषेः द्विगीमभिरुरु क्रमिष्टोरुगायाय जीवसे शोठिभुख्याय मत्यों भुरण्यति	(म.1, अनु.21) 1-3, विष्णुः 4-6 1 2 3 4

ऋषिः दीर्घतमाः औचथ्यः	छन्दः जगती	देवता विष्णुः
भवा िमुत्रो न शेव्य	ी घृतासुति्वभूतद्युम्न एव्या उ सप्रथाः	
	दुर्षा चिदर्ध्यः स्तोमो युज्ञश्च राध्यो हविष्मता	1
	नवीयसे सुमज्जीनये विष्णवि दर्दाशति	
_	। मिह ब्रवत्सेदु श्रवोभिर्युज्यं चिदुभ्यंसत्	2
	यथा विद ऋतस्य गभी जुनुषा पिपर्तन	
आस्य जानन्तो ना	र्म चिद्धिवक्तन मुहस्ते विष्णो सुमृतिं भेजामहे	3
तमस्य राजा वर्रण	स्तमृश्विना क्रतुं सचन्त मारुतस्य वेधसः	1
<u>दाधार</u> दक्षेमुत्तमम <u>ेह</u>	वदं व्रजं च विष्णुः सिखेवाँ अपोर्णुते	4
आ यो विवाय सुच	ाथीय दैव्य इन्द्रीय विष्णुः सुकृते सुकृत्तरः	
वेधा अजिन्वत्त्रिषध्	गुस्थ आर्यंमृतस्ये भागे यजेमानुमार्भजत्	5
(6)	157	(म.1, अनु.22)
ऋषिः दीर्घतमाः औचथ्यः	छन्दः जगती 1-4, त्रिष्टुप् 5-6	देवता अश्विनौ
अबोध्युग्निर्ज्म उदेति	ा सूर्यो व्युर्षाश्चन्द्रा मुह्यावो अचर्षा	l
	यातेवे रथं प्रासावीद्देवः सीवृता जगृत्पृथेक्	1
यद्युञ्जाथे वृषंणमिश्	वना रथं घृतेने नो मधुना क्ष्त्रमुक्षतम्	
-	ासु जिन्वतं वृयं धना शूरसाता भजेमहि	2
	युवाहेनो रथो जीराश्वो अश्विनोर्यातु सुष्टुतः	
	ु	3
-	<u>-</u> - 3 श्विना युवं मधुमत्या नः कशया मिमिक्षतम्	
	ंसि मृक्षतुं सेधेतुं द्वेषो भवेतं सचाभुवा	4
2	ु धत्थो युवं विश्वेषु भुवनेष् <u>व</u> न्तः	
<u> </u>	र्युपश्च वनुस्पतौँ रिश्वनावैरयेथाम्	5
-	भेषुजेभि्रथों ह स्थो रुथ्याई राथ्येभिः	
≥	ात्थ उग्रा यो वां हृविष्मान्मनेसा दुदार्श	6
ાતા <i>હ</i> <u>વા</u> ત∵તાલ લ		11 U 11

। इति द्वितीयाष्टके द्वितीयोऽध्यायः समाप्तः ।

(तृतीयोऽध्यायः ∥ वर्गाः 1-26) 158

		(शृतापाऽव्याप: ¶ पंगाः 1-20)	
(6)		158	(म.1, अनु.22)
ऋषिः व	रीर्घतमाः औचथ्यः	छन्दः त्रिष्टुप् 1-5, अनुष्टुप् 6	देवता अश्विनौ
वर	र्म रुद्रा पुरुमन्तू वृधन	तो दश्स्यतं नो वृषणावृभिष्टौ	
		गो वां प्र यत्सुस्राथे अर्कवाभिरूती	1
		- यदुस्यै वसू यद्धेथे नर्मसा पुदे गोः	
		ग्रीः कामुप्रेणिव मनसा चरन्ता	2
		ोुरुर्वि मध्ये अणीसो धार्यि पुज्रः	1
<u>-</u> उप	वामवीः शरुणं गमेर	<u>i</u> शू <u>रो</u> नाज्मे पृतयेद्धिरेवैः	3
उप	स्तुतिरौच्थ्यमुरुष्येनम	॥ मामिमे पेतित्रिणी वि दुंग्धाम्	l
मा	मामेधो दशतयश्चितो	धाक् प्र यद्वां बुद्धस्त्मिन खादेति क्षाम्	4
		दासा यद्वीं सुसेमुब्धम्वार्धुः	
शि	रो यदस्य त्रैतनो वित	क्षित्स्वयं दास उरो अंसावपि ग्ध	5
<u>द</u> ीः	र्यतमा मामतेयो जुंजु	र्वान्देशमे युगे।अपामर्थं यतीनां ब्रह्मा भेवति ।	सार्रिथः ॥ 6 ॥
(5)		159	(म.1, अनु.22)
ऋषिः व	रीर्घतमाः औचथ्यः	छन्दः जगती	देवता द्यावापृथिवी
·	प्र द्यावी यज्ञैः पीथ	वी ऋतावृधा मही स्तुषे विदर्थेषु प्रचेतसा	
		रंससेत्था धिया वार्याणि प्रभूषतः	1
		मनो मातुर्मिह् स्वतेवस्तद्धवीमभिः	
		चक्रतुरुरु प्रजायो अमृतं वरीमभिः	2
		सुदंसंसो मही जज्ञुर्मातरा पूर्विचत्तये	
	स्थातुर्श्व सत्यं जगत	ु । १श्च धर्मीण पुत्रस्य पाथः पुदमद्वीयाविनः	3
	ते मायिनों ममिरे र	- पुप्रचेतसो जामी सयोनी मिथुना समोकसा	
	नव्यंनव्यं तन्तुमा त	- न्वित दिवि समुद्रे अन्तः कुवयः सुदीतयः	4
		र्वरेण्यं वयं देवस्यं प्रसुवे मनामहे	
	<u>अ</u> स्मभ्यं द्यावापृथि	वी सुचेतुना <u>र</u> यिं धेत्तं वसुमन्तं शत <u>्</u> गिवनम्	5
(5)		160	(म.1, अनु.22)
ऋषिः व	रीर्घतमाः औचथ्यः	छन्दः जगती	देवता द्यावापृथिवी
	ते हि द्यावीपथिवी	विश्वशंभुव ऋतावेरी रजेसो धार्यत्केवी	1
	•	- 	1
		असुश्चर्ता पिता माता च भुवनानि रक्षतः	
		रोदंसी पिता यत्सीमभि रूपैरवासयत्	2
		ः प्वित्रवान्पुनाति धीरो भुवनानि मायया	<u> </u>
		सुरेतेसं विश्वाही शुक्रं पयो अस्य दुक्षत	3
	-3 - c · · · c ÷ ·		"

(14)	यनाभि कृष्टास्तृतनाम विश्वहा पुनाय्यमाजा अस्म सामन्वतम् 161	∥ 5 ∥ (म.1, अनु.22)
	येनाभि कृष्टीस्तृतनाम विश्वहा पुनाय्यमोजो अस्मे समिन्वतम्	5
	ते नो गृणाने मेहिनी मिंह श्रवीः क्ष्यं द्यावापृथिवी धासथो बृहत्	
		4
	वि यो मुमे रर्जसी सुक्रतूययाजरेभिः स्कम्भनेभिः समानृचे	4
	अयं देवानामुपसामुपस्तमाो यो जुजानु रोदेसी विश्वशंभुवा	

देवता ऋभवः

ऋषिः दीर्घतमाः औचथ्यः

छन्दः जगती 1-13, त्रिष्टुप् 14 किमु श्रेष्टः किं यविष्ठो न् आजेगुन्किमीयते दूत्यंर् कद्यदूचिम न निन्दिम चमुसं यो मेहाकुलोऽग्ने भ्रातुर्द्वण इद्भृतिमूदिम 11 एकं चम्सं चतुरः कृणोतन् तद्वौ देवा अब्रुवन्तद्व आगेमम् सौधन्वना यद्येवा करिष्यर्थ साकं देवैर्यिज्ञयांसो भविष्यथ | 2 | अग्निं दूतं प्रति यदब्रवीतनाश्वः कर्त्वो रथं उतेह कर्त्वीः धेनुः कर्त्वा युवशा कर्त्वा द्वा तानि भ्रात्रन् वः कृत्व्येमीस | 3 | चकुवांसे ऋभवस्तदेपृच्छत् क्वेदेभूद्यः स्य दूतो न् आजेगन् युदावाख्यञ्चम्साञ्चतुरः कृतानादित्त्वष्टा ग्रास्वन्तन्यीनजे | 4 | हर्नामैनाँ इति त्वष्टा यदब्रवीञ्चमसं ये देवपानमिनिद्षुः अन्या नामनि कृण्वते सुते सचाँ अन्यैरेनान्कन्यार्वे नामभिः स्परत् | 5 | इन्द्रो हरी युयुजे अश्विना रथं बृहस्पतिर्विश्वरूपामुपीजत ऋभुर्विभ्वा वाजो देवाँ अगच्छत् स्वपंसो युज्ञियं भागमैतन | 6 | निश्चर्मणो गामेरिणीत धीतिभियां जरेन्ता युवृशा ताकृणोतन सौधन्वना अश्वादश्वीमतक्षत युक्त्वा रथुमुपं देवाँ अयातन | 7 | इदमुंदुकं पिंबुतेत्यंब्रवीतनेदं वा घा पिबता मुञ्जनेजेनम् सौधन्वना यदि तन्नेव हर्यथ तृतीये घा सर्वने मादयाध्वै $\parallel \mathbf{8} \parallel$ आपो भूयिष्टा इत्येको अब्रवीदुग्निर्भूयिष्ट इत्युन्यो अब्रवीत् वृध्यन्तीं बहुभ्यः प्रैको अब्रवीदृता वर्दन्तश्चम्साँ अपिंशत || 9 || श्रोणामेके उद्कं गामवजिति मांसमेकः पिंशति सूनयाभृतम् आ निमुचः शकृदेको अपोभर्गत्कं स्वित्पुत्रेभ्यः पितरा उपोवतुः **|| 10 ||** उद्घत्स्वस्मा अकृणोतना तृणं निवत्स्वपः स्वेपस्ययो नरः अगोह्यस्य यदसंस्तना गुहे तद्द्येदमृभवो नानुं गच्छथ | 11 | संमील्य यद्भवेना पर्यसर्पत के स्वित्तात्या पितरा व आसतुः अशेपत् यः कुरस्नं व आदुदे यः प्राब्नेवीत्प्रो तस्मी अब्रवीतन 12 सुषुवांसे ऋभवस्तदेपृच्छतागोह्य क इदं नो अबूबुधत् श्वानं बुस्तो बोधियुतारमब्रवीत्संवत्सुर इदमुद्या व्यख्यत | 13 | दिवा यन्ति मुरुतो भूम्याग्निर्यं वातो अन्तरिक्षेण याति अब्दिर्याति वर्रुणः समुद्रैर्युष्माँ इच्छन्तः शवसो नपातः | 14 |

ऋषिः दीर्घतमाः औचथ्यः छन्दः त्रिष्टुप् 1-2,4-5,7-22, जगती 3,6 देवता अश्वः

मा नो मित्रो वर्रुणो अर्यमायुरिन्द्रे ऋभुक्षा मुरुतः परि ख्यन्	
यद्वाजिनो देवजातस्य सप्तेः प्रवक्ष्यामो विदर्थे वीर्याणि	1
यिन्नर्णिजा रेक्णसा प्रावृतस्य रातिं गृभीतां मुख्तो नयन्ति	
सुप्रोङ्जो मेम्यद्विश्वरूप इन्द्रापूष्णोः प्रियमप्येति पार्थः	2
एष च्छार्गः पुरो अश्वीन वाजिना पूष्णो भागो नीयते विश्वदेव्यः	
अभिप्रियं यत्पुरोळाशमर्वता त्वष्टेदेनं सौश्रवसाये जिन्वति	3
यद्धविष्यमृतुशो देवयानं त्रिर्मानुषाः पर्यश्वं नयन्ति	
अत्रो पूष्णः प्रेथमो भाग एति यज्ञं देवेभ्यः प्रतिवेदयेन्नजः	4
होत्रचियुरावया अग्निमिन्धो ग्रविग्राभ उत शंस्ता सुविप्रः	
तेने युज्ञेन स्वरंकृतेन स्विष्टेन वृक्षणा आ पृणध्वम्	5
यूपव्रस्का उत ये यूपवाहाश्चषाऌं ये अश्वयूपाय तक्षीत	
ये चार्वते पर्चनं संभरेन्त्युतो तेषामिभगूर्तिर्न इन्वतु	6
उप प्रागित्सुमन्मेंऽधायि मन्मे देवानामाशा उपे वीतपृष्ठः	
अन्वेनं विप्रा ऋषेयो मदन्ति देवानां पुष्टे चेकृमा सुबन्धुम्	7
यद्वाजिनो दामे संदानमर्वतो या शीर्ष्ण्यो रशुना रज्जुरस्य	
यद्वी घास्य प्रभृतमास्ये्ें तृणुं सर्वा ता ते अपि देवेष्वस्तु	8
यदश्वस्य क्रविषो मक्षिकाश् यद्वा स्वरौ स्वधितौ रिप्तमस्ति	
यद्धस्तयोः शमितुर्यन्नखेषु सर्वा ता ते अपि देवेष्वस्तु	9
यदूर्वध्यमुदरस्याप्वाति य आमस्य क्रविषो गुन्धो अस्ति	
सुकृता तच्छीमितारेः कृण्वन्तूत मेधं शृत्पाकं पचन्तु	10
यत्ते गात्रदिग्निना पच्यमानादिभ शूलुं निहेतस्यावधावीत	
मा तद्भम्यामा श्रिष्-मा तृणेषु देवेभ्यस्तदुशद्धौ रातमस्तु	11
ये वाजिनं परिपश्यन्ति पृकं य ईमाहुः सुरिभिर्निर्हरेति	
ये चार्वतो मांसभिक्षामुपासेत उतो तेषामिभगूर्तिर्न इन्वतु	12
यन्नीक्षणं मांस्पर्चन्या उखाया या पात्राणि यूष्ण आसेर्चनानि	
ऊष्मुण्यपिधाना चरूणामुङ्काः सूनाः परि भूष्वन्त्यश्वम्	13
निक्रमणं निषदेनं विवर्तनं यञ्च पङ्गीशमवीतः	
यच्चे पुपौ यच्चे घासिं जुघास् सर्वा ता ते अपि देवेष्वस्तु	14
मा त्वाग्निर्ध्वनयीद्भूमगन्धिर्मोखा भ्राजन्त्यभि विक्त जिद्रीः	

इष्टं वीतम्भिगूर्तं वर्षद्भृतं तं देवासः प्रति गृभ्णन्त्यश्वम्	15	
यदश्वीय वासे उपस्तृणन्त्येधीवासं या हिरेण्यान्यस्मै		
स्ंदान्मर्वन्तं पड्बीशं प्रिया देवेष्वा यामयन्ति	16	
यत्ते सादे महसा शूकृतस्य पाष्ण्यां वा कशया वा तुतोदे		
सुचेव ता ह्विषो अध्वरेषु सर्वा ता ते ब्रह्मणा सूदयामि	17	
चतुंस्त्रिंशद्धाजिनो देवबेन्धोर्वङ्क्रीरश्वस्य स्वधितिः समेति		
अच्छिद्रा गात्री वयुनी कृणोत् पर्रुष्परुरनुघुष्या वि शस्त	18	
एकस्त्वष्टुरश्वस्या विश्सता द्वा यन्तारा भवत्स्तर्थ ऋतुः		
या ते गात्रीणामृतुथा कृणोमि ताता पिण्डीनां प्र जुहोम्युग्नौ	19	
मा त्वां तपत्रिय आत्मापियन्तुं मा स्वधितिस्तुन्वर्ं आ तिष्ठिपत्ते		
मा ते गृधुरविश्रस्तातिहाये छिद्रा गात्रीण्यसिना मिथू कः	20	
न वा उं एतन्प्रियसे न रिष्यसि देवाँ इदेषि पृथिभिः सुगेभिः		
हरीं ते युञ्जा पृषेती अभूतामुपस्थिाद्वाजी धुरि रासंभस्य	21	
सुगव्यं नो वाजी स्वश्व्यं पुंसः पुत्राँ उत विश्वापुषं रयिम्		
अनागास्त्वं नो अदितिः कृणोतु क्ष्त्रं नो अश्वौ वनतां हृविष्मान्	22	

(13) 163 (म.1, अनु.22)

ऋषिः दीर्घतमाः औचथ्यः छन्दः त्रिष्टुप् देवता अश्वः

यदक्रेन्दः प्रथमं जायेमान उद्यन्त्समुद्रादुत वा पुरीषात् श्येनस्य पक्षा हिर्णस्य बाहू उपस्तुत्यं मिह जातं ते अर्वन् 1 1 यमेने दत्तं त्रित एनमायुन्गिन्द्रं एणं प्रथमो अध्यतिष्ठत् गुन्ध्वो अस्य रशुनामगृभ्णात्सूरादश्वं वसवो निरंतष्ट | 2 | असि युमो अस्यादित्यो अर्वन्नसि त्रितो गुह्यीन व्रतेनी असि सोमेन समया विपृक्त आहुस्ते त्रीणि दिवि बन्धनानि | 3 | त्रीणि त आहुर्दिवि बन्धनानि त्रीण्यप्सु त्रीण्यन्तः संमुद्रे उतेवे मे वर्रणश्छन्त्स्यर्वन्यत्री त आहः परमं जनित्रम् | 4 | इमा ते वाजिन्नव्मार्जनानीमा शुफानां सनितुर्निधानां अत्रो ते भुद्रा रेशना अपश्यमृतस्य या अभिरक्षन्ति गोपाः | 5 | आत्मानं ते मनसारादेजानामुवो दिवा पुतर्यन्तं पतुङ्गम् शिरो अपश्यं पृथिभिः सुगेभिररेणुभिर्जेहेमानं पत्तित्र | 6 | अत्रो ते रूपमृत्तममपश्यं जिगीषमाणमिष आ पदे गोः यदा ते मर्तो अनु भोगुमानुळादिद्वसिष्टु ओषंधीरजीगः | 7 | अनुं त्वा रथो अनु मर्यो अर्वृत्रनु गावोऽनु भर्गः कुनीनाम्

अनु व्रातस्रिस्तवे सुख्यमीयुरनु देवा मीमरे वीर्यं ते | 8 | हिरेण्यशृङ्गोऽयो अस्य पादा मनोजवा अर्वर इन्द्रे आसीत् देवा इदस्य हविरद्यमायन्यो अर्वन्तं प्रथमो अध्यतिष्ठत् || 9 || ईर्मान्तीसः सिलिकमध्यमासः सं शूरणासो दिव्यासो अत्योः हंसाईव श्रेणिशो यतन्ते यदाक्षिष्दिव्यमज्ममश्वाः **| 10 |**| तव शरीरं पतियुष्णवेर्वन्तवे चित्तं वार्तइव ध्रजीमान् तव् शृङ्गीण् विष्ठिता पुरुत्रारंण्येषु जर्भुराणा चरन्ति | 11 | उप प्रागाच्छसेनं वाज्यवी देवद्रीचा मनेसा दीध्यानः अजः पुरो नीयते नाभिरस्यानुं पृश्चात्क्वयों यन्ति रेभाः | 12 | उपु प्रागीत्पर्मं यत्सुधस्थमर्वो अच्छी पितरं मातरं च अद्या देवाञ्चष्टतम्रो हि गुम्या अथा शास्ति दाशुषे वार्याणि | 13 | 164 (म.1, अनु.22)

ऋषिः दीर्घतमाः औचथ्यः छन्दः त्रिष्टुप् 1-11,13-14,16-22,24-28,30-35,37-40,43-5 0,52 जगती 12,15,23,29,36,41, प्रस्तारपङ्किः 42, अनुष्टुप् 51, देवता विश्वे देवाः 1-41, वागापः 42, शकधूमसोमौ 43, अग्निसूर्यवायवः 44, वाक् 45, सूर्यः 46-47,संवत्सर-कालचक्रम् 48, सरस्वती 49, साध्याः 50, सूर्यः पर्जन्यः अग्नयः वा 51, सरस्वान् सूर्यः वा 52

(52)

अस्य वामस्य पिलतस्य होतुस्तस्य भ्राता मध्यमो अस्त्यश्नः तृतीयो भार्ता घृतपृष्ठो अस्यात्रीपश्यं विश्पितं सुप्तपृत्रम् \parallel 1 \parallel सप्त युञ्जन्ति रथमेकचक्रमेको अश्वो वहति सप्तनीमा त्रिनाभि चक्रम्जरमनुर्वं यत्रेमा विश्वा भुवनाधि तुस्थुः | 2 | इमं रथमध् ये सप्त तस्थुः सप्तचेक्रं सप्त वेहन्त्यश्वीः सप्त स्वसारो अभि सं नेवन्ते यत्र गवां निहिता सप्त नाम | 3 | को देदर्श प्रथमं जायमानमस्थन्वन्तं यदेन्स्था बिर्भित भूम्या असुरसृंगात्मा के स्वित्को विद्वांसमुपं गात्प्रष्टुंमेतत् | 4 | पाकेः पृच्छाम् मनुसाविजानन्देवानमिना निहिता पुदानि वृत्से बुष्कयेऽधि सुप्त तन्तून्वि तिन्नरे कुवयु ओतुवा उ | 5 | अचिकित्वाञ्चिकितुषेश्चिदत्रे क्वीन्यृच्छामि विद्यने न विद्वान् वि यस्तुस्तम्भु षळ्या रजांस्युजस्य रूपे किमपि स्विदेकम् | 6 | इह ब्रवीतु य ईम्ङ वेदास्य वामस्य निहितं पुदं वेः शीर्ष्णाः क्षीरं दुहत्वे गावो अस्य वृद्घिं वसीना उद्कं प्दार्पुः | 7 | माता पितरमृत आ बीभाज धीत्यग्रे मनसा सं हि ज्गमे सा बीभृत्सुर्गभीरसा निविद्धा नर्मस्वन्त इदुंपवाकमीयुः | 8 |

युक्ता मातासीद्धुरि दक्षिणाया अतिष्ठद्गभी वृज्नीष्वन्तः		-
अमीमेद्वत्सो अनु गामेपश्यद्विश्वरूप्यं त्रिषु योजेनेषु	9	
तिस्रो मातॄस्त्रीन्पितॄन्बिभ्रदेके ऊर्ध्वस्तस्थौ नेमवे ग्लापयन्ति		-
मुन्त्रयन्ते दिवो अमुष्यं पृष्ठे विश्वविदं वाचुमविश्वमिन्वाम्	10	
द्वादेशारं नुहि तज्जराय वर्वीर्त चुक्रं पिर द्यामृतस्य		1
आ पुत्रा अंग्ने मिथुनासो अत्रे सप्त शतानि विंशतिश्चे तस्थुः	11	
पञ्चपादं पितरं द्वादेशाकृतिं दिव आहुः परे अर्धे पुरीषिणीम्		1
अथेमे अन्य उपरे विचक्षणं सप्तचेक्रे षळेर आहुर्रापेतम्	12	2
पञ्चरि चक्रे पीर्वितीमाने तस्मिन्ना तस्थुर्भुवीनानि विश्वी		1
तस्य नाक्षेस्तप्यते भूरिभारः सनादेव न शीर्यते सनीभिः	13	3
सनेमि चक्रम्जरं वि वविृत उत्तानायां दश युक्ता वेहन्ति		1
सूर्यस्य चक्षु रजेसैत्यावृतं तस्मिन्नापिता भुवनानि विश्वा	14	.
साकंजानां सप्तर्थमाहुरेकुजं षळिद्यमा ऋषेयो देवुजा इति		1
तेषामिष्टानि विहितानि धामुशः स्थात्रे रेजन्ते विकृतानि रूपुशः	15	5
स्त्रियः स्तीस्ताँ उ मे पुंस आहुः पश्यदक्षण्वान्न वि चेतदुन्धः		-
कुविर्यः पुत्रः स ईमा चिकेत् यस्ता विजानात्स पितुष्पितासेत्	16	5
अवः परेण पुर एनावरेण पुदा वृत्सं बिभ्रेती गौरुदस्थात्		1
सा कुद्रीची कं स्विदर्धं परागात्क स्वित्सूते नृहि यूथे अन्तः	17	7
अवः परेण पितरं यो अस्यानुवेदे पर एनावरेण		-
कुर्वीयमनिः क इह प्र वीचद्देवं मनः कुतो अधि प्रजीतम्	18	3
ये अर्वाञ्चस्ताँ उ पराच आहुर्ये पराञ्चस्ताँ उ अर्वाचे आहुः		1
इन्द्रेश्च या चुक्रर्थुः सोम् तानि धुरा न युक्ता रजसो वहन्ति	19	
द्वा सुपूर्णा स्युजा सखीया समानं वृक्षं परि षस्वजाते		1
तयोर्न्यः पिप्पेलं स्वाद्वत्त्यनिश्चन्नुन्यो अभि चकिशीति	20	
यत्री सुपूर्णा अमृतस्य भागमिनमेषं विद्याभिस्वरेन्ति		1
इनो विश्वस्य भुवनस्य गोपाः स मा धीरः पाकमत्रा विवेश	21	
यस्मिन्वृक्षे मुध्वदेः सुपूर्णा निविशन्ते सुवते चाधि विश्वे		1
तस्येदीहुः पिप्पेलं स्वाद्वग्रे तन्नोन्नेशृद्यः पि॒तरं न वेदे	22	2
यद्गीयुत्रे अधि गायुत्रमाहित्ं त्रैष्टुंभाद्वा त्रैष्टुंभं नि्रतेक्षत		1
यद्वा जगुज्जगुत्याहितं पुदं य इत्तद्विदुस्ते अमृतुत्वमीनशुः	23	3
गायत्रेण प्रति मिमीते अर्कमुर्केण साम् त्रैष्टुंभेन वाकम्		

वाकेने वाकं द्विपदा चतुष्पदाक्षरेण मिमते सप्त वाणीः	24	
जर्गता सिन्धुं दिव्यस्तभायद्रथंतरे सूर्यं पर्यपश्यत्		1
गायत्रस्ये समिर्धस्तिस्र औहुस्ततों मुह्ना प्र रिरिचे महित्वा	25	
उपं ह्वये सुदुघां धेनुमेतां सुहस्तो गोधुगुत दोहदेनाम्		1
श्रेष्ठं सुवं सिविता साविषन्नोऽभीद्धो घुर्मस्तदु षु प्र वोचम्	26	
हिङ्कृण्वती वसुपत्नी वसूनां वृत्सिम्च्छन्ती मनसाभ्यागीत्		1
दुहामुश्विभ्यां पयो अघ्न्येयं सा वर्धतां महते सौभेगाय	27	
गौरमीमेदनु वृत्सं मिषन्तं मूर्धानं हिड्डकृणोन्मात्वा उ		
सृक्वीणं घुर्ममुभि वविशाना मिमिति मायुं पर्यते पर्योभिः	28	
अयं स शिङ्के येन गौरभीवृता मिमति मायुं ध्वसनावधि श्रिता		
सा चित्तिभिर्नि हि चुकार मर्त्यं विद्युद्धवेन्ती प्रति वृत्रिमौहत	29	
अनच्छेये तुरगति जीवमेजेद्धुवं मध्य आ पस्त्यानाम्		
जीवो मृतस्यं चरित स्वधाभिरमर्त्यो मर्त्येना सयोनिः	30	
अपेश्यं गोपामनिपद्यमानुमा च परो च पृथिभिश्चरेन्तम्		
स सुध्रीचीः स विषूचीर्वसीन् अ वरीवर्ति भुवनेष्वन्तः	31	
य ईं चुकार न सो अस्य वेंद्र य ईं दुदर्श हिरुगिन्नु तस्मति		
स मातुर्योना परिवीतो अन्तर्बहुप्रजा निर्ऋतिमा विवेश	32	
द्यौमें पिता जिन्ता नाभिरत्र बन्धुमें माता पृथिवी महीयम्		
उत्तानयोश्चम्बोर्३र्योनिरन्तरत्रो पिता दुहितुर्गर्भमाधीत्	33	
पृच्छामि त्वा परमन्तं पृथिव्याः पृच्छामि यत्र भुवेनस्य नाभिः		1
पृच्छामि त्वा वृष्णो अश्वस्य रेतः पृच्छामि वाचः पेर्मं व्योम	34	
इयं वेदिः परो अन्तः पृथिव्या अयं यज्ञो भुवनस्य नाभिः		1
अयं सोमो वृष्णो अश्वस्य रेतो ब्रह्मायं वाचः पर्मं व्योम	35	
सुप्तार्धंगुर्भा भुवेनस्य रेतो विष्णोस्तिष्ठन्ति प्रदिशा विर्धर्मणि		1
ते धीतिभिर्मनसा ते विपश्चितः परिभुवः परि भवन्ति विश्वतः	36	
न वि जोनामि यदिवेदमस्मि निण्यः संनेद्धो मनेसा चरामि		1
युदा मार्गन्प्रथमुजा ऋतस्यादिद्वाचो अश्रुवे भागमुस्याः	37	
अपाङ् प्राङेति स्वधयां गृभीतोऽमेर्त्यो मर्त्येना सयोनिः		1
ता शश्वन्ता विषूचीना वियन्ता न्यर्न्यं चिक्युर्न नि चिक्युर्न्यम्	38	
ऋचो अक्षरे परमे व्योमन्यस्मिन्देवा अधि विश्वे निषेदुः		1
यस्तन्न वेद किमृचा केरिष्यति य इत्तद्धिदुस्त इमे समसिते	39	
सूयवसाद्भगवती हि भूया अथो वयं भगवन्तः स्याम		1

	अद्धि तृणमध्ये विश्वदानीं पिबे शुद्धमुदकमाचरन्ती		40	
	गौरीर्मिमाय सल्लिलानि तक्षत्येकेपदी द्विपदी सा चतुंष्पदी			1
	अष्टापेदी नवेपदी बभूवुषी सहस्रोक्षरा पर्मे व्योमन्		41	
	तस्याः समुद्रा अधि वि क्षरन्ति तेने जीवन्ति प्रदिश्श्वतस्रः			1
	तर्तः क्षरत्यक्षरं तद्विश्वमुपं जीवति		42	
	शकुमयं धूममारादेपश्यं विषूवता पुर एनावरेण			1
	उक्षाणुं पृश्निमपचन्त वीरास्तानि धर्माणि प्रथमान्यसिन्		43	
	त्रयेः केशिनं ऋतुथा वि चेक्षते संवत्सरे वेपत् एकं एषाम्			1
	विश्वमेको अभि चेष्टे शचीभिर्ध्राजिरेकस्य ददृशे न रूपम्		44	
	चत्वारि वाक्परिमिता पुदानि तानि विदुर्ब्राह्मणा ये मेनीषिणीः			1
	गुहा त्रीणि निर्हिता नेङ्गयन्ति तुरीयं वाचो मनुष्या वदन्ति		45	
	इन्द्रं मित्रं वर्रुणमृग्निमाहुरथो दिव्यः स सुपूर्णो गुरुत्मीन्			1
	एकं सिद्धप्री बहुधा वेदन्त्यृग्निं युमं मतिरिश्वीनमाहुः		46	
	कृष्णं नियानं हर्रयः सुपूर्णा अपो वसाना दिवमुत्पेतन्ति			1
	त आवेवृत्रन्त्सदेनादृतस्यादिद्भृतेने पृथि्वी व्युद्यते		47	
	द्वादेश प्रधयश्चक्रमेकुं त्रीणि नभ्यानि क उ तिच्चिकेत			
	तस्मिन्त्साकं त्रिश्वता न शङ्कवोऽर्पिताः षृष्टिर्न चेलाच्लासः		48	
	यस्ते स्तर्नः शश्यो यो मेयोभूर्येन् विश्वा पुष्येसि वार्याणि			1
	यो रेत्वधा वसुविद्यः सुदत्रः सरस्वित् तिमह धार्तवे कः		49	
	युज्ञेन युज्ञमयजन्त देवास्तानि धर्माणि प्रथमान्यासन्			1
	ते हु नाकं मिहुमानः सचन्तु यत्रु पूर्वे साध्याः सन्ति देवाः		50	
	समानमेतर्दुदकमुञ्जैत्यव चार्हभिः			1
	भूमिं पुर्जन्या जिन्वन्ति दिवं जिन्वन्त्युग्नयः		51	
	दिव्यं सुपूर्णं वायसं बृहन्तमपां गभी दर्शतमोषधीनाम्			1
	अभीपतो वृष्टिभिस्तुर्पयन्तुं सरस्वन्तुमवसे जोहवीमि		52	
(15)	165		(1	प. 1 , अनु. 23)
ऋषिः इ	न्द्रः 1-2,4,6,8,10-12, मरुतः 3,5,7,9, अगस्त्यः मैत्रावरुणिः 13 -1	5		छन्दः त्रिष्टुप्
	देवता मरुत्वान् इन्द्रः			
	कर्या शुभा सर्वयसुः सनीळाः समान्या मुरुतुः सं मिमिक्षुः			1

कयां शुभा सर्वयसः सनीळाः समान्या मुरुतः सं मिमिक्षः । कयां मृती कृत् एतांस एतेऽचीन्त् शुष्मं वृषणो वसूया ॥ 1 ॥ कस्य ब्रह्मणि जुजुषुर्युवानः को अध्वरे मुरुत् आ वेवर्त

श्येनाँईव ध्रजीतो अन्तरिक्षे केनी मुहा मनीसा रीरमाम	2
कुतुस्त्विमिन्द्र माहिनुः सन्नेको यासि सत्पते किं ते इत्था	2
सं पृच्छसे समराणः शुभानैर्वोचेस्तन्नो हरिवो यत्ते अस्मे	3
· · · · · · · · · · · · · · · · · · ·	3
ब्रह्मणि मे मृतयः शं सुतासः शुष्मे इयर्ति प्रभृतो मे अद्रिः	1 . 11
आ शासते प्रति हर्यन्त्युक्थेमा हरी वहत्स्ता नो अच्छी	4
अतौ व्यमन्त्मेभिर्युजानाः स्वक्षेत्रेभिस्तुन्वर्षः शुम्भेमानाः	
महोभिरेताँ उप युज्महे न्विन्द्रे स्वधामनु हि नो बुभूर्थ	5
कर्ं स्या वो मरुतः स्वधासीद्यन्मामेकं समर्धत्ताहिहत्ये	l
अहं ह्युर्प्रस्तिविषस्तुविष्मान्विश्वस्य शत्रोरनेमं वध्स्नैः	6
भूरि चकर्थ युज्येभिरस्मे समानेभिर्वृषभ् पौंस्येभिः	1
भूरीणि हि कृणवीमा शविष्ठेन्द्र क्रत्वी मरुतो यद्वशीम	7
वधीं वृत्रं मेरुत इन्द्रियेणु स्वेनु भामेन तिवृषो बंभूवान्	1
अहमेता मनेवे विश्वश्चन्द्राः सुगा अपश्चकर् वर्ज्रबाहुः	8
अनुत्तमा ते मघवृत्रकिर्नु न त्वावाँ अस्ति देवता विदानः	1
न जायमानो नशते न जातो यानि करिष्या कृणुहि प्रवृद्ध	9
एकस्य चिन्मे विभ्वरंस्त्वोजो या नु देधृष्वान्कृणवै मनीषा	1
अहं ह्युरंग्रो मेरुतो विदानो यानि च्यविमन्द्र इदीश एषाम्	10
अमेन्दन्मा मरुतः स्तोमो अत्र यन्मे नरः श्रुत्यं ब्रह्म चुक्र	1
इन्द्रीय वृष्णे सुर्मखाय मह्यं सख्ये सखीयस्तुन्वे तुनूभिः	11
एवेदेते प्रति मा रोचमाना अनेद्यः श्रव एषो दधीनाः	1
सुंचक्ष्यो मरुतश्चन्द्रवेर्णा अच्छन्ति मे छुदयोथा च नूनम्	12
को न्वत्रं मरुतो मामहे वुः प्र यतिन् सर्खीरच्छा सखायः	1
मन्मानि चित्रा अपिवातयेन्त एषां भूत नवेदा म ऋतानीम्	13
आ यद्वेवस्याद्ववसे न कारुरस्माञ्चक्रे मान्यस्य मेधा	15
ओ षु वर्त्त मरुतो विप्रमच्छेमा ब्रह्मणि जरिता वौ अर्चत्	14
एष वुः स्तोमो मरुत इयं गीर्मान्दार्यस्य मान्यस्य कारोः	14
एषा यसिष्ट तुन्वे वयां विद्यामेषं वृजनं जीरदीनुम्	15
। इति द्वितीयाष्टके तृतीयोऽध्यायः समाप्तः ।	

ऋषिः अगस्त्यः मैत्रावरुणिः छन्दः जगती 1-13, त्रिष्टुप् 14-15 देवता मरुतः

(15)

तत्रु वोचाम रभुसाय जन्मेने पूर्वं महित्वं वृष्भस्य केतवे ऐधेव यामेन्मरुतस्तुविष्वणो युधेवे शक्रास्तविषाणि कर्तन $\parallel \mathbf{1} \parallel$ नित्यं न सूनुं मधु बिभ्रत उप क्रीळेन्ति क्रीळा विदथेषु घृष्वेयः नक्षन्ति रुद्रा अवसा नमुस्विनं न मेर्धन्ति स्वतेवसो हिव्ष्कृतेम् | 2 | यस्मा ऊमासो अमृता अरासत रायस्पोषं च हविषा ददाशृषे उक्षन्त्यस्मै मुरुतौ हिताईव पुरू रजांसि पर्यसा मयोभुवीः | 3 | आ ये रजांसि तर्विषीभिरव्यंत प्र व एवासः स्वयंतासो अध्रजन् भयन्ते विश्वा भुवनानि हुम्या चित्रो वो यामुः प्रयंतास्वृष्टिषु || 4 || यत्त्वेषयामा नदयन्त पर्वतान्दिवो वो पृष्ठं नर्या अचुच्यवुः विश्वों वो अज्मेन्भयते वनुस्पतीं रथीयन्तीव प्र जिहीत् ओषेधिः | 5 | यूयं ने उग्रा मरुतः सुचेतुनारिष्टग्रामाः सुमृतिं पिपर्तन यत्री वो दिद्युद्रदेति क्रिविर्दती रिणाति पृश्वः सुधितेव ब्र्हणा | 6 | प्र स्कम्भदेष्णा अनवभरिधसोऽलातृणासो विद्येषु सुष्टुताः अर्चन्त्युर्कं मेद्रिरस्यं पीतये विदुर्वीरस्यं प्रथमानि पौंस्या | 7 | श्तभुजिभिस्तम्भिह्वतेर्घात्पूभी रक्षता मरुतो यमावत जनुं यमुग्रास्तवसो विरप्शिनः पाथना शंसात्तनयस्य पुष्टिषु $\parallel \mathbf{8} \parallel$ विश्वानि भुद्रा मेरुतो रथेषु वो मिथुस्पृध्येव तविषाण्याहिता अंसेष्वा वः प्रपेथेषु खादयोऽक्षो वश्रुक्रा समया वि वविृते || 9 || भूरीणि भुद्रा नर्येषु बाहुषु वक्षेःसु रुक्मा रेभुसासी अञ्जयः अंसेष्वेताः पविषु क्षुरा अधि वयो न पक्षान्व्यनु श्रियो धिरे **| 10 |**| मुहान्तों मुह्ना विभ्वों विभूतयो दूरेहशो ये दिव्या ईव स्तृभिः म्न्द्राः सुजि्ह्वाः स्वरितार आसिभः संमिश्ला इन्द्रे म्रुतः परि्षुभः ॥ 11 ॥ तद्रीः सुजाता मरुतो महित्वनं दीर्घं वो दात्रमदितेरिव ब्रुतम् इन्द्रेश्चन त्यर्जसा वि हुणाति तज्जनीय यस्मै सुकृते अरोध्वम् | 12 | तद्वौ जामित्वं मेरुतः परे युगे पुरू यच्छंसममृतास आवीत अया धिया मनेवे श्रुष्टिमाव्या साकं नरो दंसनैरा चिकित्रिरे | 13 | येने द्वीर्घं मेरुतः शूशवीम युष्माकेन् परीणसा तुरासः आ यत्ततनेन्वृजने जनांस एभिर्यज्ञेभिस्तद्भीष्टिमश्याम् | 14 |

	एष वः स्तोमो मरुत	इयं गीर्मान्दार्यस्ये मान्यस्ये कारोः	I
	एषा यसिोष्ट तुन्वे वय	ां विद्यामेषं वृजनं जीरदोनुम्	15
(11)		167	(म.1, अनु.23)
ऋषिः अ	गस्त्यः मैत्रावरुणिः	छन्दः त्रिष्टुप्	देवता इन्द्रः 1, मरुतः 2-11
		ः सहस्रुमिषो हरिवो गूर्तत्रमाः	
		सहस्रिण् उप नो यन्तु वाजाः	1
		गन्त्वच्छा ज्येष्ठेभिर्वा बृहिद्ववैः सुमाय	Π:
		रमाः समुद्रस्य चिद्धनयन्त पारे	2
	_	वृताची हिरण्यनिर्णिगुपरा न ऋष्टिः	l
	गुहा चरन्ती मनुषो न	योषां सुभावती विदुथ्येव सं वाक्	3
	-	व्या सोधारुण्येव मुरुतो मिमिक्षुः	
		घोरा जुषन्त वृधं सख्यायं देवाः	4
	_	मै विषितस्तुका रोदुसी नृमणीः	
	-	' गात्त्वेषप्रतीका नर्भसो नेत्या	5
	आस्थापयन्त युवृति य	गुर्वानः शुभे निर्मिश्लां विदथेषु पुजाम	Í l
	अको यद्वी मरुतो हुवि	त्रष्मानाार्यद्वाथं सुतसोमो दुवस्यन्	6
		ो य एषां मुरुतां महिमा सुत्यो अस्ति	† 1
	सचा यदीं वृषमणा अ	गहुंयुः स्थिरा चिज्जनीर्वहेते सुभागाः	7
		द्याच्चयेत ईमर्यमो अप्रशस्तान्	
	उत च्यवन्ते अच्युता	ध्रुवाणि वावृध ईं मरुतो दातिवारः	8
	नुही नु वो मरुतो अ	त्यस्मे आरात्ताञ्चिच्छवेसो अन्तेमापुः	
	ते धृष्णुना शर्वसा शूः	गुवांसोऽर्णो न द्वेषो धृष्ता परि ष्टुः	9
	वयम्द्येन्द्रेस्य प्रेष्ठा वय	ं श्वो वोचेमहि समुर्ये	
	व्ययं पुरा मिह च नो	अनु द्यून्तन्ने ऋभुक्षा नुरामनुं ष्यात्	10
	एष वः स्तोमो मरुत	इयं गीर्मान्दार्यस्य मान्यस्य कारोः	
	एषा यसिीष्ट तुन्वे वय	ां विद्यामेषं वृजनं जीरदोनुम्	11
(10)		168	(म.1, अनु.23)
ऋषिः ३	नगस्त्यः मैत्रावरुणिः	छन्दः जगती 1-7 त्रिष्टुप् 8-10	देवता मरुतः
	युज्ञायंज्ञा वः समुना व	नुतुर्वणिर्धियंधियं वो देवया उ दिधध्य	त्रे ।
	आ वोऽर्वाचीः सुविता	य रोदेस्योर्म्हे वेवृत्यामवेसे सुवृक्ति	भेः ॥ 1 ॥
	व्वव्रासो न ये स्वजाः	स्वतंवस् इषं स्वरिभ्जायन्त् धूतयः	

	सहस्रियसो अपां नोर्मये आसा गावो वन्द्यसो नोक्षणीः	2
	सोमसाे न ये सुतास्तृप्तांशिवो हृत्सु पीतासो दुवसाे नासते	1
	एेषामंसेषु रम्भिणीव रारभे हस्तेषु खादिश्च कृतिश्च सं देधे	3
	अव स्वयुक्ता दिव आ वृथा ययुरमर्त्याः कशया चोदत् त्मना	1
	<u>अर</u> ेणवस्तुविजाता अचुच्यवुर्द्दळहानि चिन्मुरुतो भ्राजेदृष्टयः	4
	को वोऽन्तर्मरुत ऋष्टिविद्युतो रेजित् त्मना हन्वेव जिह्नया	1
	धन्वच्युतं इषां न यामेनि पुरुप्रैषां अहन्योर्३ नैतंशः	5
	क्रे स्विदुस्य रजेसो मृहस्परं कार्वरं मरुतो यस्मिन्नाय्य	1
	यझ्यावयेथ विथुरेव संहितं व्यद्रिणा पतथ त्वेषमेर्ण्वम्	6
	सातिर्न वोऽमेवती स्वेवती त्वेषा विपोका मरुतः पिपिष्वती	1
	भुद्रा वो रातिः पृणुतो न दक्षिणा पृथुज्रयी असुर्येव जर्ञ्चती	7
	प्रति ष्टोभन्ति सिन्धेवः पविभ्यो यदुभ्रियां वाचेमुदीरयन्ति	1
	अवे स्मयन्त विद्युतः पृथिव्यां यदी घृतं मुरुतः प्रुष्णुवन्ति	8
	असूत पृश्निर्महृते रणाय त्वेषम्यासां मुरुतामनीकम्	1
	ते सेप्सरासोऽजनयुन्ताभ्वमादित्स्वधामिषिरां पर्यपश्यन्	9
	एष वः स्तोमो मरुत इयं गीर्मान्दार्यस्य मान्यस्य कारोः	1
	एष वः स्तोमो मरुत इयं गीर्मान्दार्यस्य मान्यस्य कारोः एषा यसिष्ट तुन्वे वयां विद्यामेषं वृजनं जीरदीनुम्	 10
(8)		 10 (म.1, अनु.23)
	एषा यसिष्ट तुन्वे वयां विद्यामेषं वृजनं जीरदीनुम् 169 अगस्त्यः मैत्रावरुणिः छन्दः त्रिष्टुप् 1,3-8, चतुष्पदा विराट् 2 महश्चित्त्विमन्द्र यत एतान्महश्चिदिस् त्यजसो वरूता	(म.1, अनु.23)
	एषा यसिष्ट तुन्वे वयां विद्यामेषं वृजनं जीरदीनुम् 169 अगस्त्यः मैत्रावरुणिः छन्दः त्रिष्टुप् 1,3-8, चतुष्पदा विराट् 2 महश्चित्त्विमन्द्र यत एतान्मुहश्चिदिस् त्यर्जसो वरूता स नो वेधो मुरुतां चिकित्वान्त्सुम्ना वेनुष्व तव हि प्रेष्ठां	(म.1, अनु.23)
	एषा यसिष्ट तुन्वे वयां विद्यामेषं वृजनं जीरदीनुम् 169 अगस्त्यः मैत्रावरुणिः छन्दः त्रिष्टुप् 1,3-8, चतुष्पदा विराट् 2 महश्चित्त्विमेन्द्र यत एतान्मृहश्चिदिस् त्यर्जसो वरूता स नो वेधो मुरुतां चिकित्वान्त्सुम्ना वेनुष्व तव हि प्रेष्ठी अर्युज्रुन्त ईन्द्र विश्वकृष्टीर्विदानासो निष्पिधो मर्त्य्त्रा	(म.1, अनु.23) देवता इन्द्रः 1
	एषा यसिष्ट तुन्वे वयां विद्यामेषं वृजनं जीरदीनुम् 169 अगस्त्यः मैत्रावरुणिः छन्दः त्रिष्टुप् 1,3-8, चतुष्पदा विराट् 2 महश्चित्त्विमेन्द्र यत एतान्मृहश्चिदिस् त्यर्जसो वरूता स नो वेधो मुरुतां चिकित्वान्त्सुम्ना वेनुष्व तव हि प्रेष्ठी अर्युज्रन्त ईन्द्र विश्वकृष्टीविद्वानासो निष्पिधो मर्त्यत्रा मुरुतां पृत्सुतिहर्सिमाना स्वर्मीळहस्य प्रधनस्य सातौ	(म.1, अनु.23) देवता इन्द्रः ।
	एषा यसिष्ट तुन्वे वयां विद्यामेषं वृजनं जीरदोनुम् 169 अगस्त्यः मैत्रावरुणिः छन्दः त्रिष्टुप् 1,3-8, चतुष्पदा विराट् 2 महश्चित्त्विमेन्द्र यत एतान्मृहश्चिदिस् त्यर्जसो वरूता स नो वेधो मुरुतां चिकित्त्वान्त्सुम्ना वेनुष्व तव हि प्रेष्ठी अर्युज्रन्त ईन्द्र विश्वकृष्टीविद्वानासो निष्पिधो मर्त्यत्रा मुरुतां पृत्सुतिहर्सिमाना स्वर्मीळहस्य प्रधनस्य सातौ अम्यक्सा ते इन्द्र ऋष्टिरुस्मे सनेम्यभ्वं मुरुतो जुनन्ति	(म.1, अनु.23) देवता इन्द्रः 1
	एषा यसिष्ट तुन्वे व्यां विद्यामेषं वृजनं जीरदोनुम् 169 अगस्त्यः मैत्रावरुणिः छन्दः त्रिष्टुप् 1,3-8, चतुष्पदा विराट् 2 महश्चित्त्विमेन्द्र यत एतान्मृहश्चिदिस् त्यर्जसो वरूता स नो वेधो म्रुतां चिकित्त्वान्त्सुम्ना वेनुष्व तव हि प्रेष्ठी अर्युज्रन्त ईन्द्र विश्वकृष्टीविद्वानासो निष्प्रिधो मर्त्यत्रा म्रुतां पृत्सुतिर्हासमाना स्वर्मीळ्हस्य प्रधनस्य सातौ अम्यक्सा त इन्द्र ऋष्टिरुस्मे सनेम्यभ्वं म्रुरुतो जुनन्ति अग्निश्चिद्ध ष्मात् से शुशुकानापो न द्वीपं दर्धति प्रयांसि त्वं तू न इन्द्र तं र्यिं दा ओजिष्ठया दिक्षणयेव रातिम्	(म.1, अनु.23) देवता इन्द्रः 1 2
	एषा यसिष्ट तुन्वे व्यां विद्यामेषं वृजनं जीरदीनुम् 169 अगस्त्यः मैत्रावरुणिः छन्दः त्रिष्टुप् 1,3-8, चतुष्पदा विराट् 2 महश्चित्त्विमेन्द्र यत एतान्मृहश्चिदिस् त्यर्जसो वरूता स नो वेधो मरुतां चिकित्त्वान्त्सुम्ना वेनुष्व तव हि प्रेष्ठी अर्युज्रन्त ईन्द्र विश्वकृष्टीर्विदानासो निष्प्रिधो मर्त्यत्रा मरुतां पृत्सुतिर्हासमाना स्वर्मीळ्हस्य प्रधनस्य सातौ अम्यक्सा ते इन्द्र ऋष्टिरसमे सनेम्यभ्वं मरुतो जुनन्ति अग्निश्चिद्ध ष्मात् से शुशुकानापो न द्वीपं दर्धति प्रयांसि त्वं तू ने इन्द्र तं र्यिं दा ओजिष्ठया दि्ष्मणयेव रातिम् स्तुतेश्च यास्ते चकनेन्त वायोः स्तनं न मध्वः पीपयन्त वाजैः	(म.1, अनु.23) देवता इन्द्रः 1 2
	एषा यसिष्ट तन्वे वयां विद्यामेषं वृजनं जीरदीनुम् 169 अगस्त्यः मैत्रावरुणः छन्दः त्रिष्टुप् 1,3-8, चतुष्पदा विराट् 2 महश्चित्त्विमिन्द्र यत एतान्महश्चिदिस् त्यजेसो वरूता स नो वेधो मुरुतां चिकित्वान्त्सुम्ना वेनुष्व तव हि प्रेष्ठी अर्युज्रन्त ईन्द्र विश्वकृष्टीर्विद्यानासो निष्प्रधो मर्त्युत्रा मुरुतां पृत्सुतिर्हासमाना स्वर्मीळ्हस्य प्रधनस्य सातौ अम्यक्सा त इन्द्र ऋष्टिर्स्म सनेम्यभ्वं मुरुतो जुनन्ति अग्निश्चिद्ध ष्मात्से शुशुकानापो न द्वीपं दर्धति प्रयांसि त्वं तू न इन्द्र तं र्यिं दा ओजिष्ठया दक्षिणयेव रातिम् स्तुत्रश्च यास्ते चकनेन्त वायोः स्तनं न मध्वः पीपयन्त वाजैः त्वे रायं इन्द्र तोशत्नमाः प्रणेतारः कस्यं चिद्दतायोः	(म.1, अनु.23) देवता इन्द्रः
	एषा यसिष्ट तन्वे वयां विद्यामेषं वृजनं जीरदीनुम् 169 अगस्त्यः मैत्रावरुणिः छन्दः त्रिष्टुप् 1,3-8, चतुष्पदा विराट् 2 महश्चित्त्विमेन्द्र यत एतान्महश्चिदिस् त्यर्जसो वरूता स नो वेधो मुरुतां चिकित्त्वान्त्सुम्ना वेनुष्व तव हि प्रेष्ठां अर्युज्ञन्त ईन्द्र विश्वकृष्टीर्विद्यानासो निष्ठिधो मर्त्य्त्रा मुरुतां पृत्सुतिर्हासमाना स्वर्मीळ्हस्य प्रधनस्य सातौ अम्यक्सा ते इन्द्र ऋष्टिरुस्मे सनेम्यभ्वं मुरुतो जुनन्ति अग्निश्चिद्ध ष्मतिसे शुशुकानापो न द्वीपं दर्धति प्रयांसि त्वं तू ने इन्द्र तं र्यि दा ओजिष्ठया दिक्षणयेव रातिम् स्तुतेश्च यास्ते चकनेन्त वायोः स्तनं न मध्वः पीपयन्त वाजैः त्वे रायं इन्द्र तोशतिमाः प्रणेतारः कस्यं चिद्दतायोः ते षु णो मुरुतो मुळयन्तु ये स्मा पुरा गातूयन्तीव देवाः	(म.1, अनु.23)
	एषा यसिष्ट तन्वे वयां विद्यामेषं वृजनं जीरदीनुम् 169 अगस्त्यः मैत्रावरुणः छन्दः त्रिष्टुप् 1,3-8, चतुष्पदा विराट् 2 महश्चित्त्विमिन्द्र यत एतान्महश्चिदिस् त्यजेसो वरूता स नो वेधो मुरुतां चिकित्वान्त्सुम्ना वेनुष्व तव हि प्रेष्ठी अर्युज्रन्त ईन्द्र विश्वकृष्टीर्विद्यानासो निष्प्रधो मर्त्युत्रा मुरुतां पृत्सुतिर्हासमाना स्वर्मीळ्हस्य प्रधनस्य सातौ अम्यक्सा त इन्द्र ऋष्टिर्स्म सनेम्यभ्वं मुरुतो जुनन्ति अग्निश्चिद्ध ष्मात्से शुशुकानापो न द्वीपं दर्धति प्रयांसि त्वं तू न इन्द्र तं र्यिं दा ओजिष्ठया दक्षिणयेव रातिम् स्तुत्रश्च यास्ते चकनेन्त वायोः स्तनं न मध्वः पीपयन्त वाजैः त्वे रायं इन्द्र तोशत्नमाः प्रणेतारः कस्यं चिद्दतायोः	(म.1, अनु.23) देवता इन्द्रः
	एषा यसिष्ट तुन्वे वयां विद्यामेषं वृजनं जीरदीनुम् 169 अगस्त्यः मैत्रावरुणिः छन्दः त्रिष्टुप् 1,3-8, चतुष्पदा विराट् 2 महश्चित्त्वमिन्द्र यत एतान्महश्चिदिस् त्यजसो वरूता स नो वेधो मुरुतां चिकित्वान्त्सुम्ना वेनुष्व तव हि प्रेष्ठी अयुज्जन्त ईन्द्र विश्वकृष्टीविद्वानासो निष्ठिधो मर्त्य्त्रा मुरुतां एत्सुतिर्हासमाना स्वर्मीळ्हस्य प्रधनस्य सातौ अम्यक्सा त इन्द्र ऋष्टिरुस्मे सनेम्यभ्वं मुरुतो जुनन्ति अग्निश्चिद्धि ष्मात्से शुशुकानापो न द्वीपं दर्धति प्रयांसि त्वं तू न इन्द्र तं र्यिं दा ओजिष्ठया दिक्षणयेव रातिम् स्तुतश्च यास्ते चुकनेन्त वायोः स्तनं न मध्वः पीपयन्त वाजैः त्वे रायं इन्द्र तोशतिमाः प्रणेतारः कस्यं चिद्दतायोः ते षु णो मुरुतो मृळयन्तु ये स्मा पुरा गातूयन्तीव देवाः प्रति प्र यहिनद्र मीळहुषो नॄन्महः पार्थिवे सदेने यतस्व	(म.1, अनु.23)

ये मत्यं पृतनायन्तुमूमैर्ऋणावानं न पुतर्यन्तु सर्गैः	7
त्वं मानेभ्य इन्द्र विश्वजेन्या रदी मुरुद्धिः शुरुधो गोअंग्राः	1
स्तर्वानेभिः स्तवसे देव देवैर्विद्यामेषं वृजनं जीरदीनुम्	8
(5) 170	(म.1, अनु.23)
ऋषिः इन्द्रः 1,3-4, अगस्त्यः मैत्रावरुणिः 2,5 छन्दः बृहती 1, अनुष्टुप् 2-4, त्रिष्टु	प् 5, देवता इन्द्रः
न नूनमस्ति नो श्वः कस्तद्वेद यदद्धेतम्। अन्यस्ये चित्तम्भि संचरेण्येमुताधीतं वि	
किं ने इन्द्र जिघांसिस भ्रातेरो मुरुतुस्तर्व। तेभिः कल्पस्व साधुया मा नेः स्	<u>ग</u> मरेणे वधीः ॥ 2 ॥
किं नो भ्रातरगस्त्य सखा सन्नित मन्यसे । विद्या हि ते यथा मनोऽस्मभ्यमि	
अरं कृण्वन्तु वेद्रिं सम्प्रिमिन्धतां पुरः । तत्रामृतस्य चेतेनं युज्ञं ते तनवा	वहै ॥ 4 ॥
त्वमीशिषे वसुपते वसूनां त्वं मित्राणां मित्रपते धेष्ठः	
इन्द्र त्वं मुरुद्धिः सं वेदुस्वाध् प्राशीन ऋतुथा हुर्वीषि	5
(6) 171	(म.1, अनु.23)
ऋषिः अगस्त्यः मैत्रावरुणिः छन्दः त्रिष्टुप् देवता मरुतः 1-2,	मरुत्वान् इन्द्रः 3-6
प्रति व एना नर्मसाहमीमि सूक्तेन भिक्षे सुमृतिं तुराणीम्	
रुराणती मरुतो वेद्याभिर्नि हेळो धृत्त वि मुचध्वमश्वीन्	1
पुष वुः स्तोमो मरुतो नर्मस्वान्हुदा तुष्टो मनसा धायि देवाः	
 उपेमा योत् मनेसा जुषाणा यूयं हि ष्ठा नमेस् इद्वृधासः	2
<u>उ</u> - <u>-</u> स्तुतासो नो मुरुतो मृळयन्तूत स्तुतो मुघवा शंभीवष्टः	
ऊर्ध्वा नेः सन्तु कोम्या वनान्यहानि विश्वा मरुतो जिगीषा	3
-	1
युष्मभ्यं हृव्या निशितान्यासुन्तान्यारे चेकृमा मृळता नः	4
येन मानसिश्चितयेन्त उस्रा व्युष्टिषु शर्वसा शश्वेतीनाम्	1
स नो मुरुद्धिर्वृषभ् श्रवो धा उुग्र उुग्रेभिः स्थविरः सहोदाः	5
त्वं पोहीन्द्र सहीयसो नृन्भवो मुरुद्धिरवयातहेळाः	
सुप्रकेतेभिः सास्रहिर्दधीनो विद्यामेषं वृजनं जीरदीनुम्	6
-	
(3) 172	(म.1, अनु.23)
ऋषिः अगस्त्यः मैत्रावरुणिः छन्दः गायत्री	देवता मरुतः
चित्रो वोऽस्तु यामश्चित्र ऊती सुदानवः । मरुतो अहिभानवः	1
आरे सा वेः सुदानवो मर्रुत ऋञ्जती शर्रुः । आरे अश्मा यमस्येथ	2
नृणस्कुन्दस्य नु विशः परि वृङ्क सुदानवः । ऊर्ध्वान्नः कर्त जीवसे	3
<u>.</u>	

(13)	173	(म.1, अनु.23.)
ऋषिः	अगस्त्यः मैत्रावरुणिः छन्दः त्रिष्टुप् 1-3,5-13, विराट्स्थाना 4	देवता इन्द्रः
	गायुत्सामे नभुन्यं१ं यथा वेरचीम् तद्वीवृधानं स्वर्वत्	
	गावो धेनवो बुर्हिष्यदेब्धा आ यत्सुद्मानं दिव्यं विवस्तान्	1
	अर्चुहुषा वृषिभः स्वेदुहव्यैर्मृगो नाश्चो अति यज्जुगुर्यात्	
	प्र मेन्द्रयुर्मनां गूर्त होता भरते मर्यो मिथुना यजेत्रः	2
	नक्षुद्धोता परि सद्मे मिता यन्भरद्गर्भमा श्ररदेः पृथिव्याः	
	क्रन्दुदश्वो नयमानो रुवद्गौरुन्तर्दूतो न रोदेसी चरुद्वाक्	3
	ता कुर्मार्षतरास्मै प्र च्यौत्नानि देवयन्तो भरन्ते	
	जुजोष्दिन्द्रो दुस्मर्वर्चा नासत्येव सुग्म्यो रथेष्ठाः	4
	तमुं ष्टुहीन्द्रं यो ह सत्वा यः शूरों मुघवा यो रंथेष्ठाः	1
	प्रतीचश्चिद्योधीयान्वृषेण्वान्ववृत्रुषश्चित्तमेसो विह्न्ता	5
	प्र यदित्था महिना नृभ्यो अस्त्यरं रोदेसी कुक्ष्ये इं नास्मै	1
	सं विट्य इन्द्रो वृजनं न भूमा भर्ति स्वधावाँ ओप्शर्मिव द्याम्	6
	समत्सुं त्वा शूर स्तामुराणं प्रपृथिन्तमं परितंस्यध्यै	
	सुजोषस इन्द्रं मदे क्षोणीः सूरिं चिद्ये अनुमदेन्ति वाजैः	7
	एवा हि ते शं सर्वना समुद्र आपो यत्ते आसु मदेन्ति देवीः	
	विश्वा ते अनु जोष्या भूद्गौः सूरींश्चिद्यदि धिषा वेषि जनीन्	8
	असम् यथा सुष्खाय एन स्वभिष्टयो नुरां न शंसैः	
	अस्द्यर्था न इन्द्रो वन्दनेष्ठास्तुरो न कर्म नयमान उक्था	9
	विष्पर्धसो नुरां न शंसैर्स्माकासिदिन्द्रो वर्ज्रहस्तः	
	मित्रायुवो न पूर्पतिं सुशिष्टौ मध्यायुव उप शिक्षन्ति युज्ञैः	10
	युज्ञो हि ष्मेन्द्रं कश्चिद्दन्थञ्जुहुराणश्चिन्मनसा परियन्	
	तीर्थे नाच्छी तातृषाणमोको दीर्घो न सिध्रमा कृणोत्यध्वी	11
	मो षू ण इन्द्रात्रं पृत्सु देवैरस्ति हि ष्मां ते शुष्मिन्नवयाः	1
	मुहश्चिद्यस्य मीळहुषो युव्या हुविष्मतो मुरुतो वन्दते गीः	12
	एष स्तोमं इन्द्र तुभ्यंमुस्मे एतेनं गातुं हरिवो विदो नः	I
	आ नो ववृत्याः सुवितायं देव विद्यामेषं वृजनं जीरदानुम्	13

ऋषिः अगस	त्यः मैत्रावरुणिः छन्दः त्रिष्टुप्		देवता इन्द्रः
त्व	i राजेन्द्र ये चे <u>दे</u> वा रक्षा नॄन् <u>पा</u> ह्यसुर त्वम्स्मान्		1
	ं सत्पतिर्म्घवा नुस्तरुत्रुस्त्वं सुत्यो वसवानः सहोदाः	1	1
दन्	नो विश इन्द्र मृध्रवाचः सप्त यत्पुरः शर्म शारदीर्दर्त्		1
<u>ऋ</u>	णोर्पो अनव्द्यार्णा यूने वृत्रं पुरुकुत्साय रन्धीः	2	2
अ	जा वृत्ते इन्द्र शूरेपत्नीर्द्यां च येभिः पुरुहूत नूनम्		
रक्ष	त्तो अग्निमशुष्ं तूर्वीयाणं सिंहो न दमे अपांसि वस्तोः	3	3
शे	षुत्रु त ईन्द्र सस्मिन्योनौ प्रशस्तये पवीरवस्य मुह्ना		
सृ	जदर्णांस्यव यद्युधा गास्तिष्टद्धरी धृष्ता मृष्ट वार्जान्	4	4
ব্	ह कुत्सिमिन्द्र यस्मिञ्चाकन्त्स्यूमन्यू ऋज्रा वात्स्याश्वी		
प्र	सूर्रश्चकं वृहताद्भीकेऽभि स्पृधो यासिष्द्वज्रबाहुः	4	5
<u> </u>	घुन्वाँ ईन्द्र मित्रेरूञ्चोदप्रवृद्धो हरिवो अदर्शान्		
प्र	ये पश्येन्नर्यमणुं सचायोस्त्वया शूर्ता वहमाना अपत्यम्	(6
र्ष	त्किविरिन्द्रार्कसाताै क्षां दासायोपुबर्हणीं कः		
क	रित्तिस्रो मुघवा दानुचित्रा नि दुर्योणे कुर्यवाचं मृधि श्रेत्	1	7
स	ना ता ते इन्द्र नव्या आगुः सहो नभोऽविरणाय पूर्वीः		
भि	नित्पुरो न भिदो अदेवीर्नुनम्ो वध्रदेवस्य पीयोः	8	8
त्व	i धुनिरिन्द्र धुनिमतीर्ऋण <u>ोर</u> पः सीरा न स्रवेन्तीः		
प्र	यत्समुद्रमित शूर पर्षि पारयो तुर्वश्ं यदुं स्वस्ति	9	9
त्व	ामुस्माकेमिन्द्र विश्वर्ध स्या अवृकर्तमो नुरां नृपाता		
स	नो विश्वासां स्पृधां संहोदा विद्यामेषं वृजनं जीरदीनुम्	10	0
(6)	175		(म.1, अनु.23)
ऋषिः अगर	त्यः मैत्रावरुणिः छन्दः स्कन्धोग्रीवी बृहती 1, अनुष्टुप् 2-5, त्रिष्टुप्	6	देवता इन्द्रः
मत्स्यपीय	ते महः पात्रस्येव हरिवो मत्सरो मर्दः । वृषां ते वृष्ण् इन्दुर्वाजी	संहन	ष्ट्रसातमः∥ 1 ∥
आ नेस्ते ग	न्तु मत्सरो वृषा मद्रो वरेण्यः । सुहावाँ इन्द्र सानुसिः पृतनुाषाळ	मंत्य	र्भः ॥ 2 ॥
→ ← →	سائل المائل الما	70	

मत्स्यपिय ते महः पात्रस्थेव हरिवो मत्स्रो मदः । वृषा ते वृष्ण् इन्दुर्वाजी सहस्र्सातमः॥ 1 ॥ आ नस्ते गन्तु मत्स्रो वृष्ण् मद्रो वरेण्यः । स्हावाँ इन्द्र सान्तिः पृतन्गषाळमर्त्यः ॥ 2 ॥ त्वं हि शूरः सनिता चोदयो मनुषो रथम् । सहावान्दस्युमव्रतमोषः पात्रं न शोचिषां ॥ 3 ॥ मुष्यय सूर्यं कवे चक्रमीशान् ओजसा । वह शुष्णाय वृधं कृत्सं वात्स्याश्वैः ॥ 4 ॥ शुष्मिन्तमो हि ते मदो द्युम्निन्तम उत क्रतुः । वृत्र्घ्ना विरवोविदां मंसीष्ठा अश्वसातमः ॥ 5 ॥

```
यथा पूर्वेभ्यो जिर्तुभ्य इन्द्र मयड्वापो न तृष्यते बुभूर्थ
तामनुं त्वा निविदं जोहवीमि विद्यामेषं वृजनं जीरदीनुम्
                                                                                           | 6 |
(6)
                                                                                  (म.1, अनु.23)
 ऋषिः अगस्त्यः मैत्रावरुणिः
                                   छन्दः अनुष्टुप् 1-5, त्रिष्टुप् 6
                                                                                     देवता इन्द्रः
मित्से नो वस्यइष्टयु इन्द्रिमिन्द्रो वृषा विश
                                              । ऋघायमाण इन्वसि शत्रुमन्ति न विन्दसि ॥ 1 ॥
                                              । अनुं स्वधा यमुप्यते यवं न चकृषद्धूषां
तस्मित्रा वेशया गिरो य एकेश्चर्षणीनाम्
                                              । स्पाशयस्व यो अस्मध्रुग्दिव्येवाशनिर्जहि
यस्य विश्वानि हस्तयोः पञ्च क्षितीनां वसु
                                                                                           || 3 ||
असुन्वन्तं समं जिह दूणाशुं यो न ते मर्यः
                                             । अस्मभ्यमस्य वेदेनं दुद्धि सूरिश्चिदोहते
आवो यस्य द्विबर्हसोऽर्केषु सानुषगसंत्
                                              । आजाविन्द्रस्येन्द्रो प्रावो वाजेषु वाजिनम् ॥ 5 ॥
यथा पूर्वेभ्यो जिर्तृभ्ये इन्द्र मर्यङ्वापो न तृष्येते बुभूर्थ
तामनुं त्वा निवदं जोहवीमि विद्यामेषं वृजनं जीरदीनुम्
                                                                                           | 6 |
                                              177
(5)
                                                                                   (म.1, अनु.23)
 ऋषिः अगस्त्यः मैत्रावरुणिः
                                                                                     देवता इन्द्रः
                                           छन्दः त्रिष्टुप्
         आ चेषिणिप्रा वृष्भो जनीनां राजी कृष्टीनां पुरुहूत इन्द्रीः
         स्तुतः श्रेवस्यन्नवसोपं मुद्रिग्युक्त्वा हर्रो वृष्णा याह्यवाङ्
                                                                                \parallel \mathbf{1} \parallel
         ये ते वृषेणो वृष्भासं इन्द्र ब्रह्मयुजो वृषेरथासो अत्याः
         ताँ आ तिष्ठ तेभिरा योह्यर्वाङ् हर्वामहे त्वा सुत ईन्द्र सोमें
                                                                                | 2 |
         आ तिष्ठु रथं वृषेणं वृषो ते सुतः सोमः परिषिक्ता मधूनि
         युक्त्वा वृषेभ्यां वृषभ क्षितीनां हरिभ्यां याहि प्रवतोपं मुद्रिक्
                                                                                | 3 |
         अयं युज्ञो देवया अयं मियेधे इमा ब्रह्माण्ययमिन्द्र सोमीः
         स्तीर्णं बहिरा तु शिक्र प्र योहि पिबो निषद्य वि मुचा हरी इह
                                                                                || 4 ||
         ओ सुष्टुंत इन्द्र याह्यर्वाङुप् ब्रह्मणि मान्यस्य कारोः
         विद्याम् वस्तोरवेसा गृणन्तो विद्यामेषं वृजनं जीरदीनुम्
                                                                                | 5 |
                                              178
(5)
                                                                                  (म.1, अनु.23)
 ऋषिः अगस्त्यः मैत्रावरुणिः
                                           छन्दः त्रिष्टुप्
                                                                                     देवता इन्द्रः
         यद्ध स्या तं इन्द्र श्रुष्टिरस्ति ययां बुभूथं जिर्तिभ्यं ऊती
         मा नुः कामं महयेन्तुमा धुग्विश्वो ते अश्यां पर्यापे आयोः
                                                                                11
         न घा राजेन्द्र आ देभन्नो या नु स्वसारा कृणवेन्त् योनौ
         आपिश्चिदस्मै सुतुको अवेषुनामेन्न इन्द्रीः सुख्या वर्यश्च
                                                                                | 2 |
         जेता नृभिरिन्द्रः पृत्सु शूरः श्रोता हवं नाधमानस्य कारोः
         प्रभंतां रथं दाशुषं उपाक उद्यन्ता गिरो यदि च त्मना भूत्
                                                                                | 3 |
         एवा नृभिरिन्द्रीः सुश्रवस्या प्रखादः पृक्षो अभि मित्रिणो भूत्
         समर्य इषः स्तवते विवाचि सत्राकरो यजमानस्य शंसीः
                                                                                || 4 ||
```

(6) স্কৃषি: ব	त्वया व्यं मेघवन्निन्द्र शत्रूनिभ ष्याम महतो मन्यमानान् त्वं त्राता त्वमु नो वृधे भूर्विद्यामेषं वृजनं जीरदीनुम् 179 छोपामुद्रा 1-2, अगस्त्यः मैत्रावरुणिः 3-4, अगस्त्यान्तेवासी 5-6 ह	 5 (म.1, अनु.23) छन्दः त्रिष्टुप् 1-4,6, बृहती 5
	पूर्वीरहं शरदः शश्रमाणा दोषा वस्तोरुषसो जरयन्तीः	
	मिनाति श्रियं जरिमा तनूनामप्यू नु पत्नीर्वृषंणो जगम्युः	1
	ये चिद्धि पूर्व ऋतसाप आसन्त्साकं देवेभिरवदत्रृतानि	
	ते चिदवासुर्नुह्यन्तमापुः समू नु पत्नीर्वृषिभिर्जगम्युः	2
	न मृषो श्रान्तं यदवन्ति देवा विश्वा इत्स्पृधो अभ्येश्नवाव	
	जयावेदत्रे शतनीथमाजिं यत्सम्यञ्ची मिथुनावभ्यजीव	3
	न्दस्य मा रुधतः काम् आगित्रृत आजीतो अमुतः कुर्तिश्चत	·
	लोपीमुद्रा वृषेणुं नी रिणाति धीरमधीरा धयति श्वसन्तेम् इमं नु सोमुमन्तितो हृत्सु पीतमुपे ब्रुवे	4
	र्म नु साम्मान्तता हृत्सु पातमुप श्रुव यत्सीमार्गश्चकृमा तत्सु मृळतु पुलुकाम्नो हि मर्त्यीः	5
	अगस्त्यः खनेमानः खुनित्रैः प्रजामपेत्यं बर्लम्च्छमीनः	3
	उभौ वर्णावृषिरुग्रः पुंपोष सुत्या देवेष्वाशिषो जगाम	6
(10)	180	(म.1, अनु.24)
	अगस्त्यः मैत्रावरुणिः छन्दः त्रिष्टुप्	देवता अश्विनौ
	युवो रजांसि सुयमसोो अश्वा रथो यद्वां पर्यणांसि दीयंत्	
		1
	हैर्ण्यया वां प्वयाः प्रुषायन्मध्वाः पिबन्ता उषसाः सचेथे	 1
	हुँरुण्यया वां प्वयाः प्रुषायन्मध्वाः पिबन्ता उषसाः सचेथे युवमत्यस्यावे नक्षथो यद्विपत्मनो नर्यस्य प्रयज्योः	I
	हिर्ण्यया वां प्वयाः प्रुषायन्मध्वाः पिबन्ता उषसाः सचेथे युवमत्यस्यावे नक्षथो यद्विपत्मनो नयीस्य प्रयेज्योः स्वसा यद्वां विश्वगूर्ती भरति वाजायेट्टी मधुपाविषे चे	1 1 2
	हिर्ण्ययो वां प्वयाः प्रुषायन्मध्वाः पिबन्ता उषसाः सचेथे युवमत्यस्यावे नक्षथो यद्विपत्मनो नयीस्य प्रयेज्योः स्वसा यद्वां विश्वगूर्ती भरति वाजायेष्टे मधुपाविषे चे युवं पर्य उस्त्रयोयामधत्तं पक्षमामायामव पूर्व्यं गोः	2 2
	हिर्ण्ययां वां प्वयाः प्रुषायन्मध्वाः पिबन्ता उषसः सचेथे युवमत्यस्यावं नक्षथो यद्विपत्मनो नर्यस्य प्रयंज्योः स्वसा यद्वां विश्वगूर्ती भरति वाजायेष्टे मधुपाविषे चं युवं पयं उस्त्रियायामधत्तं प्रक्रमामायामव पूर्व्यं गोः अन्तर्यद्विननों वामृतप्सू ह्वारो न शुचि्र्यंजते हिविष्मान्	I
	हिर्ण्ययां वां प्वयाः प्रुषायन्मध्वः पिबन्ता उषसः सचेथे युवमत्यस्यावं नक्षथो यद्विपत्मनो नर्यस्य प्रयंज्योः स्वसा यद्वां विश्वगूर्ती भरति वाजायेष्टे मधुपाविषे चं युवं पयं उस्त्रियायामधत्तं प्रक्रमामायामव पूर्व्यं गोः अन्तर्यद्विननों वामृतप्सू ह्वारो न शुचि्र्यंजते ह्विष्मान् युवं हं ध्रमं मधुमन्तमत्रयेऽपो न क्षोदोऽवृणीतमेषे	2 3
	हिर्ण्यया वां प्वयाः प्रुषायन्मध्वः पिबन्ता उषसः सचेथे युवमत्यस्यावं नक्षथो यद्विपत्मनो नर्यस्य प्रयंज्योः स्वसा यद्वां विश्वगूर्ती भरति वाजायेष्ट्रे मधुपाविषे चं युवं पयं उस्त्रियायामधत्तं प्रक्रमामायामव पूर्व्यं गोः अन्तर्यद्विननो वामृतप्सू ह्वारो न शुचिर्यजते ह्विष्मान् युवं हं ध्रमं मधुमन्तमत्रयेऽपो न क्षोदोऽवृणीतमेषे तद्वां नराविश्वना पश्चेइष्टी रथ्येव चक्रा प्रति यन्ति मध्वः	 2
	हिर्ण्यया वां प्वयाः प्रषायन्मध्वः पिबन्ता उषसः सचेथे युवमत्यस्यावं नक्षथो यद्विपत्मनो नर्यस्य प्रयंज्योः स्वसा यद्वां विश्वगूर्ती भरति वाजायेट्टे मधुपाविषे चं युवं पयं उस्त्रियायामधत्तं प्रक्रमामायामव पूर्व्यं गोः अन्तर्यद्विननो वामृतप्सू ह्वारो न शुचि्र्यजेते ह्विष्मान् युवं हे धुर्मं मधुमन्त्मत्रयेंऽपो न क्षोदोऽवृणीतमेषे तद्वां नरावश्विना पश्चेइष्टी रथ्येव चुक्रा प्रति यन्ति मध्वः आ वां दानायं ववृतीय दस्रा गोरोहेण तौग्र्यो न जिव्निः	2 3
	हिर्ण्यया वां प्वयाः प्रषायन्मध्वः पिबन्ता उषसः सचेथे युवमत्यस्यावं नक्षथो यद्विपत्मनो नर्यस्य प्रयंज्योः स्वसा यद्वां विश्वगूर्ती भरति वाजायेष्टे मधुपाविषे चं युवं पयं उस्त्रियायामधत्तं प्रक्रमामायामव पूर्व्यं गोः अन्तर्यद्वनिनो वामृतप्सू ह्वारो न शुचिर्यजेते ह्विष्मान् युवं हे धुर्मं मधुमन्त्मत्रयेऽपो न क्षोदोऽवृणीतमेषे तद्वां नराविश्वना पश्चेइष्टी रथ्येव चुक्रा प्रति यन्ति मध्वः आ वां दानायं ववृतीय दस्रा गोरोहेण तौग्र्यो न जिब्निः अपः क्षोणी संचते माहिना वां जूर्णो वामक्षुरंहेसो यजत्रा	2 3 4
	हिर्ण्यया वां प्वयाः प्रषायन्मध्वः पिबन्ता उषसः सचेथे युवमत्यस्यावं नक्षथो यद्विपत्मनो नर्यस्य प्रयंज्योः स्वसा यद्वां विश्वगूर्ती भरति वाजायेट्टे मधुपाविषे चं युवं पयं उस्त्रियायामधत्तं प्रक्रमामायामव पूर्व्यं गोः अन्तर्यद्विननो वामृतप्सू ह्वारो न शुचि्र्यजेते ह्विष्मान् युवं हे धुर्मं मधुमन्त्मत्रयेंऽपो न क्षोदोऽवृणीतमेषे तद्वां नरावश्विना पश्चेइष्टी रथ्येव चुक्रा प्रति यन्ति मध्वः आ वां दानायं ववृतीय दस्रा गोरोहेण तौग्र्यो न जिव्निः	2 3 4
	हिर्ण्ययां वां प्वयाः प्रषायन्मध्वः पिबन्ता उषसः सचेथे युवमत्यस्यावं नक्षथो यद्विपत्मनो नर्यस्य प्रयंज्योः स्वसा यद्वां विश्वगूर्ती भरति वाजायेष्टे मधुपाविषे चं युवं पयं उस्त्रियायामधत्तं प्रक्रमामायामव पूर्व्यं गोः अन्तर्यद्वनिनो वामृतप्सू ह्वारो न शुच्चिर्यजते ह्विष्मान् युवं हे धुर्मं मधुमन्तमत्रयेऽपो न क्षोदोऽवृणीतमेषे तद्वां नराविश्वना पश्चेइष्टी रथ्येव चुक्रा प्रति यन्ति मध्वः आ वां दानायं ववृतीय दस्रा गोरोहेण तौग्र्यो न जिब्निः अपः क्षोणी सचते माहिना वां जूर्णो वामक्षुरंहेसो यजत्रा नि यद्युवेथे नियुतः सुदान् उपं स्वधािभः सृजथः पुरंधिम्	2 3 4 5 6
	हिर्ण्ययो वां प्वयाः प्रुषायन्मध्वः पिबेन्ता उषसः सचेथे युवमत्यस्यावं नक्षथो यिद्वपत्मनो नर्यस्य प्रयंज्योः स्वसा यद्वां विश्वगूर्ती भरति वाजायेष्ट्रे मधुपाविषे चं युवं पर्य उस्त्रियायामधत्तं प्रक्रमामायामव पूर्व्यं गोः अन्तर्यद्विननो वामृतप्सू ह्वारो न शुच्चिर्यजेते ह्विष्मान् युवं हे ध्रमं मधुमन्तमत्रयेऽपो न क्षोदोऽवृणीतमेषे तद्वां नराविश्वना पश्चेइष्टी रथ्येव चक्रा प्रति यन्ति मध्वः आ वां दानायं ववृतीय दस्रा गोरोहेण तौग्र्यो न जिब्निः अपः क्षोणी संचते माहिना वां जूर्णो वामक्षुरंहेसो यजत्रा नि यद्युवेथे नियुतः सुदान् उपं स्वधािभः सृजथः पुरंधिम् प्रेषद्वेषद्वातो न सूरिरा महे देदे सुब्रतो न वाजम्	2 3 4 5 6
	हिर्ण्यया वां प्वयाः प्रषायन्मध्वः पिबन्ता उषसः सचेथे युवमत्यस्यावं नक्षथो यद्विपत्मनो नयिस्य प्रयंज्योः स्वसा यद्वां विश्वगूर्ती भरति वाजायेष्ट्रे मधुपाविषे चं युवं पयं उस्त्रियायामधत्तं प्रक्रमामायामव पूर्व्यं गोः अन्तर्यद्वनिनों वामृतप्सू ह्वारो न शुच्चिर्यजते ह्विष्मान् युवं हं धर्मं मधुमन्त्मत्रयेऽपो न क्षोदोऽवृणीतमेषे तद्वां नराविश्वना पश्चेइष्टी रथ्येव चक्रा प्रति यन्ति मध्वः आ वां दानायं ववृतीय दस्रा गोरोहेण तौग्र्यो न जिब्निः अपः क्षोणी संचते माहिना वां जूर्णो वामक्षुरंहेसो यजत्रा नि यद्युवेथे नियुतः सुदानू उपं स्वधाभिः सृजथः पुरंधिम् प्रेषद्वेषद्वातो न सूरिरा महे देदे सुब्रतो न वार्जम् वयं चिद्धि वां जिर्तारः सत्या विपन्यामेहे वि प्णिहितावान	2 3 4 5 6

	अगस्त्यो नुरां नृषु प्रशस्तः कारोधुनीव चितयत्सः	हस्रै:	8	
	प्र यद्वहे ¹ थे म <u>हि</u> ना रथेस्य प्र स्येन्द्रा याथो मर्नुषो न	। होत ा		1
	धृत्तं सूरिभ्यं उत वा स्वश्युं नासत्या रियुषाचीः स	याम	9	
	तं वां रथं वयम्द्या हुवेम् स्तोमैरश्विना सुविताय	नव्यम्		1
	अरिष्टनेमिं परि द्यामियानं विद्यामेषं वृजनं जीरदी	नुम्	10	
(9)	181		(I	ग. 1 , अनु. 24)
ऋषिः उ	अगस्त्यः मैत्रावरुणिः छन्दः त्रिष्टुप्		देव	त्रता अश्विनौ
	कदु प्रेष्ठाविषां रेयीणामध्वर्यन्ता यदुन्निनीथो अपाम			
	ञुयं वां युज्ञो अंकृत् प्रशस्तिं वसुधिती अवितार	·	 1	
	आ वामश्वासुः शुचयः पयस्पा वातरंहसो दिव्यास्			I
	मुनोजुवो वृषेणो वीतपृष्टा एह स्वराजो अश्विना र		2	
	आ वां रथोऽविनर्न प्रवत्वनित्स्प्रप्रवन्धुरः सुविताये	•		1
	वृष्णीः स्थातारा मनसो जवीयानहंपूर्वो येजुतो धि	^{ज्र} या यः	3	
	<u>इ</u> हेहे जाता समेवावशीतामरेपसो तुन्वाई नामिभुः			1
	जिष्णुवीमन्यः सुमेखस्य सूरिर्दिवो अन्यः सुभगः	पुत्र ऊंहे	4	
	प्र वां निचे्रः केकुहो वशाँ अनु पि्शङ्गरूपः सर्द	-		1
	हरी अन्यस्य पीपयेन्त् वाजैर्मुश्रा रजांस्यश्विना वि	घोषै:	5	
	प्र वां शरद्वान्वृष्भो न निष्वाट् पूर्वीरिषेश्चरित् मध	र्व <u>इ</u> ष्णन्		1
	एवैरुन्यस्य पीपयन्तु वाजैुर्वेषन्तीरूर्ध्वा नुद्यो नु अ	ार् युः	6	
	असर्जि वृां स्थविरा वेधसा गीर्बाळ्हे अश्विना त्रेध	ग्र क्षरेन्ती		1
	उपस्तुताववतुं नार्धमानुं यामुन्नयोमञ्छूणुतुं हवं मे		7	
	उत स्या वां रुशतो वप्ससो गीस्त्रिबर्हिषि सदीस			I
	वृषां वां मेघो वृषणा पीपाय गोर्न सेके मनुषो दश्	•	8	
	युवां पूषेवाश्विना पुरंधिरुग्निमुषां न जेरते हुविष्मनि	`		
	ु ू - ' - ' - ' - ' - ' - ' - ' - ' - ' -		∥ 9	
(8)	182			 ग.1, अनु. 24)
	अगस्त्यः मैत्रावरुणिः छन्दः जगती 1-5,7, त्रिष्टुप् (5,8		व्रता अश्विनौ
				1
	अभूदिदं वयुनुमो षु भूषता रथो वृषेण्वान्मदेता म		11 4	
	धियंजिन्वा धिष्ण्या विश्पलीवसू दिवो नपीता सुवृ इन्द्रितमा हि धिष्ण्या मुरुत्तमा दुस्ना दंसिष्ठा रुथ्या :	· ·	1	 -
	इन्द्रतम्। हि विषया मुरुत्तमा दुस्रा दासष्ठा रुथ्या न पूर्णं रथं वहेथे मध्व आचितुं तेन दाश्वांसुमुपं याः	_	2	1
	पूर्ण रथ वहय मध्य आचित तन दाश्वासमुप या किमत्र दस्रा कृणु <u>थः</u> किमासाथे जनो यः कश्चिदह		<i>Z</i>	II
	ायम्पत्र प्रसा पृष्युप् ।यम्मासाय णग् यः काञ्चप्र	๚ ฯ ըเฯ(เ		l

	आत क्रामष्ट जुरत पुणरसु ज्याति।वप्राय कृणुत वच्स्यव	3
	जम्भयतम्भितो रायतः शुनो हृतं मृधो विदथुस्तान्यश्विना	
	वाचंवाचं जरितू रित्निनीं कृतमुभा शंसं नासत्यावतं मर्म	4
	युवमेतं चेक्रथुः सिन्धुेषु प्लवमीत्मन्वन्तं पक्षिणं तौग्र्याय कम्	
	येने देव्त्रा मनेसा निरूहथुः सुपप्तनी पेतथुः क्षोदेसो मृहः	5
	अवेविद्वं तौग्र्यमुप्स्वर्ंन्तरंनारम्भुणे तमेसि प्रविद्धम्	
	चर्तस्रो नावो जठेलस्य जुष्टा उद्धिभ्यामिषिताः परियन्ति	6
	कः स्विद्वृक्षो निष्ठितो मध्ये अणीसो यं तौग्र्यो नीधितः पूर्यषस्वजत्	
	पुर्णा मृगस्ये पुतरोरिवारभ् उदेश्विना ऊहथुः श्रोमेताय कम्	7
	तद्वां नरा नासत्यावनुं ष्याद्यद्वां मानांस उचथमवोचन्	
	अस्मादद्य सर्दसः सोम्यादा विद्यामेषं वृजनं जीरदोनुम्	8
(6)	183	(म.1, अनु.24)
ऋषिः ३	गस्त्यः मैत्रावरुणिः छन्दः त्रिष्टुप्	देवता अश्विनौ

علاء مناسخ عبين سابين عبالكالمسان مسخ معيينا

तं युंञाथां मनसो यो जवीयान् त्रिवन्धुरो वृषणा यस्त्रिच्क्रः येनो पयाथः सुकृतो दुरोणं त्रिधातुना पतथो विर्न पुर्णेः $\parallel \mathbf{1} \parallel$ सुवृद्रथों वर्तते यन्नभि क्षां यत्तिष्ठेथः क्रतुम्नतानुं पृक्षे वर्पुर्वपुष्या संचताम्यं गीर्द्वो दुहिन्नोषसा सचेथे | 2 | आ तिष्ठतं सुवृतं यो रथो वामनु व्रतानि वर्तते ह्विष्मान् येने नरा नासत्येष्यध्यै वृर्तिर्याथस्तनयाय त्मने च || 3 || मा वां वृकाे मा वृकीरा देधर्षीन्मा परि वक्तमुत माति धक्तम् अयं वां भागो निहित इयं गीर्दस्रविमे वां निधयो मधूनाम् | 4 | युवां गोतमः पुरुमीळहो अत्रिर्दस्रा हवतेऽवसे ह्विष्मान् दिशुं न दिष्टामृज्येव यन्ता मे हवं नासृत्योप यातम् | 5 | अतौरिष्म् तमेसस्पारम्स्य प्रति वृां स्तोमो अश्विनावधायि एह यति पृथिभिर्देवयानैर्विद्यामेषं वृजनं जीरदीनुम् | 6 | । इति द्वितीयाष्टके चतुर्थोऽध्यायः समाप्तः ।

(पञ्चमोऽध्यायः ॥ वर्गाः 1-29)

(6)		184	(म.1, अनु.24)
ऋषिः	अगस्त्यः मैत्रावरुणिः	छन्दः त्रिष्टुप्	देवता अश्विनौ
	ता वामुद्य तार्वपुरं हुवे	मोच्छन्त्योमुषस्यि वह्निरुक्थैः	1
	नासत्या कुहं चित्सन्ता	वयों दिवो नपीता सुदास्तराय	1
		दयेथामुत्पुणीहीतमूर्म्या मदेन्ता	
	=	नीनामेष्ट्री नरा निचेतारा च कर्णैः	2
	o, <u>o</u> -	ा नासत्या वहृतुं सूर्यायाः	
	-	प्सु जाता युगा जूर्णेव वर्रणस्य भूरेः	3
		्रातिरस्तु स्तोमं हिनोतं मान्यस्य कारोः	
		ानू सुवीर्याय चर्षणयो मदेन्ति 	4
		ावकारि मानेभिर्मघवाना सुवृक्ति ने चागस्त्ये नासत्या मदेन्ता	5
		त्य प्रति वां स्तोमो अश्विनावधायि	5
		भैर्विद्यामेषं वृजनं जीरदीनुम्	6
(11)	20 mm 70 m 1 d 7 m	185	(म.1, अनु.24)
	अगस्त्यः मैत्रावरुणिः	छन्दः त्रिष्टुप्	देवता द्यावापृथिव्यौ
	कत्म प्रती कत्मपीगर	योः कुथा जाते केवयुः को वि वेद	ı
	3	द्ध नाम् वि वर्तेते अहेनी चुक्रियेव	1
		च् <u>र</u> सार् स्वास्ति विश्वाते । तं पुद्वन्तुं गर्भमृपदी दधाते	
	-,	थे द्यावा रक्षतं पृथिवी नो अभ्वति	2
	_	रूट्ट	
		च चावा रक्षतं पृथिवी नो अभ्वात्	3
		पी अर्नु ष्याम् रोदेसी देवपुत्रे	
	उभे देवानांमुभयेभिरहृां	ं द्यावा रक्षतं पृथिवी नो अभ्वति	4
	संगच्छीमाने युवती सम	न्ति स्वसारा जामी पित्रोरुपस्थे	I
	अभिजिघ्नेन्ती भुवेनस्य	नाभुं द्यावा रक्षतं पृथिवी नो अभ्वति	5
		तेने हुवे देवानामवसा जिनत्री	l
	-	कि द्यावा रक्षतं पृथिवी नो अभ्वति	6
	w 0 1 7 7 1		1
		न्ते उपे ब्रुवे नर्मसा यज्ञे अस्मिन् र्गी द्यावा रक्षतं पृथिवी नो अभ्वति	

ऋषिः ३	गस्त्यः मैत्रावरुणिः छन्दः त्रिष्टुप्	देवता विश्वे देवाः
(11)	186	(म.1, अनु.24)
	भूतं देवानामवमे अवौभिर्विद्यामेषं वृजनं जीरदीनुम्	11
	इदं द्यावापृथिवी सत्यमस्तु पितुर्मातुर्यदिहोपेब्रुवे वाम्	1
	पातामेवद्याद्वेरितादभीके पिता माता चे रक्षतामवोभिः	10
	ऋतं दिवे तदेवोचं पृथिव्या अभिश्रावायं प्रथमं सुमेधाः	l
	भूरि चिदुर्यः सुदस्तरायेषा मदन्त इषयेम देवाः	9
	उभा शंसा नर्या मामीवष्टामुभे मामूती अवसा सचेताम्	1
	इयं धीभीया अवयानमेषां द्यावा रक्षतं पृथिवी नो अभ्वति	8
	देवान्वा यच्चकृमा कच्चिदागुः सखयिं वा सदमिज्ञास्पतिं वा	

आ न् इळाभिर्विदथे सुश्रास्ति विश्वानेरः सविता देव एतु अपि यथा युवानो मत्स्रीया नो विश्वं जगैदभिपित्वे मेनीषा \parallel 1 \parallel आ नो विश्व आस्क्रा गमन्तु देवा मित्रो अर्यमा वर्रुणः सुजोषाः भुवन्यथा नो विश्वे वृधासः करेन्त्सुषाहा विथुरं न शर्वः | 2 | प्रेष्ठं वो अतिथिं गृणीषेऽग्निं श्रस्तिभिस्तुर्वणिः स्जोषाः असुद्यथा नो वर्रणः सुकीर्तिरिषेश्च पर्षदरिगूर्तः सूरिः | 3 | उप व एषे नर्मसा जिगीषोषासानक्ता सुदुधीव धेनुः समाने अहेन्विमिमानो अर्कं विषुरूपे पर्यसि सस्मिन्नूर्धन् || 4 || उत नोऽहिर्बुध्योेेे मयेस्कः शिशुं न पिप्युषीव वेति सिन्धुः येन् नपतिम्पां जुनामं मन्रोजुव्रो वृषेण्रो यं वहन्ति | 5 | उत ने ईं त्वष्टा गुन्त्वच्छा स्मत्सूरिभिरिभपित्वे सुजोषीः आ वृत्रहेन्द्रेश्चर्षणिप्रास्तुविष्टमो नुरां ने इह गेम्याः | 6 | उत ने ईं मृतयोऽश्वेयोगाः शिशुं न गावस्तर्रुणं रिहन्ति तमीं गिरो जनयो न पत्नीः सुर्भिष्टमं नुरां नेसन्त | 7 | उत ने ई मुरुतो वृद्धसेनाः स्मद्रोदेसी समेनसः सदन्तु पृषदश्वसोऽवनयो न रथा रिशादसो मित्रयुजो न देवाः $\parallel \mathbf{8} \parallel$ प्र नु यदेषां महिना चिकित्रे प्र युञ्जते प्रयुज्सते सुवृक्ति अध् यदेषां सुदिने न शरुर्विश्वमेरिणं प्रुषायन्त सेनाः || 9 || प्रो अश्विनाववंसे कृणुध्वं प्र पूषणं स्वतंवसो हि सन्ति अह्वेषो विष्णुर्वाते ऋभुक्षा अच्छी सुम्नाये ववृतीय देवान् **| 10 |**| इ्यं सा वो अस्मे दीधितिर्यजत्रा अपिप्राणी च सदेनी च भूयाः

187 (11) (म.1, अनु.24)

\sim	<i>*</i> C	۲0 .	^	`
ऋषिः	अगस्त्यः मंत्रावर्राणः	छन्दः अनष्टबाभाष्मिक 1	, गायत्री 2,4,8-10,अनुष्टुप् 3,5-7,	11 दवता अत्र ।
-101 1+	21 177 11 1211 171 11	~ 1, sigg i iii i ti 1 , 1 ,		TT A SIVIL A 141

पितुं नु स्तोषं महो धर्माणुं तर्विषीम्	। यस्यं त्रितो व्योजेसा वृत्रं विपर्वमुर्दयंत्	1 1
स्वादों पितो मधों पितो वयं त्वां ववृमहे	। अस्माकमिव्ता भेव	2
उप नः पित्वा चेर शिवः शिवाभिरूतिभिः	। मुयोभुरिद्विषेण्यः सर्खा सुशेवो अद्वयाः	3
तव त्ये पितो रसा रजांस्यनु विष्ठिताः	। द्विवि वार्ताइव श्रिताः	4
तव त्ये पितो दर्दतस्तवं स्वादिष्ट ते पितो	। प्र स्वाद्मानो रसोनां तुविग्रीवोइवेरते	5
त्वे पितो मुहानां देवानां मनो हितम्	। अकारि चार्र केतुना तवाहिमवसावधीत्	6
यदुदो पिताे अजेगन्विवस्व पर्वतानाम्	। अत्रो चिन्नो मधो पितोऽरं भृक्षाये गम्याः	7
यदुपामोषेधीनां परिंशमीरिशामेहे	। वार्तापे पीव इद्भेव	8
यत्ते सोम् गर्वाशिरो यर्वाशिरो भर्जामहे	। वातपेे पीव इद्भेव	9
क्रम्भ ओषधे भव पीवो वृक्क उंदार्थिः	। वातपेे पीव इद्भेव	10
तं त्वा वयं पितो वचोभिर्गावो न ह्व्या सुष्	र्युदिम	1
देवेभ्यस्त्वा सधुमार्दम्समभ्यं त्वा सधुमार्दम्		

188 (11) (म.1, अनु.24)

ऋषिः अगस्त्यः मैत्रावरुणिः	छन्दः गायत्री	देवता अग्निः
सिमद्धो अद्य राजिस देवो देवैः सहस्रजित्	। दूतो हुव्या कुविर्वह	1
तनूनपादृतं यते मध्वी युज्ञः समेज्यते	। दर्धत्स <u>ह</u> स्त्रिणीरिषः	2
आजुह्मीनो न् ईड्यो देवाँ आ विक्षि युज्ञियीन	् । अग्ने सहस् <u>र</u> सा असि	3
प्राचीनं बुर्हिरोजेसा सुहस्रवीरमस्तृणन्	। यत्रोदित्या विराजेथ	4
विराट् समािंड्डिभ्वीः प्रभ्वीर्बेह्बीश्च भूयंसीश्च य	ाः । दुरो घृतान्येक्षरन्	5
सुरुक्मे हि सुपेश॒साधि श्रिया विराजेतः	। उषासावेह सीदताम्	6
प्रथमा हि सुवाचेसा होतारा दैव्या कुवी	। युज्ञं नो यक्षतामि॒मम्	7
भारतीळे सरस्विति या वः सर्वा उपब्रुवे	। ता नश्चोदयत श्रिये	8
त्वष्टां रूपाणि हि प्रभुः प्शून्विश्वन्त्समान्जे	। तेषां नः स्फातिमा येज	9
उप त्मन्या वनस्पते पाथो देवेभ्यः सृज	। अग्निर्ह्व्यानि सिष्वदत्	10
पुरोगा अग्निर्देवानां गायत्रेण समज्यते	। स्वाहांकृतीषु रोचते	11

(8) **189** (म.1, अनु. 24)

ऋषिः अगस्त्यः मैत्रावरुणिः छन्दः त्रिष्टुप् अग्ने नयं सुपर्था राये अस्मान्विश्वानि देव वयुनानि विद्वान् युयोध्यर्थस्मज्जीहराणमेनो भूयिष्ठां ते नमेउक्तिं विधेम ॥ 1 अग्ने त्वं परिया नव्यो अस्मान्त्स्वस्तिभिरति दुर्गाणि विश्वा पूर्श्च पृथ्वी बेहुला ने उर्वी भवा तोकाय तनयाय शं योः ॥ 2 अग्ने त्वमस्मद्युयोध्यमीवा अनिग्नित्रा अभ्यमन्त कृष्टीः	देवता अग्निः
युयोध्यर्रस्मज्जुहुराणमेनो भूयिष्ठां ते नर्मउक्तिं विधेम ॥ 1 अग्ने त्वं परिया नव्यो अस्मान्त्स्वस्तिभिरित दुर्गाणि विश्वी पूर्श्व पृथ्वी बेहुला ने उर्वी भर्वा तोकाय तनयाय शं योः ॥ 2 अग्ने त्वमस्मद्ययोध्यमीवा अनिग्नित्रा अभ्यमन्त कृष्टीः	
अग्ने त्वम्स्मद्युयोध्यमीवा अनिग्नित्रा अभ्यमेन्त कृष्टीः	
पुर्नरस्मभ्यं सुवितायं देव क्षां विश्वेभिर्मृतेभिर्यजत्र ॥ 3 पाहि नो अग्ने पायुभिरजस्त्रैरुत प्रिये सर्दन् आ शुशुकान्	
मा ते भयं जीरतारं यविष्ठ नूनं विदन्मापुरं सहस्वः ॥ 4 मा नो अग्नेऽवे सृजो अधायविष्यवे रिपवे दुच्छुनीयै	\
मा दुत्वते दर्शते मादते नो मा रीषेते सहसावन्परी दाः ॥ 5 वि घु त्वावाँ ऋतजात यंसद्गणानो अग्ने तुन्वेई वरूथम्	
विश्वीद्रिरिक्षोरुत वो निनित्सोरेभिहुतामिस हि देव विष्पट् ॥ 6 त्वां ताँ अग्न उभयान्वि विद्वान्वेषि प्रपित्वे मनुषो यजत्र	
अभिपित्वे मर्नवे शास्यो भूर्मर्मुजेन्यं उ्शिग्भिर्नाक्रः ॥ ७ अवोचाम निवर्चनान्यस्मिन्मार्नस्य सुनुः संहसाने अग्नौ	
वयं सहस्रमृषिभिः सनेम विद्यामेषं वृजनं जीरदोनुम् ॥ 8	॥ म.1, अनु. 24)
ऋषिः अगस्त्यः मैत्रावरुणिः छन्दः त्रिष्टुप् दे	वता बृहस्पतिः
अनुर्वाणं वृष्भं मुन्द्रजिह्वं बृहस्पितं वर्धया नव्यमकेंः गाथान्यः सुरुचो यस्य देवा आशृण्वन्ति नवमानस्य मर्ताः ॥ 1 तमृत्विया उप वार्चः सचन्ते सर्गो न यो देवयतामसर्जि	.
गाथान्यः सुरुचो यस्यं देवा आशृण्वन्ति नर्वमानस्य मर्ताः ॥ 1 तमृत्विया उप वार्चः सचन्ते सर्गो न यो देवयतामसर्जि बृहस्पतिः स ह्यञ्जो वरांसि विभ्वाभवत्समृते मतिरिश्वां॥ 2	1
गाथान्यः सुरुचो यस्य देवा आशृण्वन्ति नर्वमानस्य मर्ताः ॥ 1 तमृत्विया उप वाचेः सचन्ते सर्गो न यो देवयतामसर्जि बृहस्पतिः स ह्यञ्जो वरांसि विभ्वाभेवत्समृते मतिरिश्वां ॥ 2 उपस्तुतिं नर्मस उद्यतिं च श्लोकं यंसत्सिवितेव प्र बाहू अस्य क्रत्वोहन्योेर् यो अस्ति मृगो न भीमो अरक्षस्रस्तुविष्मान् ॥ 3	
गाथान्यः सुरुचो यस्य देवा आशृण्वन्ति नर्वमानस्य मर्ताः ॥ 1 तमृत्विया उप वाचेः सचन्ते सर्गो न यो देवयतामसर्जि बृहस्पितिः स ह्यञ्चो वरांसि विभ्वाभेवत्समृते मतिरिश्वां ॥ 2 उपस्तुतिं नर्मस उद्यतिं च श्लोकं यंसत्सिवितेव प्र बाहू अस्य क्रत्वोहन्यों यो अस्ति मृगो न भीमो अरक्षसस्तुविष्मान् ॥ 3 अस्य श्लोको दिवीयते पृथिव्यामत्यो न यंसद्यक्षभृद्विचेताः मृगाणां न हेतयो यन्ति चेमा बृहस्पतेरिहमायाँ अभि द्यून् ॥ 4	

	स विद्वाँ उभयं चष्टे अन्तर्बृहस्प	तिस्तर् आपेश्च गृध्रीः		7			
	एवा महस्तुविजातस्तुविष्मान्बृह						
	स नी स्तुतो वीरविद्धातु गोमिद्धि	_		8			
(16)		191		(म	.1, 3	ानु.	24)
ऋषिः अ		न्दः अनुष्टुप् 1-9,14-16, महापङ्किः 1	0-	12,	महाबृह	इती	13
	दे	वता अप्तृणसूर्याः					
कङ्कतो न	ा कङ्कतोऽथो [।] सत् <u>ती</u> नकेङ्कतः	। द्वाविति प्रुषी इति न्यर्रदष्टी अलि	प्स	त			1
अृदष्टान्ह	न्त्यायृत्यथो [।] हन्ति परायृती	। अथो अवघ्नती हन्त्यथो पिनष्टि	पिंष्	<u>श्</u> ती			2
शुरासुः व्	कुशरासो <u>द</u> र्भासीः सै <u>र्या</u> उत	। मौञ्जा अदृष्टी वैरिणाः सर्वे साकं	, =	येलि	प्सत		3
नि गावो	गोष्ठे अंसद्वित्र मृगासो अविक्षत	। नि केतवो जनीनां न्यर्श्दष्टी अति	रुप्	ग त			4
एत उ त	ये प्रत्यदृश्रन्प्रदोषं तस्कराइव	। अर्दष्टा विश्वेरष्टाः प्रतिबुद्धा अभृ	्तन	T			5
	<u>-</u>	: स्वसा। अद्देष्टा विश्वदृष्टास्तिष्ठतेलय		•	•		6
ये अंस्या		ाः। अद्देष्टाः किं चनेह वः सर्वे साव	कं व	नि	र्जस्यत	Ŧ	7
	उत्पुरस्तात्सूर्यं एति विश्वदृष्टो उ	अद <u>ष्</u> रहा			1		
	अदृष्ट्यान्त्सर्वाञ्चम्भयुन्त्सर्वाश्च य	ातुधान्यः		8			
	उद्पप्तदुसौ सूर्यः पुरु विश्वानि	जूर्वन्			1		
	आदित्यः पर्वतिभ्यो विश्वदेष्टो उ	भद <u>ष्ट</u> हा		9			
	सूर्ये विषमा सेजामि दितं सुरीव	वतो गृहे			1		
	सो चिन्नु न मेराति नो वयं मेर	ामारे अस्य					
	योजनं हरिष्ठा मधुं त्वा मधुला	चेकार		10			
	इयत्तिका श्रीकुन्तिका सका जी	गस ते विषम्			1		
	सो चिन्नु न मेराति नो वयं मेरा	ामारे अस्य					
	योजनं हरिष्ठा मधुं त्वा मधुला	चेकार		11			
	त्रिः सप्त विष्पुलिङ्गुका विषस्य प	पुष्यमक्षन्			1		
	ताश्चिन्नु न मरन्ति नो वयं मराम्	<u>ग</u> ारे अस्य					
	योजनं हरिष्ठा मधु त्वा मधुला	चेकार		1 2			
	नुवानां नेवतीनां विषस्य रोपुषी	णाम्			1		
		नेनं ह <u>रि</u> ष्ठा मधुं त्वा मधुला चेकार		13			
	न् त्रिः सुप्त मेयूर्यः सुप्त स्वसारो अ	<u> </u>			1		
	तास्ते विषं वि जिभ्रर उदुकं कु			14			
	इय्त्वः कुषुम्भकस्त्वं भिनुदा		,,		1		
	7777 3 3 7 6 7 6 1 7 4				'		

ततो विषं प्र वीवृते परचिीरनु संवतः	15
कुषुम्भकस्तदेब्रवीद्विरेः प्रेवर्तमानुकः	1
वृश्चिकस्यार्सं विषमरसं वृश्चिक ते विषम्	16

। इति प्रथमं मण्डलं समाप्तम् ।